

बुद्ध बचन तिपिटक अन्तर्गत
सुत्तपिटक खुद्दकनिकायया भिंस्वंगु ग्रन्थ

अपदान पालि



APADANA PALI
(SECOND VOLUME)

अनुवादक
भिक्षु धर्ममूर्ति

पिकाकः

श्रीमती नानीमैया नकर्मि

श्री मोतिलाल नकर्मि

श्री सरिता नकर्मिधश्री कमला हुमागाँइ नकर्मि

श्री उर्मिला श्रेष्ठ नकर्मि

सकल नकर्मि परिवार, डिल्लीबजार, मैतीदेवी चोक, काठमाडौं

फोन : ५४१६७२२

बुद्ध सम्बत : २५६८

नेपाल सम्बत : ११४४

बिक्रम सम्बत : २०८१

इशवी सम्बत : २०२४



न्हापांगु संस्करण : १००० प्रति

मुद्रक : कञ्चन प्रेस, बागवजार, काठमाडौं

पिकाकः पाखें

धर्मप्रति श्रद्धाभाव दुगुया कारणं बुद्धधर्मया मूः सफु त्रिपिटक मध्ये या सूत्रपिटक दुनेया अपदान पालि छापे यायेगु ज्याय् ग्वाहालि याये खनाः यक्व लय्ता वः । श्रद्धेय धर्ममूर्ति भन्ते (परिवार सदस्य) पाखें अनुवाद जुयाः पिहाँ वया च्वंगु थुगु ग्रन्थ “अपदान पालि II” ब्वनिमिपिन्त धर्मप्रति भन श्रद्धा ब्वलंकेत व अप्वः येकेत नापं अचल श्रद्धा तकं दयेकेत हःपा विइ तिवः दै धैगु भलसा कयाच्चना ।

पालि त्रिपिटक ग्रन्थत नेपाल भाषाय् पूर्वक अनुवाद यानाः पिकायेगु परियोजना न्यना तयागु खः । सकसित भिं जुइगु अज्यागु ज्या बालक पूवने मा धका नं आशिका याना च्वना । उगु परियोजनाय् थुगु “अपदान पालि I” न्हापांगु द्याः जिमिं आदरणीय वा माँ पाखें पित हये धुकंगुलिं वस्पोल दिवंगत वा माँ या पुण्यस्मृतिसं थुगु “अपदान पालि II” निगूगु द्याः जिमिगु पाखें छापे याये खंगु अनन्त गुण दुपिं वा माँ प्रतिया समर्पण भापिया च्वनासा उगु परियोजनाय् भतिचा जूसां टेवा विइ दुगु तःधंगु पुण्य भाःपिया च्वना अले थुगु सफु जिमिसं थुगुसि आनन्दकुटी विहारे हे याना च्वनागु पवित्र कथिन चीवर दान उत्सव दिं खुन्हु हे पिकायाः दान विइ खंगु नं तःधंगु भाग्य सम्भे जुयाच्चना ।

धर्मप्रति समर्पित जुया बिज्याःम्ह वस्पोल श्रद्धेय धर्ममूर्ति भन्ते नं थःगु मेहेनतं अनुवाद यानाः बिज्यागुलि थौं थ्व सफु छलपोलपिनिगु ल्हातय् थ्यंके फत । सकल धर्मप्रेमी ब्वनिमिपिसं थुगु धर्म सफु बालक ब्वना धर्म मन लगे यानाः सुख शान्ति लाभ यानाः बिज्याइ/दिइ धका दुनुगलं निसें भित्तुना ।

सकल नकमी परिवार

डिल्लीबजार मैतिदेवी, यें

भावपूर्ण समर्पण



बा हिरालाल तकमी

बु.दिं. १९७७ आषाढ चतुर्दशी

म.दिं. २०६७ कार्तिक २३



मां मोहनमाया (कान्छी) तकमी

बु.दिं. १९८५

म.दिं. २०६५ फाल्गुन २२

अनुवादकपाखें

सिद्धार्थ कुमारं बुद्धत्व प्राप्त यानाः ४५ दंतकः देशना याना वि(ज्याःगु ८२००० धर्म स्कन्ध व श्रावकपिसं कना विज्याःगु २००० धर्मस्कन्ध धर्म संगायनां मुंका स्वंगू पिटके विभाजन यात । न्हापांगुं संगायनाय् धर्म व विनय धकाः जक दुगु जुसां स्वंगू संगायना तक्क अभिधर्म नं दुथ्याःवगु जुल । लिपातक्क रक्षा जुइकथं छम्ह छम्ह श्रावक भन्ते प्रमुख याना शिष्य परम्परायात छगू छगू पिटक जिम्मा व्यूसां तवि खुद्दक निकाय चाँहि सकस्यां मिले जुया रक्षा याना यंकेमागु जुगुलिं उकेया महत्व यक्व दुःगु खँ सीदु ।

चि-चिहाकगु सूत्रतयेगु मुंकायात हे खुद्दक धासां उके ताः-ताःहाकगु सूत्रत नं दुगु जुल । अले मेगु निकाये थें थुके भाय् एकरुपता मदुगु कारणं मतभेद नं उत्पन्न जुगु जुल । सुत्त निपातया अट्टक व पारायण धैगु वर्ग वैदिक युगया लक्षण खने दु । ग्रन्थे उल्लेख जू अनुसारं पारायण वर्ग बुद्ध जीवमान बले हे संस्करण जुइधुंकुगु जुयाच्चन । सूत्रपिटकया छगु अंगकथं दुगु थ्व खुद्दक निकाये बुद्धघोष आचार्य भन्ते नं १५ गू ग्रन्थत क्यना तःगु दु ।

सुमंगलविलासिनि अट्टकथाय् 'पण्णरसापभिदो खुद्दक निकायो' धका मज्झिम भाणकपिसं धासां दीघ भाणकपिसं खुद्दक निकाय अभिधर्मया छगु अंगकथं क्यना तःगु दु । वसपोलपिसं थुके जम्मा ११ गू ग्रन्थ खुद्दक निकाये दुने मलाइगु नं दावी याना तःगु जुल ।

अट्टसालिनि अट्टकथाय् खुद्दक निकाय दुने अभिधर्म व विनय पिटक नं दुथ्याका क्यना तःगु दु । अले खुद्दक निकाय अभिधर्म पिटकया छगू अंग कथं नं क्यनेगु लागीं छुं विद्वानपिसं कुतः यागु खने दु । बुद्धं जिगु धर्म व विनय हे छिमिं गुरु जुइधका बुद्धवचनयात निगू टुक्रा याना क्यन । लिपा धर्म अभिधर्म प्याहाँ वल । प्यंगू निकाय धर्म खः अभिधर्मया अर्थ अतिरिक्त धर्म खः । उकिं खुद्दक निकाय अभिधर्मया हे छगू अंग खः ।

स्वकगू धर्म संगायना लिपा सम्राट अशोकं ९ गू देशे धर्मप्रचारया लागीं धर्मदुतःपिं छवःगु खः । इपिं धर्मदुततेसं छगू हे धर्मप्रचार याना थकुसां

नं श्रीलंका थाइल्याण्ड व बर्मा (म्यान्मार) खुद्दक निकायया सम्बन्धय् मतभेद खने दु धका क्यना तसां बर्माय् मेगु ४ गू – मिलिन्द पञ्च, सुत्त संगह, पेटकोपदेश व नेत्तिप्पकरण संगह नापं याना १९ गू दु धका क्यना तःगु खने दु । थाइल्याण्डय् सन् १८९४ सालं पिदंगु त्रिपिटके खुद्दक निकाये जम्मा ८ गू ग्रन्थ जक क्यना तःगु खने दु ।

थुकथं खुद्दक निकायया ग्रन्थया बारे मतभेद प्याहाँ वगुया मूं कारण दक्व ग्रन्थत छगू हे इलय् रचना मजुगुलिं व दक्व ग्रन्थत पूर्ण यायेया लागी ताः ई कागुलिं खः धका धायेमा ।

न्त्यागुहे जुसां आः दुगु खुद्दक निकायया १५ गू ग्रन्थत थुकथं दु ।

१) खुद्दक पाठ

२) धम्मपद

३) उदान

४) इतिवृत्तक

५) सुत्त निपात

६) विमान वत्थु

७) पेत वत्थु

८) थेर गाथा

९) थेरी गाथा

१०) जातक

११) निद्देश (महा निद्देश, चूल निद्देश)

१२) पटिसम्भिदामग्ग

१३) अपदान (थेरापदान, थेरीपदान)

१४) बुद्धवंश



१५) चरियापिटक

सूत्र, विनय व अभिधर्म पिटक मध्ये सूत्र पिटक दुने च्वंगु दीघ, मज्झिम, संयुक्त, अंगुत्तर व खुद्दक (५गू) निकायत मध्ये खुद्दक निकाय दुने च्वंगु १५ गू ग्रन्थत मध्ये १३ गू ग्रन्थ खः अपदान पालि । थुकिं बुद्ध, प्रत्येक बुद्ध सहित श्रावक भिक्षुपिं ५५९ या जीवन चरित्र दुध्यागु यात थेर अपदान धाइसा ४० गू भिक्षुणी पिनि जीवन चरित्र दुध्यागु यात थेरी अपदान धाइ । तर छद्द संगायना कथं स्वयेगु खःसा थुकिं ५६१ भिक्षुपिनि जीवन चरित्र क्यना तःगु दु ।

थुगु अनुवाद थेर अपदानया खः । अपदानया अर्थ चरित्र खसा थुके अतीत व वर्तमान जीवन चरित्रया बारे व्याख्या जुया च्वंगु दु । थेर थेरी गाथा ग्रन्थे नं भिक्षु भिक्षुणीपिनि जीवन चरित्र उल्लेख जुयाच्वंसां अतीत व वर्तमान सम्बन्ध याना वर्णन जुयच्वंगु जुगुलिं अपदान पालियात थेर थेरी गाथाया अद्दकथा कथं नं कयातःगु दु ।

बुद्धकालीन भिक्षु-भिक्षुणीपिनि बारे सिकाकायेगु मू खँ दुध्यागुलिं थुकिया महत्त्व यक्वं दु । विशेषं अर्हत भन्तेपिनिगु चरित्रया विषयसं प्रकाश जुयाच्वंगु थुगु ग्रन्थं भित्त नं मार्ग निर्देश याना तःगु खने दु । थुगु थेर अपदाने ५६ गू वर्ग दु । दक्वं वर्गय १० गू अपदानत दु । थेरापदाने मुक्कं ६४५० गू गाथात (श्लोकत) दुगु जुल, थुकिं छद्द संगायना कथं क्यना तःपिं निम्ह भिक्षुपिनिगु गाथा दुमथ्या । थेरीपदाने मुक्कं १३३३ गू गाथात दुगु जुल ।

Dhamma.Digital

सफु यक्व हे तःफि जुगुलिं निगु ब्वःथला न्हापागु ब्वः पिकाये धुंकुगु जुल । आ लिपांगु ब्वः कथं २० वर्ग अले ३३११ गू गाथात दुध्याका तयागु “अपदान पालि – II” पिकानागु जुल ।

त्रिपिटक ग्रन्थत नेपाल भाषाय् अनुवाद यानाः पिकायेगु परियो जनाय् दीवंगत श्रद्धेय भिक्षु शुदर्शन महास्थविरं जितः थुगु अपदान पालि अनुवादया लागीं जिम्मा बिया बिज्यासां थौं थ्व पिहाँवये त्यंबले वसपोल भिगु न्ह्योने मदुगु दुःखाय खँ खः । थुकिया पुण्यं वस्पोलयात निर्वाण कामना याना । वस्पोलया प्रेरणां हे थ्व सफु थौं छपिनि ल्हाते थ्यंके फुगु खः ।

थुगु अनुवादया दक्वं टाइपिड व कम्प्युटर सेटिङ्ग आवुसो भिक्षु

नागित स्थविरं याना विज्याःगु खः । वस्पोल यात नं यक्वं साधुवाद विसें हानं
हानं नं थज्यागु शुभकार्य याना यंके फयेमा धका आशिका याना च्वना । भाय्
व पुफु स्वया ग्वाहालि याना दीम्ह त्रि-चन्द्र कलेजया पूर्व सह-प्राध्यापक श्री
मदन रत्न मानन्धर (सर) उपासकयात नं यक्वं यक्व सुभाय् ।

थुगु “अपदान पालि – II” निगुगू द्याः पिकायेया नितिं ग्वाहालि
याना दीपिं जिमि परिवारया सकल दुजःपिन्त नं साधुवाद सहित निरोगी
दीर्घायुया कामना यासें अभ् धर्मे लगे जुयाच्चने फयेमा धका आशिका
प्रार्थना यानाच्चना ।

थज्यागु ज्याय् ग्वाहालि व्यूपिं सकसित साधुवाद बियाच्चना । विशे
षं आनन्दकुटी विहारया सकल भन्तेपिन्त व्युगु ग्वाहालिया लागी साधुवाद
बियाच्चना । अन्तसं थुगु सफु इलय हे छापेयाना व्यूम्ह कञ्चन प्रेस,
बागबजार, काठमाडौं परिवारयात नं शुभाय् दु ।

भिक्षु धर्ममूर्ति महास्थविर
आनन्दकुटी विहार, स्वयम्भू येँ
२०८१/०७/०३

Dhamma.Digital

विषय सूची

क्र.सं.	विषय	पे.नं.
३६.	सद्दसञ्जकवग्ग	१
३५२.	यवकलापियत्थेरापदान	२
३५३.	किंसुकपूजकत्थेरापदान	२
३५४.	सकोसककोरण्डदायकत्थेरापदान	३
३५५.	दण्डदायकत्थेरापदान	३
३५६.	अम्बयागुदायकत्थेरापदान	४
३५७.	सुपुटकपूजकत्थेरापदान	४
३५८.	मञ्चदायकत्थेरापदान	५
३५९.	सरणगमनियत्थेरापदान	५
३६०.	पिण्डपातिकत्थेरापदान	६
३७.	मन्दारवपुष्पियवग्ग	७
३६१.	मन्दारवपुष्पियत्थेरापदान	७
३६२.	कक्कारुपुष्पियत्थेरापदान	७
३६३.	भिसमुलालदायकत्थेरापदान	८
३६४.	केसरिपुष्पियत्थेरापदान	८
३६५.	अङ्गोलपुष्पियत्थेरापदान	९
३६६.	कदम्बपुष्पियत्थेरापदान	९
३६७.	उद्दालकपुष्पियत्थेरापदान	१०

३६८. एकचम्पकपुष्पियत्थेरापदान	१०
३६९. तिमिरपुष्पियत्थेरापदान	११
३७०. सललपुष्पियत्थेरापदान	११
३८. बोधिवन्दनवग्ग	१२
३७१. बोधिवन्दकत्थेरापदान	१२
३७२. पाटलिपुष्पियत्थेरापदान	१३
३७३. तिउप्पलमालियत्थेरापदान	१३
३७४. पट्टिपुष्पियत्थेरापदान	१४
३७५. सत्तपण्णियत्थेरापदान	१५
३७६. गन्धमुट्टियत्थेरापदान	१६
३७७. चित्तकपूजकत्थेरापदान	१६
३७८. सुमनतालवण्टियत्थेरापदान	१७
३७९. सुमनदामियत्थेरापदान	१७
३८०. कासुमारिफलदायकत्थेरापदान	१८
३९. अवटफलवग्ग	१९
३८१. अवटफलदायकत्थेरापदान	१९
३८२. लबुजदायकत्थेरापदान	१९
३८३. उदुम्बरफलदायकत्थेरापदान	२०
३८४. पिलक्खफलदायकत्थेरापदान	२१
३८५. फारुसफलदायकत्थेरापदान	२१
३८६. वल्लिफलदायकत्थेरापदान	२२

३८७. कदलिफलदायकत्थेरापदान	२३
३८८. पनसफलदायकत्थेरापदान	२३
३८९. सोणकोटिवीसत्थेरापदान	२४
३९०. पुब्बकम्मपिलोतिकत्थेरापदान	२६
४०. पिलिन्दवच्छवग्ग	२९
३९१. पिलिन्दवच्छत्थेरापदान	२९
३९२. सेलत्थेरापदान	४८
३९३. सब्बकित्तिकत्थेरापदान	५८
३९४. मधुदायकत्थेरापदान	६०
३९५. पदुमकूटागारियत्थेरापदान	६२
३९६. वक्कुलत्थेरापदान	६५
३९७. गिरिमानन्दत्थेरापदान	६८
३९८. सललमण्डपियत्थेरापदान	७१
३९९. सब्बदायकत्थेरापदान	७२
४००. अजितत्थेरापदान	७५
४१. मेत्तेय्यवग्ग	७८
४०१. तिस्समेत्तेय्यत्थेरापदान	७८
४०२. पुण्णकत्थेरापदान	८१
४०३. मेत्तगुत्थेरापदान	८३
४०४. धोतकत्थेरापदान	८५
४०५. उपसीवत्थेरापदान	८८

४०६. नन्दकत्थेरापदान	९३
४०७. हेमकत्थेरापदान	९५
४०८. तोदय्यत्थेरापदान	९९
४०९. जतुकण्णित्थेरापदान	१०३
४१०. उदेनत्थेरापदान	१०८
४२. भद्दालिवग्ग	११२
४११. भद्दालित्थेरापदान	११२
४१२. एकच्छत्तियत्थेरापदान	११५
४१३. तिणसूलकच्छादनियत्थेरापदान	११९
४१४. मधुमंसदायकत्थेरापदान	१२२
४१५. नागपल्लवत्थेरापदान	१२३
४१६. एकदीपियत्थेरापदान	१२४
४१७. उच्छङ्गपुप्फियत्थेरापदान	१२५
४१८. यागुदायकत्थेरापदान	१२६
४१९. पत्थोदनदायकत्थेरापदान	१२८
४२०. मञ्चदायकत्थेरापदान	१२९
४३. सकिंसम्मज्जकवग्ग	१३१
४२१. सकिंसम्मज्जकत्थेरापदान	१३१
४२२. एकदुस्सदायकत्थेरापदान	१३२
४२३. एकासनदायकत्थेरापदान	१३४
४२४. सत्तकदम्बपुप्फियत्थेरापदान	१३६

४२५. कोरण्डपुष्पियत्थेरापदान	१३७
४२६. घतमण्डदायकत्थेरापदान	१३८
४२७. एकधम्मस्सवनियत्थेरापदान	१३९
४२८. सुचिन्तितत्थेरापदान	१४१
४२९. सुवण्णकिंकीणीत्थेरापदान	१४४
४३०. सोण्णकोन्तरिकत्थेरापदान	१४६
४४. एकविहारिवग्ग	१४७
४३१. एकविहारिकत्थेरापदान	१४७
४३२. एकसङ्खियत्थेरापदान	१४९
४३३. पाटिहीरसञ्चकत्थेरापदान	१५०
४३४. ज्ञाणाथविकत्थेरापदान	१५१
४३५. उच्छुखण्डिकत्थेरापदान	१५२
४३६. कलम्बदायकत्थेरापदान	१५३
४३७. अम्बाटकदायकत्थेरापदान	१५३
४३८. हरीतकदायकत्थेरापदान	१५४
४३९. अम्बपिण्डियत्थेरापदान	१५५
४४०. जम्बुफलियत्थेरापदान	१५६
४५. विभीतकवग्ग	१५७
४४१. विभीतकमिञ्जियत्थेरापदान	१५७
४४२. कोलदायकत्थेरापदान	१५८
४४३. विल्लफलियत्थेरापदान	१५८

४४४. भल्लातकदायकत्थेरापदान	१५९
४४५. उत्तलिपुप्फियत्थेरापदान	१६०
४४६. अम्बाटकियत्थेरापदान	१६१
४४७. सीहासनिकत्थेरापदान	१६१
४४८. पादपीठियत्थेरापदान	१६२
४४९. वेदिकारकत्थेरापदान	१६३
४५०. बोधिघरियत्थेरापदान	१६४
४६. जगतिदायकवग्ग	१६५
४५१. जगतिदायकत्थेरापदान	१६५
४५२. मोरहत्थियत्थेरापदान	१६६
४५३. सीहासनबीजकत्थेरापदान	१६७
४५४. तिउक्काधारकत्थेरापदान	१६७
४५५. अक्कमनदायकत्थेरापदान	१६८
४५७. एकच्छत्तियत्थेरापदान	१६९
४५८. जातिपुप्फियत्थेरापदान	१७०
४५९. पट्टिपुप्फियत्थेरापदान	१७१
४६०. गन्धपूजकत्थेरापदान	१७२
४७. सालकुसुमियवग्ग	१७२
४६१. सालकुसुमियत्थेरापदान	१७२
४६२. चितकपूजकत्थेरापदान	१७३
४६३. चितकनिब्बापकत्थेरापदान	१७३

४६४. सेतुदायकत्थेरापदान	१७४
४६५. सुमनतालवण्टियत्थेरापदान	१७५
४६६. अवटफलियत्थेरापदान	१७५
४६७. लबुजफलदायकत्थेरापदान	१७६
४६८. पिलक्खफलदायकत्थेरापदान	१७७
४६९. सयंपटिभानियत्थेरापदान	१७७
४७०. निमित्तव्याकरणियत्थेरापदान	१७९
४८. नलमालिवग्ग	१८०
४७१. नलमालियत्थेरापदान	१८०
४७२. मणिपूजकत्थेरापदान	१८१
४७३. उक्कासतिकत्थेरापदान	१८३
४७४. सुमनवीजनियत्थेरापदान	१८४
४७५. कुम्मासदायकत्थेरापदान	१८५
४७६. कुसट्ठदायकत्थेरापदान	१८५
४७७. गिरिपुन्नागियत्थेरापदान	१८६
४७८. वल्लिकारफलदायकत्थेरापदान	१८६
४७९. पानधिदायकत्थेरापदान	१८७
४८०. पुलिनचङ्गुमियत्थेरापदान	१८९
४९. पंसुकूलवग्ग	१८९
४८१. पंसुकूलसञ्जकत्थेरापदान	१८९
४८२. बुद्धसञ्जकत्थेरापदान	१९०

४८३. भिसदायकत्थेरापदान	१९२
४८४. ज्ञाणथविकत्थेरापदान	१९३
४८५. चन्दनमालियत्थेरापदान	१९६
४८६. धातुपूजकत्थेरापदान	१९९
४८७. पुलिनुप्पादकत्थेरापदान	१९९
४८८. तरणियत्थेरापदान	२०३
४८९. धम्मरुच्चित्थेरापदान	२०४
५०. किङ्किणिपुप्फवग्ग	२०९
४९१. तिकिङ्किणिपुप्फियत्थेरापदान	२०९
४९२. पंसुकूलपूजकत्थेरापदान	२१०
४९३. कोरण्डपुप्फियत्थेरापदान	२११
४९४. किंसुकपुप्फियत्थेरापदान	२१२
४९५. उपड्डदुस्सदायकत्थेरापदान	२१२
४९६. घतमण्डदायकत्थेरापदान	२१३
४९७. उदकदायकत्थेरापदान	२१४
४९८. पुलिनथूपियत्थेरापदान	२१५
४९९. नलकुटिदायकत्थेरापदान	२१८
५००. पियालफलदायकत्थेरापदान	२१९
५१. कणिकारवग्ग	२२०
५०१. तिकणिकारपुप्फियत्थेरापदान	२२०
५०२. एकपत्तदायकत्थेरापदान	२२३

५०३. कासुमारीफलदायकत्थेरापदान	२२४
५०४. अवटफलियत्थेरापदान	२२५
५०५. वारफलियत्थेरापदान	२२५
५०६. मातुलुङ्गफलदायकत्थेरापदान	२२६
५०७. अजेलिफलदायकत्थेरापदान	२२७
५०८. अमोदफलियत्थेरापदान	२२७
५०९. तालफलदायकत्थेरापदान	२२८
५१०. नालिकेरफलदायकत्थेरापदान	२२८
५२. फलदायकवग्ग	२२९
५११. कुरुञ्चियफलदायकत्थेरापदान	२२९
५१२. कपित्थफलदायकत्थेरापदान	२३०
५१३. कोसुम्बफलदायकत्थेरापदान	२३०
५१४. केतकपुप्फियत्थेरापदान	२३१
५१५. नागपुप्फियत्थेरापदान	२३२
५१६. अज्जुनपुप्फियत्थेरापदान	२३२
५१७. कुटजपुप्फियत्थेरापदान	२३३
५१८. घोससञ्जकत्थेरापदान	२३४
५१९. सब्बफलदायकत्थेरापदान	२३४
५२०. पदुमधारिकत्थेरापदान	२३७
५३. तिणदायकवग्ग	२३७
५२१. तिणमुट्ठिठदायकत्थेरापदान	२३७

५२२. मञ्चदायकत्थेरापदान	२३८
५२३. सरणगमनियत्थेरापदान	२३९
५२४. अब्भञ्जनदायकत्थेरापदान	२४०
५२५. सुपटदायकत्थेरापदान	२४०
५२६. दण्डदायकत्थेरापदान	२४१
५२७. गिरिनेलपूजकत्थेरापदान	२४१
५२८. बोधिसम्मज्जकत्थेरापदान	२४२
५२९. आमण्डफलदायकत्थेरापदान	२४४
५३०. सुगन्धत्थेरापदान	२४५
५४. कच्चायनवग्ग	२५०
५३१. महाकच्चायनत्थेरापदान	२५०
५३२. वक्कलित्थेरापदान	२५३
५३३. महाकप्पिनत्थेरापदान	२५६
५३४. दब्बत्थेरापदान	२६०
५३५. कुमारकस्सपत्थेरापदान	२६४
५३६. बाहियत्थेरापदान	२६७
५३७. कोठितत्थेरापदान	२७१
५३८. उरुवेलकस्सपत्थेरापदान	२७३
५३९. राघत्थेरापदान	२७७
५४०. मोघराजत्थेरापदान	२८०
५५. भद्दियवग्ग	२८३

५४१. लकुण्टकभद्वित्थेरापदान	३८३
५४२. कडखारेवतत्थेरापदान	३८६
५४३. सीवलित्थेरापदान	३८८
५४४. वङ्गीसत्थेरापदान	३९२
५४५. नन्दकत्थेरापदान	३९७
५४६. कालुदायित्थेरापदान	३९९
५४७. अभयत्थेरापदान	३०२
५४८. लोमसकङ्गित्थेरापदान	३०५
५४९. वनवच्छत्थेरापदान	३०८
५५०. चूलसुगन्धत्थेरापदान	३१०
५६. यस वग्ग	३१३
५५१. यसत्थेरापदान	३१३
५५२. नदिकाश्यपत्थेरापदान	३१६
५५४. किम्बलत्थेरापदान	३१७
५५५. वज्जिपुत्तत्थेरापदान	३१८
५५६. उत्तरत्थेरापदान	३१९
५५७. अपरउत्तरत्थेरापदान	३२२
५५८. भद्दजित्थेरापदान	३२३
५५९. सीवकत्थेरापदान	३२५



खुदकनिकायया अपदान

निगूगु द्याः

३६. सदसञ्जकवग

३५१. सदसञ्जकत्थेरापदान

१. उबले जि महाजंगलय् मृग-व्याधा जुयाच्चना । अन जि देवतापिं सहित
भिक्षुसंघं चाःहुइका....

२.प्यंगू आर्यसत्य प्रकाशयाना, महाजनपिं (उपासक-उपासिकापिं)
भवसागरं तरये यानाच्चना विज्याःमह सम्यक् सम्बुद्धयात खना । कोकिल
(भंगः) या सःथे मधूरुगु सः ताया ।

३. ब्रह्मस्वर (ब्रह्माया सः) दुम्ह, लोकबन्धुम्ह (संसारया थःथितिम्ह) वस्पोल
सिखि भगवान बुद्धया सलय् मन प्रसन्न यासें आश्रव क्षय जूम्ह जुयाच्चना
(अहरन्त जुया) ।

४. थनिं स्वीच्छगूगु कल्पय्; उबले जिं गुगु (भिं ज्या) कुशल कर्म याना वयागु
खः (व कारणं) दुर्गति धैगु मस्यू । (बुद्ध वचनय्) प्रसन्न जुयागुया थ्व फल
खः ।

५. प्रतिसम्भिदा ज्ञान, अष्टसमापत्ति ज्ञान नापं खुगू अभिज्ञा ज्ञान नं साक्षात
(प्राप्त) याना कयागु जुल । बुद्धशासन नं चिरस्थायी यानागु जुल ।

थन थुगु प्रकारं आयुष्मान शब्द संज्ञक स्थविरं थुपिं गाथात धया विज्याःगु
जुल ।

सदसञ्जकत्थेरापदान छगूगु क्वचाल ।

३५२. यवकलापियत्थेरापदान

१. उबले जि 'अरुणावति' शहरय् (थव) घाँय् व्यापारी जुयाच्चना । लँय् भगवान् सम्यक् सम्बुद्धयात खनाः वस्पोलयात फेतुना बिज्यायेत घाँय् छम्हू बँय् लाना बिया ।

२. अनुकम्पा तथा बिज्याइम्ह, कारुणिकम्ह लोकनायकम्ह वस्पोल 'सिखी' भगवान् बुद्धं जिगु मनयागु खँ सिइका बिज्यासे उगु घाँय्या आसनये फे तुना बिज्यात ।

३. अथे फ्येतुना बिज्याःम्ह निर्मलम्ह, महान् ध्यानं युक्तम्ह महान् नायकम्ह भगवान् बुद्धयात खनाः वस्पोलप्रति मन प्रसन्न यानाः खुसि जुयाः अनं जि सिना वना ।

४. थनिं स्वीछगूगु कल्पय्, उबले गुगु कुशल कर्म याना वयागु खः व कारणं जिं दुर्गति धैगु मस्यू । घाँय् छम्हू दान बियागुया थ्व फल खः ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात् (प्राप्त) याना कया । भगवान् बुद्धया सासन नं चिरस्थायी याना ।

थन थुगु प्रकारं आयुष्मान् यवकलापिय स्थविरं थुपिं गाथात् धया बिज्याःगु जुल ।

यवकलापियत्थेरापदान निगूगु क्वचाल ।

Dhamma.Digital

३५३. किंसुकपूजकत्थेरापदान

१. ह्वयाच्चंगु 'किंसुक' स्वां खनाः ल्हा विन्ति यानाः (नमस्कार याना) सिद्धार्थ भगवान् बुद्धयात लुमंकाः व स्वां आकासे हे पूजा याना ।

२. थनिं ग्वीप्यंगूगु कल्पय् उबले गुगु स्वां (पूजा) देछानागु खः व कारणं दुर्गति धैगु मस्यू । थ्व बुद्धपूजाया फल खः ।

३. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात् (प्राप्त) याना कया । भगवान् बुद्धया सासन नं चिरस्थायी याना ।

अपदान पालि

थन थुगु प्रकारं आयुष्मान किंसुक पूजक स्थविरं थुपिं गाथात धया विज्याःगु जुल ।

किंसुकपूजकत्थेरापदान स्वंगू कुवचाल ।

३५४. सकोसककोरण्डदायकत्थेरापदान

१. लोकबन्धुम्ह सिखी भगवान बुद्धया तथा विज्याःगु पलाः (पालि ख्वाँय्) खनाः जिं (चित्तुवाया छयंगुलिं दयेका तःगु) गा एकांस यानाः (लाना) उगु श्रेष्ठगु 'श्रीपाद' वन्दना याना ।

२. ह्वयाच्वंगु 'कोरण्ड' स्वां खनाः दं नापंगु व स्वां कयाः 'श्रीपाद'या छ्चाखेरं तथाः पूजा याना ।

३. थनिं स्वीछगूगु कल्पय्, उबले भिं कर्म यानावयागु खः व कारणं दुर्गति धै गु मस्यू । श्रीपाद वन्दना यानागुया थ्व विपाक खः ।

४. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सकोसक कोरण्डदायक' स्थविरं थुपिं गाथात धया विज्याःगु जुल ।

Dhamma. Digital

सकोसककोरण्डदायकत्थेरापदान प्यंगू कुवचाल ।

३५५. दण्डदायकत्थेरापदान

१. उबले जिं जंगले दुहाँ वनाः पं त्वाः लहानाः तुतांत दयेकाः जिं (भिक्षु) संघयात दान विया ।

२. बांलाःगु व्रत दुपिं वस्पोल (भिक्षु) संघयात वन्दना यानाः उगु तुतांत नं दान विया उकिइ मन प्रसन्न यानाः (लय्ताना) उत्तरपाखे स्वयाः वना ।

३. थनिं ग्वीप्यंगूगु कल्पय् उबले गुगु तुतांत दान वियागु खः व कारणं दुर्गति धैगु मस्यू । थ्व व तुतां दान विया वयागुया फल खः ।

अपदान पालि

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'दण्डदायक' स्थविरं थुपिं गाथात धया विज्या:गु जुल ।

दण्डदायकत्थेरापदान न्यागूगु क्वचाल ।

३५६. अम्बयागुदायकत्थेरापदान

१. स्वयम्भूमह, अपराजितमह 'सप्त रंसि' नांयाम्ह सम्बुद्ध ध्यानं दना: भिक्षाया लागि वस्पोल जिथाय् लिक्कसं विज्यात ।

२. प्रत्येक बुद्धमह वस्पोल भगवान बुद्धप्रति मन प्रसन्न जुयाम्ह जुया: अं-यागु (सूप) दान विया ।

३. थनिं ग्वीप्यंगूगु कल्पय् उवले गुगु सुकर्म जिं यानागु ख: व कारण (आतक) दुर्गति धैगु मस्य् । थ्व अं-यागु दानया फल ख: ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'अम्बयागु दायक' स्थविरं थुपिं गाथात धया विज्या:गु जुल ।

अम्बयागुदायकत्थेरापदान खुगूगु क्वचाल ।

३५७. सुपुटकपूजकत्थेरापदान

१. दिवा विहारया लागि प्याहाँ विज्या:मह वस्पोल विपश्वी भगवान बुद्ध भिक्षाया लागिं चा:हिला विज्यासे लोकनायकमह वस्पोल जि दुथाय् लिक्कसं विज्यात ।

२. तादि गुणं युक्तमह वस्पोल श्रेष्ठमह बुद्धयात थ:गु मन प्रसन्न याना: चि-सूप (तरकारी) दान विया:लि कल्पतक (उकिया विपाकं) स्वर्गय् न्ह्याइपुक

चवना ।

३. ग्वीछ्णगूगु कल्पय् उबले गुगु चि-सूप (तरकारी) दान बिया वयागु खः व कारणं जि (थौतक) दुर्गति धैगु मस्यू । थ्व चि-सूप (तरकारी) दानया फल खः ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सुपुटक पूजक' स्थविरं थुपिं गाथात धया विज्याःगु जुल ।

सुपुटकपूजकत्थेरापदान न्हेगूगु क्वचाल ।

३५८. मञ्चदायकत्थेरापदान

१. लोकया ज्येष्ठतमम्ह, तादिगुणं युक्तम्ह विपश्ची भगवान बुद्धयात प्रसन्नगु (लय्ताःगु) मनं थःगु हे ल्हाःतं खाता (मंच) छगू दान बियागु जुल ।

२. (उगु दानया फलकथं) हस्तियान (किसि-रथ), अश्वयान (सल-रथ), दिव्ययान (देव-रथ) त नं जिं प्राप्त यानागु जुल । व हे खाता दानया कारणं आश्रव (क्लेश) क्षय (नष्ट) यानाम्ह जुल ।

३. थनिं ग्वीछ्णगूगु कल्पय्, उबले गुगु खाता दान यानागु खः, उकिया कारणं दुर्गति धैगु मस्यू । थ्व खाता दानया हे फल खः ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'मञ्चदायक' स्थविरं थुपिं गाथात धया विज्याःगु जुल ।

मञ्चदायकत्थेरापदान च्यागूगु क्वचाल ।

३५९. सरणगमनियत्थेरापदान

१. उबले आजिवक जुयाच्चनाम्ह जि व भिक्षु छम्ह नं (छन्हु) दुङ्गाय् चवना

अपदान पालि

१. (विचय्) डुङ्गा स्यंबले वस्पोल भिक्षुं जितः सरण बिल (उपकार यात) । जि वस्पोल भिक्षुया सरणय् वनाम्ह जुया ।

२. थनिं स्वीछगूगु कल्पय् व गुगु सरण व्यूगु खः (जि सरणय् वनागु खः) व कारणं दुर्गति धैगु मस्यू । थ्व सरण वनागुया फल खः ।

३. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सरणगमनिय' स्थविरं थुपिं गाथात धया विज्याःगु जुल ।

सरणगमनियत्थेरापदान गुंगूगु क्वचाल ।

३६०. पिण्डपातिकत्थेरापदान

१. उबले 'तिस्य' नांयाम्ह भगवान बुद्ध (सम्बुद्ध) दुगु जुल । उबले जि 'तुसित' देवलोकं थन (मनुष्य लोकय्) वया च्वनाम्ह जुल । जिं वस्पोल भगवान बुद्धयात भिक्षा दान नं बिया ।

२. अले महा यशकीर्ति दुम्ह वस्पोल 'तिस्य' सम्बुद्धयात वन्दना नं याना । थःगु मन प्रसन्न याना च्वनाम्ह जि हानं तुसित देवलोकय् हे जन्म काः वना ।

३. थनिं ग्वीनीगूगु कल्पय्, उबले गुगु दान बियागु खः व कारणं दुर्गति धैगु मस्यू । थ्व भिक्षा दानया फल खः ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पिण्डपातिक' स्थविरं थुपिं गाथात धया विज्याःगु जुल ।

पिण्डपातिकत्थेरापदान भिगूगु क्वचाल ।

सद्दसञ्जकवर्ग क्वचाल

३७. मन्दारवपुष्पियवग्ग

३६१. मन्दारवपुष्पियत्थेरापदान

१. तावतिसं देवलोकं थन (मनुष्य लोकय्) वयाः मंगल नांयाम्ह मानवक जुयाच्चनावले मन्दारव स्वां कया हया..... जिं

२. समाधि ध्यानये फेतुना च्वना विज्याःम्ह वस्पोल महेशाक्यम्ह विपश्वी भगवान बुद्धया छ्यं च्वये गायेकाः (धारण) च्वना । न्हेन्हुतक अथे स्वांनं गाये काः (पूजा याना) हानं देवलोकय् हे वना ।

३. थनिं ग्वीछ्गूगु कल्पय्, उबले गुगु स्वां बांलाक देछ्णानागु (पूजा) खः व कारणं दुर्गति धैगु मस्यू । थ्व बुद्धपूजाया फल खः ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'मन्दारव पुष्पीय' स्थविरं थुपिं गाथात धया विज्याःगु जुल ।

मन्दारवपुष्पियत्थेरापदान छगूगु क्वचाल ।

३६२. कक्कारुपुष्पियत्थेरापदान

१. 'याम' देवलोकं थन (मनुष्य लोकय्) वयाम्ह जिं श्रीम्ह गौतम बुद्धयात (खनाः) कक्कारु स्वां ज्वनाः (कया हया) वस्पोल भगवान बुद्धयात बांलाक (श्रद्धा पूर्वक) पूजा याना (देछ्णाना) ।

२. थनिं ग्वीनीगूगु कल्पय् उबले गुगु बुद्धपूजा यानागु खः व कारणं दुर्गति धैगु मस्यू । थ्व व बुद्धपूजाया फल खः ।

३. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'कक्कारु पुष्पीय' स्थविरं थुपिं गाथात धया विज्याःगु जुल ।

कक्कारुपुष्पियत्थेरापदान निगूगु क्वचाल ।

३६३. भिसमुलालदायकत्थेरापदान

१. सकतां धर्मय् पारंगतम्ह 'फुस्य' नांयाम्ह भगवान बुद्ध दुगु जुल । विवे क (आराम) कायेत इच्छुकम्ह ज्ञानंयुक्तम्ह वस्पोल (बुद्ध) जिथाय् लिक्कसं विज्यात ।

२. महाकारुणिकम्ह, जीनम्ह वस्पोल भगवान बुद्धप्रति मन प्रसन्न याना: जिं पलेस्वांया छयं व दं श्रेष्ठम्ह बुद्धयात (दान) बिया ।

३. थनिं ग्वीनीगूगु कल्पय्, उबले गुगु पलेस्वांया छयं व दं दान बियागु ख: व कारणं दुर्गति धैगु मस्यु । थ्व पलेस्वांया छयं व दं दानया फल ख: ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'भिसमुलाल दायक' स्थविरं थुपिं गाथात धया विज्या:गु जुल ।

भिसमुलालदायकत्थेरापदान स्वंगूगु क्वचाल ।

३६४. केसरिपुष्पियत्थेरापदान

१. उबले जि हिमाल प्रदेशे विद्याधरम्ह जुयाच्चना । अनं जिं महायश दुम्ह, निर्मलम्ह भगवान बुद्ध चंक्रमण यानाच्चंगु खना ।

२. उबले हे जिं स्वपव: केसरी स्वांत छयने तया: वस्पोलया थासय् थ्यंका (व स्वां) वस्पोल सम्बुद्धयात बांलाक (श्रद्धा पूर्वक) पूजा याना ।

३. थनिं ग्वीछगूगु कल्पय्, उबले गुगु सुकर्म यानागु ख:, व कारणं दुर्गति धै गु मस्यु । थ्व बुद्धपूजाया फल ख: ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'केसरिपुष्पिय' स्थविरं थुपिं गाथात धया विज्या:गु जुल ।

केसरिपुष्पियत्थेरापदान प्यंगूगु क्वचाल ।

३६५. अत्कोलपुष्पियत्थेरापदान

१. उबले चित्रकुट (धैगु) पर्वते (पहाडे) पदुम नांयाम्ह सम्बुद्ध बास याना विज्याइ । स्वयम्भूम्ह वस्पोल बुद्धयात खना: जि वस्पोलया थाय् वना ।

२. (लँय्) अंकोल स्वां ह्वयाच्चंगु खना: व स्वांत थ्वया हया: जीनम्ह पदुम भगवान बुद्धयाथाय् थ्यंक: वना: (व स्वांत) पूजा याना (देह्याया) ।

३. थनिं स्वीछ्गूगु कल्पय् उबले गुगु स्वां देह्यानागु ख: व कारणं दुर्गति धैगु मस्यु । थ्व बुद्धपूजाया फल ख: ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'अंकोल पुष्पीय' स्थविरं थुपिं गाथात धया विज्या:गु जुल ।

अत्कोलपुष्पियत्थेरापदान न्यागूगु व्वचाल ।

३६६. कदम्बपुष्पियत्थेरापदान

१. सुवर्णवर्णम्ह उत्तमगु स्वीनिता (अंग) लक्षणं युक्तम्ह तेजं युक्तम्ह भगवान बुद्ध दुनेया लँपुइ विज्यानाच्चन ।

२. प्रासाद (छ्यँ) या तले च्वंच्वनाम्ह जिं लोक नायकम्ह वस्पोल विपश्वी भगवान बुद्धयात खना । अले कदम्ब स्वां कया: ज्वना वना: वस्पोल विपश्वी भगवान बुद्धयात पूजा याना (देह्याना) ।

३. थनिं ग्वीछ्गूगु कल्पय् उबले गुगु स्वां पूजा यानागु ख: व कारणं दुर्गति धैगु मस्यु । थ्व बुद्धपूजाया फल ख: ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'कदम्ब पुष्पीय' स्थविरं थुपिं गाथात धया विज्या:गु जुल ।

कदम्बपुष्पियत्थेरापदान खुगूगु व्वचाल ।

३६७. उद्दालकपुष्पियत्थेरापदान

१. उबले 'अनोम' नांयाम्ह सम्बुद्ध खुसि सिथय् च्वना विज्याइ । अपराजितम्ह वस्पोल भगवान बुद्धयात जिं उद्दाल स्वां कया हयाः पूजा याना (देहाना) ।

२. थनिं स्वीछगूगु कल्पय् उबले गुगु स्वां श्रद्धां देहाना व कारणं दुर्गति धैगु मस्यू । थ्व बुद्धपूजाया फल खः ।

३. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'उद्दालक पुष्पीय' स्थविरं थुपिं गाथात धया विज्याःगु जुल ।

उद्दालकपुष्पियत्थेरापदान न्हेगूगु व्वचाल ।

३६८. एकचम्पकपुष्पियत्थेरापदान

१. (उबले) 'उपसन्त' नांयाम्ह भगवान बुद्ध पर्वतया विचय् च्वना विज्याइ । चम्पक स्वां छपवः ज्वनाः जि वस्पोलयाथाय् वना ।

२. प्रसन्नगु मन दुम्ह जुयाः भिं मनं (श्रद्धां) वस्पोल नरोत्तमम्ह, अपराजितम्ह, उत्तमम्ह, मुनिम्ह, प्रत्येक बुद्धयात निपाल्हातं हे व स्वां ज्वनाः विन्तिपूर्वक पूजा याना (देहाना) ।

३. थनिं स्वीछगूगु कल्पय्, उबले गुगु स्वां श्रद्धां पूजा यानागु खः व कारणं दुर्गति धैगु मस्यू । थ्व बुद्धपूजाया फल खः ।

४. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'एकचम्पक पुष्पीय' स्थविरं थुपिं गाथात धया विज्याःगु जुल ।

एकचम्पकपुष्पियत्थेरापदान च्यागूगु व्वचाल ।

३६९. तिमिरपुष्फियत्थेरापदान

१. जि चन्द्रभागा खुसि सिथं व्वय् पाखे वनाच्चना । (उबले) जिं ह्वःगु साल सिमा थें थिना विज्याःम्ह भगवान बुद्धयात खना ।
 २. उत्तमम्ह, मुनिम्ह वस्पोल प्रत्येक बुद्धप्रति प्रसन्नगु मन दुम्ह जुयाः भिं मनं (श्रद्धां) तिमिर स्वां कया हयाः जिं वस्पोलया छ्यने (शिरय्) ह्वला विया ।
 ३. थनिं ग्वीच्छगूगु कल्पय्, उबले गुगु स्वां श्रद्धां देछानागु खः व कारणं दुर्गति धैगु मस्यू । थ्व बुद्धपूजाया फल खः ।
 ४. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।
- थन थुगु प्रकारं आयुष्मान 'तिमिर पुष्पीय' स्थविरं थुपिं गाथात धया विज्याःगु जुल ।

तिमिरपुष्फियत्थेरापदान गुंगू व्वचाल ।

३७०. सललपुष्फियत्थेरापदान

१. उबले जि चन्द्रभागा खुसि सिथय् किन्नर जुयाच्चना । अन देवातिदेवम्ह, नरासभम्ह भगवान बुद्ध चंक्रमण याना विज्याना च्वंगु खना ।
२. जिं सलल स्वां थ्वया हयाः वस्पोल भगवान बुद्धयात पूजा याना । वस्पोलं व दिव्यमय सुगन्ध दुगु उगु स्वां नँ स्वाना विज्यात ।
३. लोकनायकम्ह, महावीरम्ह वस्पोल विपश्ची भगवान बुद्धं जिं स्वयाच्चच्चं हे व स्वां नँस्वाना विज्यात ।
४. अनलिं प्रसन्नगु मन दुम्ह जिं भिं मनं (श्रद्धां) ल्हाः विन्ति यानाः वन्दना यानाः पहाडे थाहाँ वना ।
५. थनिं ग्वीच्छगूगु कल्पय् उबले गुगु स्वां देछानागु खः व कारणं दुर्गति धैगु मस्यू । थ्व बुद्धपूजाया फल खः ।

अपदान पालि

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सलल पुष्पीय' स्थविरं थुपिं गाथात धया विज्या:गु जुल ।

सललपुष्फियत्येरापदान भिगूगु क्वचाल ।

मन्दारवपुष्फियवर्ग क्वचाल

३८. बोधिवन्दनवर्ग

३७१. बोधिवन्दकत्थेरापदान

१. जिं वाउंसेच्चंगु बांलाक हूर्के जुयाच्चंगु त:धंगु पाटलि सिमा खना: छपा ल्हा: विन्ति याना: उगु पाटलि (बोधि वृक्ष) सिमायात वन्दना याना । व सिमा विपश्वी भगवान बुद्धया बोधिवृक्ष ख: ।

२. ल्हा: विन्ति याना: हे मर्ननिसं गौरव तथा:, दुने नं शुद्धम्ह पिने नं शुद्धम्ह बांलाक (क्लेशं) मुक्तम्ह, अनाश्रवीम्ह...

३. लोकवासीपिसं वन्दना मान याना विज्याइम्ह, करुणा व ज्ञानया सागर थें जा:म्ह वस्पोल विपश्वी भगवान बुद्धयात न्ह्य:ने दुम्ह थें तायेका: जिं व बो धिवृक्ष (पाटलि सिमा) यात वन्दना याना ।

४. थनिं ग्वीछगूगु कल्पय् उवले गुगु बोधि वन्दना यानागु ख: व कारणं दुर्गति धैगु मस्यू । थ्व वन्दनाया फल ख: ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'बोधिवन्दक' स्थविरं थुपिं गाथात धया विज्या:गु जुल ।

बोधिवन्दकत्थेरापदान छगूगु क्वचाल ।

३७२. पाटलिपुण्ड्रियत्थेरापदान

१. स्वयम्भूम्ह (सकतां थम्हेसिनं हे बोध याना विज्याःम्ह) अग्र पुद्गलम्ह, जीनम्ह (पंचमार त्याकूम्ह) विपश्वी नांयाम्ह भगवान बुद्ध थः शिष्यपिं नापं (चाःहुइकाः) बन्धुम शहरे दुहाँ विज्यात ।

२. उबले जिं पाटलि स्वां स्वप्वः जिगु म्हय् तथा तयागु जुल । जि मोल्हुइ मास्ति वःम्ह जुयाः खुसि सिथय् वना ।

३. बन्धुमति शहरं प्याहाँ विज्यानाः, विज्याना च्वंम्ह इन्दिवर स्वां थें थिना विज्याःम्ह, च्यानाच्वंगु मि थें जाःम्ह,

४. व्याघ्र जुजु थें उत्तमगु विशिष्टगु जन्म दुम्ह, सिंह जुजु थें जाःम्ह, श्रमणपिनि अग्रम्ह, भिक्षुसंघं चाःहुइकाः विज्याःम्ह, लोकनायकम्ह भगवान बुद्धयात खना ।

५. क्लेशरूपी फोहर सफा याना विज्याइम्ह वस्पोल भगवान बुद्धयाप्रति प्रसन्न जुयाः व स्वप्वः पाटलि स्वां कयाः श्रेष्ठम्ह बुद्धयात श्रद्धां देछाना (पूजा याना) ।

६. थनिं ग्वीछगूगु कल्पय् उबले गुगु स्वां देछानागु खः व कारणं दुर्गति धैगु मस्यु । थ्व बुद्धपूजाया फल खः ।

७. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पाटलि पुष्पीय' स्थविरं थुपिं गाथात धया विज्याःगु जुल ।

पाटलिपुण्ड्रियत्थेरापदान निगूगु क्वचाल ।

३७३. तिउप्पलमालियत्थेरापदान

१. जि चन्द्रभागा खुसि सिथय् माकः जुयाच्वना । उबले जिं पहाडया विचय् (दुने) रज (क्लेशन्धु) मदुम्ह भगवान बुद्धयात खना ।

अपदान पालि

२. दक्ख दिशाय् प्रकाशमय यानाः ह्वयाच्चंगु साल सिमा थें (स्वीनिता) लक्षणं व (चय्प्यंगू) अनुव्यञ्जन लक्षणं युक्तम्ह वस्पोलयात खनाः जि लय् ताःम्ह जुया ।

३. प्रेरित जूगु मन दुम्ह जि लय्ताःगुलिं प्रफुल्लित मनं युक्तम्ह जुयाः भिं मनं (श्रद्धां) स्वप्वः उत्पल स्वां (पलेस्वां) वस्पोल बुद्धया छ्यने ह्वलाः पूजा याना ।

४. जिं महेशाक्यम्ह फुस्य भगवान बुद्धयात स्वां नं पूजा यानाः (देछाना) गौर वं युक्तम्ह जुयाः उत्तर पाखे स्वयाः वना ।

५. प्रसन्नगु मनं युक्तम्ह जुयाः वस्पोल बुद्धयात मपंसें अःखतं वनाच्चनाम्ह जि पर्वतया बिचय् कुतुंवनाः सिनावना ।

६. उगु बांलाक यानागु सुकर्म (भिंज्या) या कारणं व मन प्रसन्न यानागु कारणं न्हापायागु (माकः) जन्म त्वःताः जि तावतिंस देवलोकय् (जन्म काः) वना ।

७. जिं स्वसःक्वः देवराज्य याना । न्यासःक्वः चक्रवर्ती जुजु नं जुया ।

८. थनिं ग्वीनीगूगु कल्पय् गुगु स्वां देछानागु खः व कारणं दुर्गति धैगु मस्यू । थ्व व बुद्धपूजाया फल खः ।

९. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'तिउप्पलमालिय' स्थविरं थुपिं गाथात धया बिज्याःगु जुल ।

तिउप्पलमालियत्थेरापदान स्वंगू क्वचाल ।

३७४. पट्टिपुप्फियत्थेरापदान

१. गुबले महर्षिम्ह पदुमुत्तर भगवान बुद्ध परिनिर्वाण जुया बिज्यात, उबले सकल जनपिं छथाय् मुनाः वस्पोलया पार्थिव शरीर यंकाच्चन ।

२. वस्पोलया पार्थिव शरीर यंकाच्चंबले सी-बाजं थाना चंबले मन प्रसन्न जूम्ह जुयाः भिं मनं (श्रद्धां) पट्टि स्वांनं पूजा याना ।

अपदान पालि

३. थनिं छगू लख (सच्छिद्धःदं) कल्प न्हापा गुगु स्वां बांलाक पूजा यानागु खः व कारणं दुर्गति धैगु मस्यु । थ्व (बुद्ध) शरीर पूजा यानागुया फल खः ।

४. एकान्तं हे श्रेष्ठम्ह भगवान् बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचवना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान् बुद्धया सासन नं चिरस्थायी याना ।

थन थुगु प्रकारं आयुष्मान 'पट्टिपुप्फिय' स्थविरं थुपिं गाथात धया विज्याःगु जुल ।

पट्टिपुप्फियत्थेरापदान प्यंगू क्वचाल ।

३७५. सत्तपणियत्थेरापदान

१. लोकनायकम्ह सुमन नांयाम्ह सम्बुद्ध लोकय उत्पन्न जूगु जुल । प्रसन्नगु मन दुम्ह जुयाः भिं मनं (श्रद्धां) सत्तपर्णी स्वां (वस्पोलयात) पूजा याना ।

२. थनिं छगू लाख कल्प न्हापा गुगु सत्तपर्णी स्वां पूजा यानागु खः व कारणं दुर्गति धैगु मस्यु । थ्व सत्तपर्णी स्वां पूजा यानागुया फल खः ।

३. एकान्तं हे श्रेष्ठम्ह भगवान् बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचवना ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान् बुद्धया सासन नं चिरस्थायी याना ।

थन थुगु प्रकारं आयुष्मान 'सत्तपर्णी' स्थविरं थुपिं गाथात धया विज्याःगु जुल ।

सत्तपणियत्थेरापदान न्यागू क्वचाल ।

३७६. गन्धमुट्ठियत्थेरापदान

१. थीथी नस्वाः मुंकाः चितक दयेका च्चंबले जिं नं मन प्रसन्न यानाः भिं मनं (श्रद्धां) नस्वाः छम्हू पूजा याना ।
 २. थनिं छगू लख कल्प न्हापा गुगु चिता पूजा यानागु खः व कारणं दुर्गति धैगु मस्यू । थ्व चिता पूजाया फल खः ।
 ३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।
 ४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्वना ।
 ५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।
- थन थुगु प्रकारं आयुष्मान 'गन्धमुट्ठिय' स्थविरं थुपिं गाथात धया विज्याःगु जुल ।

गन्धमुट्ठियत्थेरापदान खुगू क्वचाल ।

३७७. चितकपूजकत्थेरापदान

१. पदमुत्तर भगवान बुद्ध परिनिर्वाण जुया विज्याःबले वस्पोलया देह (पार्थिव शरीर) उगु चिताय् तःबले जिं नं साल स्वां (श्रद्धां) पूजा याना ।
२. थनिं छगू लख कल्प न्हापा गुगु स्वां पूजा यानागु खः व कारणं दुर्गति धैगु मस्यू । थ्व चिता पूजाया फल खः ।
३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।
४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्वना ।
५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'चित्तकपूजक' स्थविरं थुपिं गाथात धया विज्याःगु जुल ।

चित्तकपूजकत्थेरापदान न्हेगू कुवचाल ।

३७८. सुमनतालवण्टियत्थेरापदान

१. जिक्के सुमन स्वां नं छायेपा तःगु महा अनर्घगु पंखा छगू दुगु जुल । जिं व पंखा सिद्धार्थ भगवान बुद्धयात (दान) विया ।

२. थनिं ग्वीप्यंगूगु कल्पय् उबले गुगु पंखा दान वियागु खः व कारणं दुर्गति धैगु मस्यू । थ्व पंखा दानया फल खः ।

३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्चना ।

५. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सुमन तालवण्टिय' स्थविरं थुपिं गाथात धया विज्याःगु जुल ।

सुमनतालवण्टियत्थेरापदान च्यागू कुवचाल ।

३७९. सुमनदामियत्थेरापदान

१. (चतुरार्यसत्य ज्ञानरूपी लखं क्लेशरूपी फोहर सफा जुइकथं) मोल्हुया विज्याःम्ह, तपः गुणं युक्तम्ह सिद्धार्थ भगवान बुद्धयात न्ह्यःने हे च्वंच्वनाम्ह जिं सुमन स्वांया माला कुवखायेका विया ।

२. थनिं ग्वीप्यंगूगु कल्पय् उबले गुगु माला बांलाक कुवखायेकागु खः व कारणं दुर्गति धैगु मस्यू । थ्व सुमन स्वां (माला) धारण याकागुया फल खः ।

३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु

अपदान पालि

जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचना ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सुमनदामिय' स्थविरं थुपिं गाथात धया विज्याःगु जुल ।

सुमनदामियत्थेरापदान गुंगू क्वचाल ।

३८०. कासुमारिफलदायकत्थेरापदान

१. पर्वतया विचय् चना विज्याःम्ह कणिक सिमा थें थिनाचम्ह, क्लेशरूपी धू मदुम्ह, लोकय् अग्रम्ह, नरश्रेष्ठम्ह बुद्धयात जिं खना ।

२. प्रसन्नगु मन दुम्ह जिं भिं मनं (श्रद्धां) छयने ल्हाः विन्ति यानाः कासुमारि फल कयाः वस्पोल श्रेष्ठम्ह बुद्धयात दान विया ।

३. थनिं स्वीछगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व व फल दानया विपाक खः ।

४. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'कासुमारिफल' स्थविरं थुपिं गाथात धया विज्याःगु जुल ।

कासुमारिफलदायकत्थेरापदान भिगू क्वचाल ।

बोधिवन्दनवर्ग क्वचाल

३९. अवटफलवग्ग

३८१. अवटफलदायकत्थेरापदान

१. स्वयम्भूम्ह (सकतां थःम्हेसिनं हे बोध याना काःम्ह), अपराजितम्ह (मारनापं गुबले हे मबूम्ह) सतरसि भगवान बुद्ध विवेक (आराम) काये मास्तिवःम्ह जुयाः भिक्षाया लागि प्याहाँ विज्यात ।

२. ल्हातय् फल दुम्ह जि वस्पोल सम्बुद्धयात खनाः वस्पोलथाय् वनाः प्रसन्नगु मन दुम्ह जिं भिं मनं (श्रद्धां) दं मदुगु फल नरश्रेष्ठम्ह वस्पोलयात (दान) विया ।

३. थनिं ग्वीप्यंगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व फलफूल दानया फल विपाक खः ।

४. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचवना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकार आयुष्मान 'अवटफल दायक' स्थविरं थुपिं गाथात धया विज्याःगु जुल ।

अवटफलदायकत्थेरापदान छगूगु क्वचाल ।

३८२. लबुजदायकत्थेरापदान

१. उबले जि बन्धुमति शहरे आरामिकम्ह (आरामे ज्या याइम्ह) जुयाचवना । उबले आकासे विज्यानाच्वंम्ह रजरहितम्ह भगवान बुद्धयात खना ।

२. जि लबुज (फोंसि) फल कयाः वस्पोल श्रेष्ठम्ह भगवान बुद्धयात दान विया । महायश दुम्ह, सन्तम्ह वस्पोलं आकासे चवनाः हे स्वीकार (ग्रहण)

याना विज्यात ।

३. जितः खुसि ब्यूगु थ्व लोकय् हे (थन हे) फल उत्पन्न याना ब्यूगु उगु फल दान भगवान बुद्धयात वियाःलि प्रसन्न जूगु मनं युक्तम्ह जुया ।

४. उबले हे महाप्रीति (खुसि) नं, उत्तमगु सुख नं प्राप्त याना । अले गन गन जन्म जुल अन अन हे जितः रत्नत नं प्राप्त जुइगु जुयाच्चन ।

५. थनिं ग्वीछगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व फल दान वियागुया फल विपाक खः ।

६. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

७. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्चना ।

८. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'लबुज दायक' स्थविरं थुपिं गाथात धया विज्याःगु जुल ।

लबुजदायकत्थेरापदान निगूगु क्वचाल ।

Dhamma.Digital

३८३. उदुम्बरफलदायकत्थेरापदान

१. उत्तम पुद्गलम्ह, रजरहितम्ह बांलाक (ध्यानय्) समाहितम्ह वस्पोल भगवान बुद्ध विनता खुसि सिथय् च्वना विज्यानाच्वंगु जिं खना ।

२. क्लेशरूपी फोहोर सफा याना विज्याइम्ह वस्पोलप्रति प्रसन्न जूगु मन दुम्ह जिं उदुम्बर फल कयाः श्रेष्ठम्ह वस्पोल बुद्धयात दान विया ।

३. थनिं ग्वीछगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व फल दानया विपाक खः ।

४. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु

अपदान पालि

जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचवना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'उदुम्बर फल दायक' स्थविरं थुपिं गाथात धया विज्याःगु जुल ।

उदुम्बरफलदायकत्थेरापदान स्वंगू क्वचाल ।

३८४. पिलक्खफलदायकत्थेरापदान

१. महायश दुम्ह अर्थदर्शी भगवान बुद्धयात जिं जंगले खनाःलि प्रसन्न जूगु मन दुम्ह जुयाः भिं मनं (श्रद्धां) पिलक्ख फल (वस्पोलयात) दान बिया ।

२. थनिं भिंच्यासःगू कल्प न्हापा उबले गुगु फल दान बियागु खः व कारणं दुर्गति धैगु मस्यू । थ्व व फल दानया विपाक खः ।

३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाचवना ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पिलक्खदायक' स्थविरं थुपिं गाथात धया विज्याःगु जुल ।

पिलक्खफलदायकत्थेरापदान प्यंगू क्वचाल ।

३८५. फारुसफलदायकत्थेरापदान

१. मेपिनिगु वन्दनामान ग्रहण यासे लँय् विज्यानाच्वंम्ह सुवर्णवर्णम्ह सम्बुद्धयात जिं नं फारुस फल दान बिया ।

अपदान पालि

२. थनिं ग्वीछ्छगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व फल दानया विपाक खः ।

३. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

४. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्वना ।

५. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'फारुसफल दायक' स्थविरं थुपिं गाथात धया विज्याःगु जुल ।

फारुसफलदायकत्थेरापदान न्यागूगु क्वचाल ।

३८६. वल्लिफलदायकत्थेरापदान

१. सकल जनपिं छथाय् मुनाः उबले सकलें जंगले वंगु जुल । अन फलफुलत माला च्वंबले उबले इमित फल नं प्राप्त जुल ।

२. अन हे (व हे जंगले) स्वयम्भूम्ह, अपराजितम्ह सम्बुद्ध भगवान बुद्धयात खनाःलि (जिं) प्रसन्नगु मनं दुम्ह जुयाः भिं मनं (श्रद्धां) वल्लि फल दान विया ।

३. थनिं स्वीछ्छगूगु कल्प न्हापा, उबले गुगु फल जिं दान वियागु खः व कारणं दुर्गति धैगु मस्यू । थ्व फल दानया विपाक खः ।

४. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. जिगु क्लेशत दहन जुल । दक्व भवत (जन्मत) नाश जुल । किसिं थें बन्धन चफुनाः आश्रवरहितम्ह जुयाच्वना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात

अपदान पालि

(प्राप्त) याना कया । भगवान् बुद्धया सासनं नं चिरस्थायी याना ।

थन थुगु प्रकारं आयुष्मान् 'वल्लिफलदायक' स्थविरं थुपिं गाथात् धया विज्याःगु जुल ।

वल्लिफलदायकत्थेरापदान खुगू कुच्चाल ।

३८७. कदलिफलदायकत्थेरापदान

१. कणिकार सिमा थें, पुन्हिया तिमिला थें, थिनाच्चंम्ह अले च्यानाच्चंगु सिमारूपी मत थें लोकनायकम्ह भगवान् बुद्धयात् खना ।

२. अले केरा (फल) कया हयाः वस्पोल शास्तायात् दान विया । प्रसन्नगु मन दुम्ह जुयाः भिं मनं वन्दना यानाः अनं प्याहाँ वना ।

३. थनिं स्वीद्धगूगु कल्प न्हापा, उवले गुगु फल दान वियागु खः, व कारणं दुर्गतिं धैगु मस्यू । थ्व फल दानया विपाक खः ।

४. एकान्तं हे श्रेष्ठम्ह भगवान् बुद्धया समिपय् जिगु बांलाःगु सम्प्राप्तिं जूगु जुल । त्रिविद्यां प्राप्तयानाम्ह जुल । बुद्धशासनं नं चिरस्थायी यानाम्ह जुल ।

५. सकतां क्लेशत् दहनं जुल । दक्क भवत् नाशं जुल । किसिं थें वन्धनं चफुनाः आश्रवरहितम्ह जुयाच्चना ।

६. प्रतिसम्भिदा ज्ञानं, च्यागू विमोक्ष ज्ञानं, खुगू अभिज्ञा ज्ञानं नं साक्षात् (प्राप्त) याना कया । भगवान् बुद्धया सासनं नं चिरस्थायी याना ।

थन थुगु प्रकारं आयुष्मान् 'कदलिफल दायक' स्थविरं थुपिं गाथात् धया विज्याःगु जुल ।

कदलिफलदायकत्थेरापदान न्हेगू कुच्चाल ।

३८८. पनसफलदायकत्थेरापदान

१. उवले 'अर्जुन' नांयाम्ह (सम्बुद्ध) भगवान् बुद्ध हिमाल प्रदेशे च्चना विज्याइ

अपदान पालि

१. वस्पोल (१५गू) चरण धर्म युक्तम्ह जुयाः समाधि (ध्यानय्) नं दक्षम्ह जुयाच्चन ।

२. जिं 'कुम्भ' मात्राद्धिगु जिवंजिवक नांया पनस फल कया हयाः कुसा हःले तथाः व फल शास्तायात दान विया ।

३. थनिं ग्वीछगूगु कल्प न्हापा, गुगु फल दान वियागु खः व कारणं दुर्गति धैगु मस्यू । थ्व फल दानया विपाक खः ।

४. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

५. सकतां क्लेशत दहन जुल । दक्व भवत नाश जुल । किसिं थें बन्धन चफुनाः आश्रवरहितम्ह जुयाच्चना ।

६. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पनसफल दायक' स्थविरं थुपिं गाथात धया विज्याःगु जुल ।

पनसफलदायकत्थेरापदान च्यागू क्वचाल ।

३८९. सोणकोटिवीसत्थेरापदान

१. विपश्वी भगवान बुद्धया शासन दयाच्चंबले जिं प्यंगू दिशां (छ्चाखेरं) विज्याइपिं भिक्षुसंघयात (च्वनेत) बन्धुम शहरे (लेण) आराम दयेका विया ।

२. उगु आरामे बँय् कापतं भुनाः (लायाः) (संघयात) पूजा याना । उबले खुसिं गद्गद् जूम्ह जि भिं मनं थथे नं प्रार्थना याना ।

३. "जिं भगवान बुद्धयात लय्तायेके । प्रवज्या नं प्राप्त याये । अनुत्तरगु उत्तमगु शान्तगु निर्वाण नं स्पर्श (बोध) याये ।

४. व कुशल मुलं युक्तम्ह जुयाः ग्वीगू कल्पतक (संसारे) चाःहिला च्वना । याना तयागु पुण्यया कारणं देवताम्ह जूसां, मनु जूसां जिं बांलाना च्वनी ।

५. अनलिं शेषगु कर्मविपाककथं थुगु अन्तिमगु भवय् (जन्मय्) थुगु चम्पा

शहरे अग्र श्रेष्ठी (महा धनाढ्य) या छम्ह हे काय् जुयाः जन्म जुयाम्ह जुयाच्वन ।

६. जि जन्म जूगु खबर न्यंबले हे जिमि अबुयात थजागु मतिइ लुल जिमि काय् (कुमार) यात नीगू कोटी (२० करोड) मयाक्क धन विइमाली ।”

७. जिगु निपा तुतिया पालि तःले प्यंगू ईन्चया नरमगु मृदुगु (नाइसे च्वंगु) कपाय् थें च्वंगु याउंसे च्वंगु ताःहाकगु सँ दयाच्वन ।

८. थुकथं ग्वीगू कल्प फुनावन । थ्व जिगु वाँकिगु कल्प खः । थुगु (ग्वीछगूगु कल्पय्) इलय् नं बँय् तुति लाःगु धैगु जिं मस्यू ।

९. जिं भगवान बुद्धयात खुसियानाम्ह (गौरव सम्मान) जुया अनागारिक कथं प्रव्रजित जुया च्वनाम्ह जुया । अरहन्तम्ह नं जुयाच्वना । क्लेश दहन यानाम्ह जुयाः शान्तम्ह जुया च्वना ।

१०. क्वातुगु वीर्य (उत्साह) इपिं भिक्षुपिं मध्ये जि अग्रम्ह खः धकाः भगवान बुद्धं क्यंम्ह जुयाच्वना । महान्दुद्धि दुम्ह, सकतां खंम्ह, आश्रवरहितम्ह, खुगू अभिज्ञां युक्तम्ह अरहं गुणं युक्तम्ह अर्हतम्ह जुयाच्वन ।

११. थनिं ग्वीछगूगु कल्प न्हापा उबले गुगु दान जि बिया वयागु खः व कारणं दुर्गति धैगु मस्यू । थ्व आराम (फल्वा) दानया विपाक खः ।

१२. एकान्तं हे श्रेष्ठम्ह भगवान बुद्धया समिपय् जिगु बांलाःगु सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

१३. सकतां क्लेशत दहन जुल । दक्व भवत नाश जुल । किसिं थें बन्धन चफुनाः आश्रवरहितम्ह जुयाच्वना ।

१४. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान बुद्धया सासन नं चिरस्थायी याना ।

१५. अनोतप्त खुसि सिथय् भिक्षुसंघया न्त्यःने न्यंगु न्त्यसः या लिसः बियाः सोणकोटिविस स्थविरं निवारण याना विज्यात ।

थन थुगु प्रकारं आयुष्मान ‘सोणकुटिविस’ स्थविरं थुपिं गाथात धया विज्याःगु जुल ।

३१० पुब्बकम्मपिलोतिकत्थेरापदान

१. नानाविधगु रत्नतयसं (थाना) थिनाच्चंगु, अनेक प्रकारया नस्वाःगु स्वांतयसं चाःहुइका तःगु (हिमाल) वनया समिपे च्वंगु अनोतप्त पुखू (ताल) या लिक्कसं च्वंगु ल्वहँया पर्वते...
२. महान भिक्षुसंघं चाःहुइकाः वस्पोल भगवान बुद्ध फेतुना च्वना विज्यात । अले अन (थःगु) पूर्वकर्मया वारे (न्हापाया जन्म वारे) कना विज्यात ।
३. हे भिक्षुपिं ! जिं गुगु कर्म याना वयागु खः जिगु कर्म वारे न्यँ । विपाक विइ मानिगु कर्म दुसा बुद्धत्व लाभ जूसां व कर्मया विपाक विइ ।
४. न्हापा (छकः) जि अप्रकटगु (छुद्र) कुलय् 'मुनालि' नांयाम्ह धूर्त जुयाच्वन । उबले निन्दा याये बहः मजूम्ह 'सरभू' नांयाम्ह प्रत्येक बुद्धयात निन्दा याना ।
५. उगु कर्म विपाकया कारणं यक्व समय नर्के चाःहिला च्वना । द्वलंद्वः दँ दुःख वेदना भोगे याना ।
६. उगु (मभिंगु) कर्मया बाँकिगु विपाक कथं थुगु अन्तिमगु भवे (जन्मे) सुन्दरिका नांयाम्ह परिव्राजिका पाखें निन्दा याकाः निन्दित जुयाच्वने माल ।
७. सब्बाभिभु नांयाम्ह भगवान बुद्धया नन्द नांयाम्ह श्रावक शिष्य छम्ह दुगु जुल । वस्पोलयात जिं निन्दा याना । व कारणं यक्व समय तक नर्के चाःहिला च्वने माल ।
८. करिव छगू लाख वर्षतकया ताःहाकःगु ई जि नर्के चाःहिला च्वना । मनू जुयाः जन्म कयाः नं जिं यक्व निन्दा भोगे याना ।
९. उगु कर्मया ल्यंदनिगु विपाक कथं (अन्तिमगु जन्मे) (बुद्ध जुयाः नं) जन समूहया दथुई चिञ्चामानविकां जितः मखुगु आरोप लगे यात (आरोप लगे याकाः च्वनेमाल) ।
१०. यक्वसिनं सत्कार याइम्ह, पूजा याइम्ह, बहुश्रुतम्ह ब्राह्मण जुयाच्वना । महावनये न्यासःम्ह माणवकपिन्त मन्त्र नं स्यनीम्ह जुयाच्वना ।

११. महाऋद्धि दुम्ह, न्यागू अभिज्ञा लाभिम्ह, भीम धैम्ह ऋषि उबले अन (जंगले) विज्यात । अथे विज्याःम्ह वस्पोलयात खनाः निन्दा याये मज्यूम्ह वस्पोलयात निन्दा याना ।

१२. अले जिमि शिष्यपिन्त नं “थ्व ऋषि काम भोगीम्ह खः” धकाः धया । इपिं माणवकपिं नं जिगु खँ न्यनाः खुसि जूपिं जुल ।

१३. अनलि इपिं माणवकपिंसं छुयेंखा पतिं भिक्षा फवंनीबले “थ्व ऋषि काम भोगीम्ह खः” धकाः महाजनपिन्त धाइगु यात ।

१४. उगु कर्मया विपाक कथं इपिं न्यासःम्ह भिक्षुपिंसं नं सुन्दरिका परि ब्राजिका निमित्त कयाः निन्दा फये माःपिं जुल ।

१५. न्हापा जिं मेम्ह मां पाखें बूम्ह सहोदर (दाजुकिजा) यात धनया कारणं (धन कयाः) स्याना बिया । पहाडं कुतका छुवया । ल्वहँतं नं छुयाना बिया ।

१६. उगु कर्मया विपाक कथं (थुगु जन्मे बुद्ध जूसां) देवदत्तं जितः ल्वहँ कुर्कल । ल्वहँ टुक्का छुकुतिं जिगु तुतिया पतिले लानाः घाः जुल ।

१७. न्हापा जि (छगू जन्मे) छम्ह (कुलपुत्र) मचा जुयाच्चना । लँय् म्हिता च्वनावले वहे लँय् विज्यानाच्चंम्ह प्रत्येक बुद्धयात खनाः चागः छगलं वस्पो लयात कयेका बिया ।

१८. उगु कर्मया विपाक कथं थुगु अन्तिमगु भवे (जन्मे) (बुद्ध जूसां) देवदत्तं जितः स्यायेत बाण कयेकीपिं छुयल ।

१९. न्हापा जि किसि स्वइम्ह किसिजवाः जुयाच्चना । अले (छन्हू) भिक्षाया लागि विज्याना च्वंम्ह प्रत्येक बुद्धयात खनाःलि किसि लगोयाना वस्पोलयात दुःख बिया ।

२०. उगु कर्मया विपाक कथं गिरिब्वज नांयागु उत्तमगु शहरे भ्रान्त जूम्ह (मात्ते जूम्ह) ग्यानापुम्ह नालागिरि धैम्ह किसि (बुद्ध जूसां) जिथाय् वल ।

२१. न्हापा जि पृथ्वीया जुजु जुयाच्चना । उबले छुरिं मनु छम्ह स्याना बिया । उगु कर्म विपाकं यक्व तक नर्के दुःख भोगे याना ।

२२. उगु कर्मया बाँकिगु विपाक कथं आः थुगु जन्मे (बुद्ध जूसां) जिगु तुतिइ

छयंगू (दुने हिक्कुगुलिं) प्रकोप जुयाच्चनी । तर कर्म विपाक विनाश जुइमखु ।

२३. जि छक केवट्ट गामय् केवट्ट मचा जुयाच्चना । उबले न्यात स्यानाच्चंगु खनाः लय्ताना च्वना ।

२४. उगु कर्मया विपाक कथं आः नं (बुद्ध जूसां) छयने वेदना (स्याइगु) दयाच्चन । गुबले विडुडभं युद्ध यात उबले सकल शाक्यत नं स्याना छवल ।

२५. फुस्य भगवान बुद्धया शासने (च्वना विज्याःपिं) श्रावकपिन्त (शिष्य भिक्षुपिन्त) यागु न, जा नयेमते धकाः नं निन्दा (उपहास) याना ।

२६. उगु कर्मया विपाक कथं थःगु जन्म (बुद्ध जूसां) छम्ह ब्राह्मणं निमन्त्रित जूम्ह जि वेरन्जा धैगु थासय् (वर्षावास) च्वनावले स्वलातक यागु नया च्वने माल ।

२७. न्हापा (जन्मे) कुस्ति म्हितेगु इलय् (जिं) छम्ह कुस्तिवाजयात पेलेयाना । उगु कर्मया विपाकं आः (बुद्ध जूसां) जँ स्याइगु ल्वय् दयाच्चन ।

२८. न्हापा जि (छम्ह) वैद्य जुयाच्चना । (धनया लोभं) छम्ह साहुया काय्यात विरेचन याना बिया । उगु कर्मया विपाकं आः (बुद्ध जूसां) (हि) ल्त्वइगु रो गं कया च्वनी ।

२९. न्हापा जोतिपाल नांयाम्ह मनू जुया च्वनावले उबले काश्यप भगवान बुद्धयात मुण्डकयात (सँ खाना तःपिन्त) सम्बोधि ज्ञान गनं दई ? सम्बोधि ज्ञान धैगुला दुर्लभ जुइ धकाः धया ।

३०. उगु कर्मया विपाक कथं (थुगु जन्मय्) खुदँ तक उरुवेल धैगु थासय् यक्व दुष्कर क्रिया (चर्या) यायेमाल । अनलिपा जक सम्यक् सम्बुद्धत्व प्राप्त याना काये फत ।

३१. पूर्वकर्म (सुख) पनातःगुलिं, मखुगु लँपुइ वनाः बुद्धत्व माला जूसां उगु मखुगु लँपुं बुद्धत्वय थ्यंके मफुत ।

३२. पुण्य वा पाप फुके धुंकाः दक्व सन्तापत त्वःते धुकाः, शोक मदुम्ह जुयाः, उपायासत नं मदुम्ह जुइधुंकाः आश्रव (क्लेश) रहितम्ह जुयाः परिनिर्वाण नं जुयावने ।

३३. सकतां प्रकारया अभिज्ञा बलं युक्तम्ह सर्वज्ञ बुद्धं उगु अनोत्तप्त महाताल (पुखू) लिक्कसं भिक्षु महासंघया विचय् च्वना विज्यासे थथे विस्तर याना विज्याःगु जुल ।

थन थुगु प्रकारं भगवान बुद्ध थःगु न्हापायागु चरित्र (क्यनेगु कथं) पूर्वकर्मपिलो तिक नांयागु धर्मदेशना कनाः धया विज्याःगु जुल ।

पुब्बकम्मपिलोतिकत्थेरापदान भिगूगु क्वचाल ।

अवटफलवर्ग क्वचाल

४०. पिलिन्दवच्छवर्ग

३९९. पिलिन्दवच्छत्थेरापदान

१. जि (उबले) हंसवति शहरे द्वारपाल जुयाच्चना । जिगु छेंय् आपालं धन सम्पत्ति भोग सम्पत्तित नं दुगु जुल ।

२. उबले जि छेंय्या वार्दलिइ याउँक च्वनाः मनप्रसन्न यानाः थुकथं विचाः याना ।

३. “जितः यक्व भवभोग सम्पत्तित प्राप्त जुया च्वंगुदु । जिगु दुनेया नगर नं समृद्ध जू । पृथ्वीश्वरम्ह आनन्द जुजुं नं (भगवान बुद्धसहित भिक्षुसंघयात) निमन्त्रणा यात ।

४. वस्पोल भगवान बुद्ध लोकहितया लागि उत्पन्न जुया विज्याइगु खः । वस्पोल सर्वज्ञ बुद्ध थ्व लोकय् उत्पन्न जुया विज्यात । जिक्के भोग सम्पत्तित नं दया च्वन । शास्तायात (भोजन) दान विइमालि ।”

५. “पदुम नांयाम्ह राजपुत्रं जीनम्ह भगवान बुद्धयात उत्तमगु (भोजन) दान बिल । उगु दाने किसित पर्यकं (आसन) लिधंसा आदि यक्व वस्तुत नं दुगु जुल ।

६. जिं नं बुद्ध प्रमुख संघयात दान विइ । मेपिसं मव्यूकथं विइगुलिं न्हापांम्ह जुइ ।”

अपदान पालि

७. गजाः-गजाःगु वस्तु दान विइबले गजाः-गजाःगु फल (सुख विपाक) प्राप्त जुइगु खः धैगु विचाः यानाःलि जिगु इच्छा (संकल्प) पूवनीगु परिष्कारत नं जिं खंका ।

८. गणपिं मध्ये श्रेष्ठ भिक्षुसंघयात उगु परिष्कार दान विइ । मेपिसं न्हापा मब्यूकथं दान बिया अथे दान विइपिं मध्ये न्हापाम्ह जुइ ।

९. अले नलाकारया थाय् वनाःलि कुसा दयेके बिया । कुसात छगू लाख मुंका तया ।

१०. वस्त्रत (चीवर ?) छगू लाख नं जम्मा याना । पात्र छगू लाख नं जम्मा याना ।

११. वासि, चिधंगु चक्क, मुलु, लुसिचायेगु आदि नं ल्वः कथं दयेके बियाः कुसाय् हे भ्रुण्डे याका ।

१२. फय्पनीगु, पंखा, मयुरपा, चामर, लःछानये यायेगु, चिकं थल आदि नं उकिइयात ल्वयेक दयेके बिया ।

१३. सफा यायेगु (तुफि), अंशबन्ध, कायबन्धन (पेटि), पात्रदिकेगु थलत नं उकिइयात ल्वयेक दयेके बिया ।

१४. छयलेगु थलबलत नं अथे हे नँया थले वासःत जायके बियाः जिं कुसाया क्वय् तयेके बिया ।

१५. वचं, उसरं, लट्टिमह, पिप्फलि, मल्ला, मले, वेरलु (सिंगीवेर, बयर) आदि सकतां सामान नं थलय् जायेके बिया ।

१६. उपाहन, पादुकाय्, अथे हे लः हुइगु, बांलाक दयेकूगु तुतां आदि नं उकिइयात ल्वयेक दयेके बिया ।

१७. वासः नालिका (वासः तयेगु व थनेगु थल), सलाका (वासः थायगु थल), धम्मकुत्तरा, ताःचा, ताःचा तयेगु पंचवर्ण युक्तगु थलत नं...

१८. ...आयोग, धुपाँय् थनेगु थल, अथे हे मत च्याकेगु थल, तुम्बक (नापे यायेगु थल), करण्ड, उकियात ल्वःगु कथं दयेके बिया ।

१९. सण्डास (पेंचिस), कैँचि, अथे हे स्वां थ्वया कायेगु चम्चा, वासः (तयेगु)

थल नं उकिइयात ल्वइकथं दयेके बिया ।

२०. लथ्याय् ज्यूगु मेच, चीधंगु मेच, प्यख्येरं घेरेयाना तःगु खाता आदित नं उकिइयात ल्वइगु कथं जिं दयेके बियाः कुसाया क्वय् तयेके बिया ।

२१. बाजाया सः भरेयाना तःगु डस्ना, कपाय् भरेयाना तःगु डस्ना, अथे हे मेचय् तयेगु डस्ना, बांलाक दयेका तःगु फ्वंगा आदि नं उकिइयात मिले जुइगु कथं दयेके बिया ।

२२. कुरुविन्द (मह सफायायेत छ्यलीगु अपा) मधुसिद्ध (कस्ति ल्वाक ज्याःगु मैन), चिकं, अथे हे म्हय् (शरीरे) थायेत छ्यलीगु हिवाँ टुक्रा, सफा याना तःगु ल्वहँ टुक्रा, सिलौटी, सफा यायेगु नं तन्नात नं...

२३. सेनासनत, तुति हुइगु नं, सयनासने (खाताय्) तयेगु दण्ड (लट्टि) नं, वा चुलेगु लेप, धुं नं, छ्यने बुलेगु सुगन्धगु चिकं नं ...

२४. मि च्याकेबले छ्यलीगु कथि/सिं नं, सुं दयेका तःगु मेचत नं, (पिण्ड) पात्रत त्वपुइगु रिकापि व भु, लः कायेगु लागि छ्यलीगु थल (कच्छु) नं, फो होर सफा याइगु चूर्णत नं..

२५. तुफित, लःथल, अथेहे वा वइबले छ्यलीगु वस्त्र, फेतुइत छ्यलीगु तन्ना (खोल), (कण्डछ्छा) पेटि, अथे हे अन्तरवासक (हिनेगु चीवर) नं...

२६. (उत्तरासङ्ग) पुनेगु चीवर, संघाटी (निबःगु चीवर), (नत्थुक), ख्वाः सिले गु थल नं, पाउँसे च्वंगु चि, यक्व कस्ति व धौ नं दयेका तःगु त्वनेगु चिजत नं...

२७. धूप थनेगु सामानत, मैन, पिलोतिक, ख्वाः हुइगु रुमाल आदि दान विइमागु छुं नं बाँकि दनिसा थुगु शास्तायात उचित जुइ...

२८. सकतां छथाय् मुंकाः (जम्मा यानाः) महर्षिम्ह भगवान बुद्धया अबु जूम्ह आनन्द जुजुयाथाय् थ्यंकः वना । थ्यंकाःलि वन्दना मान यानाः थुपिं वचनत धया -

२९. (छपिं व जि) नापं (छन्हुं हे) जन्म जुयापिं खः । नापं हे हुर्के जूपिं खः । भी निम्हेसिया नं मन (विचाः) नं छगू हे आकारं दयाच्चनी । सुख-दुःख नं निम्हसित नं अथे हे साभ्ना (साधारण) जुइ । भी निम्ह परस्पर म्वाना

च्वपिं खः ।

३०. हे शत्रु नाश याना विज्याइम्ह जुजु ! जिगु मनये छःपिसं मदयेका छ वयेमागु दुःख छगू दनि । हे क्षेत्रीय ! उकिं फुसा व दुःख मदयेका छ्वया विज्याहुँ ।

३१. छंगु दुःख जिगु दुःख खः । निम्हेसिया नं मन छगू हे आकारं जुयाच्चनी । उकिं छंगु दुःख जिगु दुःख जुयाच्चनीसा व दुःख मदयेके फइगुसा व दुःखया अन्त्य नं जुइमाः, व छु खः धासा ।

३२. हे महाराज ! जिगु तापाके मफयाच्चंगु दुःख सिइका विज्याहुँ । जिं छलपो लयाके वरदान छगू फवने, गुगु छलपोलं चिइके मफइगु खः । व पूरा याये फइगु खःसा धया विज्याहुँ ।

३३. जिगु राज्य गन तक दु, जिगु जीवन गुलि तक दु, थुपिं छःपिन्त ज्यावइगु जूसा कम्पा मजूसे व विइ ।

३४. हे देव ! थौं छलपोल थये गर्जना यानाः (धया) विज्यात । अजाःगु गर्जना (गुबले) मखुगु जुयाच्चनी । थौं छलपोल सकतां धर्मे प्रतिष्ठित जुया विज्याना च्वं धकाः स्यू ।

३५. (उगु) गुगु नं विइम्ह जितः, (छःपिसं) थये पेले यानाच्चन । जितः अथे पेलेयानाः छन्त छु प्रयोजन दइ ? छःपिसं प्रार्थना यानागु खँ दः धाः ।

३६. हे महाराज ! अनुत्तरगु, श्रेष्ठम्ह भगवान बुद्ध जितः थः ताः । सम्बुद्धयात भोजन दान विइ । अथे याये मखन धाःसा जिगु जीवन त्याग याये ।

३७. “जिं छन्त मेगु वर विइ । तथागत शास्ता फवने मते । माणिक्य रत्न थें जाःम्ह भगवान बुद्ध सुइत नं विइ मज्यू ।”

३८. हे देव ! छलपोलं थःगु जीवन जूसां विइ धकाः गर्जना याना विज्यानागु मखुला ? जीवन विइम्हसिनं भगवान बुद्ध विइगु उचित जू ।

३९. भगवान बुद्ध अलग्ग खः । छुटेयाना तयेमाः । सर्वज्ञ बुद्ध सुयात नं विइ मज्यू । जिं भगवान बुद्ध विइ धकाः मधया । आपालं धन फवना दिसँ ।

४०. अथेसा अधिकरणे (अदालते) हे वने । अन हे बांलाक निश्चय याये ।

अपदान पालि

अन अधिकरण नायः तयूसं गथे खः अथे हे निर्णय याइ । उकिं अन हे वनाः इमिके न्यने ।

४१. अले जुजुया ल्हाः ज्वनाः जिपिं अदालते वना । अले वकिल न्यायाधिसया न्ह्यःने जिं थथे धया ।

४२. हे न्यायाधिसपिं ! जिगु खँ न्यना दिसँ । छुंनं बाँकि मतसे जितः जुजुं वर दान (छगू) ब्यूगु जुल । जीवन नापं ब्यूगु जुल ।

४३. जितः वरदान ब्यूम्ह वस्पोलपाखें जिं भगवान बुद्धयात पवना । जितः भगवान बुद्ध विइला धैगु जिके शंका दयाच्चन । उकिं दः बांलाक भगवान बुद्ध विइमा ।

४४. छंगु धापू नं (भूमिपाल), जुजुया धापू नं जिमिसं न्यने । निम्हसिगु नं धापू (वचन) न्यनाःलिं छिमिगु शंका (प्रश्न) निराकरण, समाधान याये ।

४५. हे महाराज ! छुं नं बाँकि मतसे सकतां काये फइगु कथं छलपोल सकतां वयात बियागु खः ला ? जीवन नापं बियागु खः ला ?

४६. थ्व मनू दुःखिम्ह जुयाः उत्तमगु वर छगू पवना । अतिकं दुःखि जूगु सिइकाः (थःगु सकतां विइ धकाः) सर्वग्राहक यानाः वरदान बिया ।

४७. हे महाराज ! छलपोल वुना विज्यात । भगवान बुद्ध वयात विइमाः । निम्हेसिया नं शंका निवारण यानाः सत्पुरुष धर्म अनुसारं धर्म च्वनेमाः ।

४८. अले जुजु अन हे दना च्वंसे न्यायाधिसपिन्त थथे धाल । हे मित्रपिं ! छिमिसं नं दः वचन ब्यूसा हानं जितः भगवान बुद्ध प्राप्त जुइ ।

४९. “छंगु इच्छा-प्रार्थना पूरा याये धुंका भगवान बुद्धयात भोजन दान विइ सिधये धुंकाः आनन्द जुजुयात हानं भगवान बुद्ध लित विइतिनि ।”

५०. न्यायाधिस व जुजुयात वन्दना यानाः खुसि जुयाः प्रफुल्ल जूम्ह जुयाः सम्बुद्धयाथाय् थ्यंकः वना ।

५१. प्यंगू ओघ (खुसि) पार तरेयाना विज्याःम्ह आश्रवरहितम्ह भगवान बुद्धयाथाय् थ्यंकः वनाः वन्दना यानाः थ्व वचन धया ।

५२. मिखारूपी ज्ञां दुम्ह हे भगवान बुद्ध ! अर्हत भिक्षुपिं छगू लाखसहितं

जिगु भोजन दान स्वीकार याना विज्यासे भोजन विज्याहँ । जिगु मन लय् तायेकुसे जिगु छय्यैय् विज्याहँ ।

५३. लोकवासीपिनिगु पूजा-सत्कार स्वीकार (ग्रहण) याना विज्याइमह, स्वंगू लोक नं बांलाक सिइका विज्याःमह, मिखा-ज्ञां दुमह पदुमुत्तर भगवान बुद्ध जिगु इच्छा सिइकाः उगु भोजन निमन्त्रणा स्वीकार याना विज्यात ।

५४. जिगु निमन्त्रणा स्वीकार याना विज्याःगु सिइकाः वस्पोल शास्तायात वन्दना यानाः लय्तानाः, खुसिं गद्गद् जूमह जुयाः वयागु छैय्सं लिहाँ वया ।

५५. जिं थः पासा-अमात्यपिं (छैय्) मुंकाः थथे धया – माणिक्य रत्न थें अतिकं दुर्लभगु वस्तु जिं प्राप्त यानागु जुल ।

५६. अप्रमेयमह (प्रमाण याये मफुमह), अनूपममह (उपमा तये मफुमह), अतुल्यमह (तुलना याये मफुमह), धीरमह, जीनमह, अप्रतिपुद्गलमह वस्पोल भगवान बुद्धयात छुकिं पूजा याये ?

५७. अथे हे वस्पोल भगवान बुद्ध असम-सममह खः । अद्वितीयमह खः श्रेष्ठनर खः, जिं वस्पोल बुद्धयात ल्वःगु कथं पूजा-दान यायेत थाकु तायेका च्वना ।

५८. नानाविध (अनेक प्रकारया) स्वांत मुंकाः स्वांया मण्डप (पुष्प-मण्डप) दयेके । व सकतां पूजा भगवान बुद्धयात योग्य जुइ ।

५९. अले उत्पला स्वां, पलेस्वां, चम्पक स्वां, नाग स्वां, वस्सिक स्वां व अधिमुक्तक स्वां आदि स्वांतय्सं जिं मण्डप छगू तयार याका ।

६०. छगू लाख कुसाया क्वसं छगू लाखगु आसन नं तयेके विया । जिगु अन्तिमगु आसन छगूलाख सिवे मू वं ।

६१. जिं कुसाया क्वसँ छगू लाख आसनत लायेकाः तयार यानाः क्वचाये काः नयेगु त्वनेगु नं तयार याकाःलि (भोजनया) ई जुल धकाः खबर याका ।

६२. ई जुल धकाः खबर याये धुंकाः वस्पोल पदुमुत्तर भगवान बुद्धसहित छगू लाख अर्हत् भिक्षुपिं जिगु छय्यैय् विज्यात ।

६३. च्वय् कुसां कुइकातःगु बांलाक ह्वयाच्वंगु स्वां नं दयेका तःगु मण्डपय् भगवान बुद्धसहित छगू लाख भिक्षुसंघपिं आसनये फेतुना विज्यात ।

६४. कुसात छगू लाख दु । आसनत नं छगू लाख दु । हे भगवान बुद्ध ! थुपिं ग्रहण याये योग्य जू । उचित नं जू । उकिं स्वीकार याना विज्याहुँ ।

६५. लोकवासीपिनिगु पूजात ग्रहण याना विज्याइम्ह, वस्पोल महामुनिम्ह पदुमुत्तर भगवान बुद्ध जि (भवसागरं) पार तरे यायेया नितिं अग्र (दानत) स्वीकार याना विज्यात ।

६६. जिं छम्ह छम्ह भिक्षुयात म्हाति म्हातिं पात्र छगः छगः याना: (दान) बिया । वस्पोलपिसं न्हापां ज्वना विज्या:गु पात्रत चिइका विज्यात । सकल भन्ते पिसं आ: (जिं बियागु) लोहं पात्र धारण याना विज्याना च्वन ।

६७. वस्पोल भगवान बुद्ध उगु स्वांया मण्डपय् न्हेन्हु न्हेचा च्वना विज्यात । यक्व सत्व-प्राणीपिन्त धर्म बोध याका विज्यासे धर्मचक्र (सूत्र) देशना याना विज्यात ।

६८. उगु पुष्पमण्डपय् दुने (क्वय्) च्वना: धर्मचक्र देशना याना विज्याइबले द्र:लंद्र: (करिव असि हजार) सत्व-प्राणीपिन्त धर्मावबोधया ई जुइ ।

६९. अले न्हेन्हु दुखुन्हु वस्पोल पदुमुत्तर भगवान बुद्ध उगु कुसाया किचले च्वना विज्याना: हे थुपिं गाथात धया विज्यात ।

७०. “गुम्ह माणवकं (उपासकं) छुं कथंया मगा:-मचा: मयासे उत्तमगु दान व्यूगु ख:, जिं उम्ह (मनू) सु ख: धका: धाये, जिगु खँ बांलाक न्यँ ।”

७१. वयात न्ह्याबलें “किसित-सल-रथ-सैनिक” धैगु प्यंगू प्रकारया समूह नं चा:हुइका: च्वनी । थ्व सर्वदानया विपाक-फल ख: ।

७२. किसि-रथ, सल-रथ, सिविका (क्ववीगु रथ) । सन्दमानी (साला यंके गु रथ) आदि रथत न्ह्याबलें वयात दयाच्वनी । थ्व सर्वदानया विपाक-फल ख: ।

७३. सकतां प्रकारया तिसां (आभरणं) सजे याना त:गु ख्वीद्व:गु रथत नं वयात न्ह्याबलें दयाच्वनी । थ्व सर्वदानया विपाक-फल ख: ।

७४. ख्वीद्व:गु बांलाक सजेयाना त:गु बाजंतय्सं वयात न्ह्याबलें धून (संगीत) बियाच्वनी । थ्व सर्वदानया विपाक-फल ख: ।

अपदान पालि

७५. छगू हे आकारं बांलाक छायेपा तःपिं (अलंकृतपिं) मिसात प्थीखुद्धः विचित्रगु वस्त्राभरण (वसतं) युक्तपिं जुयाः, तिनातःगु तिसा नं युक्तपिं जुयाः...

७६. ताःहाकःगु मिखाफुसि दुपिं, न्हिउ ख्वाः दुपिं, बांलाः धकाः धायेफुगु शरीराङ्गत दुपिं मिस्तयस् जितः न्ह्याबलें चाःहुइकाः च्वनी । थ्व सर्वदानया विपाक-फल खः ।

७७. (थुकथं) स्वीगुद्धः कल्प तक देवलोकय् न्ह्याइपुका च्वना । द्वःछिक्वः दे वइन्द्र जुयाः दिव्यराज्य चलेयाना ।

७८. (अथे हे) द्वःछिक्वः ला (मनुष्यलोकय्) चक्रवर्ती जुजु जुया । प्रदेश र ज्यतला अनन्तक्व राज्य याना ल्याखं- अल्याख जुइ ।

७९. (थःगु उगु) पुण्यकर्मया आनुभावं देवलोकय् बासयाना च्वंबले देवलो कया अन्ततकगु रत्नमयगु कुसां कुइका तइ ।

८०. गुबले जिं स्वां नं दयेका तःगु वस्त्रया किचःया क्वय् च्वनेगु मतिइ तये ; उगु मनया खँ सिइकाः न्ह्याबलें उगु किचलं त्वपुना तथा ।

८१. देवलोकं च्यूत जुइधुंकाः नं उगु कुशलकर्मया आनुभावं पुण्यानुभावं युक्तमह ब्राह्मण जुयाच्वनी ।

८२. अनलिं छगूलख कल्प लिपा ओक्काक कुलय् जन्म जुइमह नामं 'गौतम' नांयाम्ह शास्ता (बुद्ध) लोकय् उत्पन्त (जन्म) जुइतिनि ।

८३. शाक्यमुनिमह वस्पोल गौतम बुद्धं दक्वं सिइका विज्यासे भिक्षुसंघया विचय् च्वना "थुइत" एकदग्र स्थाने तथा विज्याइतिनि ।

८४. देवातापिसं, असुरतय्सं, गन्धर्वपिसं सत्कार याइमह 'पिलिन्दिक्छ' नांयाम्ह बुद्धश्रावक (बुद्धया शिष्य भिक्षु) जुइतिनि ।

८५. अथे हे थ्वं भिक्षुपिन्त नं, भिक्षुणीपिन्त नं, गृहस्थीपिन्त नं सकसित नं प्रियमह (यःमह) जुयाः आश्रव (क्लेश) रहितमह जुयाः बास याइतिनि ।

८६. थनिं छगू लाख कल्प न्हापा याना वयागु उगु (कुशल) कर्मया विपाक-फल आः जितः क्यनाच्वन (वियाच्वन) धनुष-बाणं बाण त्वःतूथें क्लेश नष्ट याइतिनि ।

८७. अनुत्तरगु पुण्यक्षेत्रे (पुण्यरूपी भूमिइ) जिं याना वयागु भिं कर्म अचम्मगु खः । गुगु पुण्यक्षेत्रे पुण्यकर्म याना वया व कारणं आः वयाः जिं अमृतपद, निश्चल पद (निर्वाण) प्राप्त याना च्वना । (निर्वाणय् थ्यंकाच्चना ।)

८८. गुम्ह माणवकं (उपासकं) छुकिं नं कम मज्जू उतमगु दान व्यूगु खः, उकिया जि न्हापाम्ह जुया । थ्व सकतां व दानया हे फल-विपाक खः ।

८९. सुगतम्ह भगवान बुद्धसहित गणप्रधान भिक्षुसंघयात गुगु कुसात दान बियालि जितः उगु कर्मयात त्वःगु आनिसंस (विपाक) च्यागू भोग यानाः च्वने खन ।

९०. (क) 'चिकुगु-तान्वःगु' मस्यू । (ख) म्हय् हाक्-फोहर आदि मथाः । (ग) उपद्रव विपत्ति मजू । (घ) न्ह्याबले (मेपिसं) मानेयाःम्ह जुयाच्चना ।

९१. (ङ) नाइसेच्वंगु छयंगू (म्ह) दुम्ह जुयाच्चना । (च) मन सफा जुयाच्चना । भव संसारे चाःहिलाच्चनीम्ह जितः छगू लाख कुसां...

९२. (छ) थुगु जन्मे वाहेक न्हापाया दक्व जन्मे अनेकगु अलंकारगु कुसां गुगु कर्मया आनुभावं कुइका च्वंगु जुइ ।

९३. (ज) थुगु जन्मे जक छाय् कुसां मकुइकूले धायेबले छाय् धाःसा थ्व जन्मे जिं यानागु कर्मया कारणं विमुक्तिरूपी कुसा (निर्वाण) लाभ यानाः काइम्ह जूगुलिं खः ।

९४. भगवान बुद्धयात, गणप्रधान भिक्षुसंघयात गुगु वस्तुत (चीवर आदि) दान बियागु खः उगु कर्मया उचितगु विपाक-फल कथं च्यागू आनिसंस (विपाक) फल भोग यानाच्चना ।

९५. सुवर्णवर्णम्ह, रज (धू) रहितम्ह, प्रभासहितम्ह, प्रतापिम्ह जुयाच्चना । भवसंसारे चाःहिला च्वनाबले जिगु शरीर नाइसे च्वंगु जुयाच्चनी ।

९६. तुइसेच्वंगु, म्हासुसेच्वंगु, ह्याउंसेच्वंगु छगू लाख वस्त्रत जिगु छेंय् च्वय् दयाच्चनी । थ्व उगु वस्त्र दानया विपाक-फल खः ।

९७. कोसय्य वस्त्र, कम्बलि वस्त्र, (फायेगु कापः) खोपा, सुति कापः आदि वस्त्रत नं उगु कर्मया फल कथं जितः न्ह्याथाय् नं प्राप्त जुयाच्चनी ।

अपदान पालि

९८. वस्पोल भगवान बुद्धयात व गणप्रधान भिक्षुसंघयात पात्र आदि दान बिया, उगु दानयात उचितगु भिगू प्रकारया आनिसंस (फल विपाक) भोग याना च्वना ।

९९. लुँया भुइ, रत्नया भुइ, वहःया भुइ, ह्याउँगु माणिक रत्न दुगु भुइ; आदिइ जिं न्ह्याबलें नयेगु याना ।

१००. उपद्रवरहितम्ह, विपतरहितम्ह जुया: न्ह्याबलें नं (सकस्यां) पूजा याइम्ह जुयाच्वना । आहार पान, वस्त्रादि, सयनासन आदित नं प्राप्त यानाच्वनीम्ह जुयाच्वना ।

१०१. जिगु भोग (सम्पत्ति) गुबलें विनाश (फुइ) मखु । जि स्थीरगु मन दुम्ह जुयाच्वनी । न्ह्याबलें नं धर्म यःम्ह जुयाच्वनी । अल्पगु क्लेश (आशक्ति) दुम्ह जुयाच्वनीसा आश्रवरहितम्ह नं जुइ ।

१०२. देवलोकय, मनुष्यलोकय थुपिं गुणधर्मत जि नापं नापं वयाच्वनी । गथे सिमाया किचः नं सिमायात त्वःती मखु अथे हे उगु फलं जितः त्वःतीमखु ।

१०३. जिं विचित्रगु चु दुगु बांलाक दयेकातःगु यक्व चुपि (चक्कु) आदित श्रेष्ठम्ह बुद्धयात व भिक्षुसंघयात दान बियाःलि च्यागू प्रकारया आनिसंस (फल-विपाक) कर्मानुसार भोग याना ।

१०४. सुरम्ह, विशारदम्ह, चंचल मजूम्ह व ज्ञानये निपुणम्ह जुयाच्वनी । न्ह्याबलें धैर्यं युक्तम्ह, वीर्यं युक्तम्ह छगू मन (क्वातुगु मन) दुम्ह जुयाच्वनी ।

१०५. जिं सूक्ष्मगु, अतुलनीयगु, शुद्धगु क्लेश छेदन (चानाः) यायेगु प्रज्ञा-ज्ञान नं उगु पुण्यकर्मया आनुभावं न्ह्याथाय् नं (दक्व जन्मे) प्राप्त याना च्वनाम्ह जुया ।

१०६. भगवान बुद्धयात व भिक्षुसंघयात जिं प्रसन्नगु मन दुम्ह जुयाः धार मदुगु, मस्यंगु बांलाक दयेका तःगु सामानत यक्व दान बियाःलिं...

१०७.जिगु उगु कर्मयात त्वःगु न्यागू आनिसंसत भोग याना च्वना । कल्याण यायेगु मन दुम्ह, वीर्यं दुम्ह, क्षान्ति दुम्ह, मैत्री दुम्ह....

१०८. ...तृष्णारूपी शूल छेदन याइम्ह जूगुलिं अनुत्तरगु प्रज्ञारूपी अस्त्रगु न्हाय्कं समानगु ज्ञान नं उगु कुशलकर्मया बलं (आनुभावं) प्राप्त यानाच्वना

।

१०९. भगवान् बुद्धयात् व गणप्रधान भिक्षुसंघयात् मुलु सुका दान वियाःलि व कर्मयात् ल्वःकथं न्यागू प्रकारया आनिसंस (फल) जिं (अनुभव) भोग यानाच्चनी ।

११०. दक्व प्रकारया भव (सागरय्) चाःहिला च्वनेबले जिं न्ह्याबलें नं शंका मदुम्ह, उपशंका छेदन याःम्ह, बांलाःगु रूप (शोभा) दुम्ह, भोग (सम्पत्ति) दुम्ह, तीक्षणगु प्रज्ञा ज्ञान दुम्ह जुयाच्चनी ।

१११. गम्भिरगु निपुणगु (सूक्ष्मगु) थासय् जिं अर्थ-ज्ञानं खंके फुम्ह जुयाच्चना । जिगु मोहरूपी अन्धकार मदेकेगुलिइ न्हाय्कं थें च्वंगु ज्ञान (बुद्धि) दयाच्चनी ।

११२. भगवान् बुद्धयात् व गणप्रधान भिक्षुसंघयात् लुसि चायेगु दान वियाःलिं उगु कर्मयात् ल्वःकथं न्यागू आनिसंस (फल) भोग यानाच्चनी ।

११३. जितः (न्ह्यागु जन्मे नं), न्ह्याथाय् नं दास-दासित, सा-साजवात्, सल-सलजवाःत्, सुरक्षाकःमित, मोल्हुकीपिं, जा थुया नकीपिं आदि नोकर चाकरत प्राप्त जुयाच्चनी ।

११४. भगवान् बुद्ध व गणप्रधान भिक्षुसंघयात् शोभनगु विजनि-पंखा व ताल-पंखात् दान वियाःलि उगु कर्मयात् ल्वःकथं च्यागू प्रकारया आनिसंस (फल) भोग यानाच्चनी ।

११५. तांन्वः-चिकु धैगु मस्यू । दाह जुइगु धैगु मस्यू । चिन्ता-सन्ताप आदिगु सन्ताप (तनाव) धैगु जिं मस्यू ।

११६. जिगु व कुशल कर्मया विपाककथं राग-मि, द्वेष-मि, मोह-मि, मान-मि, दृष्टि-मि आदि दक्व प्रकारया मि त सिनावन ।

११७. भगवान् बुद्धयात् व उत्तमगु भिक्षुसंघयात् मयुर-पंखा, थामर-पंखा आदि दान वियाःलि जि शान्त जूगु क्लेशं युक्तम्ह (क्लेश मदुम्ह) जुयाः आश्रवरहितम्ह जुयाः वास यानाच्चनी ।

११८. भगवान् बुद्ध व गणप्रधान भिक्षुसंघयात् लः छाने यायेगु (चाल्नी) दान वियाःलि उगु कर्मयात् ल्वःकथं न्यागू प्रकारया आनिसंस (फल) भोगे

यानाच्चनी ।

११९. जितः मेपिं सकसिगु नं आयु सिबे अप्वःगु दिव्यमयगु आयु दयाच्चनी । न्ह्याबले खँतयसं वा शत्रुतयसं मर्दन (दमन) याये मफुम्ह जुयाच्चनी ।

१२०. छुं नं अस्त्रं (हतियारं) अथवा विषं जितः हानी याये फइमुख । जिगु गुबले नं अकाल मरण जुइमखु । उगु पुण्यकर्म यानाः जि जिगु पूर्ण आयुष भोग यानाच्चनी ।

१२१. भगवान बुद्ध (सुगत) व उत्तमगु गण भिक्षुसंघयात चिकं थनेगु व तये गु थलत दान बियाःलि उगु कर्मयात ल्वःकथं न्यागू प्रकारया आनिसंस (फल) भोग यानाच्चनी ।

१२२. मनोहरगु रूप दुम्ह, मनोज्ञगु सःदुम्ह, बांलाक समाधिगतगु मन दुम्ह, अविक्षिप्तगु (ल्वाकः-बुकः मजूगु) मन दुम्ह, सकल प्रकारया सुरक्षां आर क्षितम्ह नं जुयाच्चनी ।

१२३. भगवान बुद्धयात व उत्तमगु गणप्रधान भिक्षुसंघयात चःवि दयेकाः दान बियाःलि उगु कर्मयात ल्वःकथं गु स्वंगू प्रकारया आनिसंस (फल) भोगे यानाच्चनी ।

१२४. मानसिक सुख, कायिक सुख, इर्यापथ सुख धैगु स्वंगू गुणधर्मत उगु पुण्य कर्मया फल अनुरूप जिं प्राप्त यानाच्चनी ।

१२५. जीनम्ह भगवान बुद्ध व उत्तम गण भिक्षुसंघयात अन्तरवास (दुने पुनेगु चीवर) दान बियाःलि उगु कर्मयात ल्वःकथं स्वंगू प्रकारया आनिसंस (फल) भोगे यानाच्चनी ।

१२६. मेपिनिगु मन सीकेगु ज्ञान प्राप्त यानाच्चनी । निगूगु भव (न्हापांगु जन्मया खँ वा लिपांगु जन्मया खँ ?) सीकेगु ज्ञान नं प्राप्त यानाच्चनी । जिं न्ह्याथायुं नं बांलाःगु छवि दुम्ह जुयाच्चनी । थ्व उगु पुण्य कर्मया फल खः ।

१२७. जीनम्ह भगवान बुद्ध व उत्तमगु गण भिक्षुसंघयात जिं कायबन्धन (पेटि) दान बियाःलि उगु कर्मयात ल्वःकथंया खुगू आनिसंसत (फल) भोगे यानाच्चनी ।

१२८. ध्याने च्चनेबले कम्पा जुइमखु, ध्याने दुबिना च्चनीम्ह जुइ । भेदर

हितगु जनपिं दयाच्चनी । न्ह्याबलें जिगु वचन न्यने योग्य (स्वीकार योग्य) जुयाच्चनी ।

१२९. स्मृति (होस) दयाच्चनीम्ह जुयाच्चनी । जितः गुबले नं सन्ताप धै गु मद्दु । थुपिं गुणत देवलोक्य् जन्म जूसां, मनुष्यलोक्य् जन्म जूसां जिके दयाच्चनी ।

१३०. जीनम्ह भगवान बुद्ध व उत्तम गण भिक्षुसंघयात पात्र दिकेगु आधारक (थल) दान बियाःलि न्यागू प्रकारं प्राप्तयानागु दायाद (आनिसंस) दुम्ह जुयाच्चन । छुकिं नं कम्प मजुइम्ह जुयाच्चना ।

१३१. जिं गुगु धर्मत न्यनेगु याना व दक्व धर्म जिगु स्मृति व ज्ञान प्रबोधित याइ । मने धारण यानाम्ह जुयाः गुबलें नं नाश जुइमखु । उगु धर्म बांलाक थाना च्वंगु जुइ ।

१३२. भगवान बुद्ध व उत्तमगु भिक्षुसंघयात परिभोग यायेगु थलत (भाजं) दान बियाःलि जिगु उगु कर्मयात ल्वःकथंया आनिसंस (फल) स्वंगू भोग याना च्वना ।

१३३. जिं रत्नमय, माणिक्यमय अथे हे फाल मणिमय व चूडामणिक्यमय थलत प्राप्त याना च्वना ।

१३४. भार्यापिं, दास-दासीपिं, किसि-सल-रथत, सेनात, पतिव्रता मिस्त नं न्ह्याबलें परिभोग वस्तु कथं दयाच्चनी ।

१३५. विद्या, मन्त्रपदत, विविधगु आगम-धर्मत व दक्व शिल्पशास्त्र्य् नं जिं ध्यान बियाच्चनी । व दक्वं जिगु परिभोगया लागि दयाच्चनी ।

१३६. भगवान बुद्ध व उत्तमगु गण-भिक्षुसंघयात थलत दान बियाःलि उगु कर्मयात ल्वःकथंया आनिसंस (फल) स्वंगू भोगेयाना च्वनी ।

१३७. स्वर्णमय, रत्नमय, माणिक्यमय, अथे हे हिरांयुक्त थलत नं जिं प्राप्त याना च्वनी ।

१३८. सलथें च्वंगु थलत, अथेहे पुगुथें च्वंगु थलत, कस्ति त्वनेगु शंखत आदि प्रकारया थलत नं प्राप्त यानाच्चनी ।

अपदान पालि

१३९. नित्यकर्म यायेगुलिइ नं आचार-क्रियादि प्रतिपत्ति आदि गुण धर्मत उगु कर्मयात ल्वःकथं जितः प्राप्त जुयाच्चनी ।

१४०. भगवान बुद्धयात व उत्तमगु गण-भिक्षुसंघयात जिं वासः दान बियाःलि उगु कर्मयात ल्वःकथंया आनिसंस (फल) भिगू प्रकारं भोगेयाना च्वनी ।

१४१. जि न्ह्याबलें आयु दुम्ह, बल (शक्ति) दुम्ह, वीरम्ह, वर्ण दुम्ह, यश दुम्ह, सुख दुम्ह, उपद्रवरहितम्ह, विपत्तिरहितम्ह अथे हे सकस्यां मानेयाइम्ह जुया च्वनी । थ्व सकतां अले उगु पुण्यकर्मया आनुभावं जितः गुबलें थःपि नापं बाया च्वनेमालीगु दुःख मद्दु ।

१४२. जीनम्ह भगवान बुद्धयात व उत्तमगु गण-भिक्षुसंघयात लाकांत दान बियाःलि । जितः उगु कर्मयात ल्वःकथंया आनिसंस (फल) स्वंगू प्रकारं भोगे यानाच्चनी ।

१४३. किसि-सल रथत, क्ववीगु रथत, सालेगु रथत आदि स्त्रीगू लख रथत जितः न्ह्याबलें चाःहुइकाः च्वनी, दयाच्चनी ।

१४४. भव संसारे चाःहिला च्वनेबले जिगु पलाः पतिकं रत्नमय, स्वर्णमय, कम्बलिमय, वहःयागु आदि कथंया लाकांत उत्पन्न जुयाच्चनी ।

१४५. कर्म न्याय अनुसारं पापं युक्तगु आचार धर्मत शुद्ध यायेगु गुण धर्मत नं उगु पुण्य कर्मया फल कथं जितः प्राप्त जुयाच्चनी ।

१४६. सुगतम्ह भगवान बुद्ध व उत्तमगु गण-भिक्षुसंघयात पाद्रक दान बियाःलि (फल कथं) थः मंदतले ऋद्धिमय पादुके गयाच्चनी ।

१४७. भगवान बुद्ध व उत्तमगु गण-भिक्षुसंघयात (लः हुइगु) रुमाल दान बियाःलि उगु कर्मयात ल्वःकथंया न्यागू प्रकारं आनिसंस (फल) प्राप्त यानाच्चनी ।

१४८. स्वर्णवर्णगु, रजरहितगु, प्रभांयुक्तगु, प्रतापिगु जिगु शरीर (म्ह) नाइसे नं च्वंच्वनी । धू-फोहर नं म्हय् थाइमखु । उगु पुण्यफल कथं जिं थ्व गुणत प्राप्तयाना च्वनी ।

१४९. सुगतम्ह भगवान बुद्ध व उत्तमगु गण-भिक्षुसंघयात तुतांत दान बियाःलि उगु कर्मयात ल्वःकथंया खुगू प्रकारया आनिसंस (फल) जितः प्राप्त

जुयाच्चनी ।

१५०. जितः कायपिं यक्व दइ । जितः सन्ताप नं जुइमखु । न्ह्याबलें जि सुर क्षित जुयाच्चनी । जितः सुनानं क्वत्यले फइमखु । (बलं) कुतुवनीगु धैगु जिं मस्यू । जिगु मन भ्रान्त नं जुइमखु ।

१५१. भगवान बुद्ध व उत्तमगु गण-भिक्षुसंघयात वासः अञ्जन बियाःलि जिगु उगु कर्मयात ल्वःकथं च्यागू प्रकारया आनिसंस (फल) भोगे याना च्वनी ।

१५२. तुइसेच्चंगु, म्हासुसेच्चंगु व ह्याउंसेच्चंगु ततःग्वःगु मिखा दुम्ह जुयाच्चनी । सकतां प्रकारया ल्वचं मुक्तगु, निर्मलगु, प्रसन्नगु मिखा दुम्ह नं जुइ ।

१५३. अनुत्तरगु दिव्यमय मिखा, ज्ञान-मिखा नं प्राप्त जुयाच्चनी । जितः उगु पुण्यफल कथं थुपिं गुणत प्राप्त जुयाच्चनी ।

१५४. भगवान बुद्ध व उत्तमगु गण-भिक्षुसंघयात ताःचा दान बियाःलि धर्मरूपी खापा चायेकीगु ज्ञां रूपी ताःचा प्राप्त जुयाच्चनी ।

१५५. भगवान बुद्ध व उत्तमगु गण-भिक्षुसंघयात ताःफवः दान बियाःलि जिगु उगु कर्मयात ल्वःकथं निगू प्रकारया आनिसंस (फल) भोगे याना च्वनी । जि थ्व भव संसारे चाःहिला च्वनेबले क्रोध (तं) मदुम्ह, अत्यास मदुम्ह जुयाच्चनी ।

१५६. भगवान बुद्ध व उत्तमगु गण-भिक्षुसंघयात आयोग (ताःचा भुण्डय यायेगु पेटी) दान बियाःलि जिगु उगु कर्मयात ल्वःकथंया न्यागू आनिसंस (फल) भोगेयाना ।

१५७. समाधिइ (ध्याने) कम्प जुइमखु । ध्याने (समाधिइ) मग्न (दुव्यूम्ह) जुयाच्चनी । भेदरहित जनत दयाच्चनी । न्ह्याबलें स्त्रीकार योग्य वचन दुम्ह जुयाच्चनी । भव संसारे चाःहिला च्वनेबले भोग सम्पत्ति नं दयाच्चनी ।

१५८. भगवान बुद्ध व उत्तमगु गण-भिक्षुसंघयात धुंच्याकेगु (तयेगु) थल (नाली) दान बियाःलि जिगु उगु कर्मयात ल्वःकथंया स्वंगू आनिसंस (फल) भोगे याना च्वनी ।

१५९. जिगु होस (स्मृति) तप्यनाच्चनी । बांलाक सम्बन्ध जुयाच्चंगु नसात दयाच्चनी । अथे हे उगु पुण्यफल कथं दिव्य-मिखा नं दयाच्चनी ।

अपदान पालि

१६०. जीनम्ह भगवान बुद्ध व उत्तमगु गण-भिक्षुसंघयात मत तयेगु थल दान बियाःलि जिगु उगु कर्मयात ल्वःकथं स्वंगू आनिसंस (फल) भोगेयाना च्वनी ।

१६१. उत्तमगु जन्म दइ । सम्पूर्णगू अंगं युक्तम्ह जुइ । बुद्धि सम्पन्नगु ज्ञान (प्रज्ञा) दुम्ह जुइ । उगु पुण्यानुभावं थुपिं गुणत प्राप्त यानाच्वनी ।

१६२. भगवान बुद्ध व उत्तमगु गण-भिक्षुसंघयात तुम्बक (वा तयेगु थल) व करण्ड (बहुमूल्य चिज तयेगु थल) दान बियाःलि जिगु उगु कर्मयात ल्वःकथंगु भिगू आनिसंस (फल) भोगेयाना च्वनी ।

१६३. न्ह्याबलें सुरक्षितम्ह जुयाः, सुख सम्पत्तिं युक्तम्ह जुयाः, महायश दुम्ह जुयाः, बांलाःगु गतिगुणं युक्तम्ह जुयाः, विपत्तिं मुक्तम्ह जुयाः, सुकोमलम्ह जुयाः, दक्व उपद्रवत तापाक च्वनाम्ह जुयाच्वनी ।

१६४. यक्व गुण दुम्ह जुयाच्वना । मिले जूगु तुति दुम्ह जुयाच्वना । बांलाक ल्वःताःगु चंचल गति दुम्ह नं जुयाच्वना । नापे यायेगु थलत व करण्ड नं...

१६५. ...प्यंगू वर्णं युक्तगु ल्हाते तयेगु रत्नत नं प्राप्त याना च्वनी । जिगु उगु सम्पत्तित फुइमखु । तुम्बक नांयागु उगु धान्यमानक भाजं दानया थ्व विपाक-फल खः ।

१६६. भगवान बुद्ध व उत्तमगु गण-भिक्षुसंघयात अन्जन-नलि दान बियाःलि जिगु उगु कर्मयात ल्वःकथंगु आनिसंस न्यागू भोगेयाना च्वनी ।

१६७. सकतां प्रकारया गुण-लक्षणं सम्पन्नम्ह, दीर्घायु व प्रज्ञा ज्ञानं समन्वितम्ह, सकतां प्रकारया आयासं मुक्त जूगु शरीर (म्ह) जितः न्ह्याबलें दयाच्वनी ।

१६८. भगवान बुद्ध व उत्तमगु भिक्षुसंघयात स्यल्लाःगु धार दुगु कैची दान बियाःलि क्लेश तनावंगु शुद्धगु अतुलनीयगु ज्ञां प्राप्तयाना च्वनी ।

१६९. सुगतम्ह भगवान बुद्ध व उत्तमगु गण-भिक्षुसंघयात मुगः दान बियाःलि अतुलनीयगु शुद्धगु क्लेश मदयेकेगु ज्ञान नं प्राप्त यानाच्वनी ।

१७०. सुगतम्ह भगवान बुद्ध व उत्तमगु गण-भिक्षुसंघयात न्हासे थःनेगु वस्तु दान बियाःलि जिगु उगु कर्मयात ल्वःकथंया आनिसंस (फल) च्यागू प्राप्त

याना च्वनी ।

१७१. श्रद्धा, शील, लज्जा, भय आदि गुणत व श्रुत, त्याग, क्षान्ति अले च्यागूगु प्रज्ञा धैगु थुपिं खः ।

१७२. सुगतम्ह भगवान बुद्ध व उत्तमगु गण-भिक्षुसंघयात मेच दान वियाःलि जिगु उगु कर्मयात ल्वःकथं न्यागू आनिसंस (फल) भोगे याना च्वनी ।

१७३. उच्चगु (च्वय्) कुलय् जन्म जुइ । महाभोग सम्पत्ति दुम्ह जुइ । सकस्यां जितः माने याइ । जिगु यशकीर्ति च्वय् थ्यंक फैले जुइ ।

१७४. छगू लाख कल्पतक नं जितः प्यंगू कुना दुगु सोफा (मेचत) जितः न्ह्यावलें (दयाः) चाःहुइकाः च्वनी । जि दान वीगुलिइ संयोजकया भूमिका निर्वाह याइम्ह नं जुइ ।

१७५. सुगतम्ह भगवान बुद्ध व उत्तमगु गण-भिक्षुसंघयात गद्दा (भिसि, कुसन) दान वियाःलि जिगु उगु कर्मयात ल्वःकथं खुगू प्रकारया आनिसंस (फल) भोगे याना च्वनी ।

१७६. समानगु शरीर (म्ह) दुम्ह, यक्वस्यां माने याइम्ह जुइ । मृदु (नाइसे च्वंगु) म्ह दुम्ह जुइ । यइपुसेच्वंगु रूपरंग दुम्ह जुइ । ज्ञां दुपिं परिवारपिं नं दइ । थ्व व गद्दा दानया फल खः ।

१७७. जिं कपाय् जायेका तःगु लासा, सिंह आदि रूप दुगु खातात, माणिकर त्त छुना तःगु भल्लरत, विचित्रगु च्वलेचाया सं (ऊन) छुनातःगु तन्नात अले उत्तमगु वस्त्रत नापं नानाविधगु कम्बल (फायेगु सिलः) नं प्राप्त याना च्वनी ।

१७८. नाइसेच्वंगु दुने पुनेगु वस्त्रत, नाइसेच्वंगु मेगु वस्त्रत व नानाविधगु अत्तर (नस्वाः) त नं प्राप्त याना च्वनी । थ्व भिसि दानया फल विपाक खः ।

१७९. गुबलेनिसें थःत लुमंकेगु याना, गुबलेनिसें जि ज्ञां दुम्ह (पण्डितम्ह) जुया (अबले निसें) जिं खालि मजूम्ह जुयाः ध्यानरूपी मञ्च (खाता) दुम्ह (ध्यानी) जुयाच्वनी । थ्व गद्दा (कुसन) दानया विपाक-फल खः ।

१८०. जीनम्ह भगवान बुद्धयात व उत्तमगु गण-भिक्षुसंघयात फुंग दान वियाःलि जिगु उगु कर्मयात ल्वःकथंया आनिसंस (फल) खुगू भोगे याना

चवनी ।

१८१. नाइसेच्चंगु सं जायेका तःगु, पलेस्वांया केसरं जायेका तःगु, र कचन्दनया धू जायेका तःगु प्वंगत न्ह्याबलें जिगु छ्यंक्वसं दयाचवनी ।

१८२. अष्टाङ्गिकगु उत्तमगु मार्गय् नं प्यंगू श्रामञ्जफलय् थ्यंकूम्ह जुयाः जि उकिइ न्ह्याबलें प्रत्यवेक्षणा ज्ञानं स्वइम्ह जुयाचवनी ।

१८३. (दान) बिइगुलिइ, (शरीर-मन) दमन यायेगुलिइ, संवर व रूपावचर ध्याने, थुपिं सकतां धर्ममार्गे जि ध्यान तयाः लगे जुइम्ह जुयाचवनी ।

१८४. जिं यायेमाःगु ज्याय्, गुणधर्मे, प्रतिपत्तिइ आचार-क्रियाय् आदि न्ह्यागु ज्याय् नं होस् तयाः लगे जुइम्ह जुयाचवनी ।

१८५. चंक्रमण यायेगुलिइ नं, प्रधाने नं, वीर्य यायेगुलिइ नं बोधिपाक्षिक धमे नं आदिले थः मदु कथं हे होस् तयाः (स्मृति पूर्वक) चवनेगु याना चवनी ।

१८६. शील, समाधि, प्रज्ञा व अनुत्तरगु विमुक्ति ज्ञान आदि धर्मागे नं स्मृतिपूर्वक लगे जुयाः जि याउंक् बास याना चवनी ।

१८७. जीनम्ह भगवान बुद्ध व उत्तमगु गण-भिक्षुसंघयात गद्दा (लिधंसा, कुसन) दान वियाःलि जिगु उगु कर्मयात ल्वःकथंया निगू आनिसंस (फल) प्राप्त याना चवनी ।

१८८. रत्नमय, माणिक्यरत्नमय, किसिदन्तमय, यक्व श्रेष्ठगु पर्यंकत प्राप्त याना चवनी । थ्व गद्दा (लिधंसा, कुसन) दानया विपाक-फल खः ।

१८९. जीनम्ह भगवान बुद्ध व उत्तमगु गण-भिक्षुसंघयात तुति दिकेगु मे चत दान वियाःलि जिगु उगु कर्मयात ल्वःकथंया आनिसंस (फल) निगू भोगे याना चवनी ।

१९०. यक्व यान (रथ) त प्राप्त याना चवनी । थ्व तुतिदिकेगु मेच दानया फल खः । दास-दासीपिं नं, भार्यापिं नं, मेपिं परिवारजनपिं नं जितः बांलाक अनुसरण याइपिं जुयाचवनी । थ्व नं उगु मेच दानया फल खः ।

१९१. भगवान बुद्ध व उत्तमगु गण-भिक्षुसंघयात म्हय् बुइगु चिकं दान वियाःलि जिगु उगु कर्मयात ल्वःकथंया आनिसंस (फल) न्यागू भोगे याना

चवनी ।

१९२. (जिगु) निरोगीभाव, रूपसम्पन्नभाव, याकनं हे धर्म थुइकेगु स्वभाव, आहारपानादि प्राप्त जुइगु स्वभाव, आयु-पंचकर स्वभाव (आयु, वर्ण, सुख, बल, प्रज्ञा) भाव नं जिके दयाचवनी ।

१९३. भगवान बुद्ध व उत्तमगु गण-भिक्षुसंघयात घ्यः (चिकं), व तूचिकं दान बियाःलि जिगु उगु कर्मयात ल्वःकथंया आनिसंस (फल) न्यागू भोगे याना चवनी ।

१९४. न्ह्याबले नं शरीर-शक्ति दुम्ह जुयाः, रूपशोभा दुम्ह जुयाः, प्रफुल्लगु म्ह दुम्ह जुयाः, निरोगीम्ह जुयाः, प्रभा दुम्ह जुयाचवनी । थ्व तूचिकं व घ्यः दानया फल खः ।

१९५. भगवान बुद्ध व उत्तमगु गण-भिक्षुसंघयात ख्वाः सिलेगु वासः दान बियाःलि जिगु उगु कर्मयात ल्वःकथंया आनिसंस (फल) न्यागू भोगे याना चवनी ।

१९६. सफागु कथु दुम्ह जुइ । मधुरगु सः दुम्ह जुइ । खै फायेगु आदिं मुक्तम्ह जुइ । न्ह्याबले जिगु म्हुतु पलेस्वांया नस्वाः प्याहाँ वया (फैले जुया) चवनी ।

१९७. भगवान बुद्ध व उत्तमगु गण-भिक्षुसंघयात समृद्धगु धौ दान बियाःलि उत्तमगु 'कायगतासति' ध्यान आदि अमृत फल भोगे याना चवनी ।

१९८. भगवान बुद्ध व उत्तमगु गण-भिक्षुसंघयात वर्ण-गन्ध-रसं युक्तगु कस्ति दान बियाःलि जिं अनुपमगु अतुलनीयगु विमुक्ति रस त्वनाचवना ।

१९९. भगवान बुद्ध व उत्तमगु गण-भिक्षुसंघयात स्वाभाविक फलफूलया रसत दान बियाःलि जिगु उगु कर्मयात ल्वःकथंया (श्रोतापन्नादि) प्यंगू फल-रसत अनुभव यानाचवना ।

२००. भगवान बुद्ध व उत्तमगु गण-भिक्षुसंघयात आहारपानादि दान बियाःलि जिगु उगु कर्मयात ल्वःकथंया भिगू आनिसंस (फल) भोगेयाना चवनी ।

२०१. जि आयु दुम्ह जुयाचवनी । बल (शक्ति) दुम्ह जुयाचवनी । बुद्धि दुम्ह जुयाचवनी । वर्ण दुम्ह जुयाचवनी । यशकीर्ति दुम्ह जुयाचवनी । सुख दुम्ह जुयाचवनी । आहार पानादि (नसात्वँसा) दुम्ह जुयाचवनी । सूरम्ह जुयाचवनी

अपदान पालि

। भव संसारे चाःहिला च्चनेबले न्त्थाबले थुपिं सकतां दयाच्चनी ।

२०२. सुगतम्ह भगवान् बुद्ध व उत्तमगु गण-भिक्षुसंघयात (सुगन्धित) धूप दान वियाःलि जिगु उगु कर्मयात ल्वःकथया भिगू आनिसंस (फल) भोगे याना च्चनी ।

२०३. सुगन्धित शरीर दुम्ह (नस्वाःगु म्ह दुम्ह), यशकीर्ति दुम्ह, याकनं थुइके गु ज्ञां (शक्ति) दुम्ह, तीक्षणगु प्रज्ञा दुम्ह, गम्भिरगु प्रज्ञा दुम्ह, भूरिप्रज्ञा दुम्ह...

२०४. विपुल (विशाल) गु जवन प्रज्ञा दुम्ह जुयाः भव-संसारे चाःहिला च्चनीसा उगु पुण्यया आनुभावं आः वयाः निर्वाणसहितगु शान्ति-सुख नं प्राप्त यानाम्ह जुयाच्चनी ।

२०५. एकान्तं हे वस्पोल भगवान् बुद्धयाथाय् जिगु भिं सम्प्राप्ति जूगु जुल । त्रिविद्या प्राप्तयानाम्ह जुल । बुद्धशासन नं चिरस्थायी यानाम्ह जुल ।

२०६. जिगु क्लेशत नं दहन जुल । सकतां भवत नं नष्ट जुल । किसिं थें बन्धन चफुनाः आश्रवरहितम्ह जुयाः वास याना च्चना ।

२०७. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना कया । भगवान् बुद्धया सासन नं चिरस्थायी याना ।

थन थुगु प्रकारं आयुष्मान् 'पिलिन्दवच्छ' स्थविरं थुपिं गाथात धया विज्याःगु जुल ।

Dhamma.Digital

पिलिन्दवच्छत्थेरापदान् छगूगु क्वचाल ।

३९२. सेलत्थेरापदान

१. जि हंसवति शहरया, छगू लँपुया मालिक-नायःम्ह जुयाच्चना । उबले जिं थःथित्तिपिं सःताः थथे धया-

२. अनुत्तरम्ह, पुण्यक्षेत्रम्ह, भगवान् बुद्ध थ्व लोकय् उत्पन्न (जन्म) जुया विज्याना च्वंगु दु । वस्पोलं सकल लोकवासीपिनिगु पूजा-सत्कार ग्रहण याना विज्याइ ।

३. क्षेत्रीयपिं, गामेच्चपिं, महासाल ब्राह्मणपिं नं प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) यायेगु अधिकार बिल ।
४. किसि गइपिं, मेमेगु रथ गइपिनि नायःत, रथ चालकत, न्यासिवनीपिं आदि थुपिं सकलें नं प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) यायेगु अधिकार बिल ।
५. उग्गपिं, राजपुत्रपिं, वैश्यपिं, ब्राह्मणपिं नं प्रसन्नगु मन दुपिं जुयाः भिं मनं (श्रद्धां) वयात हे (नायः) धर्म पुण्य यायेगु अधिकार बिल ।
६. भुतू ज्या याइपिं, वसः हिइपिं, लः थनीपिं स्वां त्वलीपिं आदि नं प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) यायेनितिं (नायः जुइगु) अधिकार बिल ।
७. रजकपिं, पेसकारपिं, चम्पकारपिं, नापितपिं थुपिं नं प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) यायेगु अधिकार बिल ।
८. बाण दयेकीपिं, सिँचाइपिं, चम्मिकपिं (छयंगूया ज्यायाइपिं) सिँया ज्यायाइपिं, प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) यायेनितिं अधिकार बिल ।
९. बुँइ ज्यायाइपिं, लुँकःमिपिं, सिजः-नया ज्यायाइपिं नं प्रसन्नगु मन दुपिं जुयाः भिं मनं (श्रद्धां) वयात हे धर्म (पुण्य) याये लागिं अधिकार बिल ।
१०. पुलिस/सेनापिं, यक्व दास-दासीपिं नं थःथःगु गच्छे अनुसारं वयात हे धर्म (पुण्य) यायेनितिं अधिकार बिल ।
११. लः हइपिं, सिँ ल्ह्यइपिं, बुँ ज्यायाइपिं, घाँय् हइपिं नं थःथःगु गच्छे अनुसार हे वयात धर्म (पुण्य) यायेत अधिकार बिल ।
१२. स्वां हइपिं, स्वां हनीपिं अले हः मुंकीपिं, फलफूल ज्वनावइपिं नं थःथःगु गच्छे अनुसारं वयात हे धर्म (पुण्य) यायेनितिं अधिकार बिल ।
१३. गणिकापिं (वेश्यात), कुम्भदासीपिं, पुविकापिं (बन्जाःत) न्या-बन्जाःत नं प्रसन्नगु मन दुपिं जुयाः थःथःगु गच्छे अनुसारं वयात हे धर्म (पुण्य) याये नितिं अधिकार बिल ।

अपदान पालि

१४. “सकलें भासँ, भी सकलें मिलेजुया:-मुना: समूह (बन्धन) दयेके । अनुत्तरगु पुण्यक्षेत्रे धर्म (पुण्य) याये ।” (धका: जिं इमित धया) ।

१५. उबले हे इपिं सकस्यां जिगु खँ न्यना: समूह समूह कथं मुन । भिक्षुसंघया लागि उपस्थानशाला (हल) नं बांलाक दयेके विल ।

१६. उगु हल (शाला) दयेके सिधयेका:लि लयूता:म्ह जुया: प्रफुल्लम्ह जुया: इपिं सकले मुंका: इपिं नापं भगवान बुद्धयाथाय् थ्यंक: वना ।

१७. लोकनाथम्ह, नरश्रेष्ठम्ह भगवान बुद्धयाथाय् थ्यंका:लि शास्ताया (बुद्धया) पालिइ (भोपुना:) वन्दना याना: थ्व वचन (खँ) धया ।

१८. “हे वीर, हे मुनि ! थुपिं स्वस: मनूत मुना: बांलाक दयेकूगु उपस्थानशाला छलपोलयात ल: ल्हाना च्वना ।”

१९. (ज्ञां) मिखा दुम्ह भगवान बुद्धं भिक्षुसंघ न्ह्य:ने तया: हे (व हल) स्वीकार याना बिज्यासे स्वस:पिं (जिपिं) । मनूतयूत थथे धया बिज्यात ।

२०. “छिपिं स्वस:पिं नं उकिया नाय:म्ह नं परस्परपिं जुयाच्वन । उकिं छिपिं सकसित नं (थ्व पुण्यया फल कथं) सम्पत्ति अनुभव याइतिनि ।

२१. अन्तिमगु भव (जन्म) थ्यनीबले थुगु अनुत्तरगु ख्वाउँसेच्वंगु (शीतल) अजरगु (जीर्ण मजुइगु) अमृतगु शान्तगु निर्वाण नं साक्षात याना काइतिनि ।”

२२. श्रमणपिं मध्ये उत्तमम्ह, सर्वज्ञम्ह भगवान बुद्धं थुकथं धया बिज्यात । जि भगवान बुद्धया उगु खँ न्यना:लि प्रसन्नम्ह जुया: थथे धया ।

२३. जि कल्प स्वीद्व:दँ तक देवलोकय् रमे जुयाच्वना । देव-अधिपति (जुजु) जुया: दिव्यराज्य न्यास:क्व: याना ।

२४. जि द्वच्छिक्व: ला चक्रवर्ती जुजु जुया । दिव्यराज्य यानाच्वनावले महादे वपिसं नं वन्दना याइ ।

२५. थुगु मनुष्य राज्यय् नं थुपिं समूह थ:थित्तिपिं हे जुइ । अन्तिमगु भवय् (जन्मे) थ्यंक वयाबले वासेद्व नांयाम्ह ब्राह्मण छम्ह दयाच्वनी ।

२६. वया चय्द्व:गू निधान याना त:गु धन नं दुगु जुल । जि धा:सा व वासे

इ ब्रह्मूया काय् जुयाः जन्म कया । जिगु नां 'सेल' जुल । खुगू प्रकारया वे दांगे पारंगतम्ह जुयाचवना ।

२७. थः शिष्यपिं नापं चंक्रमण याना चवनाम्ह जिं, परिष्कारं युक्तम्ह केणिस नांयाम्ह तपश्वीयात....

२८.उगु दान विइगु वस्तु नापं खनाःलि जिं थथे धया "आवाह खःला ? विवाह खःला ? मखुसा छःपिसं जुजुयात निमन्त्रणा यानागु खःला ? धकाः ।

२९. जिं देव धकाः सम्मत जूम्हेसित थ्व पूजा यायेगु इच्छा यानाचवना । जुजुयात निमन्त्रणा मयाना । जिगु याग (होम) नं मदु ।

३०. जिगु आवाह नं मदु । जिगु विवाह नं मदु । शाक्यपिंत खुसि याकीम्ह दे वतापिसहितगु थ्व लोकय् श्रेष्ठम्ह....

३१.सकल लोकवासीपिन्त हित सुखया लागि चाःहिला चवनीम्ह, सकल सत्व-प्राणीपिन्त सुख हयाविइम्ह वस्पोल भगवान बुद्धयात जिं थें निमन्त्रणा याना तयागु दु । थ्व तयारी वस्पोलया लागि खः ।

३२. तिम्वरु फलया समान वर्णयुक्तम्ह, अप्रमेय्यम्ह, अनुपम रूपं असमानम्ह भगवान बुद्धयात कन्हेया लागि निमन्त्रणा याना तयागु दु ।

३३. थुत ख्वाले तयाः छूगु लुंथें प्रभा दुम्ह, च्यानाच्वंगु ह्यंग्वाः थें थिनाच्वंम्ह, पत्पसा (विजुली) थें जाःम्ह महावीरम्ह वस्पोल भगवान बुद्धयात निमन्त्रणा याना तयागु दु ।

३४. पर्वतया चक्काय् खनीगु मि थें, पुन्हिया तिमिला थें नःलि च्यानाः प्याहाँ वःगु मि थें जाःगु वर्ण दुम्ह, वस्पोल भगवान बुद्धयात जिं निमन्त्रणा याना तयागु दु ।

३५. मग्याःम्ह, ग्याःपह मदेकेधुंकूम्ह, भव (जन्म) अन्त याइम्ह; मुनिम्ह, सिंह थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

३६. कुसलम्ह, बुद्धगुणानुभावं यानाः मेपिसं दमन याये मफइम्ह, किसिजुजु थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

३७. सद्धर्म आचार गुणे कुशलम्ह, असदृष्यम्ह (असमानम्ह) वृषभ (दोहं थें) जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

३८. अनन्तगु वर्ण दुम्ह, अप्रमाण यशकीर्ति दुम्ह, विचित्रगु सकतां लक्षणत दुम्ह, शक्र (इन्द्र) थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

३९. (ध्याने) वशीम्ह, (भिक्षु समूह) गणिम्ह, प्रतापिम्ह, तेजश्वीम्ह, दुरासयम्ह (सुं नं लिक्क वये मफइम्ह), ब्रह्मा थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४०. (निर्वाण) प्राप्त धर्म दुम्ह, दशबल दुम्ह, महाबल सम्पन्नपिं नं अतिक्रमण याना बले पारंगतम्ह, पृथ्वी थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४१. शीलरूपी छालं युक्तम्ह, धर्मज्ञानं समुन्द्र थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४२. (वस्पोलया) लिक्क वने मफइगु, बलं दमन याये मफइम्ह, निश्चलम्ह, च्वय् थ्यंक् थाहांवम्ह, महामेरु पर्वत थें जाःम्ह वस्पोल भगवान बुद्धयात जिं निमन्त्रणा याना तयागु दु ।

४३. अनन्तगु ज्ञां दुम्ह, असमसमम्ह (सुया नापं नं समयाये बहः मजूम्ह), अतुलनीयम्ह, अग्रताय् थ्यंम्ह, आकास थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४४. ग्याना च्वंपिन्त ग्वाहालि जुइम्ह, सरणे वनीपिन्त (शरण) सुरक्षित थाय् जुइम्ह, सान्त्वना जूम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४५. बुद्धिवानपिन्त आश्रयस्थलम्ह, सुख मालीपिन्त पुण्यक्षेत्रम्ह, गुणरूपी रत्नं जाःगु आकार दुम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४६. लोकवासीपिन्त सान्त्वना विइम्ह, वैद्यम्ह, श्रामन्यफल दायकम्ह, मेघ थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४७. लोकवासीपिन्त मिखा समानम्ह, महातेजश्वीम्ह, सकतां अन्धकारत तापाका छ्वइम्ह, सूर्य थें जाःम्ह महावीरम्ह वस्पोल भगवान बुद्धयात जिं निमन्त्रणा याना तयागु दु ।

४८. आवम्बन- विमुक्तिया वारय् स्यूम्ह, स्वभाव धर्मयात म्हस्यूम्ह, मुनिम्ह, तिमिला थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

४९. (गुण) बढे जुयाच्चंम्ह, (यशकीर्ति) थाहाँ वना च्वंम्ह, (महापुरुष) लक्षणं अलंकृतम्ह, अप्रमाण गुण दुम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

५०. गुम्हसिगु ज्ञान (थुलि धकाः) प्रमाण याये मफइगु खः, गुम्हसिगु शील (थजाःगु धकाः) उपमा बिइ मफइगु खः, गुम्हसिगु विमुक्ति (सुं नापं नं) समान याये मफइगु खः, वस्पोल भगवान बुद्धयात जिं निमन्त्रणा याना तयागु दु ।

५१. गुम्हसिगु ज्ञां असदृस जुइ, गुम्हसिगु बल अचिन्त्य जुइ, गुम्हसिगु पराक्रम ज्येष्ठगु जुइ, अजाःम्ह वस्पोल भगवान बुद्धयात जिं निमन्त्रणा याना तयागु दु ।

५२. गुम्हसिनं राग, द्वेष, मोह आदि विषयत दक्वं हानिसें हे नष्ट यायेधुंकल, वासः थेंजाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

५३. क्लेशरूपी रोगत, यक्व दुःखत, सकतां (मोह) अन्धकारत तापाकीम्ह बैद्य थें जाःम्ह, महावीरम्ह वस्पोल भगवान बुद्धयात जिं निमन्त्रणा याना तयागु दु ।

५४. हे तपश्वी ! 'बुद्ध' धैगु शब्द धया विज्याःगु खः, छलपलया व शब्द तर्क अतिकं दुर्लभगु खः, उकिं 'बुद्ध ! बुद्ध !!' धैगु शब्द न्यनाः जितः प्रीति उत्पन्न जुल ।

५५. मनं जक थामे याये मफयाः जिगु व प्रीति पिते नं फैलेजुया च्वंगु दु । प्रसन्न मन दुम्ह (सेल नांयाम्ह) जिं थुगु वचन धया ।

५६. “लोकज्येष्ठम्ह, नरश्रेष्ठम्ह वस्पोल भगवान बुद्ध आः गन च्वना विज्याइ ? प्यंगूगु श्रामन्यफल दायकम्ह वस्पोल भगवान बुद्धयात जिं अन वनाः हे नमस्कार (वन्दना) याये” धकाः धया ।

५७. केणिय तपश्वीं जिगु जवल्हाः ज्वनाः उत्पन्न जूगु प्रसन्नगु मन दुम्ह जुयाः, ल्हाः विन्ति यासें शोक-सन्ताप तापाकीम्ह वस्पोल भगवान बुद्धया वारे थथे धया विज्यात ।

५८. थाहाँवयाच्चंगु महामेघ (सुपाँय्) थें, अन्जन थें, वँचुगु समुन्द्र थें खने दयाच्चंगु महावन खं ला ?

५९. थन हे (वहे महाजंगले) दमन मजूपिं दमन याना विज्याइम्ह, मुनिम्ह, विनेय्य जनपिं संयमित याइम्ह, बोधिपाक्षिक धर्मत बोध याकीम्ह वस्पोल भगवान बुद्ध च्वना विज्याइ ।

६०. अले जिं ; प्यासीम्हं लः माली थें, नेपित्याःम्हं नसा माली थें, सां थःमचा (बाछी) माली थें वस्पोल भगवान बुद्धयात माला ।

६१. आचार (आदर-गौरव) गथे यायेमाः धकाः स्यूम्ह जिं भगवान बुद्धयाथाय् वनीपिं थः शिष्यपिन्त नं व आचार धर्मत स्यनाः इमित नं संवर (संयमित) याना ।

६२. याकःचा चाःहिलीम्ह सिंह थें भगवान बुद्धयाथाय् लिक्क वने मफैगुलि, हे माणवकपिं ! छिपिं छिसिकथं पलाःछिनाः जकः वयेगु या ।

६३. घोरम्ह आजिवकपिं थें, केशरसिंह थें, दन्त (वा) दुम्ह मात्तेजूम्ह किसि जुजु थें, भगवान बुद्धयाथाय् लिक्क वने मफइगु खः ।

६४. हे माणवकपिं ! छिपिं मुसु तयेबले नं, हाछिउँ यायेबले नं सः मवयेक, छिसिकथं पलाः तयाः भगवान बुद्धयाथाय् थ्यंकः वा ।

६५. भगवान बुद्धपिं विवेक यःपिं जुइ । निशब्दता यःपिं जुइ । लिक्कसं वने मफइपिं जुइ । देवतापिंसहितगु लोकवासीपिनि गुरु व उत्तमपिं खः ।

६६. गुबले जिं (प्रश्न) न्त्यसः न्यने, सुख-दुःखाया खँ ल्हाये, उबले छिपिं सुंक्क च्वनाच्चँ, मुनिव्रत दुपिं थें निशब्द जुया च्वं ।

अपदान पालि

६७. वस्पोल भगवान् बुद्धं निर्वाणे थ्यंकेया लागि, क्षेमगु गुगु सद्धर्म देशना याना विज्याइगु खः व खँ बांलाक न्यँ । सद्धर्म श्रवण यायेगु सुखकर खः ।

६८. जि वस्पोल भगवान् बुद्धयाथाय् थ्यंकाः वस्पोल मुनिम्ह भगवान् बुद्ध नापं सुख-दुःखाय् खँ ल्हाणाः खँ ल्हाये सिधयेकाः वस्पोलया महापुरुष लक्षणत परीक्षा याना ।

६९. (अथे परीक्षा याना बले) जिं महापुरुष लक्षणत निगू जक (मखनीगु जुयाः) शंका याना । वस्पोल भगवान् बुद्धं थःगु ऋद्धि बलं क्यना विज्यात ।

७०. निगूगु मखनीगु लक्षण कथं- थःगु म्ये पिकयाः न्हाय्- न्हाय्पं स्पर्श यानाः थःगु कपाः उगु म्ये त्वपुना विज्यात ।

७१. जिं वस्पोल चयगू प्रकारया अनुव्यञ्जन लक्षण नापं सम्पूर्णगु स्त्रीनिता महापुरुष लक्षणत नं बांलाक खना । वस्पोल सर्वज्ञ बुद्ध हे खः धकाः निश्चय यानाः थः शिष्यपिं नापं प्रव्रजित जुया ।

७२. स्वसःम्ह शिष्यपिं जि अनागारिक प्रव्रज्यां प्रव्रजित-भिक्षु जुया । बाःछित्ति मथ्यनिबले हे जिपिं सकलें निर्वाणे थ्यंकापिं जुया ।

७३. जिपिं सकलें अनुत्तरगु पुण्यक्षेत्रे नापं हे पुण्य यानाःलि नापं हे संसारे चाहिलाः नापं हे संसार यात्रा नं बन्द याना ।

७४. उपकारक धर्मय् दुबे जूम्ह जि उपकारी धर्म बांलाक पूर्वकाः गुगु दान वियागु खः उगु बांलाक याना वयागु पुण्यकर्मया कारणं आनिसंस च्यागु प्राप्तयाना च्वना ।

७५. सकल दिशाय् (थासय्) माने याका च्वने दयाच्वन । जिगु भोग सम्पत्तित नं अप्रमाण जुयाच्वना । सकसित नं ग्वाहालिपिं जुयाच्वना । जितः सन्ताप धैगु मजू ।

७६. जितः रोग (ल्वय्) धैगु मजू । दीर्घायुम्ह जुयाच्वनी । सूक्ष्मगु (नाइसे च्वंगु) छयंगू दुम्ह (म्ह दुम्ह) जुयाच्वनी । थःत यःगु छयें (आवासे) च्वनेगु यानाच्वनी ।

७७. उपकारी धर्मय् दुबे जूम्ह जि, जिं उपकारक भोजन दान वियाःलि च्यागु आनिसंस (फल) प्राप्त याना । व बाहेकं जिं प्रतिसम्भिदासहितगु अर्हत भाव

नं प्राप्त याना ।

७८. हे महामुनि ! सकतां च्वना सिधयेकाम्ह, ब्रह्मचर्या पालन याइम्ह, याये माःगु सकतां ज्या यानाः सिधयेकूम्ह, आश्रवरहितम्ह जिं छलपोलया काय् (शिष्य) 'अट्टगोपानसी' नांयाम्ह खः ।

७९. सामूहिक रूपं यायेगु धर्मय् दुबे जूम्ह जिं थां (स्तम्भ) न्यागः दान बियाःलि जिगु उगु कर्मयात ल्वःकथं यागु हेतु (आनिसंस/फल) प्राप्त यानाच्चना ।

८०. जि मैत्रीभावं चंचल मजुया । परिपूर्णगु शरीर दुम्ह जुया । स्वीकार याये योग्यगु (माने याये बहःगु) वचन (शब्द) दुम्ह जुल । जि स्तम्भ थें धसे ज्वी मखु । क्वःदली मखु ।

८१. जिगु थ्व मन भ्रान्त जुइमखु । छुं कारणं नं अस्थीर जुइ मखु । बांलाक याना वयागु उगु कर्मया कारणं (बुद्ध) सासने (धर्मय्) निर्मलम्ह जुयाच्चना ।

८२. गौरवान्वितम्ह, निहतमानम्ह, सिधयेके धुंकूगु ज्या दुम्ह, अनाश्रवीम्ह, महावीरम्ह, छलपोल शिष्यम्ह भिक्षु, जिं छलपोल मुनिम्ह भगवान बुद्धयात वन्दना याये ।

८३. जिं बांलाक दयेकाः सिधःगु पर्यक (आसन) हले स्थापना याना बिया (तया बिया) । बांलाक याना वयागु उगु कर्मया कारणं न्यागू आनिसंस (फल) जिं प्राप्त याना ।

८४. जि उच्च कुलय् जन्म जुयाः महाभोग सम्पत्ति दुम्ह जुयाच्चना । सकतां प्रकारया सम्पत्तिं पूर्ण जुयाच्चना । जिके नुगःस्याः (कञ्जूस) स्वभाव खने मदु ।

८५. गनं वनेगु मतिइ तल कि जितः पर्यक (आसन) उत्पन्न जुया बिइ । जि उगु पर्यक नापं थः मंदुथाय् वनेगु याना ।

८६. उगु पर्यक (आसन) दानया कारणं जिं दक्व अन्धकारत मदेकाः (तापाका) छुवया । सकतां प्रकारया अभिज्ञा बले थ्यंम्ह व स्थविरं मुनिम्ह छलपोलयात वन्दना याइ ।

८७. मेपिन्त यायेमागु ज्या नं सिधल । थःत यायेमागु ज्या नं क्वचाल (सिद्ध

जुल) । बांलाक पूर्वकागु उगु कर्मया कारणं (जि) अभय पूरे (निर्वाणे) द्वाहाँ वनामह जुल ।

८८. जिं दयेका: सिध:गु शाला (हल) भगवान बुद्धयात छयलेगु लागि (परि भोग यायेत) (दान) बिया । बांलाक याना वयागु उगु कर्मया कारणं जि श्रे ष्टत्वय् थ्यनाच्चना ।

८९. सुं नं दमन याइपिं दुसा थ्व लोके; इमिसं किसि, सलत दमन याइ । व नं नानाप्रकारं सास्ति बिया: दु:ख बिया: दमन याइ ।

९०. हे महावीर ! छलपोलं (चाहिं) थुपिं मिसा-मिजंत (मनूत) थुकथं दमन याना बिज्याइ मखु । ल्वाभ: मळय्से, अस्त्र (हतिवार) मळय्से इमित उत्तमगु दमनं (अर्हत्वं) दमन याना बिज्याइ ।

९१. धर्मदेशनाय् (वाखं) दक्षमह छलपोलं दानयागु आनिसंस वर्णन याना बिज्याइबले हे, व छगू न्ह्यस:या लिस: कना बिज्याइबले हे; हे मुनि ! छलपो ल स्वस:मह तपश्वीपिन्त बोध याका बिज्यात ।

९२. सारथीमह भगवान बुद्धं जिपिं दमन याना बिज्यात । जिपिं (क्लेशं) बांलाक मुक्त जुयापिं जुल । आश्रव रहितपिं जुयाच्चना । सकतां प्रकारया अभिज्ञा बले थ्यंकापिं जुयाच्चना । उपाधिशेष निर्वाणे थ्यीपिं जुल ।

९३. थनिं छगू लाख कल्प न्हापा, उबले गुगु दान बियागु ख:, व कारणं सकतां प्रकारया भयत अतिक्रमण याना । शाला (हल) दानया थ्व विपाक फल ख: ।

९४. एकान्तं हे वस्पोल भगवान बुद्धयाथाय् थ्व जिगु भिंगु सम्प्राप्ति जूगु जुल । त्रिविद्या नं प्राप्त यानागु जुल । बुद्धशासन नं चिरस्थायी यानामह जुल ।

९५. सकतां क्लेशत दहन जुल । दक्व भवत (जन्म) नं नाश जुल । किसिं थें बन्धन चफुना: आश्रवरहितमह जुया: वास याना ।

९६. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना: कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सेल' स्थविरं थुपिं गाथात धया बिज्या:गु जुल ।

३९३. सब्बकित्तिकत्थेरापदान

१. काणिकार सिमा थें ज्योतिमयगु, दीपवृक्ष (सिमा) थें उज्वलितगु, औसधि तारा थें चम्के जूगु, आकासे (सर्गते) पल्पसा (विजुलि) थें चम्केजूगु...
२. ग्याःपहः मदुम्ह, त्रास मदुम्ह केसर सिंह जुजु थें जाःम्ह, तीर्थकर समूहत मर्दन याइम्ह, ज्ञां रूपी आलोकं थ्व संसार प्रकाशमान याइम्ह...
३. थुगु लोकवासीपिं (दुःखं) उद्धार याइम्ह, सकतां शंका-उपशंका छेदन याइम्ह (चफुइम्ह) मृगराज (सिंह) थें गर्जन याइम्ह, लोकया नायःम्ह भगवान बुद्धयात जिं खना ।
४. उबले जि जटा व खरानी अले चित्तुवाया छयंगू लं धारण याइम्ह जुयाच्चना । बढेजुया च्वंम्ह, तप्यंम्ह प्रतापीम्ह नं जुयाच्चना । अले पुलांगु चीवर कयाः (भगवान बुद्धया) तुतिइ सफा याना ।
५. वासः दुगु लखं तथागत भगवान बुद्धयात आलेपन याना (मोल्हुइका ?) । वस्पोल सम्बुद्धयात जिं आलेप यानाःलि लोकनायकम्ह वस्पोलयात साधुवाद नं बिया ।
६. ओघतीर्णम्ह हे महामुनि ! छलपोलं लोकवासीपिं (भव दुःखं) उद्धार याना बिज्याइ । ज्ञानरूपी आलोकं ज्योति ह्वला बिज्याइ (छरेयाना बिज्याइ) । छलपोलया उत्तमगु ज्ञान अनावृत्त खः (थुलिउलि धकाः धाये मफु) ।
७. धर्मचक्र प्रवर्तन याना बिज्याइ । अन्य तीर्थकरपिं दमन याना बिज्याइ । त्याकूगु संग्राम दुम्ह श्रेष्ठम्ह छलपोलं पृथ्वी हे प्रकम्पन याना बिज्याइ ।
८. महासमुन्द्रे छालत किनाराय् (ठक्कर नयाः) टुक्रा जुइ । अथे हे दक्व दृष्टित नं छलपोलया ज्ञां नापं (ठक्कर नयाः) टुक्रा जुइ ।
९. गथे पुखुलिइ सूक्ष्मगु जालि क्वफानाः संकेबले उबले उगु जालिइ (दुने वनीपिं) थाइपिं प्राणीपिं (न्यात) पिडित जुइगु खः
१०. अथे हे थ्व लोके मेमेगु दृष्टि दुपिं धर्मया तीर्थकरपिं नं छलपोलया उत्तमगु ज्ञानया दुने तक्यनीबले परिवर्तन जुइ ।

११. वा: वयाच्वंगु खुसिं (ओघ) चुइका यंका च्वंपिन्त उपकारी जुया विज्याइम्ह छलपोलं थःथितिपिं मखुसां नं ग्वाहालि जुया विज्यात । भयं पिडितपिन्त नं ग्वाहालीम जुया विज्यात । असरणपिन्त नं सरणम्ह जुया विज्यात ।

१२. असदृसम्ह (असमानम्ह) छम्ह हे वीरम्ह छलपोल; करुणा-मैत्री गुणया नं संचय दुम्ह, उत्तमगु शील दुम्ह, असमानगु शान्तगु, संवरगु तादि गुणं युक्तम्ह छलपोलयाके त्याके धुंकूगु लँपु नं दयाच्वनी ।

१३. क्लेशरूपी आशक्ति मदुम्ह, मात्ते जुइगु स्वभाव नष्ट याःम्ह, त्रिविद्या दुम्ह, स्वंगू लोकया च्वकाय् थ्यंम्ह, (लौकिक) सीमात बाँधे याःम्ह, धर्मगरुकम्ह, सिधये धुंकूगु ज्या दुम्ह (कृतकृत्यम्ह) छलपोल सकसित हित-सुख जुइगु लँपु दुम्ह खः ।

१४. छलपोल जुझाया लागि (लँ क्यनीम्ह) तारका समान खः, सान्त्वना विइम्ह निधान थें जाःम्ह खः । सिंह थें भयरहितम्ह खः । किसिजुजु थें गर्भितम्ह नं खः ।

१५. उवले जिं थथे भिगू गाथां महायश दुम्ह पदमुत्तर भगवान बुद्धयात स्तुति वर्णना याना, वस्पोल शास्तायात वन्दना यानाःलि सुंक च्वंच्वना ।

१६. लोकविज्ञम्ह, पूजा सत्कार ग्रहण याना विज्याइम्ह, पदमुत्तर भगवान बुद्ध भिक्षुसंघया विचय् च्वना विज्यासे; वस्पोल शास्तानं थथे धया विज्यात ।

१७. “सुनां जिगु शील, ज्ञान व धर्मया प्रशंसा यात, व सु खः धकाः जिं वर्णना याये, छिमिसं जिगु खँ बांलाक न्यँ ।

१८. (थ्व मनू) ख्वीद्वःगू कल्प तक देवलोकय् न्ह्याइपुका च्वनी । मेमेपिं दे वतापिं ल्यूने लाकाः अन आधिपत्य जमे याइतिनि ।

१९. व लिपा प्रव्रजित जुयाः कुशल धर्म प्रभावितम्ह जुयाःलि गौतम भगवान बुद्धया सासने नं प्रव्रजित भिक्षु जुइतिनि ।

२०. प्रव्रजित जुयाःलि शरीरं पापकर्मत तापाकाः सकतां प्रकारया आशक्तित मदयेकाः आश्रवरहितम्ह जुयाः निर्वाणे थ्यंकीतिनि ।”

२१. गथे सुपाँयनं गर्जन यासे वा वयेकाः थुगु पृथ्वी तृप्त याइगु खः अथे हे छलपोल महावीरम्ह भगवान बुद्धनं धर्मं जितः सन्तुष्ट याना विज्यात ।

अपदान पालि

२२. जिं शीलं नं, प्रज्ञां नं, धर्मं नं, लोकया नायः नं प्रशंसा यानाःलि अमृतगु, उत्तमगु, निर्वाणरूपी शान्ति प्राप्त यानाच्चनाम्ह जुया ।

२३. मिखा दुम्ह वस्पोल भगवान बुद्ध यक्व ई तक म्वाना बिज्याना च्वंसां एकान्त हे बांलाइ । अले सकस्यां मस्यूगु सिइके फइ । अमृत पद स्पर्श (प्राप्त) याये फइ ।

२४. थ्व जिगु अन्तिमगु जन्म खः । दक्व भवत (जन्मत) नाश याये धुन । दक्व आश्रवत प्रहाण जूकथं सिइकाः आश्रवरहितम्ह जुया बास यानाच्चना ।

२५. थनिं छगू लाख कल्प न्हापा, उबले गुम्ह भगवान बुद्धया प्रशंसा याना वयागु खः व कारणं दुर्गति धैगु मस्यू । थ्व बुद्ध प्रशंसाया फल खः ।

२६. जिगु क्लेशत नं दहन जुल । सकर्ता भवत नं नाश जुल । दक्व आश्रवत क्षय जुल । आः हानं पुनर्भव (हानं जन्म काइगु) मन्त ।

२७. एकान्तं हे श्रेष्ठम्ह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

२८. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सर्वकीर्तक' स्थविरं थुपिं गाथात धया (कना) बिज्याःगु जुल ।

Dhamma.Digital

सच्चिकित्तिथेरापदान स्वंगूगु क्वचाल ।

३९४. मधुदायकत्थेरापदान

१. सिन्धु खुसि सिथय् बांलाक दयेका तयागु जिगु आश्रम दुगु जुल । अन जिं लक्षणशास्त्रसहित इतिहास जिमि शिष्यपिन्त व्वंकेगु यानाच्चना ।

२. धर्मकामिपिं, विनितपिं, अनुशासन यःपिं, खुगू अंगं युक्तगु वेदय् पारंगतपिं इपिं शिष्यपिं नं सिन्धु खुसि सिथय् हे च्वनी ।

३. उत्पात शास्त्रे, लक्षण शास्त्रे दक्षम्ह अभ् उत्तमगु अर्थ (धर्म) मामां उबले

अन हे जंगले च्वनी ।

४. उबले 'सुमेध' नांयाम्ह भगवान बुद्ध लोकय् उत्पन्न जूगु जुल । जिमित अनुकम्पा तथा विज्यासे वस्पोल भगवान बुद्ध जिपिं दुथाय् थ्यंकः विज्यात ।

५. अथे विज्याःमह महावीरमह लोकया नांयाम्ह सुमेध भगवान बुद्धयात खना । खनाःलि घाँय्या आसन लोकय् जेष्ठमह वस्पोल भगवान बुद्धयात लाना बिया ।

६. अले जिं जंगलं कस्ति कया हयाः श्रेष्ठमह भगवान बुद्धयात (दान) बिया । भगवान बुद्धं व (कस्ति) नया विज्यासे थथे धया विज्यात ।

७. "गुम्हसिनं प्रसन्न जुयाः थःगु हे ल्हाःतं जितः थ्व कस्ति दान व्यूगु खः, जिं व सु खः धकाः धाये । जिगु खँ बांलाक न्यँ ।

८. थुगु कस्ति दानया कारणं व घाँय्या आसन लाना व्यूगुया कारणं स्वीद्वः कल्पतक देवलोकय् न्त्याइपुका च्वनी ।

९. थनिं स्वीद्वः कल्प लिपा, ओक्काक कुलय् जन्म जुया विज्याइमह गौतम नांयाम्ह शास्ता (बुद्ध) लोकय् उत्पन्न जुइतिनि ।

१०. थुमह वस्पोलया धर्मय् दायादमह जुयाः, धर्म हे दयेका तःमह थें औरसमह बुद्धपुत्रमह जुयाः दक्व आश्रवत प्रहाण यानाः (मदयेका) आश्रवरहितमह जुयाः निर्वाणे थ्यंकः वनीतिनि ।

११. देवलोकं च्यूत जुयाः हानं थन (मनुष्य लोके) वयाः मांया प्वाथय् च्वनीबलय् पृथ्वी हे त्वपुइ कथं कस्ति वा गाइतिनि ।

१२. अले जि, मांया प्वाथं प्याहाँ वयाबले अतिकं थाकुक् प्याहाँ वया । अथे प्याहाँ वयाबले नं (जन्म जुयाबले) निरन्तरं कस्ति वा गात ।

१३. (लिपा) छुयें नं प्याहाँ वनाः अनगारिक प्रव्रज्यां प्रव्रजित जुया । अथेसां आहार-पान (भिक्षा) सुलभ जुयाच्वनी । व मधु (कस्ति) दानया फल-विपाक खः ।

१४. देव-मनुष्य निगू गति नं सकतां काम-भोग-सम्पत्तिं समृद्धमह जुया च्वना सा, उगु मधु दानया आनुभावं हे आश्रव क्षय यानाः निर्वाणे नं थ्यंका ।

अपदान पालि

१५. वा वइबले नं, प्यलांगु दुगु घाँयले नं, ह्वःगु स्वां नं युक्तगु सिमाय् दुगु थासय् नं, गृहस्थीपिनिगु छय्ये नं, मण्डपे नं, सिमा क्वय् नं, न्त्याथाय् नं जि आश्रवरहितम्ह जुयाः सुखपूर्वक च्वनेगु वनेगु यानाच्वना ।

१६. महानगु, मध्यमगु, हीनगु (वांलागु) वांमलाःगु सकतां प्रकारया भवत (जन्मत) अतिक्रमण याना (सिधयेका) वयेधुन । (थ्व जन्मे) थौं जिगु आश्रवत (क्लेशत) क्षय (नष्ट) जुल । आः हानं जन्म जुइमखुत । पुनर्भव मन्त ।

१७. थनिं क्लेशत दहन जुल । दक्व भवत (जन्म) नष्ट जुल । दक्व आश्रव (क्लेश)त क्षय जुल । आः हानं पुनर्भव (पुनःजन्म) मन्त ।

१८. जिगु क्लेशत दहन जुल । दक्व भवत (जन्म) नष्ट जुल । दक्व आश्रवत (क्लेश) क्षय जुल । आः हानं पुनर्भव (पुनःजन्म) मन्त ।

१९. एकान्तं हे श्रेष्ठम्ह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासनं चिरस्थायी यानाम्ह जुल ।

२०. प्रतिसम्भवा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासनं चिरस्थायी याना ।

थन थुगु प्रकारं आयुष्मान 'मधुदायक' स्थविरं थुपिं गाथात धया (कना) विज्याःगु जुल ।

मधुदायकत्थेरापदान प्यंगू क्वचाल ।

Dhamma.Digital

३९५. पदुमकूटागारियत्थेरापदान

१. स्वयम्भूमह (थःम्हं हे) सकतां बोधयाना विज्याःम्ह । लोकया नायःम्ह, सर्वज्ञम्ह, मुनिम्ह, समाधिइ दक्षम्ह प्रियदर्शी नांयाम्ह भगवान बुद्ध विवेक (आराम) काये यःम्ह जुया ।

२. वस्पोल महामुनिम्ह, पुरुषोत्तमम्ह पियदस्सी भगवान बुद्ध जंगलया दुने विज्यानाः पांशुकूल चीवर लायाः फेतुना विज्यात ।

३. उबले जि (उगु) महाजंगले च्वनीम्ह मृग-ब्याधा जुयाच्वना । जि उबले च्वामुसेच्वंगु सिंग (न्यकू) दुम्ह मृग मामां अन जंगले चाःहिला च्वना ।

४. अन हे जंगले जिं (प्यंगू) ओघत पार तरेजुया विज्याःम्ह, आश्रवरहितम्ह, ह्वयाच्वंगु साल वृक्ष थें जाःम्ह, उदयमान सूर्य थें जाःम्ह सम्बुद्धयात खना ।

५. देवतापिनि हे देवम्ह, महायश दुम्ह प्रियदर्शी भगवान बुद्धयात जिं खनाःलि, स्वयंजातगु (थःहे उत्पन्न जूगु) पुखुलिइ वनाः पलेस्वां थ्वया हयाः अन वना ।

६. जिं मनोरमगु पलेस्वांया द्दुःखिगू हःत कया हयाः कूटागार (चिःधंगु कुटी) उगु हःनं दयेकाः पलेस्वां नं छायेपा बिया ।

७. जीनम्ह, अनुकम्पा तथा विज्याइम्ह, कारुणिकम्ह, महामुनिम्ह प्रियदर्शी भगवान बुद्ध न्हेन्हु न्हेचा उगु कूटागारे च्वना विज्यात ।

८. अले जिं पुलांगु स्वांत चिइकाः न्हूगु पलेस्वांत हयाः उगु कूटागारे हानं छायेपा बिया । अनं लिपा जिं ल्हाः निपां विन्तियानाः च्वंच्वना ।

९. लोकया नायःम्ह, महामुनिम्ह प्रियदर्शी भगवान बुद्ध समाधिं (ध्यानं) दना विज्यासे (भ्रिगू) दिशात छसीकथं स्वया विज्यासे फेतुना विज्याना च्वन ।

१०. उबले शास्ताम्ह प्रियदर्शी भगवान बुद्धया मनया खँ सिइकाः वस्पोलया महात्तद्धि दुम्ह सुदर्शन नांयाम्ह उपस्थापक शिष्य भिक्षु....

११.चयद्दः भिक्षुसंघपिंसहित मुनाः बने याउँक च्वना विज्याना च्वंम्ह लो कया नायःम्ह वस्पोल भगवान बुद्धयाथाय् थ्यंकः विज्यात ।

१२. उबले उगु जंगले अधिगृहित (बास याना च्वापिं) गुलि नं देव-देवतापिं दुगु खः इपिं सकल देव-देवतापिं नं भगवान बुद्धया मनया खँ सिइकाः अन जम्मा जुल ।

१३. अथे हे जम्मा जूपिं यक्षपिं, कुम्भाण्डपिं, राक्षसपिं व भिक्षुसंघपिं नं सःताः भगवान बुद्धं थुपिं गाथात धया विज्यात ।

१४. सुनां जितः न्हेन्हुतक पूजा यात, जिगु लागि आवास (कुटी) दयेका बिल, व सु खः धकाः कने, छिमिसं जिगु खँ बांलाक न्यँ ।

१५. अतिकं खंके थाकुगु, अतिकं सूक्ष्मगु, गम्भिरगु, उगु (पुण्यकर्म) बांलाक धयातःगु दु । जिगु ज्ञानं स्वयाः व धया (वर्णना) च्वना । जिगु व खँ बांलाक न्यँ ।

अपदान पालि

१६. थ्व मनुखं भिंप्यंगू कल्पतक दिव्य राज्य याइतिनि । वयागु छ्यंच्वय् आकासे कूटागार (कुटी थें) थें च्वंगु पलेस्वांत छ्यायेपा च्वंच्वनी । पुष्पकर्मया थ्व फल खः ।

१७. नीप्यसः कल्पतक देव-मनुष्य जुनिइ उखे थुखे चाःहिला च्वनी । व न्ह्याथाय् जन्म जूसां स्वांया कुटी आकासे धारण याइ ।

१८. गथे पलेस्वांया हःले लः थाइमखु अथे हे वयागु ज्ञाने क्लेशत थाइमखु ।

१९. थ्व मनु पंचनीवरण मदयेकाः प्रव्रजित जुइगु इच्छा उत्पन्न यानाः छ्येय् नं प्याहाँ वनाः प्रव्रजित नं जुइतिनि । उबले नं स्वांया कुटी धारण यानाः हे प्याहाँ वनी ।

२०. स्मृतियुक्तम्ह जुयाः (होसदुम्ह जुयाः) ज्ञानी जुयाः सिमा क्वय् च्वनाच्वनीम्ह वयात न्ह्याबले छ्यं च्वय् अन स्वांया कुटी धारण जुयाच्वनी ।

२१. थ्व मनुखं चीवर, भिक्षा दान, वासः व सेनासन (च्वनेगु/द्यनेगु खाता) आदि चतुप्रत्यय् भिक्षुसंघयात दान वियाःलि आश्रवरहितम्ह जुयाः निर्वाणे थ्यंकी ।

२२. अनलिं जि थःगु छ्येय् नं प्रव्रजित जुइत प्याहाँ वना । सिमाक्वय् च्वने बले नं (स्वांया) कुटी धारण जुयाच्वनी ।

२३. जितः चीवरे नं, पिण्डपाते (भिक्षाय्) नं चेतना (मन) मद्दु । पुण्यकर्मया आनुभावं चतुप्रत्यय् बांलाक प्राप्त जुयाच्वन ।

२४. जिं ल्याखं अल्याखगु यक्व कल्पत अथें हे विते याना वया । व इलय्या दुने बुद्धिपिं नं त्वःताः वया ।

२५. थनिं भिन्यासःक्वःगु कल्पय् तिनि प्रियदर्शी भगवान बुद्ध थ्व लोकय् उत्पन्न जूबले जिं वस्पोलया संगत यानाःलि जक थ्व जन्म प्राप्त जुयाच्वंगु खः ।

२६. थन मिखा दुम्ह अनो नांयाम्ह भगवान बुद्ध खना । जि वस्पोलयाथाय् वनाःलि अनागारिक सासने (धर्मय्) प्रव्रजित जुया ।

२७. पंचमार त्याकूम्ह, दुःखया अन्त याना विज्याइम्ह भगवान बुद्धं जितः

अपदान पालि

प्रतिपत्तिया लँपु कना विज्यात । वस्पोलया धर्म (देशना) न्यना: जि निर्वाणे थ्यंक: वनाम्ह जुया ।

२८. शाक्य कुल्य् सिन्ह: (तिलक) जुया विज्या:म्ह गौतम भगवान बुद्धयात लयतायेका: दक्व आश्रवत ज्ञानं हे प्रहीण (क्षय्) याना: आश्रवरहितम्ह जुया: वास याना ।

२९. थनिं भिन्यास:गू कल्पय, उवले गुम्ह बुद्धयात पूजा याना वयागु ख: व कारणं दुर्गति धइगु मस्यू । थ्व बुद्धपूजाया फल ख: ।

३०. जिगु क्लेशत दहन जुल । दक्व भवत (जन्म) नाश जुल । आ: हानं पुनर्भव (पुन:जन्म) मन्त ।

३१. एकान्तं हे श्रेष्ठम्ह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

३२. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) याना: कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पदुमकूटागारिय' स्थविरं थुपिं गाथात धया (कना) विज्या:गु जुल ।

पदुमकूटागारियत्येरापदान न्यागूगू क्वचाल ।

Dhamma.Digital

३९६. बक्कलत्थेरापदान

१. हिमाल पर्वतया लिक्कसं 'शोभित' नांया पर्वत दुगु जुल । अन जिमि शिष्यपिसं बांलाक दयेकात:गु आश्रम जित: दुगु जुल ।

२. अन यक्व मण्डपत (हल) नं दुगु जुल । अथे हे आश्रमय् ह्वयाच्वंगु सिन्दुवारका सिमात, ह्वयाच्वंगु जिवांजिवक सिमात व कपित्थ सिमात नं यक्व दुगु जुल ।

३. निर्गन्डी जडीबुटी (इन्द्राणी), कपाय् सिमा, परुषक, लौका मात नं यक्व दुसा ह्वयाच्वंगु तुयुगु पलेस्वांत नं दयाच्वंगु जुल ।

अपदान पालि

४. आलका सिमात नं, बेलया सिमात नं, अन केरामा नं, तःसी सिमात नं, महानाम नांया सिमात नं, अन अजुर्ण सिमात नं, पियङ्गु सिमात (जडीबुटी) नं यक्व सयाच्चंगु जुल ।

५. कोसम्ब सिमात नं, सलल, निम, निगोध व कपित्थ सिमात नं अन यक्व दयाच्चंगु जुल । जिगु आश्रम थजाःगु जुल । जि अन जिमि शिष्यपिं नापं च्वंच्वना ।

६. स्वयम्भूम्ह, लोकया नायःम्ह, अनोमदर्शी भगवान बुद्ध याउँसे च्वनीगु स्वभाव (आराम) मामां जिगु आश्रमय् थ्यंकः विज्यात ।

७. महायशश्वीम्ह, महावीरम्ह अनोमदर्शी भगवान बुद्ध थ्यंकः विज्याये सातकि हे वस्पोल लोकनाथम्ह भगवान बुद्धयात फय्या ल्वय् (वातावाध) उत्पन्न जुल ।

८. उबले जि उगु जंगले चाःहिला च्वनाम्हं लोकया नायःम्ह भगवान बुद्धयात खना । महायशश्वीम्ह, मिखा दुम्ह, भगवान बुद्धयाथाय् (जि) थ्यंकः (लिक्क) वनाःलि.....

९. उबले जिं वस्पोलया म्हया स्वभावत व शरीरया लक्षणत खनाः थम्हं हे वस्पोल भगवान बुद्धयात धात्थें हे (ब्याधि) रोग उत्पन्न जुयाच्चन धकाः सिइका ।

१०. अले जिं तुरुन्त आश्रमय् लिहां वया । उबले हे जि शिष्यपिं नापं वासः याये मास्तेवःम्ह जुयाः जिं शिष्यपिन्त नं सःता ।

११. अले गौरवपूर्वक हे जिगु वाक्य (सः) न्यनाः सकल शिष्यपिं छकलं हे अन मुंवल । जिगु वस्पोल शास्ताप्रति गौरवया कारणं.....

१२. तुरुन्त हे जि पहाडे गयाः सकतां प्रकारया वासःत माला । अले जिं व वासःत त्वने योग्य यानाःलि श्रेष्ठम्ह भगवान बुद्धयात (त्वनेत) बिया ।

१३. सर्वज्ञम्ह, महावीरम्ह, लोकया नायःम्ह वस्पोल भगवान बुद्धं व वासः त्वना विज्यात । (व वासः त्वनेवंतुं) महर्षिम्ह, सुगतम्ह भगवान बुद्धया वाथ ल्वय् तुरुन्त हे क्वलात ।

१४. महायशश्वीम्ह अनोमदर्शी भगवान बुद्ध याउँक दना विज्याःगु खना ।

अले थःगु आसने फेतुना विज्यासे थथे धया विज्यात ।

१५. सुनां थ्व वासः जितः ब्यूगु खः, जिगु ल्वय् (रोग) लंकूगु खः व सु खः धकाः धाये, जिगु खँ बांलाक न्यँ ।

१६. (व) छगू लख कल्प तक देवलोकय् न्ह्याइपुका च्वनी । उगु देवलोकय् वाद्यवादन, तूर्यवादन आदि संगीतं न्ह्याबलें खुसि जुयाच्वनी ।

१७. अनंलिपा मनुष्य लोकय् ल्याहां वये धुंकाः उगु कुशल पुण्यया आनुभावं महाबल सम्पन्नम्ह चक्रवर्ती जुजु जुयाः द्वःछिक्वः राज्य याइतिनि ।

१८. न्येन्यागूगु कल्पय् (व) अनोम नांयाम्ह क्षत्रीय जुयाः छचाखेरंगु अन्त तकया द्विपया पूरा जम्बुद्वीपया नायः जुजु जुयाः

१९.सप्तरत्न (धन) सम्पन्नम्ह महाबल शक्तिं युक्तम्ह चक्रवर्ती जुजु जुइतिनि । उबले तावतिंस देवलोक तक नं कम्पन यासे राज्य याइतिनि ।

२०. देवता वा मनुष्य जुयाः जन्म काःसां अल्पब्याधिम्ह जुयाच्वनी । अले छयँ त्वःता वनाः लोक व्याधिं (दुःखं) नं तरे जुयावनी ।

२१. थनिं अपरिमेय्यगु कल्प लिपा (छगू लाख कल्प लिपा) ओक्काक कुलय् जन्म जुइम्ह गौतम नांयाम्ह शास्ता (भगवान बुद्ध) लोकय् उत्पन्न जुइतिनि ।

२२. वस्पोलया धर्मय् दायादम्ह, औरस पुत्रम्ह जुयाःलि धर्म हे दयेकातःम्ह थें, सकतां आश्रवत (क्लेशत) क्षय प्रहीण यानाः, आश्रवरहितम्ह जुयाःलि निर्वाणे थ्यंकः वनी ।

२३. क्लेशत दहन यानाः, तृष्णारूपी खुसिवाः (बाढी) पार तरे जुयावनी । उबले नामं 'बक्कुल' नांयाम्ह जुयाः भगवान बुद्धया शिष्य जुयाच्वनी ।

२४. थुगु खँ दक्व सिइका विज्याइम्ह वस्पोल शाक्य कुलया गौतम भगवान बुद्धं नं भिक्षुसंघया विचय् च्वना विज्यासे वयात 'एकदग्ग' थासय् तया विज्याइ ।

२५. स्वयम्भूम्ह, लोकया नायःम्ह अनोमदर्शी भगवान बुद्ध विवेक (आराम) काये मास्तेवःम्ह जुयाः जिगु आश्रमे थ्यंक विज्यात ।

२६. अथे थ्यंकः विज्याःम्ह महावीरम्ह, सर्वज्ञम्ह, लोकया नायःम्ह भगवान

अपदान पालि

बुद्धयात जिगु हे ल्हाःतं प्रसन्न जुयाः सकतां प्रकारया वासः नं तृप्त याना ।

२७. व जिं बांलाक याना वयागु कर्म; सारगु बुँइ बांलाःगु पुसा पिनाः सःगु फल थें गुबले नं फुके फइमखु ।

२८. गजाःमह लोकया नायःमह भगवान बुद्धयात जिं खंगु खः व जिगु लागि लाभ खः । व जिगु भिंगु प्राप्ति जुल । उगु कर्मया अन्तिमगु फल-विपाक कथं थ्व अचलगु पद- निर्वाणे थ्यंकः वना ।

२९. शाक्यकुल श्रेष्ठमह गौतम भगवान बुद्धं थुपिं सकतां खँ सिइका विज्यासे भिक्षुसंघया विचय् च्वना विज्यासे जितः एतदग्रस्थाने तथा विज्यात ।

३०. थनिं अपरिमेय्यगु कल्प न्हापा गुगु कर्म याना वयागु खः व कारणं दुर्गतिं धैगु मस्यू । थ्व वासः दानया फल खः ।

३१. जिगु क्लेशत दहन जुल । दक्व भवत (जन्म) नाश जुल । दक्व आश्रवत क्षय जुल । आः हानं पुनर्भव (पुनःजन्म) मन्त ।

३२. एकान्तं हे श्रेष्ठमह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

३३. प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'वक्कुल' स्थविरं थुपिं गाथात धया (कना) विज्याःगु जुल ।

वक्कुलत्थेरापदान खुगूगु क्वचाल ।

३९७. गिरिमानन्दत्थेरापदान

१ . जिमि कलाः सित । काय् नं मशाने वन (सित) मां-वाः, सहोदर किजा नं छगू हे चिताय् (दाहसंस्कार) च्यानाच्वन ।

२. उगु शोकं सन्तप्तम्ह जि, हाकुसे च्वंम्ह जुल । उगु शोकं पिडितम्ह जुयाः जिगु मन नं विक्षिप्त जुल । उगु हे शोकं यानाः जि गंसिम्ह नं जुल ।

३. शोक-सन्तापं पिडित जुयाच्चनाम्ह जि जंगले थ्यंकः वना । अन कुतुंवःगु फलत नयाः सिमाक्वय् बास याना च्वना ।

४. जीनम्ह, दुःखया अन्तयाना विज्याइम्ह, सुमेध नांयाम्ह भगवान बुद्ध जितः (भव सागर) तरे याये मास्तेवम्ह जुयाः जि लिक्कसं विज्यात ।

५. महर्षिम्ह सुमेध भगवान बुद्धया पलाः सः वयाः जिं जिगु छ्यं ल्हवनाः महामुनिम्ह भगवान बुद्धयात स्वया ।

६. महावीरम्ह भगवान बुद्ध धात्थे जिगु लिक्कसं विज्याना च्वन । जि यक्व लयताया । उबले वस्पोल लोकया नायःम्ह भगवान बुद्धयात खनाःलि जिगु मन शान्त व एकाग्र जुल ।

७. जिं होस दयेकाः (हानं स्मृति प्राप्त यानाः) वस्पोल भगवान बुद्धयात घाय् छम्हू दान विया । ज्ञां रूपी मिखा दुम्ह वस्पोल भगवान बुद्ध जिप्रति अनुकम्पा तथा विज्यासे उकिइ द्यःने फेतुना विज्यात ।

८. लोकया नायःम्ह सुमेध भगवान बुद्ध अन फेतुना विज्यासे जिगु शोक सन्ताप मदयेका छ्वयेगु लागि धर्मदेशना याना विज्यात ।

९. (इपिं) सुनानं मसःतुसे हे थन वःपिं जुल । अथे हे सुयातं नं खबर मव्युसे थनं मेथाय् वीपिं जुल । गथे निमन्त्रणा मदयेकं थुगु लोकय् वल । अथे हे खबर मयासे थनं मेगु लोकय् वन । अन छाय् ख्वये माःगु । शोक याये माःगु ।

१०. गथे लँजुवाःत वा वइबले थःगु सामानसहितं वा मवःगु थासय् वनीगु खः ।

११. अथे हे वा वयेगु दित कि हानं थः मंदुगु थासय् वनी । छिमिं मां-वाःपिं नं अथे हे खः । अज ख्वये माःगु छु दु ?

१२. (लोकवासी सकल प्राणीपिं) सकले थ्व लोकया पाहाँ खः, आगन्तुकपिं खः । चंचलपिं, कम्प जुइपिं, पृथकजनपिं खः । अथे हे छिमि मां-वाःपिं नं खः । अन ख्वये माःगु छु दु ?

अपदान पालि

१३. गथे सर्पं थःगु जीर्णगु विखू (छयंगू) त्वःताः वनीगु खः, अथे हे छिमि मां अबुपिसं नं थःथःगु शरीर थन हे (थ्व लोकय् हे) त्वःताः वन ।

१४. जिं भगवान बुद्धया उगु वचन (उपदेश) न्यनाःलि थःगु शोक-सन्ताप मदयेका छवया । मन प्रसन्न यानाः श्रेष्ठम्ह भगवान बुद्धयात वन्दना याना ।

१५. महानागम्ह वस्पोल भगवान बुद्धयात वन्दना याये धुंकाःलि दिव्यगु सुगन्धं युक्तगु गिरिमंजरी स्वां छम्हू वस्पोल लोकया नायःम्ह सुमेध भगवान बुद्धयात बांलाक (श्रद्धां) पूजा याना ।

१६. वस्पोल सम्बुद्धयात पूजा याये धुंकाःलि ल्हाः निपां छयने तयाः बिनित्ति यानाः लोकया नायःम्ह वस्पोल भगवान बुद्धया गुण लुमंकाः प्रशंसा याना ।

१७. हे महावीर ! लोकया नायःम्ह, सर्वज्ञम्ह छलपोलं भव (सागर) पार तरे याना विज्यात । हे महामुनि ! छलपोल अथे हे थःगु ज्ञानं सकल सत्वप्राणीपिं नं दुःखं तरेयाना विज्याइ ।

१८. हे महामुनि ! छलपोलं शंका-उपशंका नं छेदन याना विज्याइ । ज्ञां रूपी मिखा दुम्ह छलपोल थःगु ज्ञानं जिगु लपु दयेका विज्यात ।

१९. छलपोल तुरुन्त हे ध्यानं ऋद्धिप्राप्तपिं, खुगू अभिज्ञा प्राप्तपिं, महाऋद्धिवानपिं, आकासे चाःहिलीपिं, धीरपिं अर्हत भिक्षुपिं न्ह्यावलें चाःहुइकाः च्वनी ।

२०. (आर्यलपुई) प्रतिपन्नपिं (जूपिं), सेखपिं (अर्हतपिं), (अर्हत) फल लाभिपिं नं छलपोलया शिष्यपिं दयाच्चनी । छलपोलया शिष्यपिं निभाः त्वइबले (सूयो दय जुइबले) त्वइगु पलेस्वां थें प्रबोधं युक्त जुइ ।

२१. हे ज्ञां रूपी मिखा दुम्ह ! गथे समुन्द्र संके मफइगु खः, मेगु नापं तुलना याये मफइगु खः, छलपोल अजागु ज्ञानं युक्तम्ह जुया विज्याइ । प्रमाण याये मफइगु ज्ञानं युक्तम्ह जुया विज्याइ ।

२२. जिं महायशश्वीम्ह, लोक त्याकूम्ह, ज्ञानरूपी मिखा दुम्ह भगवान बुद्धयात वन्दना यानाःलि दक्व दिशाय् नं अथे हे वस्पोलयात नमस्कार यानाः थःगु हे थासय् (कुटीइ) ल्याहाँ वना ।

२३. (जि उगु पुण्यकर्म) तःधंगु चीधंगु दक्व भवय् चाःहिला च्वं च्वं देवलोकं च्यूत जुया वयाः स्मृति दुम्ह जुयाः भिं ज्ञां दुम्ह जुयाः मांया कोखं जन्म जुया ।

अपदान पालि

२४. (तःधिकः जुइधुंकाःलि छुर्येय् नं प्याहाँ वनाः अनगारिक प्रव्रज्यां प्रव्रजित जुया । क्लेश दहन (दमन) यायेगु वीर्य (उत्साहं) युक्तम्ह जुयाः अन्तरमुखिम्ह, थःगु हे प्रश्न न्यनीम्ह, ध्यान याइम्ह जुयाः विवेकी थासय् च्वंच्वना ।

२५. वीर्य (उत्साह) याना भगवान बुद्धयात लयतायेका, जिं सुपाँय् नं प्याहाँ वःगु तिमिला थें न्ह्याबलें चाःहिला च्वना ।

२६. अले शान्तम्ह जुयाः निरुप दुम्ह जुयाः (उपधि-क्लेशं मुक्तम्ह जुयाः) विवेकी पूर्वक च्वंच्वनाम्ह जुया । जिगु दक्व आश्रवत प्रहीण (नाश) जूकथं सिइका, आश्रवरहितम्ह जुयाः वास याना ।

२७. थनिं स्वीद्वःदं कल्प न्हापा, उबले गुम्ह बुद्धयात बांलाक (श्रद्धां) पूजा याना वयागु खः, व कारणं दुर्गति धैगु मस्यू । थ्व बुद्धपूजाया फल खः ।

२८. जिगु क्लेशत दहन जुल । दक्व भवत (जन्म) नाश जुल । दक्व आश्रवत क्षय जुल । आः हानं पुनर्भव (पुनःजन्म) मन्त ।

२९. एकान्तं हे श्रेष्ठम्ह बुद्धयाथाय् जिगु भिंगु सम्प्राप्त जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

३०. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'गिरिमानन्द' स्थविरं थुपिं गाथात धया (कना) विज्याःगु जुल ।

गिरिमानन्दत्थेरापदान न्हेगूगु क्वचाल ।

३९८. सललमण्डपियत्थेरापदान

१. ब्रह्मचर्या पालन यानाः क्वचायेके धुंकूम्ह, सकतां पापकर्मत दमन यानाः क्वसिका तये धुंकूम्ह ककुसन्द भगवान बुद्ध परिनिर्वाण जूबले जिं सलल स्वां कया हयाः मण्डप दयेके विया ।

२. (उगु पुण्यं) तावतिंस देवलोकय् जन्म काः वना । अन जितः विमान (स्वांया) दयाच्वनी । मेमेपिं देवतापिं सिबे थिनाच्वनी । व पुण्यकर्मया थ्व

फल खः ।

३. जि न्हिने जुइमा चान्हे जुइमा, अले चंक्रमण याना च्वंसां, दना च्वंसां, फे तुना च्वंसां जितः सलल स्वां नं छयं च्वय् त्वपुना च्वनी । उगु पुण्यकर्मया थ्व फल खः ।

४. थुगु हे कल्पय् जिं गुम्ह भगवान बुद्धयात बांलाक पूजा यानागु खः व कारणं दुर्गाति धैगु मस्यू । थ्व बुद्धपूजाया फल खः ।

५. जिगु क्लेशत दहन जुल । दक्व भवत (जन्म) नाश जुल । दक्व आश्रवत क्षय जुल । आः हानं पुनर्भव (पुनःजन्म) मन्त । आश्रवरहितम्ह जुयाः बास याना ।

६. एकान्तं हे श्रेष्ठम्ह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

७. प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सललमण्डपिय' स्थविरं थुपिं गाथात धया (कना) विज्याःगु जुल ।

सललमण्डपियत्थेरापदान च्यागू क्वचाल ।

Dhamma.Digital

३९९. सब्बदायकत्थेरापदान

१. महासमुन्द्रया लिक्कसं जितः बांलाक दयेकातःगु भवन दयाच्चन । अन चक्रवायुथें सः थ्वइगु पुखू छगू नं बांलाक दयेका तःगु दयाच्चन ।

२. उगु पुखुलिइ मन्दालक स्वां, पलेस्वां, उत्पला स्वां आदि स्वांत त्वयाच्चनी । अन हे लिक्कसं मनोरमगु याउँक न्ह्यानाच्चंगु खुसि छगू नं दयाच्चन ।

३. उगु खुसिइ न्यात, कछुवात, व विभिन्न प्रकारया जन्तुत नं याउँक चाःहिला च्वनी । अन हे मयुर, कोकिल, हंस आदि पंक्षीपिं नं चाःहुइकाः च्वनी ।

४. अन हे बखुं, रवीहंस, चक्रवाक (चखेवा), लखे चाःहिलीपिं, हुटिट्याउँ, मै ना व अन मिसा-कालिज त नं यक्व दयाच्चन ।

५. अन नाद याइपिं हंस, कोकिल, बकुला, उल्लु, पिंगल आदि पंक्षीत नं यक्व दुगु जुल । सप्तरत्नं युक्तगु माणिक्य, मोती नापं फि नं दुगु जुल ।

६. नाना प्रकारया नस्वाःगु फैले याइगु सकतां हे स्वर्णमयगु सिमातयूसं नं अन दथ्वीच्चंगु व भवन न्थ्याबलें हे चाँन्हिं उज्वल याना च्वनी । प्राप्त याना च्वनी ।

७. ख्वीद्वःगू बाजंतयूसं सुथे-बहनी संगीत वियाच्चनी । भिंखुद्वः मिस्तेसं जितः न्थ्याबलें चाःहुइकाः च्वनी ।

८. (छन्हु) उगु भवनं प्याहाँ वना । प्रसन्नगु मन दुम्ह जिं भिं मनं (श्रद्धां) महायशश्वीम्ह, लोकया नायःम्ह सुमेध भगवान बुद्धयात वन्दना याना ।

९. वन्दना याये धुकाः वस्पोल भगवान बुद्धयात भिक्षुसंघसहित (भोजनया लागि) निमन्त्रणा याना । धीरम्ह लोकया नायःम्ह सुमेध भगवान बुद्धं (व निमन्त्रणा) स्वीकार याना विज्यात ।

१०. महामुनिम्ह भगवान बुद्धं जितः धर्मया खँ कनाः जितः पुण्यकार्यय् लगे यात । वस्पोल भगवान बुद्धयात वन्दना यानाः जि हानं छ्यैय्य हे त्याहाँ वना ।

११. अले “(कन्हे) सुथय् (भोजनया इलय्) भगवान बुद्ध जिगु (छ्यै) भवने विज्याइगु जुल, छिपिं सकले थन मुंवा” धकाः परिवारजनपिं सःता ।

१२. गुकथं छिपिं नापं बास याना च्वनागु खः थ्व भी सकसितं बांलाःगु प्राप्त खः, भिंगु लाभ खः । भीसं नं श्रेष्ठम्ह भगवान बुद्धयात (शास्तायात) पूजा-दान यानाच्चना ।”

१३. अले जिं आहार-पान आदि भोजनया व्यवस्था यानाःलि (वस्पोलयात) भो जनया ई खबर याना । लोकया नायःम्ह वस्पोल भगवान बुद्ध अर्हतपिं छगु लख भिक्षुसंघनापं (जिगु छ्यैय्य) विज्यात ।

१४. जिं पञ्चांग युक्तगु तुर्यवादन नापं वस्पोलया लँ स्वः वना । लसकुस याना । पुरुषोत्तमम्ह भगवान बुद्धयात सकतां स्वर्णमयगु आसनये फेतुका ।

अपदान पालि

१५. उबले आसनया च्वय् नं दक्वं सुर्वणमयगु इलां दयाच्चन । पंखां गायेका च्वन । भिक्षुसंघया विचय् च्वना विज्याना च्वन ।

१६. भिक्षुसंघयात विविधगु आहार-पानादि जिं बांलाक तृप्त याना । अनंलि जिं म्हतिं निज्वः वस्त्रत नं भिक्षुसंघयात दान विया ।

१७. लोकवासीपिनि पूजा ग्रहण याना विज्याइम्ह, सुमेध भगवान बुद्ध धकाः सुयात धाइगु ख; वस्पोल भगवान बुद्धं भिक्षुसंघया विचय् च्वना विज्यासे थये धया विज्यात ।

१८. सुनां जितः नं, छिपिं सकसित नं आहारं, पानादि तृप्त याःगु खः, जिं व सु खः धकाः धाये, जिगु व खँ बांलाक न्यँ ।

१९. (व) भिंच्यासःगू कल्प तक देवलोकय् न्ह्याइपुका च्वनी । सच्छिक्वः ला चक्रवर्ती जुजु जुयाः राज्य याइतिनि ।

२०. देवता जुयाः जन्म काःसां, मनू जुयाः जन्म काःसां, गन जन्म काःवनीगु खः अन वयात न्ह्यावलें स्वर्णमयगु इलां धारण जुयाच्चनी ।

२१. स्वीद्वःगू कल्पय् ओक्काक कुलय् उत्पन्न जुया विज्याइम्ह नामं 'गौतम' नांयाम्ह शास्ता (भगवान बुद्ध) लोकय् जन्म जुइतिनि ।

२२. वस्पोलया धर्मय् दायादम्ह, औरस पुत्रम्ह, धर्म हे दयेकातःम्ह जुयाः दक्व आश्रवत प्रहीण यानाः ज्ञानं सिइकाः, आश्रवरहितम्ह जुयाः निर्वाणे थ्यंकीम्ह जुइ ।

२३. भिक्षुसंघया विचय् च्वनाः सिंहनाद नं नाद याना विज्याइ । वयागु (पार्थिव शरीर(लास) दुगु) चिताय् तक नं अजाःगु छत्र (कुसा) इलां धारण जुयाच्चनी । अले उगु इलांया क्वय् हे दाह-संस्कार जुइ ।”

२४. जि श्रामन्यफल प्राप्तम्ह जुयाच्चना । जिं क्लेशत दहन याना च्वना । मण्डपे जुइमा, सिमा क्वय् जुइमा जितः सन्ताप धैगु जुइमखु ।

२५. थनिं स्वीद्वःदँ कल्प न्हापा, उबले गुगु दान वियागु खः व कारणं दुर्गति धैगु मस्यू । थ्व दक्वं दानया थुगु फल खः ।

२६. दक्वं क्लेशत दहन जुल । दक्व भवत (जन्म) नाश जुल । दक्व आश्रवत

अपदान पालि

क्षय जुल । आश्रवरहितम्ह जुयाः बास याना ।

२७. एकान्तं हे श्रेष्ठम्ह बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

२८. प्रतिसम्भवा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'सर्वदायक' स्थविरं थुपिं गाथात धया (कना) विज्याःगु जुल ।

सब्वदायकत्थेरापदान गुंगूगु क्वचाल ।

४००. अजितत्थेरापदान

१. सकतां प्रकारया धर्मय् पारंगतम्ह, लोकया नायःम्ह, जीनम्ह (पंचमार त्याकूम्ह) पदुमुत्तर भगवान बुद्ध हिमाल प्रदेशे द्वाहाँ विज्यानाः अन च्वना विज्यात ।

२. जिं भगवान बुद्धयात मखना । वस्पोलया सः नं मन्यना । उबले जि नसा मामां उगु जंगले चाःहिला च्वना ।

३. अन तिनि जिं स्वीनिता महापुरुष लक्षणं युक्तम्ह भगवान बुद्धयात खना । खनाःलि "थुम्ह प्राणी गजाःम्ह खः" धैगु मनये लुल ।

४. वस्पोलया लक्षणत स्वयाः जिगु विद्या (ज्ञान) लुमंका । "जिं बृद्धपिं पण्डितपिनिगु थुगु प्रकारया भिं बचं त न्यना तयागु दु ।"

५. वस्पोलपिसं गथे धया तःगु खः भगवान बुद्ध नं अथे हे खने दयाच्वन । उकिं वस्पोल धात्थे भगवान बुद्ध हे खः । जिं वस्पोलयात सेवा-सत्कार याये । उकिं जिगु गति नं शुद्ध जुइ ।" धकाः विचाः याना ।

६. अले याकनं थःगु आश्रमे वनाः कस्ति-चिकं कया । अले थल नं ज्वनाः नरासभम्ह भगवान बुद्धयाथाय् थ्यंकः वना ।

७. अले जिं (जिगु) त्रिदण्ड कयाः पिने हे खुल्ला थासय् तया । अले मत

च्याकाः च्याक्वः वन्दना याना ।

८. पुरुषोत्तमम्ह भगवान बुद्ध न्हेन्हु-न्हेचा अन फेतुनाः (ध्यान याना) विज्यात । अनलिं चा क्वचायेकाः लोकया नायःम्ह भगवान बुद्ध अनं (ध्यानं) दना विज्यात ।

९. जि प्रसन्नगु मन दुम्ह जुयाः भिं मनं (श्रद्धां) भगवान बुद्धयात थःगु हे ल्हाःतं न्हेन्हु-न्हेचा हे मत पूजा याना ।

१०. उबले उगु गन्धमादन पर्वते च्वंगु नस्वाःगु दक्व वनत बुद्धानुभावं भगवान बुद्धयाथाय् मुं वल ।

११. अले दक्व सिमात ह्वल । उगु वनये च्वंगु दक्व पुष्प गन्धत बुद्धानुभावं छ्थाय् मुन ।

१२. उगु हिमाल प्रदेशे गुलि नं नाग व गरुडत दुगु खः, इपिं निखलः नं धर्म (उपदेश) न्यनेगु इच्छा यानाः भगवान बुद्धया लिक्कसं वल ।

१३. भगवान बुद्धया अग्रश्रावकम्ह 'देवल' नांयाम्ह श्रमण अर्हतपिं छ्गू लाख श्रमणपिं नापं भगवान बुद्धयाथाय् थ्यंकः विज्यात ।

१४. लोकवासीपिनि पूजा ग्रहण याये योग्यम्ह, लोक विज्जम्ह पदुमुत्तर भगवान बुद्ध अनलिं भिक्षुसंघया विचय् फेतुना विज्यासे थथे धया विज्यात ।

१५. "सुनां प्रसन्नगु मनं थःगु ल्हाःतं हे जिगु लागि मत च्याकूगु खः व सु खः धकाः जिं धाये, जिगु व खँ बांलाक न्यँ ।"

१६. स्वीद्वःदं कल्प तक देवलोकय् न्ह्याइपुका च्वनी । द्वःछिक्वः चक्रवर्ती जुजु जुयाः (मनुष्य लोकय्) राज्य याइ ।

१७. स्वीखुक्वः देवराज इन्द्र जुयाः दिव्यराज्य याइतिनि । थुगु पृथ्वीइ न्हेसःक्वः तःधंगु राज्य याइतिनि । प्रदेश राज्यत ला यक्व हे राज्य याइतिनि । ल्याखं अल्याख जुइ ।

१८. थुगु दीप (मत) दानया आनुभावं दिव्यमय मिखा दुम्ह जुइ । न्ह्याबले (वं) छ्चाःखेर बागू कोस तापाक तक खंकी ।

१९. देवलोकं च्यूत जुयाः मेथाय् जन्म काःसां नं न्ह्याथाय् जूसां वयात

न्ह्याबले चा-न्हिं (वयात) मत च्याना च्वनी ।

२०. थुगु प्रदीप दानमय पुण्यया आनुभावं युक्तम्ह जुयाः थ्व प्राणी (मनू) गन जन्म काइगु खः व प्रदेशया सीमा तकं प्रदेश छगूलिं प्रकाशमान जुयाच्वनी ।

२१. थ्व मनू देवता जुयाः जन्म काःसां, मनू जुयाः जन्म काःसां, थुगु दीप (मत) दानया हे च्यागू प्रदीप फलया कारणं वयात सुनानं त्याके फइमखु । थ्व मत दानया फल खः ।

२२. छगू लाख कल्प लिपा ओक्काक कुलय् जन्म जुयाः विज्याइम्ह, नामं 'गौतम' नांयाम्ह शास्ता (बुद्ध) लोकय् उत्पन्न जुया विज्याइ ।

२३. वस्पोलया धर्मय् दायादम्ह, औरसपुत्रम्ह, धर्म हे दयेकातःम्ह थें जुयाः (थ्व मनू) सकतां आश्रवत प्रहीण (नष्ट) यानाः सिइकाः, आश्रवरहितम्ह जुयाः निर्वाणे थ्यंकः वनीतिनि" धकाः कना विज्यात ।

२४. (आः) शाक्यकुल श्रेष्ठम्ह गौतम बुद्धयात खुसि याना नामं 'अजित' नांयाम्ह 'शास्ता श्रावक' भगवान बुद्धया शिष्यम्ह जुयाच्वना ।

२५. जिं ख्वीद्वःदं देवलोकय् न्ह्याइपुका च्वना । अन नं जितः न्ह्याबले, न्ह्यागु इलय् नं सच्छिगू मत त च्याना च्वनी ।

२६. देवलोकय् जूसां नं, मनुष्यलोकय् जूसां नं जिगु प्रभा फैले जुयाच्वनी । श्रेष्ठ बुद्धयात लुमंकाः अझ यक्व लय्ताना च्वना ।

२७. जि तुसित देवलोकं च्यूत जुया वयाः (मनुष्यलोकय्) मांया प्वाथय् च्वं वया । अले मांया प्वाथं प्याहां वयाबले नं जिगु तःधंगु (यक्व) आलोक (प्रकाश) दयाच्वन ।

२८. (लिपा) छुयेंय् नं प्याहाँ वनाः अनागारिक प्रव्रज्यां प्रव्रजित जुया । 'वावर ि' तपश्वीयाथाय् थ्यंकः वनाः वस्पोलया शिष्यम्ह जुयाच्वना ।

२९. हिमाल प्रदेशे च्वंच्वनाम्ह जिं-लोकया नायःम्ह भगवान बुद्ध बारे न्यना । उत्तमगु अर्थ-निर्वाण मामां विनायकम्ह वस्पोल भगवान बुद्धयाथाय् थ्यंकः वना ।

३०. वस्पोल भगवान बुद्ध दान्तम्ह जुया विज्यात । मेपिं नं दमन यासे प्यंगू

अपदान पालि

ओघं (क्लेशरूपी खुसिवाः नं) पार तरे याना विज्यात । (स्कन्ध) उपधिरहितम्ह जुल । सकतां प्रकारया दुःखत मदुगु निर्वाण बारे कना विज्याइ ।

३१. वस्पोलयाथाय् जि वयागु कारण सिद्ध जुल (सफल जुल) । जिं महामुनि नं (बुद्धयात) खुसि याना । त्रिविद्या नं प्राप्त याना । बुद्धया सासन नं चिरस्थायी याना ।

३२. थनिं छगू लाख कल्प न्हापा, उवले गुगु मत दान वियागु खः व कारण दुर्गति धैगु मस्यू । थ्व दीप (मत) दानया फल खः ।

३३. जिं क्लेशत दहन याना । दक्व भवत (जन्म) नाश याना । दक्व आश्रवत क्षय याना । बुद्धशासन नं चिरस्थायी याना ।

३४. एकान्तं हे श्रेष्ठम्ह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

३५. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'अजित' स्थविरं थुपिं गाथात धया (कना) विज्याःगु जुल ।

अजितत्थेरापदान भिगूगु क्वचाल ।

पिलिन्दवच्छवर्ग क्वचाल

Dhamma.Digital

४१. मेत्तेय्यवग

४०१. तिस्समेत्तेय्यत्थेरापदान

१. पब्भारकूट पर्वत आश्रित जुयाः पर्वतया विचय् अन कुतुंवइगु फलत नयाः शोभित नांयाम्ह तपश्वी बास यानाच्चन ।

२. उवले जिं सिँ व मि हयाः मि च्याका । अले उत्तमगु अर्थ मामां वनाम्ह जिं ब्रह्मलोक प्रार्थना याना च्वना ।

३. लोकवासीया पूजा ग्रहण याना विज्याइम्ह, लोकविज्ञम्ह पदुमुत्तर भगवान बुद्ध जिगु उद्धार याये मास्तिवःम्ह जुया विज्यासे वस्पोल जिथाय् लिक्कसं विज्यात ।

४. हे पुण्यवान ! छु याना च्वना ? जितः नं सिं व मि व्यु । जि नं थ्व मि छयले । उकिइं जिगु नं शुद्धि जुइ ।

५. “हे मनू ! छःपिं नं उत्तम गुण दुम्ह खः । हे देव ! छःपिं नं स्यूम्ह खः । छःपिसं नं थ्व मि छयला विज्याहुँ । थ्व ‘सिं व मि’ छःपिन्त हे जुल ।” धकाः तपश्चीं धाल ।

६. अनलि भगवान बुद्धं उगु सिं कयाः मि च्याकल । तर व सिं मच्याः । थ्व भगवान बुद्धया प्रातिहार्य खः ।

७. “छंगु मि मच्याः । छंगु याग (होम) खने मदु । उकिं छंगु व्रत निरर्थक (ज्याखेले मदुगु) जुल । जिगु मि छय (च्याकि)” धकाः भगवान बुद्धं धया विज्यात ।

८. “हे महावीर ! छलपोलया व मि गजाःगु खः धया विज्याहुँ । जितः नं व मि पूजा गथे यायेगु खः कना विज्याहुँ । भी निम्हसिनं मि पूजा याये ।” धकाः तपश्चीं धाल ।

९. “(दुःखादि) धर्मया हेतु (कारणया) निरोध (अन्त), क्लेशया समन (दमन) यायेगु; ईर्ष्या, मान आदि त्वःतेगु, धैगु थ्व स्वंगू जिगु याग-मि (होम) खः” धकाः भगवान बुद्धं कना विज्यात ।

१०. “हे महावीर ! छलपोल गजाःम्ह खः ? हे मारिस ! छलपोल छु गोत्रयाम्ह खः ? छलपोलया आचार-प्रतिपत्ति जितः तसकं यःगु जुल ।”

११. “जि क्षत्रीय कुलय् जन्म जुयाम्ह खः । अभिज्ञा ज्ञानये पारंगतम्ह खः । सकतां प्रकारया आश्रवत क्षीण (नष्ट) जुइधुंकल । आः हानं जिगु न्हूगु जन्म मन्त, पुनर्भव मदु ।” भगवान बुद्धं धया विज्यात ।

१२. “यदि छलपोल बुद्ध खःसा; हे सर्वज्ञ ! पभडकर ! (आलोक त्वलाः (छरे याना) विज्याइम्ह), हे तमोनुद (मोहअन्धकार मदेका विज्याइम्ह), हे देव ! जिं छलपोलयात नमस्कार वन्दना याये । छलपोलं दुःखया अन्त याना विज्याइ ।

अपदान पालि

१३. अथे धयाः, जिं चितुवाया छुर्यंगूया लासा बांलाक लाना बिया । अले थथे धया- हे लोकया नायःमह भगवान बुद्ध ! फेतुना बिज्याहुं । हे सर्वज्ञ ! जिं छलपोलयात सेवा-उपस्थान याये ।

१४. बांलाक लाना बियागु उगु आसने भगवान बुद्ध फेतुना बिज्यात । जिं भगवान बुद्धयात निमन्त्रणा यानाः पर्वते वना ।

१५. परिष्कार जायेकाः तिनुक फल नं ज्वना वया । अले उगु फल कस्ति नाप ल्वाकछ्यानाः भगवान बुद्धयात (दान) बिया ।

१६. जीनमह भगवान बुद्धं जिं विचाः याना च्वनाबले हे उगु फलदान भपिया बिज्यात । अले लोकया नायःमह भगवान बुद्धयात स्वस्वं हे मन लय्तायेका च्वना ।

१७. पूजा सत्कार ग्रहण याना बिज्याइमह, लोकया विज्ञमह पदुमुत्तर भगवान बुद्धं जिगु आश्रमे च्वना बिज्यासे थथे धया बिज्यात ।

१८. “सुनां थ्व फल प्रसन्न जुयाः थः ल्हाःतं हे तृप्त यात । व सु खः धकाः धाये, जिगु खँ बांलाक न्यँ ।

१९. (वं) नीन्याक्वः देवलोकय् दिव्य राज्य याइतिनि । द्वःछिक्वः चक्रवर्ती जुजु जुयाः च्वनीतिनि ।

२०. पूर्वकर्म नापं सम्बन्ध (स्वापू) दुगु वयागु संकल्प (विचाः) सिइकाः अनर्घगु नसा, त्वँसा, वसः व स्वता...

२१. पूर्वपुण्यया आनुभावं उबले हे उत्पन्न जुइ । न्ह्याबले नं व निरोगीमह व लय्ताःमह जुयाच्वनी ।

२२. देवता जुयाः व मनु जुयाः जन्म काःसां, न्ह्यागु जन्मय् नं सुखीमह जुयाच्वनी । मनुष्यत्व (गुण) दुमह जुइ ।

२३. व, वेद ब्वनीमह, मन्त्र धारण याइमह, स्वंगू वेदं पारंगतमह जुयाः नं भगवान बुद्धयाथाय् वनाःलि अर्हतमह जुया च्वनीतिनि ।” धकाः धया बिज्यात ।

२४. गनंनिसेंया जिगु आत्मभाव लुमंका च्वनागु खः, गनं निसें जिं ज्ञां दुमह

अपदान पालि

जुया वयागु खः, अनं निसें आःतक जितः भोग सम्पत्तिं कमी धैगु जूगु मस्यू, थ्व व फल दानया विपाक खः ।

२५. उत्तमगु धर्मय् (सासने) सम्प्राप्तिमह जुयाच्चना । राग-द्वेष समूल नष्ट यानाच्चनी । सकल आश्रवत क्षीण याना च्वना । आः हानं मेगु जन्म (पुनर्भव) मन्त ।

२६. जिगु क्लेशत दहन जुल । दक्व भवत (जन्म) नाश जुल । किसिं थें बन्धनत चफुनाः आश्रवरहितमह जुयाः बास याना च्वना ।

२७. एकान्तं हे श्रेष्ठमह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानामह जुल । बुद्धशासन नं चिरस्थायी यानामह जुल ।

२८. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'तिस्य मेत्तेय्य' स्थविरं थुपिं गाथात धया (कना) विज्याःगु जुल ।

तिस्यमेत्तेय्यत्थेरापदान छगूगु क्वचाल ।

४०२. पुण्णकत्थेरापदान

१. स्वयम्भूमह, अपराजितमह भगवान बुद्ध पर्वतया विचय् पर्वतया कुट्टिइ आवाधिम्ह (विरामीम्ह) जुयाः वासः याना विज्याइ ।

२. उबले जिगु आश्रमया ल्यूनेसं तःधंगु आवाज पिहाँ वल । वस्पोल भगवान बुद्ध परिनिर्वाण जुया विज्याःबले आलोक (जः) नं उत्पन्न जुल ।

३. उबले हे पूरा जंगलया धुँ, भालु, सिंह आदि सकल जन्तुत नं हाला हल, गर्जन यात ।

४. जिं उगु उत्पात खनाःलि व पर्वते वना । अन जिं परिनिर्वाण जुया विज्याःमह अपराजितमह भगवान बुद्धयात खना ।

५. बांलाक सयाच्वंगु साल सिमा थें च्वंमह, त्वयावःगु सूर्य थें जाःमह, च्यागू

हिवां थें जाःम्ह परिनिर्वाण जुया विज्याःम्ह वस्पोल भगवान बुद्धया लागि....

६.जिं अन घाँय् सिं जायेकाः चिता दयेका । बांलाक हे उगु चिता दये काः उकिइ बुद्धया शरीर दाह संस्कार याना ।

७. (शरीर) दाह-संस्कार याये धुंकाः अन नस्वाःगु लः ह्वला बिया । उबले हे आकासे च्वंम्ह राक्षस छम्हेसिनं जितः नां तल-

८. 'स्वयम्भूम्ह, महर्षिम्ह भगवान बुद्धयात गुगु दाहसंस्कार आदि कृत्य (ज्या) छःपिसं सम्पूर्ण (पूरा) याःगु खः, हे मुनि ! छलपोल न्ह्याबले नं नामं 'पूर्णक' जुया च्वनी ।

९. (लिपा) जि उगु आत्मभावं च्यूत जुयाः देवलोके (जन्म काः) वना । अन नं आकासे दिव्यमय नस्वाः (सुगन्ध) फैले जुया च्वनी ।

१०. उबले अन नं जिगु नां 'पूर्णक' हे जुयाच्वन । देवता जूसां जिगु इच्छा पूर्ण याना ।

११. थ्व जिगु अन्तिमगु जन्म खः । दक्व भवत चाःहिले धुन । थुगु अन्तिमगु भवय् नं जिगु नां पुर्णक धकाः हे प्रकाश जुयाच्वन ।

१२. शाक्यकुल श्रेष्ठम्ह गौतम भगवान बुद्धयात लय्तायेकाः सकतां आश्रवत क्षीण यानाः, आश्रवरहितम्ह जुयाः बास याना च्वना ।

१३. थनिं ग्वीछगूगु कल्पय्, न्हापा गुगु कर्म उबले याना वयागु खः, व कारणं दुर्गति धैगु मस्यू । थ्व उगु कृत्यया फल खः ।

१४. क्लेशत दहन जुल । दक्व भवत (जन्म) नाश जुल । आश्रवरहितम्ह जुयाः बास याना च्वना ।

१५. एकान्तं हे श्रेष्ठम्ह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

१६. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'पूर्णक' स्थविरं थुपिं गाथात धया (कना) विज्याःगु जुल ।

ॡ०३. डेतुतुगुत्थेरापदान

१. हिडडल डुरदेशडल ललकुसं अशुक नलडलडु डरुवत छुडू दुगु कुल । अन वलशुवकडुडु दडुडु वुडुगु कुडुगु आशुरड दुगु कुल ।
२. डुनलडुडु, अतलकं कलरुणलकडुडु सुडुडु नलडलडुडु डुगुवडुन डुदुडु कुडुवर डुनलः सुथडल इलडु कुथलडु डुडुडुडुडु ललडुगु वलकुडुडु ।
३. कुथलडु वलकुडुडुःडु लुकडुडु नलथडुडु डुडुडुवरडुडु सुडुडु डुगुवडुन डुदुडुडुडुडु खनलःलल वसुडुल सुगुतडुडु डुडु कडुडुः डुडुः-कुडुडु कुडुडुडु वलडुडु ।
- ॡ. लुकडुडु नलडुःडु, शुरेसुथडुडु सुडुडु डुगुवडुन डुदुडुडुडुडु कुडु व लःलुडुनलःलल, लुडुः वलनुतलडुडुनलः अतलकं लडुडुडुडुः थथे नं कलडुनल डुडुनल ।
- ॡ. “थुगु डुडुः-कुडुडु दलनडुडु डुडुतुं, डुन डुरसनुन डुडुनलडुगु डुडुतुं नं, देवतल कुडुडुडु नं डुनू कुडुडुडु नं वलडुलडुगु (डुकुव) सुख डुरलडुत कुडुडुडु ।”
- ॡ. “दुगुडुडुडु वलडुडुडुगु तःडुडुगु व कुडुडुडुगु डुडुवडु कुडुःहलल कुवने दडुडुडु । अन डुनं सुथीर डुडुनलःलल अकुल डुडु (नलरुवलण) नं ललडु डुडुडु डुडुडुडु ।” डुडुः ।
- ॡ. “गुगु कलरुणं डुडुनलः डुरलडुडुडुडुडु कुडुतः छुं खंकूगु खः व छुनुत ललडु कुडुगु कुल । थुव छुःडुडुनुत डुडुललक डुरलडुत कुडुगु कुल । कुडुगु दलरुशन डुडुःवःडुडु कुडुडुःलल छु अरुडुत नं कुडुडु ।”
- ॡ. “छु वलशुवलस दुडुडु कु । छु गडुडुडु डुडुते । कुडुतः डुडुः-कुडुडु दलनडुडु वलडुडुःलल छुं डुडुडु डुश-कुडुडुडु डुरलडुत डुडुनलः, कुडुडुतल-कुडुडुडु नं डुडुत कुडुडुडुडु ।”
१०. डुडुडुडु कुडुडुतुं डुडुतुडुडु कुडुडुः डुडुःगु थुव डुडुः-कुडुडु दलनडुडु आनुडुडुडु डुडुडुडुडुःगु कलडु देवलुकडुडु नुडुडुडुडुडु कुवनी ।
११. सुवीकुडुडुःकुवः दलवुडुडु रलकुडुडु डुडुडुडुडुडु । डुरदेश रलकुडुडुतलल डुडुडु डुडु कुडुडु । लुडुडुखं अलुडुडुख कुडुडु ।
१२. नुडुडुडुडुःकुवः लल कुडुडुवतुडुडु कुडु कुडुडुडुडुडु । व नं डुडुडुगु दलशलडुडु अनुततकडुगु थुगु डुरुथुवीडुडु डुडु अधलडुडुतल व कुडुडुडुडुडुडुडु डुडु डुडुडुडुडुडु ।

१३. गथे महासमुन्द्र चले याये मफइगु खः, गथे थ्व पृथ्वी संके मफइगु खः, अथे हे छंगु भोग सम्पत्ति नं प्रमाण याये फइमखु ।” धकाः धया विज्यात ।

१४. अले जि ख्वीगू कोटि हिरा-मोतित त्वःता वनाः प्रव्रजित जुया । कुशल (धर्म) छु धकाः मामां ‘बाबरीया’ थाय् थ्यंकः वना ।

१५. अन जिं मन्त्र नं, खुगू प्रकारया अंग लक्षणत नं सयेकेगु याना । उबले महामुनिह् छलपोल घना अन्धकार हटे यानाः लोक्य उत्पन्न जुया विज्यात ।

१६. हे महामुनि ! छलपोलया दर्शन यायेमास्ते वःम्ह जुयाः जि छलपोलथाय् थ्यंकः वया । छलपोलया धर्मोपदेश न्यनाः अचलगु पदे (निर्वाणे) थ्यंकः वना ।

१७. जिं स्वीगुद्वःदं कल्प न्हापा भगवान् बुद्धयात घ्यः-चिकं दान विया । अनंनिसें आः तक वचनं प्राप्त याना कयागु घ्यः-चिकं बारे मस्यू ।

१८. जिं मनं तुंथें जितः (माः-मागु) थः यःगु वस्तु उत्पन्न जुइ । जिगु मनया खँ सिइकाः उत्पन्न जूगु उगु वस्तु जितः तृप्त याइ ।

१९. अहो बुद्ध ! अहो धर्म ! अहो शास्ता-सम्पदा ! भतिचा जक घ्यः-चिकं दान वियाः नं अप्रमाण कथं जिं प्राप्तयाना च्वना ।

२०. नेरु (सुमेरु) पर्वतया नापं च्वंगु महासमुन्द्रे गुलि लः दुगु खः, जिं व घ्यः-चिकं दानया फल नाप तुलना यायेबले व (महासमुन्द्रया) लः स्वीनिगू भागया छगू भाग हे जुइमखु ज्वी ।

२१. जितः प्राप्त जुइगु वस्त्रत मुंकल धाःसा थ्व चक्रवालया (आकास) छगूलि नं उगु वस्त्रत तयेत थाय् गाइमखु ज्वी ।

२२. अतिकं तजाःगु पर्वतया जुजु हिमाल नं जिं दान वियागु नस्वाःया फल उति ग्यनी मखु जुइ ।

२३. उकथं वस्त्र नं, नस्वाः नं, घ्यः-चिकं नं, थुगु हे आत्मभावे प्राप्त जूगु असंस्कृत निर्वाण नं सकतां प्राप्त याना कयाम्ह जुया । थ्व दक्वं व घ्यः-चिकं दानया हे फल खः ।

२४. थौं जि सतिपट्टान रूपी खाता दुम्ह, समाधि रूपी गोचर ध्यान दुम्ह,

बोध्यङ्गरूपी भोजन दुम्ह जुयाच्चना । थ्व नं घ्यः-च्चिकं दानया हे फल खः ।

२५. जिं क्लेशत दहन यानागु जुल । भवत (जन्म) नाश यानागु जुल ।
आश्रवरहितम्ह जुयाः वास याना च्वना ।

२६. एकान्तं हे श्रेष्ठम्ह भगवान् बुद्धयाथाय् जिगु भिंगु सम्प्राप्ति जूगु जुल ।
त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

२७. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं
साक्षात (प्राप्त) यानाः कया । भगवान् बुद्धया सासन नं चिरस्थायी याना ।

थन थुगु प्रकारं आयुष्मान् 'मेत्तगु' स्थविरं थुपिं गाथात धया (कना) विज्याःगु
जुल ।

मेत्तगुत्थेरापदान स्वंगू क्वचाल ।

४०४. धौतकत्थेरापदान

१. हिमाल प्रदेशं शुरु जुयाः न्ह्याःवया च्वंगु भागिरथी नां दुगु गंगा (खुसि)
उबले हंसवती नगर (शहर) सिमाया लुखा सिथं वाः वना च्वंगु जुल ।

२. उगु खुसि सिथय् वांलाक दयेका तःगु शोभित नांयागु आराम छगू
दयाच्चन । अन लोकया नायःम्ह पदुमुत्तर भगवान् बुद्ध वास याना विज्याइ ।

३. तावतिंस देवलाके देवतापिं नापं च्वनिम्ह शक्र देवजुजु थें, मनुतयसं
चाःहुइकाः च्वना विज्याम्ह भगवान् बुद्ध केशर सिंहाराज जुजु थें च्व ।

४. उबले जि नं उगु हंसवती शहरे छम्ह ब्रह्मण जुयाः वास याना च्वनागु
जुल । नामं जि 'छलंग' नांयाम्ह जुयाच्चना । व नां दुम्ह (महामुनि) महर्षि
जुयाच्चन ।

५. उबले जितः भिंच्यासः शिष्यपिसं चाःहुइकाः च्वनी । इपिं शिष्यपिं नापं
जि उगु खुसि सिथय् थ्यंकः वना ।

६. अन जिं निस्कृत्य, पाप सिला छवय् धुंकूम्ह श्रमणयात खना । उगु भागिर
थी खुसि पारतरे याना च्वंबले जिं थथे विचाः याना ।

७. “महायश दुपिं बुद्धपुत्रपिं सुथय् वहनी थथे खुसि पार तरे याना च्चनिबलय् इपिं त्यानुचाइगु । इमिगु म्ह (शरीर) न्यलिइ ।

८. देवतापिंसहितगु थ्व लोकवासीपिं मध्ये भगवान बुद्ध अग्रम्ह (थकालिम्ह) धका: धाइ । दानादि पुण्य याना: संसार यात्रा शुद्ध यायेगु अवस्था नं जित: मद्दिनि ।

९. उकिं श्रेष्ठम्ह भगवान बुद्धया लागि खुसि तरे जुइत छाया् जिं ताँ (पुल) दे का मबिइ ? अन ताँ दयेका बिया: उगु कर्म जिं नं भवसागरं तरे जूम्ह जुइ ।”

१०. अले छगू लाख (दां) बिया: जिं उगु खुसिइ ताँ छगू दयेके बिया:लि जिं यानागु थ्व पुण्यकर्म जिगु लागि महानगु फल प्राप्त जुइ धका: मतिइ नं तया ।

११. अले उगु ताँ दयेके धुंका:लि जि लोकया नाय:म्ह भगवान बुद्धयाथाय् थ्यंक: वना । ल्हा: विन्ति याना: छयने दिका: जिं थथे धया-

१२. हे महामुनि ! जिं छगू लाख खर्च याना: छलपोलया लागि महानगु ताँ छगू दयेके बिया । व ताँ (पुल) ग्रहण (स्वीकार) याना बिज्याहुँ ।

१३. पूजा ग्रहण याना बिज्याइम्ह लोकविज्ञम्ह पदुमुत्तर भगवान बुद्धं भिक्षुसंघया विचय् फेतुना बिज्यासे थथे धया बिज्यात ।

१४. सुनां प्रसन्न जुया: थ:गु हे ल्हा:तं जिगु लागिं ताँ (पुल) छगू दयेके विल, व सु ख: धका: जिं वर्णना याये जिगु व खँ बांलाक न्यँ ।

१५. “पर्वतया विचं वा सिमां वा पहाडया प्वालं कुतुं वंसां, कुतुवनेसाथं वयात सुरक्षित थाय् दयाच्चनी । थ्व ताँ (पुल) दानया फल ख: ।”

१६. “क्वातुगु हां युक्तगु निगोध सिमा फसं लिना छ्वये मफइगु थें वयात शत्रुतय्सं दमन याये फइमखु । थ्व ताँ (पुल) दानया फल ख: ।

१७. “वयागु सर सामानत खुँतय्सं खुयाकाये फइमखु (काइमखु) । जुजुपिसं वयात अपमान याइमखु । सकल शत्रुतयेत त्याका च्चनी । थ्व ताँ (पुल) दानया फल ख: ।”

१८. व गनं प्याहाँ वनीबलय् निभालं पूसानं उगु ताँ दानया आनुभावं

(पुण्यानुभावं) वयात छुं नं कथंया दुःख वेदना जुइमखु ।

१९. देवलोकय् जूसां, मनुष्यलोकय् जूसां बांलाक दयेका तःगु किसि रथ वयागु इच्छा अनुसारं उबले हे उत्पन्न जुया वइ ।

२०. फय्या गतिं व्वाँय् वनीगु शीघ्रवाहन द्वःछिगू, सिन्धव रथत नं सुथे बहनी वयात न्ह्यःने दयाच्चनी । थ्व ताँ (पुल) दानया फल खः ।

२१. (व) लिपा मनू जुयाः जन्म कयाः सुखीमह जुयाच्चनी । थन मनू जुया च्वंसां नं किसि रथ वयात दयाच्चनी ।

२२. अले छगू लाख कल्प लिपा ओक्काक कुलय् नामं गौतम नांयाम्ह शास्ता थुगु लोकय् उत्पन्न जुयाच्चनी ।

२३. वस्पोलया धर्मय् दयादमह जुयाः, औरस पुत्रमह जुयाः, धर्म हे दयेकातःमह थें जुयाः, दक्व आश्रवत क्षीण यानाः सिइकाः आश्रवरहितमह जुयाः निर्वाणे थ्यंकः वनी । धकाः धया विज्यात ।

२४. अहो ! पदुमुत्तर भगवान बुद्धप्रति जिं बांलाक यानावयागु कर्म (पुण्य) अचम्मगु खः । वस्पोलप्रति गौरव तथा सत्कार यानाः जिं आश्रव क्षयसहितगु निर्वाणे थ्यंकः वनामह जुयाच्चना ।

२५. शरीर व जीवनप्रति अपेक्षा मदुमह जुयाः वीर्य (उत्साह) यानाम्ह जुयाच्चना । शान्तमह जुयाः उपधि (क्लेश) रहितमह जुयाःलि किसि थें बन्धन चफुनाः आश्रवरहितमह जुयाः वास याना ।

२६. एकान्तं हे श्रेष्ठमह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

२७. जिगु क्लेशत दहन जुल । दक्व भवत (जन्म) नाश जुल । दक्व आश्रवत क्षय जुल । आः हानं पुनर्भव मन्त ।

२८. प्यंगू प्रतिसम्भवा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'धोतक' स्थविरं थुपिं गाथात धया (कना) विज्याःगु जुल ।

४०५. उपसीवत्थेरापदान

१. हिमाल प्रदेशया लिक्कसं 'अनोम' नांया पर्वत दुगु जुल । अन जितः बांलाक दयेका तःगु आश्रम (कूटि) छगू नं दुगु जुल । अथे हे जितः अन पर्णशाला छगू नं बांलाक निर्माण याना तःगु जुल ।

२. अन मनोरमगु, बांलाक दयेकातःगु, खुसित बाः वना च्वनी । उगु खुसिइ यक्व पलेस्वांत, उत्पला स्वांत नं ह्वयाच्वंगु दइ ।

३. उगु खुसिइ विभिन्न प्रकारया न्या वर्गत नं न्ह्याबलें दयाच्वनी । गथे कि- पाथिन, बलमञ्ज, रोहित आदि नांयापिं न्यात व कावलेत (कछुवा) अन दयाच्वनी ।

४. अथे हे तिमिरा, अशोका, खुद्दमालका, पुन्नागा व गिरिपुन्नगा धैगु सिमातयके स्वांत अन जिगु आश्रमे ह्वयाच्वंगु दइ ।

५. अन ह्वयाच्वंगु कूटजा, तीणसूल सिमात नं उगु वनये दयाच्वनी । अथे हे साल सिमा, सलल सिमात व चम्पक सिमात नं अन यक्व ह्वयाच्वंगु दइ ।

६. जिगु उगु आश्रमे अज्जुन, अतिमुत्ता व महानाम धैगु ह्वयाच्वंगु सिमात दइ । अथे हे असना, व मधुगन्धी धैगु सिमात नै ह्वयाच्वंगु दइ ।

७. अन उद्दालक, पाटालिक, यूटिका व पियंगुका अलृ विम्बिजालका धैगु सिमात नं बागू योजनया दुने छ्वाखेरं ह्वयाच्वंगु दइ ।

८. मातंगवा, सत्तलिया, पाटालि, सिन्दुवारिका, अडकोलका, तालकूटा धैगु वृक्षत नं अन यक्व सयाच्वंगु दइ ।

९. अथे हे जिगु आश्रमे, अन सेलेय्यक वृक्षत नं यक्व हे सयाच्वनी । इपिं स्वांत व वृक्षत सयाच्वनीबले आश्रम छगूलिं शोभायमान जुयाच्वनी । अले उकिं वइगु नस्वाःत नं आश्रम छगूलिं सुगन्धित जुयाच्वनी ।

१०. अथे हे हलः, अम्बः, अं, जामुन, बर्रो, बयर, भलायो, बेल, फरुसक (फल्सा) आदि फल वृक्षत नं अन आश्रमे यक्व दयाच्वनी ।

११. तिन्दुका, पियाला, च्युरी, कासुमारि, बदहर, फौंसी, केरा, व बयर फल

वृक्षत नं अन दयाच्चनी ।

१२. आम्ली व लहरे फलत नं अन यक्व दयाच्चनी । अथे हे जिगु उगु आश्रमे विजपूर, सपारिय नं सयाच्चंगु दइ ।

१३. आलक, इसिमुग्ग व मोदफलत नं अन यक्व दयाच्चनी । अवटा, निलक्खा व दुम्बरा वृक्षत नं अन फलत सया वाउंसे च्वंच्वनी ।

१४. पिप्फालि, मरिच, निगोध, कपित्थना, उदुम्बरका, कण्डपक्कादि परिय आदि वृक्षत अन यक्व दयाच्चनी ।

१५. थुपिं वृक्षत व मेमेगु नं यक्व वृक्षत अन जिगु आश्रमे दयाच्चनीसा फलत नं वियाच्चनी । अथे हे जिगु आश्रमे विभिन्न प्रकारया स्वां नं, स्वांया सिमात नं सया, ह्वयाच्चंगु दइ ।

१६. आलुवा, कलम्वा, विलालि, तक्कलानी, आलका, तालका, आदित नं जिगु आश्रमे दयाच्चनी ।

१७. जिगु आश्रमया लिक्कसं थःहे निर्मित जुया च्वंगु मनोरमगु, ख्वाउसे च्वंगु लः दुगु अले प्राकार दुगु हिसिदुगु पुखू (ताल) दुगु जुल ।

१८. अन तुयुगु पलेस्वां, ह्याउंगु पलेस्वांत यक्व (ह्वया) दयाच्चनी । अथे हे मन्दारक स्वां नं फैलेजुया च्वंगु विविधगु नस्वाःत नं अन व्याप्त जुयाच्चनी ।

१९. पलेस्वां नं गर्भं मुखु चिना वइ । मेमेगु स्वांत ह्वइ । ह्वःगु स्वांले हःत दयाच्चनी । अन नं पद्मकर्णीकात यक्व दयाच्चनी ।

२०. पलेस्वां नं कस्ति प्याहाँ वयाच्चनी । पलेस्वांया दं नं घ्यः-दुरु वाः वयाच्चनी । अजाःगु नानाप्रकारया नस्वाःगुलिं छ्वाखेरं नस्वाः फैलेजुयाच्चनी ।

२१. कुमुदा स्वांया नस्वाःगु, अं-स्वांया नस्वाःगु फैले जुयाः फय् यक्व दयाच्चनी । थःहे निर्मित जूगु पुखुलिइ सिथय् ह्वयाच्चंगु केतक वृक्षत नं यक्व दयाच्चनी ।

२२. बांलाक ह्वयाच्चंगु बन्धुजिव व सेतवारी स्वां नं नस्वाः वयाच्चनी । अन गोहित, सुंसुमार न्यात, गहक न्यात नं उत्पन्न जुयाच्चनी ।

अपदान पालि

२३. लःया च्वय् थाहाँवयाः शिकार याइपिं न्यात अन यक्व दयाच्चनी । अन पाथिन, पावुस, बलजा, मुञ्ज, व रोहित धैपिं न्यात नं दयाच्चनी ।

२४. अनं न्यात व कावलेत (कछुवा) यक्व जायाच्चनी । अथे हे पम्पट, के हि, पारेवता नं दयाच्चनी । अनं रविहंस, खात व खुसि चाहिलीपिं पंक्षीत नं यक्व दयाच्चनी ।

२५. अथे हे विन्दिहा, चक्रवाक, चम्पक, जिर्वाजिवका, कलन्दका, उक्कुसा, से नका व उडरा पंक्षीत नं यक्व दयाच्चनी ।

२६. अन कोधका, सुकपोता (सुगा मचा), कुलिरा, चमरा, कारणीय व तिलकादि पंक्षीत नं यक्व उगु पुखूया आश्रित जुयाः म्वाना च्वनी ।

२७. अथे हे सिंह, धुं, चितुवा, भालु, ध्वं, माकः, किन्नर आदि जन्तुपिं नं जिगु आश्रमे खने दयाच्चनी ।

२८. जि अजाःगु नस्वाःत नंतुनाःलि (अन सइगु) फलफूल व फलत ननं नस्वाः त्वंत्वं जिगु उगु आश्रमे बास यानाच्चना ।

२९. ऐणि (म्ह हाकुम्ह) मृगत, फा, चिधीपिं मृगत, अग्गिका व जोतिका धै पिं प्राणीपिं नं जिगु आश्रमे च्वंच्चनी ।

३०. हंसत, ब्वहः, मयूरत, मैना, कोइली, मञ्जरिका, भुलुखा, पोइसिसका आदि पंक्षीत नं यक्व अन दयाच्चनी ।

३१. अथे हे पिसाचत, दानवत, कुम्भाण्डत, राक्षसत अले गरुडत सर्पत नं यक्व अन जिगु आश्रमे बास यानाच्चनी ।

३२. महाआनुभावं युक्तपिं ऋषिमुनिपिं; शान्तगु मन दुपिं जुयाः, समाहितगु मन दुपिं जुयाः, कमण्डल दुपिं जुयाः, सकलं हे चितुवाया छ्यंगूया लं दुपिं जुयाः, अथे हे जटाधारीपिं जुयाः जिगु उगु आश्रमे बास याना च्वनी ।

३३. छगू योजन (युग) मात्राद्धि जक स्वइपिं, ज्ञां दुपिं, शान्तगु व्रत दुपिं, लाभ अलाभ निगुलिसं सन्तुष्टपिं, इपिं ऋषिपिं जिगु उगु आश्रमे बास याना च्वनी ।

३४. पुलांगु चीवर फफरे यायां चितुवाया छ्यंगू लं छगू ज्वनाः त्वःताः थःगु

हे ध्यानया बलं स्थीरपिं ऋषिपिं न्ह्याबले आकासं हे वये वनेगु याइ ।

३५. (वं) गबले नं लः, सिं वा मिच्याकेगु आदि कया हइ मखु । उगु वस्तुत सकतां थःहे वइथाय् थ्यंकः वइ च्वनी । प्रातिहार्य थ्व फल विपाक खः ।

३६. (वं) नँया कथि ज्वनाः कुञ्जर नांयाम्ह किसि जुजुथें, मग्याःम्ह केसर सिंह थें उगु वनया विचय् दुपिं (ऋषिपिं) बास याना च्वनी ।

३७. (थुपिं ऋषिपिं मध्ये) गुम्हं थःगु ध्यानबलं युक्तम्ह जुयाः हे गोयाने (थासय्) वनी । गुम्हं पूर्व विदेहय् (थासय्) वनी । गुम्हं उत्तरकुरुइ (थासय्) वनी । अन अन वनाः भिक्षा कया हयाः नापं च्वनाः हे भोजन याइ ।

३८. उग्रगु तेजं युक्तपिं, तादिगुणं युक्तपिं इपिं आकासं वये-वनेगु याइबले ऋषिपिनिगु चित्तुवाया छय्यंगूया लँनं वइगु शब्दं छगू हे सः थ्वयेका च्वंगु जुइ ।

३९. हे महावीर ! उग्रगु तेज दुपिं अजाःपिं शिष्यपिं जिगु आश्रमे दयाच्वनी । इमिसं चाःहुइकाः जि नं उगु जिगु आश्रमे बास याना च्वना ।

४०. थःगु हे कर्म सन्तोपिपिं, विनीतपिं, ध्यानीपिं, अले थःगु हे कर्म मदये का च्वपिं, सीलवानपिं, अल्पेच्छीपिं, विद्वानपिसं निहतमानिपिं शिष्यपिसं जिगु मन ग्याका च्वनी । लय्ताया च्वनी ।

४१. लोकवासीपिनि पूजा-सत्कार ग्रहण याना विज्याइम्ह, विनायकम्ह, लोकविज्ञम्ह पदमुत्तर भगवान बुद्ध ई सिइका विज्यासे अन विज्यात ।

४२. अन थ्यंकाःलि, क्लेश दाह याइगु वीर्यं युक्तम्ह, प्राज्ञम्ह मुनिम्ह वस्पोल सर्वज्ञ बुद्ध पात्र ज्वनाः भिक्षाया लागि जिथाय् विज्यात ।

४३. अथे विज्याःम्ह उत्तमम्ह, नायकम्ह वस्पोल भगवान बुद्धयात घाय्या आसन लाना विया, उकिइ साल स्वांत ह्वला विया ।

४४. वस्पोल सर्वज्ञ बुद्धयात उगु आसने फेतुकाः लय्ताःम्ह जुयाः खुसिं गद् गद् जूम्ह जुयाः तुरुन्त हे पहाड गयाः जिं अगर जम्मा याना ।

४५. अले दिव्यमय सुगन्धं युक्तगु पाकेजूगु धःपा ग्वःगु फ्वंसि (कटहर) छगः नावले तयाः वस्पोल भगवान बुद्धयाथाय् थ्यंकः वया ।

अपदान पालि

४६. अले जि व फल वस्पोल भगवान बुद्धयात लःल्लहाना विया । अले अगरं आलेप नं यानाः प्रसन्नगु मन दुम्ह जुयाः भिं मनं (श्रद्धां) भगवान बुद्धयात वन्दना याना ।

४७. पूजा-सत्कार ग्रहण याना विज्याइम्ह, लोकविज्ञम्ह पदमुत्तर भगवान बुद्ध इपिं ऋषिपिनि बिचय् फेतुना विज्यासे थथे धया विज्यात ।

४८. सुनां दः फलं व अगरं व आसन दान व्यूग खः व सु खः धकाः जिं वर्णना याये व जिगु खँ बांलाक न्यँ ।

४९. (थ्व ऋषि) गामे, जंगले, पर्वते वा गुफाय् न्ह्याथाय् च्वंसां वयागु मन सिइकाः (इच्छा कथं) अन भोजन उत्पन्न जुइ ।

५०. (थ्व ऋषि) देवलोकय् जन्म जूसां, मनुष्यलोकय् जन्म जूसां भोजनं व वस्त्रं (अनर्चपिं) समूहत परिषदयात तृप्त याई ।

५१. अथे हे देवता जुयाः जन्म काःसां, मनू जुयाः जन्म काःसां मफुइगु धन सम्पत्ति दुम्ह जुयाः थ्व मनू संसारे चाःहिला च्वनी ।

५२. (थ्व ऋषि) स्वीगुद्वः कल्पतक देवलोकय् न्ह्याइपुका च्वनी । द्वःछिक्वः ला चक्रवर्ती जुजु जुइतिनि ।

५३. न्हेछक्वः ला दिव्य राज्य याइतिनि । प्रदेश राज्यत राज्य याइगुला ल्याखं अल्याख जुइ ।

५४. थनिं छगू लाख कल्प लिपा ओक्काक कुलय् उत्पन्न जुया विज्याइम्ह नामं गौतम नांयाम्ह शास्ता (बुद्ध) लोकय् जन्म जुइतिनि ।

५५. वस्पोलया धर्मय् दायादम्ह जुयाः, औरसपुत्रम्ह जुयाः, धर्म हे दयेकातःम्ह थें जुयाः दक्व आश्रवत क्षीण प्रहिण यानाः सिइकाः, आश्रवरहितम्ह जुयाः वास याइम्ह जुइतिनि ।

५६. जिं वस्पोल लोकनायःम्ह भगवान बुद्धयात खना । जिं बांलाक प्राप्तयाना कायेमाःगु लाभ प्राप्त याना कया । त्रिविद्या नं प्राप्त यानाम्ह जुया । बुद्धसासन नं चिरस्थायी याना ।

५७. गामे, जंगले, पर्वते व गुफाय् जि न्ह्याथाय् च्वंसां जिगु मन सिइकाः

अपदान पालि

(इच्छा कथं) न्त्यावलें जितः भोजन उत्पन्न जुयाचवनी ।

५८. जिगु दक्व क्लेशत दहन जुल । भवत (जन्म) नाश यानागु जुल । किसिं थें बन्धनत चफुनाः आश्रवरहितम्ह जुयाः वास याना चवना ।

५९. एकान्तं हे श्रेष्ठम्ह भगवान बुद्धयाथाय् जिगु भिंंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

६०. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धया सासन नं चिरस्थायी याना ।

थन थुगु प्रकारं आयुष्मान 'उपसीव' स्थविरं थुपिं गाथात धया (कना) विज्याःगु जुल ।

उपसीवत्थेरापदान न्यागूगु क्वचाल ।

४०६. नन्दकत्थेरापदान

१. न्हापा जि वन-जंगले चवनीम्ह मृग-व्याधि जुयाचवन । पसद मृग मामां वनावले अन जिं स्वयम्भूम्ह जीनम्ह भगवान बुद्धयात खना ।

२. स्वयम्भूम्ह, अपराजितम्ह वस्पोल अनुरुद्ध नांयाम्ह सम्बुद्ध आराम काये मास्तिवःम्ह जुयाः वस्पोल धीरम्ह भगवान बुद्ध वन-जंगलया विचय् उबले विज्यात ।

३. जिं (अन) प्यंगः थां कया हयाः प्यंगू दिशाया् थासय् धंका बिया । अले उकिइ मण्डप छगू वांलाक दयेका बिया । उगु मण्डपय् पलेस्वांत नं छाये पा बिया ।

४. उकथं मण्डप छायेपाः सजेयाये सिधयेकाः स्वयम्भूम्ह भगवान बुद्धयात अभिवादन (वन्दना) यानाः । (जिके दुगु) धनुष छखे तयाः अनगारिय प्रब्रज्यां प्रब्रजित जुया ।

५. प्रब्रजित जुयागु छुं ई लिपा हे जि विरामीम्ह जुया । पूर्वकर्म लुमंकाः जि अन हे सिना वना ।

६. पूर्वकर्मया विपाक कथं जि तुषित देवलोकय् जन्म काः वना । अन जितः थःगु इच्छा अनूरुपगु स्वर्णमयगु मण्डप (उत्पन्न) प्रकट जुयाच्चनी ।

७. अन जितः द्रःछिम्ह च्वने ज्यूगु दिव्ययान (रथ) नं प्रकट जुया च्वनी । जि उगु दिव्य याने गयाः च्वनाः थः यः थासय् वये वनेगु याना ।

८. उगु यानं (रथं) जित यंकाच्चनीबले देवता जुयाच्चनाम्ह जि छचाखेरं सच्छिगू थासय् मण्डपत धारण जुयाच्चनी ।

९. जि न्हियान्हिथं स्वां लायातःगु लासाय् च्वनेगु याना । न्ह्याबलें नं जिगु लागि आकासं नं पलेस्वांत वा वइथें कुतुंवयाच्चनी ।

१०. मल्ला गंकीगु मि थें जाःगु कडागु निभाः नं कयाच्चंसां नं उकिइ जितः थिइमखु (कइमखु) । व मण्डप दानया फल खः ।

११. (उगु पुण्यया कारणं) जिं दुर्गति अतिक्रमण यानाम्ह जुयाच्चना । (अपाय्) नर्कत जिं बन्द यानाम्ह जुया च्वना । मण्डपे (कुटिइ) सिमाक्वय् न्ह्याथाय् च्वंसां जितः सन्ताप धैगु जुइमखु ।

१२. थ्व पृथ्वीयात संज्ञा भाःपियाः भवसागर पार तरेयानाः व जिं यानागु बांलाःगु कर्म जुल । थ्व बुद्धपूजाया फल खः ।

१३. लँपु मदुथाय् लँपु दयेकाः जि आकासे वनेगु याना । अहो ! जिं यानागु बांलाःगु कर्म जुल । थ्व बुद्धपूजाया फल खः ।

१४. न्हापायागु जन्मया वारे सिइका च्वना । जिके दिव्यचक्षु नं दयेका च्वना । जिगु आश्रवत नं मदेयका च्वना । थ्व बुद्धपूजाया फल खः ।

१५. न्हापाया जाति (जन्मत) त्वःता च्वना । आः जि भगवान बुद्धया औरसपुत्रम्ह जुयाच्चना । थुगु सद्धमें दायादम्ह जुयाच्चना । थ्व बुद्धपूजाया फल खः ।

१६. शाक्यकुल श्रेष्ठम्ह वस्पोल गौतम भगवान बुद्धयात सन्तुष्ट याना । थ्व धर्मया ऋण्डा जुया । थ्व धर्मया सम्पत्ति जुया । थ्व बुद्धपूजाया फल खः ।

१७. वस्पोल शाक्य कुल श्रेष्ठम्ह गौतम भगवान बुद्धयात उपस्थान यानाः लोकया नायःम्ह वस्पोल याके निर्वाणया लँपु न्यता ।

अपदान पालि

१८. (जिं न्यनेधुंकाः) वस्पोल भगवान बुद्धं अतिकं गम्भिरगु सूक्ष्मगु निर्वाणया वारे जितः कना विज्यात । जिं वस्पोलया उगु धर्मया खँ न्यनाः आश्रवत क्षय यानाः निर्वाणे थ्यंकांम्ह जुया ।

१९. अहो ! जि बांलाःगु कर्म याना । जि जन्म जातिं मुक्तम्ह जुया । दक्व आश्रवत क्षय (नष्ट) याना । आः हानं मेगु जन्म मदु (पुनर्भव मन्त) ।

२०. दक्व क्लेशत दहन याना । दक्व भवत (जन्म) नाश याना । किसिं थें बन्धनत चफुनाः आश्रवरहितम्ह जुयाः बास याना ।

२१. एकान्तं हे श्रेष्ठम्ह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

२२. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धयासासन नं चिरस्थायी याना ।

थन थुगु प्रकारं आयुष्मान 'नन्दक' स्थविरं थुपिं गाथात धया (कना) विज्याःगु जुल ।

नन्दकत्थेरापदान खुगूगु व्वचाल ।

४०७. हेमकत्थेरापदान

१. उबले पर्वत-कूटया आश्रय कयाःलि अनोम नांयाम्ह तपश्वीं बांलाक आश्रम दयेकाः अन पर्णशाला नं दयेकाः बास यानाच्वन ।

२. (उम्ह तपश्वीया) वया तपस कर्म (तपस्यादि) सिद्ध जुइ धुंकल । थःगु ध्यान बले नं सिद्धि प्राप्तम्ह जुइ धुंकल । श्रामण्य गुणं नं युक्तम्ह जुइधुंकल । क्लेश तप (नाश) यायेगु वीर्य दुम्ह जुइ धुंकल । व मुनि नं जुइ धुंकल ।

३. व विशारदम्ह, थःगु धर्मय् व मेपिनिगु धर्मय् नं पारंगतम्ह जुयाच्वन । आकासे च्वंगु वा पृथ्वीले च्वंगु च्वया तःगु उत्पात विद्याय् नं दक्षम्ह जुयाच्वनी ।

४. उबले शोकरहितम्ह, आरम्भरहितम्ह, अल्पहारम्ह, लोभ लालच मदुम्ह, लाभअलाभं सन्तुष्टम्ह, ध्यानीम्ह, समाधिइ निरतम्ह मुनिम्ह....

अपदान पालि

५.करुणाय् अग्रम्ह पियदस्सी नांयाम्ह सम्बुद्ध मुनिम्ह भगवान् बुद्ध सत्वप्राणीपिं भगसागरं पार तरे याये मास्तेवःम्ह जुयाः उबले थःगु करुणा फैले याना विज्यात ।

६. वस्पोल पियदर्शी भगवान् बुद्ध धर्म अववोध यायेगुलिइ सामर्थम्ह खन धाःसा चक्रवाले द्वःछिगू थाय् जूसां अन वनाः धर्मदेशना (उपदेश) याना विज्याइ ।

७. उबले जितः उद्धार याये मास्तेवःम्ह जुयाः वस्पोल भगवान् बुद्ध जि दुथाय् विज्यात । जिं थ्वयां न्हापा भगवान् बुद्धयात खनागु मद्दु । न गुबले नं न्यनागु दु ।

८. जितः उत्पात लक्षण शास्त्र व सुपिन लक्षण शास्त्रत बांलाक स्यना तःगु दु । उकिं व सम्बन्धय् बांलाक प्रकाश (धाये) याये फु ।

९. अजाःम्ह जिं वस्पोल भगवान् बुद्धया बारे न्यनाः वस्पोलप्रति मन प्रसन्न याना च्वना । नयेबले नं च्वनेबले नं न्ह्याबले नं वस्पोलयात लुमंका च्वना ।

१०. जिं अथे लुमंके बले वस्पोल भगवान् बुद्धं नं दः लुमंका विज्याइ । वस्पो ल भगवान् बुद्धं नं जितः लुमंकी बले उबले हे जितः मन प्रसन्न जुइ । जि लय्ताइम्ह जुइ ।

११. हानं उचितगु ई सिइका विज्यासे वस्पोल महामुनिम्ह भगवान् बुद्ध जिथाय् हे विज्यात । अथे न्ह्यःने विज्याःबले नं जिं वस्पोल हे महामुनि बुद्ध धकाः सिइके मफुत्त ।

१२. अले अनुकम्पा तइम्ह, कारुणिकम्ह महामुनिम्ह पियदर्शी भगवान् बुद्ध थःम्हसिनं हे म्हसिका विज्यासे “जि देवतापिसहितगु लोकय् बुद्ध खः ।”

१३. अनलिं महामुनिम्ह पियदर्शी भगवान् बुद्धयात म्हसिके धुंकाः थःगु मन प्रसन्न यानाः जिं थथे धया-

१४. मेपिं मेचे, पर्यकें वा मेगु आसने फेतुइगु याइ । छलपोल सकतां खंका विज्याःम्ह खः । छलपोल रत्नासने (रत्नयागु आसनये) फेतुना विज्याहुं ।

१५. अथे धयाःलि तुरुन्त हे सकतां हे रत्नयमयगु मेच आसन निर्माण यानाः, उगु ऋद्धिं दयेकागु आसन मुनिम्ह पियदर्शी भगवान् बुद्धयात (दान) विया ।

१६. ऋद्धिं (निर्माण यानागु) दयेकागु उगु आसनये फेतुना विज्याःमह वस्पोल भगवान बुद्धयात थःल पाय्ग्वःगु जम्बुफल नं जिं दान विया ।

१७. वस्पोल महामुनिमह भगवान बुद्धं जिगु मन लयूतायेकुसे (उगु फल) भपिया विज्यात । जिं अन उबले नं मन प्रसन्न यानाः वस्पोल शास्तायात वन्दना याना ।

१८. लोक्य ज्येष्ठमह, श्रेष्ठनरमह, प्रियदर्शी भगवान बुद्ध रत्नमयगु आसने फेतुना विज्यासे हे थथे धया विज्यात ।

१९. “सुनां जितः रत्नमयगु आसन व अमृत समानगु फल दान व्यूगु खः व सु खः धकाः वर्णना याये, जिगु खँ बांलाक न्यँ ।”

२०. थ्व मनू न्हेन्हेद्वःगू कल्पतक देवलोक्य न्ह्याइपुका च्वनी । न्हयन्त्याक्वः तक चक्रवर्ती जुजु जुया च्वनीतिनि ।

२१. स्त्रीनिक्वःतक देवराज इन्द्र जुयाः दिव्यराज्य याइतिनि । प्रदेश राज्यतला यक्व याइतिनि, ल्याखं अत्याख जुइ ।

२२. स्वर्णमयगु (लुंयागु) वहःयागु बांलाक दयेका तःगु यक्व पर्यकत (आसनत) दयाच्वनी । अथे हे हिरायागु पर्यकत नं, रत्नयागु पर्यकत नं थ्वं प्राप्तयाना च्वनी ।

२३. उगु पुण्यकर्मया आनुभावं यानाः चंक्रमण याइबले नं थ्व मनूयात अने क प्रकारया पर्यकत उबले वयात चाःहुइकाः च्वनी ।

२४. अथे हे मनोरमगु कूटागारत, प्रासादत, घनेगु थाय्त नं वयागु इच्छा अनुसारं उबले हे वयात उत्पन्न जुइ ।

२५. सकतां प्रकारया अलंकारं विभूषितपिं ख्वीद्वःमह किसित नं हेमकल्पं युक्तपिं स्वर्णमयगु गं थां इपिं किसित नं....

२६.ल्हाते तोमर व अंकूस दुपिं ग्रामवासीपिं नं इपिं किसित गयाः थ्व मनूयात चाःहुइकाः च्वनी । थ्व रत्नमयगु मेच दानया फल खः ।

२७. अथे हे जन्मं हे आजानीयपिं, शीघ्रवाहापिं सकतां प्रकारया अलंकारं विभूषितपिं ख्वीद्वःमह सलत नं....

३८.थःगु ल्हाते धनुष आदि ज्वनाः व सलत गया च्वपिं ग्रामवासीपिं न वयात न्ह्याबलें चाःहुइकाः च्वनी । थ्व रत्नमयगु मेच दानया फल खः ।

३९. चित्तुवाया छँयंगू नं व धुँया छँयंगू नं सजेयाना तःगु भण्डा व्वयेका च्वपिं सन्नद्धपिं दुगु ख्वीद्वःगू सकतां प्रकारया अलंकारं विभूषितगु रथत....

३०.थःगु ल्हाते धनुषवाण ज्वनातःपिं ग्रामवासीपिं गयाः न्ह्याबलें वयात चाःहुइकाः च्वनी । थ्व रत्नमयगु मेच दानया फल खः ।

३१. बुइकेत योग्यपिं ख्वीद्वःम्ह सातयेसं अतिकं उत्तमपिं थुसाचात नं बुइकी । थ्व रत्नमयगु मेच दानया फल खः ।

३२. सकतां प्रकारया अलंकारं विभूषितपिं, विचित्रगु वस्त्रं आभरणं (तिसा) व मणि कुण्डल (भुम्कात) युक्तपिं भिंखुद्वः मिसापिं नं....

३३.ताः हाकःगु मिखा दुपिं जुयाः, मुसु मुसु न्हिला ख्वाः दुपिं जुयाः, मध्यमगु शरीर दुपिं जुयाः न्ह्याबलें जितः चाःहुइकाः च्वनी । थ्व रत्नमयगु मेच दानया फल खः ।

३४. थनिं भिंच्यासःगू कल्पय् ज्ञां मिखां युक्तम्ह नामं गौतम नांयाम्ह भगवान बुद्ध घनान्धकार मदयेकाः लोकय् उत्पन्न जुया विज्याइ ।

३५. जि वस्पोलया दर्शन याये खनाः, धेवा कमये यायेगु त्वःताः (गृहस्थी भाव) प्रव्रजित जुइ । वस्पोल शास्तायात (भगवान बुद्धयात) सन्तुष्ट यानाः (लयतायेकाः) बुद्धसासने (धर्मय्) मन लगे यानाच्वनी ।

३६. अले वस्पोल भगवान बुद्धया धर्म उपदेश न्यनाः दक्व क्लेशत नाश याइतिनि । दक्व आश्रवत क्षय यानाः सिइकाः, आश्रवरहितम्ह जुयाः निर्वाणे थ्यकः वनीतिनि धकाः धयाविज्यात ।

३७. योगक्षेमगु निर्वाणतक जितः कोविया यंकूम्ह, जिगु धूर रथ धैगु हे जिगु वीर्य (उत्साह) खः । जि उत्तमार्थ प्रार्थना यासें हे (बुद्ध) सासने मन लगे यानाच्वना ।

३८. थ्व जिगु अन्तिमगु जन्म खः । थ्व जिगु दुगु अन्तिमगु भव खः । दक्व आश्रवत पूर्णरूपं क्षय जुइधुंकल । आः हानं मेगु जन्म मन्त । हानं पुनर्भव मन्त ।

अपदान पालि

३९. दक्व क्लेशत दहन जुल । दक्व भवत (जन्म) नाश जुल । किसिं थें बन्धनत चफुनाः आश्रवरहितम्ह जुयाः वास याना । बुद्धसासन नं चिरस्थायी याना ।

४०. एकान्तं हे श्रेष्ठम्ह भगवान बुद्धयाथाय् जिगु भिंगु सम्प्राप्ति जूगु जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

४१. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान नं साक्षात (प्राप्त) यानाः कया । भगवान बुद्धयासासन नं चिरस्थायी याना ।

थन थुगु प्रकारं आयुष्मान 'हेमक' स्थविरं थुपिं गाथात धया (कना) विज्याःगु जुल ।

हेमकत्थेरापदान न्हेगूगु क्वचाल ।

४०८. तोदय्यत्थेरापदान

१. 'केतुमति' नांया उत्तमगु शहरे विजय नांयाम्ह जुजु दुगु जुल । व जुजु सूरम्ह जुल । पराक्रमीम्ह जुल । उगु केतुमति नगरया अधिपतिम्ह जुयाः उबले वास याना च्वन ।

२. उम्ह जुजुया कमजोरी सिइकाः वनचारीपिं दनावल । उबले गल्लि मालीपिं, म्हुतुं जक ठिक्क याइपिसं सकलें जानाः देश ध्वस्त यात ।

३. अले व जुजुया तसकं हे तं पिहाँवल । तुरुन्त हे दक्व पुलिस, सशस्त्र प्रहरी व अस्त्रसहितपिं सेनात मुंकल । इपिं शत्रुतेत नं दमन यात ।

४. किसिं गइपिं नं, गणपतित नं, सूरपिं नं, भाला ज्वनीपिं नं, धनुषबाण ज्वनीपिं नं, बलवानपिं नं सकलें उबले जम्मा यानाः छथाय् मुंकल ।

५. जा थुइपिं नं, चाइपिं नं, मोल्हुइकिपिं नं, स्वां हइपिं नं, सूरपिं नं युद्ध त्याकूपिं नं सकलें हे उबले छथाय् मुंकल ।

६. उबले तरवार ल्हाते दुपिं मिस्त नं, धनुष ल्हाते दुपिं नं, ग्यानापुपिं व्याधात नं युद्ध त्याकूपिं नं सकलें छथाय् हे मुंकल ।

अपदान पालि

७. लुँया वसतं अलंकार याना तःपिं त्रिमद (स्वंगू प्रकारया रयाल) बाः वये का च्वपिं किसित नं, ख्वीदँ दुपिं कुञ्जनाद याइपिं नं सकलें उबले छथाय् मुंकल ।

८. युद्धभूमिइ (ल्वाःगु थासय्) ख्वाउंगु-क्वाःगु सहयाये फुपिं, ल्वापु ख्यले सः बीपिं थें (चिकु-ताँन्वः) युद्ध हे आजीविका याना च्वपिं, याना तःगु ज्या दुपिं सकलें उबले अन मुन ।

९. संख सः, भेरि (बाजं) सः, मेगु थ्वयेकिगु सः आदि सलं सकलें लयेताये काः सकलें उबले अन मुन ।

१०. त्रिशूल, कोन्त, मन्तादिं कवच, तोयर आदिं नं क्वात्तु क्वाक्वां कुतुकुं अन उबले सकलें मुन ।

११. त्याके मफइगु युद्ध त्याकाः व जुजु- न्ह्याथ्ये यानाः नं व युद्ध क्वचाये काः उबले ख्वीद्वः प्राणीपिं (शत्रुत) शुले ताना विल ।

१२. अहो ! थ्व जुजु अधार्मिकम्ह जुल । नर्कय् (पिडां) पाकेजुया च्वनीम्ह वं याःगु (उगु दुःखया) अन्त गुबले जुइगु जुई धकाः मनूत हाला जुल ।

१३. उबले जि लासाय् (सयनासने) उखे-थुखे मूपुलाः नर्कय् (थें) द्यनेगु यानाच्वना । चा न्हि (धैगु हे) मसीक च्वना । जितः शुलं (सुइगु थें) ख्याना च्वनी ।

१४. प्रमादगु राज्यं, शक्तिं, वाहन आदि जितः छु प्रयोजन (ग्वाहाली) जुई । उकीं जि (नर्क मुक्त याना) धारण यायेत (क्वबिया यंकेत) फइमखु । थ्व खँ जितः न्ह्याबलें त्रस्त (त्रिसित) याना तई ।

१५. काय्-म्ह्याय्, जहान वा दक्व राज्यपाखें दः छु प्रयोजन (ग्वाहालि) जुई ? जि सुगतिया लँपु सुचुकेया (सफा यायेया) लागिं प्रब्रजित जूसा हे बांलाई ।

१६/१७. सकल अलंकारं विभूषितपिं, हतियार ज्वना तःपिं, गामे मुखियातयसं गयाच्वपिं- ख्वीद्वः किसित ल्वायेगु लागिं लुँ वहः आदि वस्त्रं छायपा तःपिं किसि आदित नं अन हे आशा मयासे त्वःताः बियाः थः पापकर्म ग्यानाः अनगारिकगु प्रब्रज्यां प्रब्रजित जुयाः प्याहाँ वना ।

१८/१९. हतियार ज्वनातःपिं, युद्ध ज्वलं युक्तपिं, गां नायःतयसं गयाच्वपिं,

जन्मं हे आजानीयपिं, तेजं व्वाय् वनेफुपिं सिन्धव सलत ख्वीद्वः दुसा इपिं सकले त्वःताः अनगारिकगु प्रव्रज्यां प्रव्रजित जुयाः प्याहाँ वना ।

२०. थना तःगु (फर्फरे याना तःगु) भण्डा दुगु सन्नद्धगु चितुवाया छ्ळ्यंगु नं छायेपाः तःगु, धुँया छ्ळ्यंगू नं सजेयाना तःगु सर्वप्रकारं अलंकृतगु ख्वीद्वः रथत नं जिं त्वःताः अनगारिकगु प्रव्रज्यां प्रव्रजित जुयाः प्याहाँ वना ।

२१. दुरु तिकिवना च्वनीगुलिं थल चिना तःपिं ख्वीद्वः सात दुसा इपिं नं त्वःताः अनगारिक प्रव्रज्यां प्रव्रजित जुयाः प्याहाँ वना ।

२२/२३. विचित्रगु वस्त्राभरण दुपिं, मणिकुण्डल दुपिं- सकल अलंकारं विभूषितपिं ख्वीद्वः मिस्त गुपिके ताःहाकःगु मिखा फुसि दु, मुसु मुसु न्हिला च्वनी, चित्याःगु जँ दुपिं खः, इपिं सकले ख्वयेकाः हे जि अनगारिक प्रव्रज्यां प्रव्रजित जुयाः प्याहाँ वना ।

२४. सकतां सम्पूर्णगु ख्वीद्वः गांत व राज्यत त्वःताः जि अनगारिक प्रव्रज्यां प्रव्रजित जुया प्याहाँ वना ।

२५. जि नगरं प्याहाँ वनाः हिमालपाखे थ्यंकः वना । अन भागिरथी खुसि सिथे आश्रम (कुटि) छगू दयेकाः च्वना ।

२६. जिं अन पर्णसाला (हल) व अग्निसाला (मि च्याकेगु हल) नं दयेका । सुरु यानागु वीर्य दुम्ह जि त्वःतागु आत्म दुम्ह जुयाः अन बास याना ।

२७. मण्डपे (कुटिइ) सिमा क्वय सुन्यागारे (खालिगु छ्ळ्ये) ध्यान याइम्ह जितः डर-त्रास धैगु मद्दु । ग्याइगु छु नं मखना ।

२८. अग्रम्ह, कारुणिकम्ह, मुनिम्ह सुमेध नां याम्ह सम्बुद्ध उबले ज्ञान रूपी मत च्याकाः लोक हे प्रकाशमान यानाः लोके उत्पन्न जूगु जुल ।

२९. जिगु आश्रमया लिउने महात्तद्धि दुम्ह यक्ष (राक्षस) छम्ह दुगु जुल । उबले हे वं श्रेष्ठ बुद्ध उत्पन्न जुल धकाः खबर बिल ।

३०. “(प्रज्ञारूपी) मिखा दुम्ह सुमेध नांयाम्ह बुद्ध लोके उत्पन्न जुल । वस्पोलं जनपिं तरेयाना विज्याई । छलपोलयात नं वस्पोलं तरेयाना विज्याइतिनि ।”

३१. व राक्षसयागु थुगु वचन न्यनाः उबले जि संवेगीम्ह (लयेताःम्ह) जुया ।

“बुद्ध, बुद्ध” धका: विचा: यायां आश्रम छगू तयार याना ।

३२. सिं मि (स्याना:) वां छवया: अनं तन्ना तयार याना: व आश्रम वन्दना याना: जि उगु- जङ्गलं प्याहाँ वना ।

३३. उगु वनं चन्दन कया: गां-गामं, नगरं-नगरे देवातिदेवम्ह बुद्ध मामां विनायकम्ह बुद्धयाथाय् थ्यंक: वना ।

३४. उगु समये लोकनायकम्ह सुमेध भगवान बुद्ध प्यंगू आर्य सत्य देशना यायां यक्व जन समूहयात धर्मावबोध याकाच्चना विज्याना च्वंगु जुल ।

३५. जिं ल्हा: विन्ति याना: छ्यने चन्दन तया: वस्पोल सम्बुद्धयात वन्दना यायां थुपिं गाथात धया :-

३६. स्वां त्वइबले लिक्कसं नस्वा: वई (सुगन्ध फैले जुइ) अथे हे छलपो ल वीरयागु गुण रूपी सुगन्धं ला दक्व दिशाय् हे सुगन्ध फैले जुया च्वन ।

३७. चम्पक, नागवनिका, अतिमुत्तका, केतका, साल आदि स्वांत त्वइबले फये वनीगु दिशाय् जक सुगन्ध वनी ।

३८. तर छलपोलयागु गुण सुगन्ध (न्यना:) वासं जि हिमालनिसें थन वया । महायशम्ह, लोक ज्येष्ठम्ह, महावीरम्ह छलपोल बुद्धयात पूजा याना च्वना ।

३९. वस्पोल लोकनायक सुमेध बुद्धयात वन्दना नापं उत्तमगु चन्दन आलेप याना । अले थ:गु मन प्रसन्न याना: सुम्क च्वं च्वना ।

४०. लोक ज्येष्ठम्ह- नरासभम्ह सुमेध भगवान बुद्धं भिक्षुसंघया विचे च्वना विज्याना: थुपिं गाथात धया विज्यात :-

४१. सुनां जिगु गुण वयान यात, सुनां जित: चन्दनं आलेप यात वइगु कीर्ति वर्णन याये, जिगु खँ बांलाक न्यँ ।

४२. थ्व (ऋषि) सकस्यानं न्यनेमा:म्ह, वचन दुम्ह, श्रेष्ठम्ह, तप्यंम्ह, प्रतापवानम्ह जुई । नीन्यागू कल्पतक प्रभासहितम्ह जुई ।

४३. नीखुस: (२६००) कल्प तक दिव्यलोके रमे जुया: (न्ह्याइपुका) च्वनी । द्व:छिक्व: तक चक्रवर्ति जुजु जुइतिनि ।

अपदान पालि

४४. स्वीक्वःतक्क देवलोके देव इन्द्र शक्र जुयाः दिव्य राज्य याइतिनि ।
तःधंगु प्रदेश राज्यत ला ल्याखं असंख्य जुई ।

४५. अनं च्युत जुयाः थ्व मनू, मनुष्य भाव प्राप्त याना काईतिनि । अबले
पुण्यकर्म संयुक्तम्ह जुयाः ब्राह्मण (ब्रह्मवन्धु) जुइतिनि । (गजाःम्ह ब्राह्मण
जुइ धासा...)

४६. स्वंगू वेदं पारंगतम्ह, मन्त्रधरम्ह, त्रिलक्षणं सम्पन्नम्ह बाबरी नांयाम्ह
ब्राह्मण, गुम्ह वेद व मन्त्र अध्ययन याकीम्ह खः ।

४७. व बाबरी ब्राह्मणया शिष्य जुयाः मन्त्रे पारंगतम्ह जुयाच्चनी । शाक्य
कुल श्रेष्ठम्ह गौतम सम्बुद्ध याथाय् वनाः

४८. निपुणगु प्रश्न न्यनाः थाक्गु लँपु भाविता यानाः दक्व आश्रवत (प्रहाण
कथं) सिइकाः आश्रवरहितम्ह जुयाः परिनिर्वाण जुइतिनि ।

४९. जिगु स्वंगू प्रकारया मि (सित) सीधुंकल, दक्व भवत नष्ट याये धुन
। सकल आश्रवत (प्रहाणकथं थुइकाः) सीकाः अनाश्रवीम्ह जुया च्वंचनी ।

५०. क्लेशत नष्ट याये धुन । दक्व भवत विनाश याये धुन । किसि जुजुं
बन्धन छुटे याःथें आश्रव छुटे यानाः अनाश्रवी जुया च्वनी ।

५१. एकान्तं भगवान बुद्धयाथाय् जिगु सम्प्राप्ति भिंगु जुल । प्राप्त यानागु
त्रिविद्या दुम्ह जुल । जि बुद्धशासन चिरस्थायी यानाम्ह जुल ।

५२. प्यंगू प्रतिसम्भदा च्यागू विमोक्ष, खुगू अभिज्ञा, साक्षात यानाः कया ।
बुद्धशासन नं चिरस्थायी याना ।

थन थुकथं आयुष्मान तोदेय्य स्थविरं थुपिं गाथात कना (धया) विज्याःगु
जुल ।

तोदय्यत्येरापदान च्यागू क्वचाल ।

४०९. जतुकण्णित्थेरापदान

१. जि हंसवति नगरे श्रेष्ठीपुत्र जुयाच्चना । उबले जि (कामगुणे) कामय्

प्यपुना च्वनाम्ह जुयाः परिवार नापं च्वंच्वना ।

२. ज्योतिसतेसं (गृह लक्षण स्वइपिसं) स्वयाः प्रासाद स्वंगू (स्वंगू तल्लागु छे) दयेकल । जि स्वंगू नं महले थाहाँवनाः परिचारिकापिं नापं प्याखं हुलाः मे हालाः अन च्वंच्वना ।

३. जिगु लागि समतालं युक्तगु तूर्य वादनत थाइ । सकल प्याखं म्वः मिस्तेसं प्याखं हुलाः जिगु मन साला हे काइ ।

४. चेलापिका (छ्यं व्वव्वस्याःथें प्याखं हुलीपिं), लामणिका (चिधिकः जुयाः प्याखं हुलीपिं), कुञ्जवासी निमज्झका (मिसाम्ह सिंहं थें विचे च्वंगु शरीर क्यनाः प्याखं हुलीपिं), लडिघका (च्चे थाहाँ वयाः प्याखं हुलीपिं) व सो कज्झायी (शोकीपिंथें प्याखं हुलीपिं) आदि प्याखं म्वः मिस्तेसं न्ह्याबलें चाःहुइकाः च्वनी ।

५. वेतालिनो, कुम्भयूनी आदि तूर्य वादकत व नापं प्याखं हुलीपिं नं यक्व दुगु जुयाच्वन इपिं प्याखं म्वःत न्ह्याबलें जि चाःहुइकाः च्वनी ।

६. कम्पीकारपिं, मोल्हुइकिपिं, जा थुइपिं, स्वां हइपिं, बांलाक पुंकीपिं, जलक्रिडकपिं, मलल क्रिडकपिं थुपिं सकले जि न्ह्याबलें चाःहुइकाः च्वनी ।

७. म्हितेगुलिइ दक्षपिं थुपिं म्हिता च्वनीगु स्वस्वं देवलोके ईन्द्र थें चा न्हि वितेजुइगु मसिका च्वना ।

८. ताः हाकःगु लँपु ज्वंपिं नं, पथिकपिं नं, याचकपिं (फवगिंत) नं चाःहिलीपिं नं थुपिं यक्व थें- जिगु छँय् न्ह्याबलें भिक्षा फवपवं वयाच्वनी ।

९. अनुत्तरगु पुण्यक्षेत्र श्रमणपिं नं, ब्राह्मणपिं नं जिगु पुण्य बढेयायां जिगु हे छँय् विज्याना च्वनी ।

१०. पटक, लटक, पुष्पसाटक, तेदण्डक, एकसिखा धइपिं थुपिं निग्रन्थपिं नं जिगु छँय् विज्याइ ।

११. विल्लुतावि, गोधम्मिक, देवधम्मिक, रजोजलधर आदि थुपिं आजीवकपिं नं जिगु छँय् विज्याइ ।

१२. परिवर्तक, सिद्धिपत्त थुपिं तपश्वीत नं, कोण्ड, पुग्गनिका थुपिं बतचार

ीपिं नं यक्व हे जिगु छैय् वयाच्चनी ।

१३. ओड्डक, दमिल, साकुल, मलयालक, सवरा, योनका थुपिं नं जिगु छेय् वयाच्चनी ।

१४. अन्धक, मुण्डकपिं दक्वं अले कोलक, सानुविन्दक, आरावचीन देशेच्चपिं नं जिगु छैय् वयाच्चनी ।

१५. अलसन्दक, पल्लवक, वव्वर, भग्गकारुस, रोहित, चेतपुत्रादिपिं नं जिगु छैय् वयाच्चनी ।

१६. माधुरक, कोसलक, कासिक, हस्थिपोरिक, इसिण्ड मक्कल थुपिं नं जिगु छैय् वयाच्चनी ।

१७. चेलावका, अरम्मा, ओक्कला, मेघला, खुद्का, सुद्कापिं नं यक्व जिगु छैय् वयाच्चनी ।

१८. रोहण, सिन्धव, चितक, एककण्णिक, सुरड्ड, अपरन्तयापिं नं जिगु छैय् वयाच्चनी ।

१९. सुप्पारका, कीकुमारा मलया, सोण्णभूमिका वज्जि तारा आदियापिं नं जिगु छैय् वयाच्चनी ।

२०. नलकारपिं, पेशकारपिं, चर्मकारपिं, तच्छकपिं, कम्मरपिं व कुम्भकारपिं नं जिगु छैय् वयाच्चनी । (पंया ज्यायाइपिं, कापःया ज्यायाइपिं, छय्यंगूया ज्यायाइपिं, ज्यामि ज्यायाइपिं, बुई ज्यायाइपिं, थलवलयागु ज्यायाइपिं)

२१. मणिंकारपिं, लोहकारपिं, सोण्णकारपिं, दुस्सिकपिं, तिपुकारपिं थुपिं सकलें नं जिगु छैय् वयाच्चनी ।

(मणियागु ज्यायाइपिं, नँयागु ज्यायाइपिं, लुँयागु ज्यायाइपिं, कापःयागु ज्यायाइपिं, न्हायकंया ज्या याइपिं)

२२. उसुकारपिं (वाणया ज्यायाइपिं), भमकारपिं (सिँ आदि ज्याइपिं), पेषकारपिं (कापः थायेगु ज्यायाइपिं), गन्धिकपिं (सुगन्ध दयेकीपिं), रजकपिं (वसः हिइपिं), तुन्न... (वसः सुइपिं) नं जिगु छैय् वयाच्चनी ।

२३. तेलिकापिं (चिकं मीपिं वा दयेकीपिं), कट्टहारपिं (सिँ ल्थ्यइपिं), उदहार

अपदान पालि

पिं (लः ल्थ्यइपिं), पेस्सिकापिं (खँ यंकीपिं), सूपिकापिं (सूप दयेकीपिं), सूपर
क्खापिं (सूप रक्षायाइपिं) नं जिगु छैय् वयाच्चनी ।

२४. दोवारिकपिं (द्वारपालपिं), अनीकट्टापिं (सिपाहीपिं), वन्दिकपिं (स्तुति
व्वनीपिं), पुष्पच्छट्टकपिं (स्वां त्वलिपिं, स्वां वां छवइपिं), हत्थारुहपिं (किसि
गइपिं), हत्थिपालपिं (किसि रक्षा याइपिं) नं जिगु छैय् वयाच्चनी ।

२५. प्रमादिमह आनन्द महा जुजुयात जिं न्हेगु वर्णं युक्तगु रत्न (सप्तरत्न)
बिया । जिं (वयागु) कमजोरी नं पुरेयाना बिया ।

२६. जिं सुइत भिं बांलाः धकाः प्रशंसा याना इपिं थी थी कुल जातिपिं यक्व
मनूत जुयाच्चन । जिं इमिगु मनयागु खँ सिइकाः रत्नं तृप्त याना ।

२७. मधुर वचनं वर्णना याइवले, बाजं थाइवले, शंख पुइवले थःगु हे छैय्
जि रमे जुयाच्चना ।

२८/२९. उगु इलय् भगवान पदुमुत्तर बुद्ध नायक क्षययागु आश्रवदुपिं-
अर्हत भिक्षुपिं छगू लख नापं लैय् विज्याना च्वंगु जुल । प्रज्ञा रूपी मिखादुमह
सर्वज्ञमह वस्पोल आलोक वृक्ष थें दक्व दिशात प्रकाशमय यानाः थिना च्वन ।

३०. भगवान बुद्ध विज्याइवले दक्व बाजंत थाइ । लुया वःगु सूर्य थें वस्पो
लपाखें रश्मि पिज्वइ ।

३१. उबले छैय् भ्यालं दुहाँ वःगु व रश्मिं यानाः छें दुने नं निभाः त्वःथें
चक्कन ।

३२. जि वस्पोल भगवान बुद्धयागु अजाःगु रश्मि खनाः मनूतेत थथे धया
“निश्चय नं बुद्धश्रेष्ठ थुगु लँपुं विज्यात ।”

३३. अले याकनं हे महलं क्वाहां वयाः दुने लँपुई वयाः सम्बुद्धयात थ्व वचन
नं धया

३४. “उत्तम नायकमह पदुमुत्तर तथागतं जितः अनुकम्पा तथा विज्याहँ
।” वस्पोल मुनि नं छगूलख अर्हत भिक्षुपिं नापं उगु इनाप स्वीकार याना
विज्यात ।

३५. सम्बुद्धयात निमन्त्रणा यानाः थःगु छैय् व्वना यंकाः महामुनिसहित

सकलें भन्तेपिन्त आहारपानं संग्रह यासें सन्तरपन याना ।

३६. भोजन याना विज्याये धुंकाः वस्पोल तादि गुण दुम्ह बुद्धश्रेष्ठयागु समय सीका सच्छिगू सिबे उप्वः तूर्य वादनं वस्पोलयात उपस्थान याना ।

३७. लोकविदुम्ह पदमुत्तर तथागतं जिगु पुण्य सत्कार स्वीकार यासें दुने छे य् हे च्वनाविज्यानाः थुपिं गाथात धया विज्यात ।

३८. “सुनां जितः थ्व तूर्य वादनं उपस्थान यात, आहार पानं संग्रह यात, वयागु वर्णन याये, जिगु खँ बांलाक न्यँ ।”

३९. मुना तःगु सम्पत्ति अनुभव (भोग) याइम्ह जुयाः, आहारपानादि युक्तम्ह जुयाः, भवभोग सम्पत्तिं युक्तम्ह जुयाः थ्व मनुष्य प्यंगू महाद्वीपे एकाधिपत्य यानाः राज्य याइम्ह जुई ।

४०. पंचशील समादान (ग्रहण) यानाः अले भिगू कर्मपथे नं समादान जुयाः उकिइ (मेपिं मनूतेत नं) समूहयात नं लगे जुइत स्यनाविइम्ह जुई ।

४१. बांलाक समाःयानातःपिं मिस्तेसं छगू लख तूर्य वादनत थाना च्वनी । थ्व उपस्थान यागुया फल खः ।

४२. स्वीद्वः कल्पतक देवलोके रमेजुया च्वनी । ख्वीप्यक्वः ला शक्र देवेन्द्र जुयाः दिव्य राज्य याइतिनि ।

४३. ख्वीप्यक्वः हे चक्रवर्ती जुजु जुइतिनि । प्रदेश राज्यया जुजु ला ल्याखं अल्याख हे जुई ।

४४. थनं छगूलख कल्प लिपा ओक्काक कुलय् जन्म ज्वीम्ह नामं गौतम नां जुइम्ह शास्ता (बुद्ध) लोके प्रकट जुइतिनि ।

४५. देवी-देवता जुयाः जन्म काःसां, मनू जुयाः जन्म काःसां भोग सम्पत्ति युक्तम्ह जुयाः अन्तस मनुष्य जुयाः हे जन्म काई ।

४६. स्वंगू वेदं पारंगतम्ह जुयाः उत्तमगु अर्थ अध्ययन गवेषण (मामां) यायां थुगु पृथ्वी (लोके) चाःहिला च्वनी ।

४७. कुशलमूलं (भिंगु चेतनां) प्रेरित जुया लिपा व प्रव्रजित जुयाः भगवान गौतम बुद्धयागु शासने रमे जुइतिनि ।

अपदान पालि

४८. शाक्यकुल श्रेष्ठम्ह गौतम सम्बुद्धयात आराधना याना: (लयतायेका:) क्लेशत च्याका: (नष्ट याना:) अर्हतम्ह जुया च्वनी ।

४९. त:धंगु जङ्गले च्वम्ह ब्याघ्र जुजु थें, केशर सिंह जुजु थें थौं शाक्यपुत्रम्ह गौतम बुद्धया सासने मग्या:म्ह जुया: विहार याना च्वना ।

५०. देवलोके वा मनुष्यलोके जूसां गरीबम्ह वा दुर्गतियाम्ह जुया: जन्म का:गु जिं मस्यू । थ्व उपस्थान यानागुया फल ख: ।

५१. विवेकीम्ह जुया:, उपधिरहितम्ह जुया:, उपशान्तम्ह जुया: किसि जुजुं वन्धन त्वा:थ: थें आश्रवत त्वा:थला: अनाश्रवी जुया: विहार (वास) याना च्वना ।

५२. जिं क्लेशत दहन याना । दक्ख प्रकारया भवत नष्ट याना: किसि जुजुं थें वन्धन त्वा:थला आश्रवरहितम्ह जुया च्वना ।

५३. एकान्तं हे भगवान बुद्धयागु सासने जिगु बांला:गु सम्प्राप्ति जूगु जुल । प्राप्त यानागु त्रिविधा दुम्ह जुल । जिं बुद्धशासन नं चिरस्थायी यानाम्ह जुल ।

५४. प्यंगू प्रतिसम्भदा, च्यागू विमोक्ष, खुगू अभिज्ञा नं साक्षात याना । बुद्धसासन नं चिरस्थायी याना ।

थन थुगु प्रकारं आयुष्मान जतुकण्णि स्थविरं थुपिं गाथात धया (कना) बिज्या:गु जुल ।

Dhamma.Digital

जतुकण्णित्थेरापदान गुंगू कुवचाल ।

४१०. उदेनत्थेरापदान

१. हिमाल लिक्कसं पदुम नां यागु पर्वत (पहाड) छगू दुगु जुल । अन जित: आश्रम छगू दयेकागु जुल । पर्णशाला (हल) छगू नं बांलाक दयेकागु जुल ।

२. अन बांलाक च्चिधंगु च्वनेगु थाय् दयेकात:गु सुन्दरगु, मनोरमगु, ख्वाउँसे च्वंगु ल: दुगु खुसित न्ह्या:वना च्वनी ।

३. पाथिन पावुस, बलज, मुञ्जराहित वर्गया न्यातेसं याना: व खुसि शो

भायमान जुयाच्चनीसा इपिं न्यात उगु खुसिइ न्ह्याबले च्वंच्वनी ।

४. अं, जम्बु आदिं भरिभराउ जुयाच्चंगु अले करेरी, तिलका, उद्दालक व पाटलिय सिमा आदिं नं जिगु आश्रम शोभायमान जुयाच्चनी ।

५. अंकोलक, विम्बजाल, सायाकारी आदि स्वांत ह्वयाः उकिया वासं (सुगन्धं) जिगु आश्रम शोभायमान जुयाच्चनी ।

६. अतिमुत्त, सत्तलिका, नाग व साल स्वांत नं ह्वयाः उकिया दिव्यमय सुगन्ध फैलेजुयाः नं जिगु आश्रम शोभायमान जुयाच्चनी ।

७. कोसाम्बि, सलल, नीप, अट्टङ्ग आदि स्वांत नं बांलाक ह्वयाः दिव्यमय सुगन्ध फैलेयानाः जिगु आश्रम शोभायमान यानाच्चनी ।

८. जिगु आश्रमे हल, अम्बः, अँ, जामुन, बर्रो, बयर, भलायो, बेल आदि फलत यक्व (सयाच्चंगु) दु ।

९. कलम्ब, कन्दली आदि फलया स्वांत नं अन ह्वया च्वनी । अले दिव्यमय वास पिज्वेकाः जिगु आश्रम छगुलिं शोभायमान याना च्वनी ।

१०. अशोक, पिण्ड, चवरी निम्ब आदि सिमाय् नं स्वांत ह्वयाः दिव्यमय सुगन्ध फैलेयानाः जिगु आश्रम शोभायमान याना च्वनी ।

११. पुन्नाग, गिरीपुन्नाग, तिमिरा आदि सिमाया स्वांत नं अन ह्वयाः दिव्यमय वासना छरेयानाः जिगु आश्रम शोभायमान याना च्वनी ।

१२. निर्गुण्डी, सिरिनिगुण्ड, चम्प आदि सिमाय् ह्वःगु स्वांतेसं नं दिव्यमय सुगन्ध ह्वलाः जिगु आश्रम शोभायमान याना च्वनी ।

१३. जिगु आश्रम लिक्कसं पुखू छगू दु । उगु पुखुलिइ मन्दालक स्वां, पलेस्वां, उपुल स्वांतेसं जायाच्चंगु दैसा चक्रवाक पंक्षी तेसं अन सः पिकया च्वनी ।

१४. पाथिन, वावुस, वलज, मुञ्जरोहित आदि न्यात अन (पुखुलिइ) चाःहिला च्वंगुलिं जिगु आश्रम शोभायमान जुयाच्चनी ।

१५. कुम्भिल, ससुमार, कच्छप (कच्छुवा), गहा, ओगुहा असहरा आदि न्यातेसं यानाः नं जिगु आश्रम शोभायमान जुयाच्चनी ।

अपदान पालि

१६. वखुं, तुयहंस, क्वः (चक्रवाक) नदिवर, दिन्दिभ, सालिक आदि भंगतेसं यानाः नं जिगु आश्रम शोभायमान जुयाच्चनी ।

१७. नयित्त, अम्बगन्धि, केतक आदि वृक्षत अन ह्वयाः दिव्यमय सुगन्ध ह्वला च्वंगुलि नं जिगु आश्रम शोभायमान जुयाच्चनी ।

१८. सिंह, ब्याघ्र, चितुवा, भालु, कोक, तरच्छ (भालु) आदि जनावरत जङ्गले चाःहिला च्वनीगुलिं जिगु आश्रम शोभायमान जुयाच्चनी ।

१९. चितुवाया छयंगू पुनातःपिं जटां भारि जूपिं जटाधारित (तपश्वीत) महावने चाःहिलाः जिगु आश्रम शोभायमान याना च्वनी ।

२०. थुपिं तपश्वीपिं चितुवाया छयंगू पुनीपिं, खरानी बुलीपिं, प्रज्ञावानपिं, शान्तस्वभावपिं अले कम नइपिं जुयाः जिगु आश्रम शोभायमान याना च्वनी ।

२१. उबले परिष्कारया भारी ज्वनाः वने दुहाँवनाः फलफूल नयाः न्ह्याबले आश्रमे हे च्वनाच्चनी ।

२२. इमिसं सिं वा सिलेगु लः हइमखु (यंकीमखु) व दक्वं (माःगु चिज) (थःथःगु) आनुभावं ऋद्धिं उत्पन्न यासे थ्यंका च्वनी ।

२३. चयप्यद्वः (चेप्यदो) ऋषिपिं थन मुन । थुपिं दक्वं ध्यान याइपिं जुयाच्चन । थुपिं दक्वं उत्तमगु अर्थ मालाच्चपिं जुयाच्चन ।

२४. सकले तपश्वीत खः । ब्रह्मचारीपिं खः । अर्पणा व्रत (अर्पणा समाधिइ ?) लगे जुयाच्चपिं खः । आकासे चाःहिला च्वनीपिं (आकास मार्ग जुया वइ वनीपिं) थुपिं न्ह्याबले आश्रमे च्वनाच्चनी ।

२५. न्यान्ह्युइ छकः - एकाग्र चित्त दुपिं, शान्त स्वभाव दुपिं थुपिं मुनेगु याई । (मुनाः) परस्पर वन्दनामान यानाः थःथःगु लँपु स्वयाः वनेगु याई ।

२६. सकल धर्मे पारंगतम्ह जीनम्ह पदमुत्तर भगवान बुद्ध उबले महान्धकार हटेयाना लोके उत्पन्न जूगुजुल ।

२७. जिगु आश्रमया लिउने महाऋद्धि दुम्ह यक्ष (राक्षस) छम्ह दुगु जुल । वं जितः उत्तमम्ह, नायकम्ह पदमुत्तर सम्बुद्धया बारे प्रशंसा यात ।

२८. "महामुनिम्ह पदमुत्तर भगवान बुद्ध लोके उत्पन्न जुया विज्याःगु दु ।

हे ऋषि ! याकनं वनाः वस्पोल सम्बुद्धयात संगत (आश्रय) याः विज्याहूँ ।”

२९. राक्षसयागु उगु वचन न्यनाः यक्व लयेताःगु मनं युक्तम्ह जुयाः आश्रम मिलेयाना तथा । उबले हे उगु (आश्रमं) वनं प्याहाँ वना ।

३०. (थःगु) वसः मि च्याःम्ह थें (थःगु) आश्रमं प्याहाँ वनाः छ्चा (लँय् बाये) च्वनाः विनायकम्ह बुद्धयाथाय् थ्यंकः वना ।

३१. लोकवासिपिनिगु पूजा ग्रहणयाना विज्याःम्ह लोकविज्ञम्ह पदुमुत्तर भगवान बुद्ध प्यंगू (आर्य) सत्य प्रकाश यासें अमृतपद देशना याना विज्यात ।

३२. बांलाक त्वःगु पलेस्वां कयाः महेषिम्ह बुद्धयात प्रसन्नगु (लय्ताःगु) मनं, भिंगु मनं पूजा यानाः लः ल्हाना ।

३३. उत्तमम्ह, नायकम्ह पदुमुत्तर भगवान सम्यक् सम्बुद्धयात पूजा यानाः थःगु वस्त्र (ऋषि वस्त्र) एकांस यानाः लोकनायक बुद्धया वर्णन याना ।

३४. गुगु सर्वज्ञता ज्ञानं यानाः सम्बुद्ध अनाश्रवी (आश्रवरहित) जुयाः बास याना विज्याई । उगु (सर्वज्ञता) ज्ञानया वर्णना याये, जिगु खँ न्यना दिसँ ।

३५. (छःपिसं) सकल प्राणीपिनि संसारया स्रोत त्वाःथलाः तरेयाना विज्यात । इमिसं छलपोलयागु धर्म न्यनाः तृष्णा स्रोतं (उपिं) तरेजुइ तिनि ।

३६. हे द्वीपोत्तम ! छलपोल सत्वपिनिगु लागि शास्ता जुया विज्यात । छलपोल हे भण्डा नं, केतु नं, याग स्थान नं जुया विज्यात । छलपोल हे आरक्षक नं, ग्वाहालिमिं नं जुया विज्यात ।

३७. लोके गुलि नं गण प्रधानीपिं सार्थवाहत धकाः धायेका च्वन, हे सर्वज्ञ ! छलपोल वस्पोलपिं मध्ये अग्रम्ह जुया विज्याना च्वन । इपिं सकलें छलपोल अन्तर्गत हे लानाच्वन ।

३८. हे सर्वज्ञ ! छलपोलयागु ज्ञानया कारणं यक्व जनतापिं (संसार सागरं) तरे जुयाच्वन । छलपोलया धर्मे वयाः दुःखया अन्त याना च्वन ।

३९. हे चक्षुम्ह (ज्ञानया मिखा दुम्ह) ! लोके गुलिनं सुगन्धत फैले जुयाच्वनी; हे महामुनि ! पुण्य क्षेत्रे छलपोलयागु गुण सुगन्ध समान मेगु मद्दु ।

४०. हे चक्षुम्ह ! जन्तु जनावर योनी वा नर्कं नं छलपोलं मुक्त याना विज्यात

अपदान पालि

। हे महामुनि ! छलपोलं असंस्कृतगु शान्तगु पद (धर्म) निर्वाण हे देशना याना विज्यात ।

४१. उगु वर्णनात्मक पूजा सत्कार स्वीकार याना विज्यासे लोक विज्ञमह पदमुत्तर भगवान बुद्धं भिक्षुसंघया विचय् च्वना विज्यानाः थुपिं गाथात धया विज्यात ।

४२. सुनां थःगु ल्हाःतं हे प्रसन्न जुया जिगु ज्ञानया पूजा यात, व सु खः धकाः धाये । जिगु खँ बांलाक न्यँ ।

४३. थ्व मनू स्वीद्वः कल्प तक देवलोके रमे जुयाच्वनी । द्वःछिक्वः ला चक्रवर्ती जुजु जुयाच्वनी तिन ।

४४. जिं मनोज्ञगु व्रत (शील) दुमह भगवान बुद्धयात लयतायेकाः उत्तमगु लाभ प्राप्त याना कयामह जुया । दक्व आश्रवत प्रहाण (नष्ट) यानाः आः आश्रवरहितमह जुयाच्वना ।

४५. एकान्तं हे भगवान बुद्धया थाय् जिगु बांलाःगु सम्प्राप्ति जुल । जिं बुद्धसासन नं सफल याना ।

४६. जिं दक्व क्लेशत दहन (नष्ट) याना । दक्व भवत विनाश याना । किसि जुजुथें बन्धन त्वाःथलाः आश्रवरहितमह जुयाच्वना ।

४७. प्यंगू प्रतिसम्भदा, च्यागू विमोक्ष, खुगू अभिज्ञा साक्षात (प्राप्त) याना कयाः भगवान बुद्धयागु बुद्धशासन चिरस्थायी याना ।

थुकथं थन आयुष्मान उदेन स्थविरं थुपिं गाथात धया (कना) विज्यात ।

उदेनत्थेरापदान भिगूगु क्वचाल ।

मेत्तेय्यवर्ग क्वचाल

४२. भद्दालिवर्ग

४११. भद्दालित्थेरापदान

अपदान पालि

१. लोके अग्रम्ह, मुनिम्ह, कारुणिकम्ह, अग्रम्ह सुमेध नां याम्ह सम्यक् सम्बुद्ध विवेकी सुख ययेका: हिमाल प्रदेशे विज्यात ।

२. लोकनायकम्ह उत्तम पुरिसम्ह (व्यक्ति) सुमेध भगवान बुद्ध हिमाले विज्याना: पल्लंके फेतुना: (मुलपति छ्याना) विज्यात ।

३. लोकनायकम्ह सुमेध भगवान बुद्ध समाधिइ च्वना विज्यात । उत्तम पुरुषम्ह वस्पोल बुद्ध चा न्हि न्हेन्हुतक समाधिइ हे च्वना विज्यात ।

४. जि उबले परिष्कार (थ:त मा:गु ज्वलंत) कया: उगु वनया विचे थ्यंक: वना । अन आश्रवरहितम्ह, भवसागरं उतीर्णम्ह सम्बुद्धयात जिं खना ।

५. अले तुफि ज्वना: (कया:) उगु आश्रम बँ पुना: सफा याना । प्यंगू थां थना: अन मण्डप छगू दयेका बिया ।

६. अनं लिपा जिं सालया स्वांत हया: मण्डम छायेपा बिया । (पल्लिं चिना:) अले प्रसन्नगु मनं युक्तम्ह सुमनम्ह जुया: वस्पोल तथागतयात वन्दना याना ।

७. भारिगु (यक्व) प्रजा दुम्ह (ज्ञान दुम्ह) गुम्हसित सुमेध धका: धाइ; वस्पो ल सुमेध भगवान बुद्ध भिक्षुसंघया विचे फेतुना विज्याना: थुपिं गाथात धया (कना) विज्यात ।

८. ज्ञांया मिखा दुम्ह, असमानम्ह बुद्ध श्रेष्ठं धर्म देशना याना च्वन धका: वस्पोलयागु स: म्हसिका: सकल देवतापिं अन मुं वल ।

९. लोकयागु पूजा सत्कार ग्रहण याना विज्याइम्ह सुमन नांयाम्ह भगवान बुद्ध देव समूहया विचे च्वना विज्याना: थुपिं गाथात धया (कना) विज्यात ।

१०. सुनां जित: थ्व साल स्वां नं छायेपाना थुगु मण्डप दयेका बिल, उम्ह व्यक्तिया वर्णन याये, जिगु खँ बांलाक न्यँ ।

११. थ्व व्यक्ति मनू जूसां, देवता जूसां सुवर्ण वर्णम्ह जुई । भवभोग सम्पत्तिं युक्तम्ह जुया: कामभोगी जुईतिनि ।

१२/१३. तोमर व अंकुश ल्हाते दुपिं गां नाय:त, गया च्वपिं सकल अलंकारं विभूषितपिं सुवर्ण कच्छ, व हेमवर्ण वस:त पुंका त:पिं ख्खीद्व: किसितयेसं सुथे

बहनी थ्व मनूयात सेवा उपस्थान या: वई । इपिं किसि तयेसं चा:हुयेका थ्व मनू रमेजुया च्वनी ।

१४/१५. धनुष व वाण ल्हा:तय् दुपिं गां नाय:त, गया च्वपिं सर्व अलंकारं विभूषितपिं आजन्म आजानीय, शीघ्रवाहिपिं (फय्या वेगं व्वाँये वनेफुपिं) सै न्धव सलत ख्वीद्व: नं थ्व मनू चा:हुइका: च्वनी । थ्व बुद्धपूजाया फल ख: ।

१६/१७. धनुष वाण ल्हा:तय् दुपिं, हतियारं सन्नद्ध (युक्तपिं) पिं गां नाय:त, गया च्वपिं, ल्हवना त:गु भण्डा दुपिं, चितुवाया छयँगू नं छायेपा त:गु रथ, अले व्याघ्रया छयँगू नं छायेपा त:गु रथ धका: थुगु सकल प्रकारं अलंकृतगु ख्वीद्व: रथतय्सं नं थ्व मनू चा:हुइका: च्वनी । थ्व बुद्धपूजाया फल ख: ।

१८. सकल प्रकारं सम्पूर्णगु धनधान्यं सुसमृद्धगु, सर्वप्रकारं समृद्धगु ख्वीद्व: गांत नं न्ह्याबले उतपन्न जुयाच्वनी थ्व नं बुद्धपूजाया फल ख: ।

१९. किसि, सल, रथ व सिपाहिं थुपिं चतुरगिनिपिसं नं जित: न्ह्याबले चा:हुइका: च्वनी । थ्व बुद्धपूजाया फल ख: ।

२०. थ्व मनू भिंच्याद्व: कल्पतक देवलोकय् रमयेजुया च्वनी । द्व:छिक्व: चक्रवर्ति जुजु जुइतिनि ।

२१. थ्व मनू नं स्वीक्व:तक्क देवराज्य याइतिनि । प्रदेश राज्यत ला ल्याखं अल्याख हे जुई ।

२२. थनं स्वीद्व:गू कल्पय् ओक्काक कुलय् जन्म जूम्ह नामं गौतम नांयाम्ह शास्ता (बुद्ध) लोकय् प्रभव जुइतिनि ।

२३. वस्पोलया धर्मय् दायादम्ह, औरसम्ह, धर्म निर्मितम्ह जुया: थ्व मनू सकल आश्रवत प्रहाण याना: आनाश्रवी जुया: विहार याइतिनि ।

२४. थनं स्वीद्व:गू कल्प न्हापा लोकनायकम्ह खना । अनंनिसं थौतकया बिचय् अमृतपद (निर्वाण) मामां वयागु जुल ।

२५. गुगु बुद्धसासन जिं थुइका कया व जित: लाभ जुल । स्वंगू विद्या (त्रिविद्या) जित: उतपन्न जुल । जिं बुद्धसासन चिरस्थायी याना ।

२६. वस्पोल महानम्ह व्यक्तियात जिगु नमस्कार दु । वस्पोल श्रेष्ठम्ह पुरुष

अपदान पालि

(महामानव) यात जिगु नमस्कार दु । छलपोलयागु ज्ञान (सर्वज्ञता ज्ञान) या प्रशंसा याना: जि अचल (अमृत) पदय् थ्यंक: वना (निर्वाण प्राप्त याना) ।

२७. देवता जुया: वा मनू जुया: न्ह्यागु योनिइ जन्म का:सां दक्व थासय् सुखिम्ह जुया । थ्व ज्ञान प्रशंसाया फल ख: ।

२८. थ्व जिगु अन्तिम जन्म ख: । अन्तिमगु भवय् चा:हिला च्वना । किसिं थें बन्धन त्वा:थला: अनाश्रवी जुया: विहार याना च्वना ।

२९. एकान्तं भगवान बुद्धया थाय् जिगु बांला:गु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन चिरस्थायी याना ।

३०. जिं क्लेशत दहन (नष्ट) याना । दक्व भवत विनाश (नष्ट) याना । किसि जुजुं बन्धन त्वा:थ: थें बन्धन त्वा:थला: आश्रवरहितम्ह जुया च्वना ।

३१. प्यंगू प्रतिसम्भदा, च्यागू विमोक्ष, खुगू अभिज्ञा नं साक्षात याना: कया । बुद्धशासन चिरस्थायी याना ।

थुकथं थन आयुष्मान भद्दालि स्थविरं थुपिं गाथात कना (धया) विज्या:गु जुल ।

भद्दालित्थेरापदान छगू क्वचाल ।

Dhamma Digital ४१२. एकछत्तियत्थेरापदान

१. चन्द्रभाग खुसि सिथय् जित: बांला:गु आश्रम छगू दयेकूगु जुल । (अन) सफागु तुयुगु फिं युक्तगु पर्णशाला छगू नं निर्माण या:गु जुल ।

२. अन त:जा: मजूगु, सिथ दुगु, च्वनेगु थाय् दुगु मनोरमगु न्या कछुवात दुगु सु सु स: थ्वइगु चिधंगु खुसि छगू दुगु जुल ।

३. भालु, म्हय्खा, चितुवा, कोकिल, व्व: आदित थन न्ह्याबलें जिगु आश्रम शोभायमान यासैं स: थ्वयेका च्वनी ।

४. मधुरगु स: दुपिं कोकिलत, मधुरगु स: दुपिं हंसत, थुपिं जिगु आश्रम शो भायमान यासैं स: थ्वयेका च्वनी ।

अपदान पालि

५. सिंहत, व्याघ्रत, फइत, वुकत (वक), कोकतरच्छत, जिगु आश्रम शो भायमान यासें पर्वत छगुलिं सः थ्वयेका च्वनी ।

६. अनं फणिमृगत, सरभात, भेरडत, सुकरत यक्व पर्वत छगुलिं सः थ्वयेकाः जिगु आश्रम शोभायमान याना च्वनी ।

७. उद्दालक, चम्पक, पाटालि, सिन्दुवारिक, अतिमुत्त, अशोका आदि स्वांत जिगु आश्रमय् त्वया च्वनी ।

८. अंकोल, युथिक, सन्तलि, विम्बिजालिका, कण्णिका, कणिकारा, आदि स्वांत नं जिगु आश्रमय् त्वया च्वनी ।

९. नाग, साल, सलल, पुण्डरिक आदि स्वांत अन त्वयाः दिव्यमय सुगन्ध त्वलावियाः जिगु आश्रम शोभायमान याना च्वनी ।

१०. अज्जुना, असना, महानाम अले साल व कंदुगु स्वांत त्वयाः जिगु आश्रम शोभायमान याना च्वनी ।

११. अम्ब, जम्बुक, तिलक, निम्बु व सालकल्याणी धैगु स्वां व फलतय्सं नं दिव्यमय वासना त्वलावियाः जिगु आश्रम शोभायमान याना च्वनी ।

१२. अशोका, कपित्या अले भगिनिमाल स्वांत अन त्वयाः दिव्यमय वासना त्वलावियाः जिगु आश्रम शोभायमान याना च्वनी ।

१३. कदम्ब, कदली अले इसिमुग्ग पिना तःगुलिं न्ह्यावलें फलत धारण यानाः जिगु आश्रम शोभायमान याना च्वनी ।

१४. हरितक, आमलक, अम्बा, जम्बु, विहीतका, कोला, भल्लातका, विल्ला आदि फलतय्सं नं जिगु आश्रम जाया च्वनी ।

१५. जिगु आश्रमया लिक्कसं मनोरमगु पुखुलिइ मन्दालक, पदुम, उत्पल आदि स्वांत जाया च्वंगु दै ।

१६. पदुम स्वांतय्सं गर्भधारण (चुलि त्वई) याई । मेगुलिं केसर सहितं त्वई । मेगुलिं हानं कणिकात नापं फैलये जुयाः त्वयाः जिगु आश्रम बांलाकी ।

१७. उगु पुखूलिइ पाथिन, पावुस, न्या, वलज, मुञ्ज, रोहित आदि न्यात लखय् उखे थुखे चाःहिलाः जिगु आश्रम शोभायमान याना च्वनी ।

१८. नयिता, अम्बगन्धि, केतक आदि अनुकूलगु सिमा तयसं नं दिव्यमय सुगन्धत ह्वलाविया: जिगु आश्रम शोभायमान याना च्वनी ।

१९. पलेस्वां नं वड्डु दुरु व घ्य: वा: वया च्वनी । दिव्यमय कस्ति नं वासना ह्वलाविया: जिगु आश्रम शोभायमान याना च्वनी ।

२०. अन लखं युक्तगु छ्चा:खेरं फैलयेजुया च्वंगु फितयसं शोभा विया च्वनी । च्वे थाहाँ वयाच्वंगु स्वांतयसं ह्वया: जिगु आश्रम शोभायमान याना च्वनी ।

२१. चित्तुवाया छ्यंगू (वस्त्र) पुना च्वनीपिं, जटाभारं युक्तपिं, पुलां जूगु चीवर वस्त्र पुनीपिं सकल तपस्वीतयसं जिगु आश्रम शोभायमान याना च्वनी ।

२२. गाछि (पाय्छि) जक तापाक स्वइपिं, प्राज्ञपिं, शान्त स्वभाव दुपिं, कामभोग अपेक्षा मयाइपिं ऋषिमुनित जिगु आश्रमय् वास याना च्वनी ।

२३. त्वपूगु (कच्छ), सँ व लुसि दुपिं, म्हासुसे च्वंगु वा दुपिं, धुंयागु शरीर दुपिं, छ्यं दुपिं, च्वति फोहर जूगु शरीर धारण याना च्वीपिं थुपिं सकलें (ऋषि मुनित) जिगु आश्रमय् वास याना च्वनी ।

२४. अभिज्ञां (शक्तिं) पारंगत जूपिं, आकासे चा:हिलीपिं थुपिं ऋषि मुनित आकासे थाहाँ वना: नं जिगु आश्रम शोभायमान याना च्वनी ।

२५. अजा:पिं इपिं शिष्यापिं छ्चाखेरं चा:हुइका: उवले उगु जंगलय् च्वंच्वना । न्ह्याबलें ध्यानय् समाधिस्थ जुया च्वनेगुलिं चान्हि हे मसिका च्वना ।

२६. उगु समयसं महामुनिह् अर्थदर्शी भगवान बुद्ध ख्यंगु अन्धकार नास याना: लोकनायकह् जुया: उत्पन्न जुया विज्यात ।

२७. अले मेह् छह् चेला जि लिक्क (जिगु आश्रमय्) वल । वं मन्त्र, खुगू अंग व नां लक्षणत सयेके मास्ति वयेका च्वन ।

२८. महामुनिह् अर्थदर्शी भगवान बुद्ध लोकय् समुत्पन्न जुल । (चतुआर्य सत्य) प्यंगू सत्य प्रकाश यासें अमृतपद (निर्वाण) देशना याना: विज्याना च्वन ।

२९. जि लयताया:, प्रमुदित जुया: धर्मे द्वाहाँ वंगु मन दुह् जुया: आश्रमं प्याहाँ वना: थुगु वचन धया ।

३०. 'स्वीनिगू महापुरुष लक्षणं युक्तम्ह बुद्ध लोक्य् समुत्पन्न जुल । सकले भ्रासँ वस्पोल सम्यक् सम्बुद्धया थाय् वने ।'

३१. सद्धर्मय् पारंगतपिं, अववाद अनुसारं ज्यायाइपिं, उत्तमगु अर्थ (निर्वाण) मालाच्चर्पिं इमिसं (ऋषि मुनितय्सं) ज्यू बांला धका: (जिगु उगु वचन) स्वीकार यात ।

३२. जटाभारीं भ्यातापिं, चितुवाया छयंगूया वस: पुनीपिं इपिं उत्तमगु अर्थ (निर्वाण) मामां (गवेषण यायां) उबले उगु वनं प्याहाँ वन ।

३३. उगु इलय् महायश दुम्ह भगवान् अर्थदर्शी बुद्ध चतुआर्य सत्य (प्यंगू सत्य) प्रकाश यासँ अमृतपद (निर्वाणया बारे) धर्म देशना याना विज्याना च्वन ।

३४. जिं श्वेत छत्र (तुयुगु कुसा) कया: ज्वना: बुद्ध श्रेष्ठयात कुइका च्वना । अथे छवा: तक धारण याना: श्रेष्ठम्ह बुद्धयात वन्दना याना ।

३५. नरासभम्ह, लोक ज्येष्ठम्ह अर्थदर्शी भगवान् बुद्ध भिक्षुसंघया विचय् फे तुना विज्याना: (च्वना:) थुपिं गाथात धया विज्यात ।

३६. "सुनां जित: प्रसन्नगु मनं थ:गु हे ल्हा:तं न्हेन्हु तक कुसा धारण याना च्वन (कुइका च्वन) व मनूया बारे वर्णन याये जिं धयागु खँ बांलाक न्यँ ।"

३७. थनं लिपा थ्व मनू देवता जुया: जन्मका:सां, मनूष्य जुया: जन्मका:सां न्ह्यावले कुसा धारण याना च्वनीम्ह (दुम्ह) जुई । थ्व कुसा (छत्र) दान या:गुया फल ख: ।

३८. थ्व मनू न्हेन्हेगू कल्पतक देवलोक्य् न्ह्याइपुका (रमय् जुया) च्वनी । द्व:छिक्व: ला चक्रवर्ती जुजु जुया: राज्य याइतिनि ।

३९. थनं भिंच्याक्व:गु कल्पय् शाक्य कुल श्रेष्ठम्ह गौतम नांयाम्ह ज्ञाया मिखा दुम्ह भगवान् बुद्ध अन्धकार नास यासँ लोक्य् उत्पन्न जुइतिनि ।

४०. वस्पोल बुद्धया धर्म दायाम्ह, औरस पुत्रम्ह, धर्म निर्मितम्ह जुया: (थ्व मनू) सकल आश्रवत प्रहाण याना: (नष्ट याना:) अनाश्रवीम्ह जुया: बास याइतिनि ।

४१. गननिसें जिं बुद्धयात कुसा (छत्र) धारण याना; कुशल कर्म यानागु खः अननिसें थौं तक्कया बिचय् तुयुगु कुसा धारण मयानागु जन्म जिं मस्यूनि ।

४२. थ्व जिगु अन्तिम (पश्चिम) जन्म खः । भवे चाःहिलाः थ्व जिगु अन्तिमगु भव त्यं दया च्वन । थौं नं जितः न्ह्याबले कुसा धारण जुयाच्वंगु दु ।

४३. तादि गुण दुम्ह अर्थदर्शी बुद्धयात जिं बांलाक यानागु कुशल कर्म अचम्मयागु जुल । दक्व आश्रवत क्षय याना । आः हानं जितः पुनर्भव (पुनर्जन्म) मद्दु ।

४४. एकान्तं भगवान बुद्धयाथाय् जिगु बांलाःगु सम्प्राप्ति जुल । प्राप्त यानागु त्रिविद्या दुम्ह जुल । बुद्धशासन नं चिरस्थायी यानाम्ह जुल ।

४५. जिं दक्व क्लेशत दहन (च्याकाम्ह) यानाम्ह जुल । दक्व भवत नास यानाम्ह जुल । किसि जुजुं बन्धन त्वाःथः थें (क्लेश) बन्धन त्वाःथलाः आश्रवर हितम्ह जुया बास याना च्वना ।

४६. प्यंगू प्रतिसम्भदा, च्यागू विमोक्ष, खुगू अभिज्ञा साक्षात् (प्राप्त) यानाः कया । बुद्धशासन चिरस्थायी याना ।

थुगु प्रकारं आयुष्मान एकछत्रिय स्थविरं थुपिं गाथात धया (कना) बिज्यात ।

एकछत्रियत्थेरापदान निगूगु क्वचाल ।

४१३. तिणसूलकछादनियत्थेरापदान

१. उबले जि जाति, जरा, मरण बारे प्रत्यवेक्षणा याना । अले (उकिं मुक्त जुइत) अनगारिक भावं प्रव्रजितः जुइत छेंय् नं प्याहाँ वनाः प्रव्रजित जुया ।

२. छसिकथं चाः ह्यु ह्युं खुसि सिथय् थ्यंकः वना । उगु खुसि सिथय् थाहाँ वया च्वंगु जमिन खना ।

३. अले अन आश्रम छगू दयेकाः जि उगु आश्रमय् च्वंच्वना । बांलाक दये कागु उगु आश्रमय् छचाःखेरं नाना विधापिं भंगः पंक्षीत मुना च्वनी ।

४. (इपिं भंगः पंक्षीत) जि प्रति विश्वास तयाः जिथाय् वई । मधुर सलं नाद विई (हाली) । इपिं (भंगः पंक्षीत) नापं रमये जुयाः (न्ह्याइपुकाः) जि आश्रमय् च्वंच्वना ।

५. जिगु आश्रम छ्चाखेरं नाद याना: (हाला:) व सिंह (मृगराज) थ: च्वनीगु गृहां (थासं) प्याहाँ वया: न न्या:थें गर्जन यात ।

६. व सिंह (मृग जुजु) गर्जना या:बले जित: प्रीति उत्पन्न जुल । जिं व सिंह मामां वनाबले लोकनायकम्ह बुद्धयात खना ।

७. देवातिदेवम्ह तिस्स बुद्ध खना: जि लय्ताया । लोकया अग्रनायकम्ह तिस्स बुद्धयात लय्ता:गु मनं हे जिं नाग केसर पूजा याना ।

८. लया वयाच्चंम्ह (उदय जुया च्वंम्ह) सूर्य थें ह्वया च्वंगु सालराज स्वां थें, विरामी जुया च्वंपित वास: थें जा:म्ह लोकनायकम्ह बुद्धया जिं (वर्णन) प्रशंसा याना ।

९. हे सर्वज्ञ ! छलपोलयागु ज्ञानं याना: देवातापिं सहित थ्व लोकया मनूत (प्राणीपिं) मुक्त जुल (तरे जुल) छलपोलयात लय्तायेका: इपिं थ्व जन्मजातिं (संसारं) मुक्त जुई ।

१०. दक्वं खना बिज्याइम्ह (सर्वदर्शीम्ह) सर्वज्ञ बुद्धयात मखंका: राग, द्वेष युक्त जुया: अविचि नर्कय् कुतुवनी ।

११. हे सर्वज्ञम्ह लोकनायक बुद्ध ! छलपोलयागु दर्शनं याना: सकलें भवं मुक्त जुइ । अमृतपद, निर्वाण स्पर्श याइ ।

१२. गबले अन्धकार मदयेकीम्ह (ज्ञां) मिखा दुम्ह बुद्ध लोकय् उत्पन्न जुइ, अबले इपिं क्लेश दहन याना: (निर्वाणया) जलय् थ्यनी ।

१३. जिं लोक अग्रम्ह, नायकम्ह तिस्स सम्यक् सम्बुद्धया कीर्ति वर्णना याना, लय्ताया: लय्ता:गु मनं हे स्वां (तीणसूल) पूजा याना ।

१४. लोकनायकम्ह तिस्स बुद्धं जिगु मति सिइका बिज्याना: थ:गु हे आसने फय्तुना बिज्यासें थुपिं गाथात धया बिज्यात ।

१५. “सुनां थ:गु हे ल्हा:तं प्रसन्न जुया: जित: स्वांनं पूजा यात (त्वपुल) जिं वयागु कीर्ति (गुण) वर्णना याये जिगु धापू बांलाक न्यँ ।”

१६. वं (ऋषिं) नीन्याक्व: दिव्य राज्य याइतिनि । न्हेन्याक्व: चक्रवर्ती जुजु जुइतिनि ।

अपदान पालि

१७. (राज्य याइगु) विशालगु प्रदेश राज्यतला ल्याखं अल्याख जुइ । (थ्व) स्वां पूजां उत्पन्न जूगु पुण्यकर्मया फल खः ।

१८. उगु पुण्यकर्म नापं युक्तमह थ्वं यदि मोल्हुइबले थःमहं इच्छा याःकथं छ् यननिसें हे न्ह्यःने स्वां प्रकट जुइ ।

१९. काम वस्तुत नं इच्छा याःकथं प्रकट जुयावई । संकल्प (निर्वाण लाभ यायेगु) पूरा यानाः आश्रवरहितमह जुयाः परिनिर्वाण नं जुइ ।

(भिञ्च्यागूगु भाणवार)

२०. क्लेश दहन यानाः सम्यक् प्रज्ञा-स्मृतिं युक्त जुयाः छगू हे (उगु हे) आसनये फय्तुनाः अर्हत् भावय् थ्यंकः वना (अर्हत् जुया) ।

२१. जि न्ह्याबलें, चक्रमण यायां, फय्तुतुं, दँदं व द्यँदयं नं बुद्ध श्रेष्ठयात हे लुमंका च्वना ।

२२. चीवर, पिण्डपात, गिलानप्रत्यय, सयानासन; थुपिं चतुप्रत्यय्या गुबलें जितः कमि मजू । थ्व बुद्धपूजाया फल (विपाक) खः ।

२३. व (जि) आः शान्तगु अनुत्तरगु अमृतपद; निर्वाणय् थ्यंमह जुयाः दक्व आश्रवत (प्रहाण कथं) थुइकाः आश्रवरहितमह जुया च्वना ।

२४. थनं ग्वीनिगूगु कलपय् गुगु स्वां पूजा यानागु खः (व कारणं) दुर्गति मस्यू । बुद्धपूजाया थ्व विपाक खः ।

२५. धात्थें हे भगवान बुद्धयाथाय् जिगु भिङ्गु सम्प्राप्ति जुल । प्राप्त यानागु त्रिविद्या दुमह जुया च्वना । जिं बुद्धशासन चिरस्थायी याना ।

२६. जिं क्लेशत दहन (नष्ट) याना । दक्व भवत विनाश याना । किसि जुजुं थें बन्धन चफुनाः आश्रवरहितमह जुया च्वना ।

२७. प्यंगू प्रतिसम्भदा, च्यागू विमोक्ष, खुगू अभिज्ञा नं साक्षात्कार यानाः कया । भगवान बुद्धयागु बुद्धशासन चिरस्थायी याना ।

थुगु प्रकारं आयुष्मान तिणसूलकछादनिय स्थविरं थुपिं गाथात धया (कना) विज्यात ।

४१४. मधुमंसदायकत्थेरापदान

१. जि उबले बन्धुमति नगरय् सुकरिक (फा व्याधा) जुयाच्चना । अले छातिइ च्वंगु ला ल्यंका: उगु ला कस्तिइ क्वफाना तथा ।

२. लोकनायकम्ह भगवान बुद्ध उगु समयस भिक्षुसंघं चा:हुइका: महानगु (त:धंगु) आनुभावं युक्तम्ह जुया विज्याना च्वन ।

३. लोक च्याका विज्याइम्हं (लोकय् ज्ञानया प्रकाश त्वला विज्याइम्ह) लोक प्राणीपिं तरेयाना विज्याइम्ह विपश्वी बुद्धयात खना: स्वां ज्वना हया: वस्पो ल बुद्ध श्रेष्ठयात पूजा याना ।

४. जि भिक्षुपिं मुनीगु शालाय् वना: छग: पात्र जिं कया: उगु पात्रय् कस्ति जायेका: जा:गु व पात्र भिक्षुसंघयात दान बिया ।

५. उबले अन च्वना विज्याना च्वंम्ह छम्ह थकालिम्ह भिक्षुं जित: पुण्य (आशिका) बिल । “थुगु कस्तिं जा:गु पात्र पूजाया फलं विपुल (तधंगु) सुख प्राप्त जुइमा ।”

६. “(उगु) कुशलं प्रेरित जूम्ह जुया: विविधगु निगू प्रकारया (दिव्य, मनुष्य) सम्पत्ति भोग (अनुभव) याना । अन्तिमगु भवय् म्वानाच्चनीबले हे (दक्व) क्ले शत दहन (नष्ट) याइतिनि ।”

७. जि अन हे मन प्रसन्न याना: अनं लिपा (उगु आत्मभाव लिपा) तावतिंस दिव्यलोकय् (जन्मका:) वना । अन (दिव्य भोजन) नया: (दिव्य पान) त्वना: त:धंगु सुख प्राप्त याना ।

८. कुटिइ (मण्डपय्) वा सिमाक्वय् च्वना: पूर्वकर्म (न्हापा यानागु पुण्यकर्म) लुमंके बले हे जित: आहार पानादि वर्षा जुइ (प्राप्त जुइ) ।

९. थ्व जिगु अन्तिमगु जन्म ख: । थ्व अन्तिमगु भव ल्यना च्वन । थन नं जित: न्ह्याबलें आहारपानादि वर्षा जुइ (प्राप्त जुइ) ।

१०. जिं व कस्ति ला दान बियागुया कारणं संसारय् चा:हिला: (आ:) दक्व

अपदान पालि

आश्रवत (प्रहाण कथं) थुइकाः आश्रवरहितम्ह जुयाच्चना ।

११. थनं ग्वीळ्ळगूगु कल्पय् उबले गुगु दान यानागु खः (व कारणं) दुर्गति मस्यू । कस्ति दानया थ्व फल खः ।

१२. धात्थें हे भगवान् बुद्धया समिपस जिगु बांलाःगु सम्प्राप्ति जूगु जुल । प्राप्त यानागु त्रिविद्या दुम्ह जुल । जिं बुद्धया शासन चिरस्थायी याना ।

१३. जिं दक्ख क्लेशत दहन याना । दक्ख भवत नाश याना । किसि जुजुं थें बन्धन चफुनाः आश्रवरहितम्ह जुयाच्चना ।

१४. प्यंगू प्रतिसम्भदा, च्यागू विमोक्ष, खुगू अभिज्ञा साक्षात्कार याना कयाः बुद्धशासन जिं चिरस्थायी याना ।

थुगुप्रकारं आयुष्मान् मधुमंस दायक स्थविरं थुपिं गाथात धया (कना) विज्यात ।

मधुमंसदायकत्थेरापदान प्यंगूगु व्वचाल ।

४१५. नागपल्लवत्थेरापदान

१. जि बन्धुमति नगरय् च्वंगु राजा उद्धानये (बगैचाय्) च्वंच्वना । जिगु आश्रम लिक्कसं लोकनायकम्ह भगवान् बुद्ध फय्तुना (च्वना) विज्याना च्वन ।

२. जिं (नाग) सिमा कचा कया हयाः बुद्धयात दान याना । मन प्रसन्न यानाः लय्ताःगु मनं युक्तम्ह जुयाः सुगतयात, बुद्धयात वन्दना याना ।

३. थनं ग्वी ळ्ळगू कल्पय् गुगु सिमा कचा पूजा (दान) यानागु खः (व कारणं) दुर्गति मस्यू । बुद्धपूजाया थ्व फल (विपाक) खः ।

४. धात्थें हे भगवान् बुद्धयाथाय् जिगु बांलाःगु सम्प्राप्ति जूगु जुल । प्राप्त यानागु त्रिविद्या दुम्ह जुल । जिं बुद्धया शासन चिरस्थायी याना ।

५. जिं दक्ख क्लेशत दहन याना । दक्ख भवत नाश याना । किसि जुजुं थें बन्धनत चफुनाः आश्रवरहितम्ह जुया च्वना ।

अपदान पालि

६. प्यंगू प्रतिसम्भदा, च्यागू विमोक्ष, खुगू अभिज्ञा साक्षात्कार याना: कया ।
बुद्धया शासन चिरस्थायी याना ।

थुगु प्रकारं आयुष्मान नागपल्लवक स्थविरं थुपिं गाथात धया (कना) विज्यात ।

नागपल्लवत्थेरापदान न्यागू कुवचाल ।

४१६. एकदीपियत्थेरापदान

१. लोकनायकम्ह, सुगतम्ह सिद्धार्थ भगवान बुद्ध परिनिर्वाण जूबले (जुड्धुंकाः)
सकल देव मनुष्यपिसं वस्पोल उत्तमम्ह दीपयात पूजा याई ।

२. लोकनायकम्ह सिद्धार्थ भगवान बुद्ध चिताय् द्यःने थ्यंबले (रवतुका तःबले)
(सकस्यां) थःथम्हेसिनं फु कथं शास्ताया चितायात पूजा याई ।

३. जिं नं (उगु) चिताया लिक्कसं मत (छप्वाः) च्याका । जिगु (जिं च्याकागु)
मत सूर्ज उदये जूबले तक नं च्याना च्वन ।

४. जिं बांलाक यानागु उगु कर्मया (ज्या या) कारणं मन प्रसन्न यानागु
कारणं नं मनुष्य शरीर त्वःताः तावतिंस देवलोक्य् (जन्म जू) वना ।

५. अन जिगु लागि निर्माण जूगु विमानयात एकदीपि धकाः धाइगु जुल ।
जिगु विमानये (थासय्) भिद्धः मतत च्याना च्वनीगु जुल ।

६. उदय जूगु सूर्ज थें सदां जिगु शरीर (म्ह) थिना च्वनी । जिगु शरीरयागु
जः नं न्ह्याबलें प्रकाश दया च्वनी ।

७. जिं प्राकारं पिने, शिला पर्वतं पिने, पहाड्य् नं छ्चाःखेरं सच्छिगू योजन
तक जिगु मिखां बांलाक खनेफुगु जुयाच्वन ।

८. जि न्हेन्हय्कः तक देवलोक्य् रमये जुया च्वनाम्ह जुया । जि स्वीछक्वः
तक दिव्य राज्य याना च्वनाम्ह जुया ।

९. जि चय्यसःक्वः तक चक्रवर्ती जुजु जुया च्वना । जिं विशाल प्रदेश कथं
राज्य यानागु ला ल्याखँ अल्याख जुया च्वन ।

अपदान पालि

१०. जि देवलोकं च्युत जुयाः मांयागु क्वखय् जन्म जू वया । मांयागु क्वखय् च्वंचवनाबले नं जिगु मिखा तिमस्यू (मिखा बन्द मजू) ।

११. जन्म जुयाः प्यदँ दुबले अनगारिक प्रवज्या जुया । प्रव्रजित जुयाः बाःछि मदुनिबले हे अर्हत जुया ।

१२. दिव्यचक्षु सफा याना । सकल भवत नाश याना । दक्व क्लेशत चफुनाः छ्वया । छप्वाः मत (दान) पूजा यानागुया थ्व फल जुल ।

१३. पर्वतं पिने, शिला पर्वतं पिने व पहाडय् नं बांलाक छ्चाखेरं खनेगु याना । थ्व छप्वाः मतया (दान यानागुया) थ्व विपाक खः ।

१४. जितः न्ह्याथाय् नं समान जुइ । अन्धकारगु थाय् धैगु जितः म्दु । जिं अन्धकार मखना । जितः ख्युं थाय् दया च्वनी मखु । थ्व छप्वाः मत दान यानागुया फल खः ।

१५. थनं चय्ग्वीगू कल्पय् गुगु मत (दीप) उबले जिं दान याना (पूजा याना) व कारणं गुबलें जिं दुर्गति धैगु मस्यू । थ्व मत (दीप) पूजा यानागुया, दान यागुया फल विपाक खः ।

१६. एकान्तं हे जिगु बुद्धयाथाय् बांलाःगु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

१७. जिं दक्व क्लेशत दहन (नाश) याना । दक्व भवत विनाश (नष्ट) याना । किसि जुजुं थें बन्धनत चफुनाः आश्रवरहितम्ह जुया च्वना ।

१८. प्यंगू प्रतिसम्भिदात, च्यागू विमोक्ष, खुगू अभिज्ञात नं साक्षात्कार (प्राप्त) यानाः च्वना । बुद्धशासन बांलाक (चिरस्थायी) याना ।

थुकथं आयुष्मान एकदीपिय स्थविरं थुपिं गाथात कना विज्याःगु जुल ।

एकदीपियत्थेरापदान खुगू क्वचाल ।

४१७. उच्छङ्गपुप्फियत्थेरापदान

१. जि उबले बन्धुमति नगरय् मालाकार (स्वांमीम्ह) जुया च्वना । स्वां थलय्

अपदान पालि

जायेका: दुने लँपुई वना ।

२. उगु इलय् लोकनायकम्ह भगवान बुद्ध भिक्षुसंघ नापं महानगु आनुभावं युक्तम्ह जुया: (उगु लँपुइ) विज्याना च्वन ।

३. लोक थीकीम्ह, लोकवासीत तरे याइम्ह विपश्वी भगवान बुद्धयात खना: उम्ह बुद्ध श्रेष्ठयात थलं स्वां कया: पूजा याना ।

४. थनं ग्वीछगूगु कल्पय् गुगु स्वां पूजा यानागु ख: (व कारणं) दुर्गति धैगु मस्यु । थ्व बुद्धपूजाया फल ख: ।

५. एकान्तं भगवान बुद्धयाथाय् जिगु भिंगु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी यानाम्ह जुल ।

६. जिं क्लेशत दहन याना । दक्व भवत नष्ट याना । किसि जुजुं थें दक्व बन्धनत चफुना: आश्रवरहितम्ह जुया: वास याना ।

७. प्यंगू प्रतिसम्भिदात, च्यागू विमोक्षत, खुगू अभिज्ञात साक्षात्कार याना । बुद्धशासन बांलाक चिरस्थायी याना ।

थन थुगु प्रकारं आयुष्मान उच्छङ्गपुष्पिय स्थविरं थुपिं गाथात धया विज्या:गु जुल ।

उच्छङ्गपुष्पियत्थेरापदान न्हेगूगु क्वचाल ।

Dhamma.Digital

४१८. यागुदायकत्थेरापदान

१. उबले (जि) जिगु मार्गोपकरण (लँ ज्याभ:) कया: (ज्वना:) छगू गामय् वना । (अन) जायाच्वंगु खुसि खना: संघारामय् (विहारय्) थ्यंक: वना ।

२. आरञ्जक (वनवासी) धुताङ्गधारी, ध्यानी, सिमाह: चीवर पुनीपिं, विवेकी इपिं प्राज्ञपिं (भिक्षुपिं) (उगु) संघारामय् बास याई ।

३. क्लेश बांलाक मुक्त जूपिं, तादि गुण दुपिं, इमिगु (संसार) यात्रा (इमिसं हे) क्व:थले धुंकल । जा:गु खुसि दुगुलिं इपिं (भिक्षुपिं) भिक्षा (पिण्डाचारय्) वनीमखु ।

४. जि प्रसन्नगु मन दुम्ह जुया: भिं मनं युक्तम्ह जुया: (वस्पोलपिंत) ल्हा: विन्ति याना: (नमस्कार वन्दना) यासैं जाकि भचा कया: जिं यागु दयेका:, यागु दान याना ।

५. जि प्रसन्नगु मन दुम्ह जुया हे वस्पोल न्याम्ह (भिक्षुपिंत) थ:गु ल्हा:तं हे यागु दान बिया । लिपा थ:गु हे कर्म रोकयेया:म्ह जुया: (मृत्यु जुया:) जि तावतिस देवलाकय् (जन्म जू) वना ।

६. (जित:) तावतिस देवलोकय् माणिकयागु विमान उत्पन्न जुल । (उगु) उत्तमगु विमानये दिव्य मिस्त सहितं लयताया च्वना ।

७. जिं स्वीस्वक्व: देवलोकय् देवेन्द्र जुया: दिव्य राज्य याना । स्वीक्व: चक्रवर्ती महादानी जुया: राज्य याना ।

८. विशालगु प्रदेशत राज्य यानागु ला ल्याखं अल्याख जुइ । देवलोकय् नं, मनुष्य लोकय् नं यश कीर्ति भोगये याना ।

९. पश्चिम (अन्तिम) गु भवे (जन्मय्) थ्यंबले अनगारिक प्रव्रज्यां प्रव्रजित जुया । जिं छयंयागु सँ चानाबले हे सकतां थुइका: (बोध याना) कया ।

१०. शरीर क्षय (अनित्य) कथं लुमंका: शिक्षापद (शील) ग्रहण याये न्ह्यव: हे अर्हत्वय् थ्यंक: वना ।

११. जिं उत्तमगु दान बांलाक बियागु जुल । व्यापार नं बांलाक यानागु जुल । उगु यागु दानया कारणं हे जि अचलगु (निर्वाण) पदय् थ्यंम्ह जुया च्वना ।

१२. (जित:) उत्पन्न जूगु शोक, व्याकुलता (विलाप), रोग, व्याधि, क्लान्त गति अथवा चित्त दाह आदि जिं मस्यू, थ्व यागु दानया हे फल विपाक ख: ।

१३. अनुत्तरगु पुण्य क्षेत्रय् भिक्षुसंघयात यागु दान बिया: न्यागू आनिशंस (फल) अनुभव (भोग) याना च्वना । अहा ! यागु दान बांलाक यानागु जुल ।

१४. निरोगी भाव, रूपशोभा, याकनं धर्म थुइकेगु व छयलेगु स्वभाव, आहार पान (याउँक) प्राप्त यायेगु व न्यागूगु कथं जि दीर्घायुष प्राप्त यायेगु धैगु थुपिं न्यागू आनिशंसत ख: ।

१५. सुनां मन प्रसन्न याना: (भिक्षु) संघप्रति (थुकथं) यागु दान याइ, व

ज्ञानिम्हेसित थुपिं न्यागू प्रकारया आनिशंसत (फलत) प्राप्त जुई ।

१६. उबले स्वीद्वःगू कल्प न्हापा गुगु दान जिं याना उगु दानया कारणं दुर्गति धैगु मस्यू । थ्व यागु दानया फल विपाक खः ।

१७. एकान्तं भगवान बुद्धयाथाय् जिगु बांलाःगु सम्प्राप्ति जुल । प्राप्त यानागु त्रिविद्या दुम्ह जुल । जिं बांलाक बुद्धशासन चिरस्थायी याना ।

१८. जिं क्लेशत दहन याना । दक्व भवत नष्ट याना । किसि जुजु थें बन्धनत चफुनाः आश्रवरहितम्ह जुया च्वना ।

१९. प्यंगू प्रतिसम्भदात, च्यागू विमोक्षत, खुगू अभिज्ञात साक्षात्कार याना । बुद्धशासन बांलाक चिरस्थायी याना ।

थुकथं आयुष्मान यागुदायक स्थविरं थुपिं गाथात धया (कना) विज्याःगु जुल ।

यागुदायकत्थेरापदान च्यागू क्वचाल ।

४१९. पत्थोदनदायकत्थेरापदान

१. जि न्हापा न्त्याबलें वनये (जंगलय्) ज्यायाइम्ह, वनये हे चाःहिलीम्ह जुया च्वना । अले जि भुतू व जाकि ज्वनाः ज्याय् वना ।

२. जिं अन स्वयम्भूम्ह, अपराजितम्ह सम्बुद्ध वनं भिक्षाया लागिं प्याहाँ विज्यानाच्वंगु खनाः (वस्पोल प्रति) मन प्रसन्न याना ।

३. मेपिनिगु ज्याय् लगेजुया च्वनाम्ह जितः याना तयागु पुण्य नं मद्दु । आः थ्व जा छप्पः दु । थ्व जा मुनिम्ह भगवान बुद्धयात भोजन याके ।

४. अले व जा प्वः ज्वनाः स्वयम्भूम्ह भगवान बुद्धयात जिं दान बिया । जिं स्वया च्वच्चं हे वस्पोल मुनिम्ह भगवान बुद्धं (व भोजन) भपिया विज्यात ।

५. जिं बांलाक यानागु व कर्म (दान) अले मन प्रसन्न यानागु कारणं मनुष्य देह त्वःताः (मृत्यु जुयाः) जि तावतिस देवलोकय् (जन्म जू) वना ।

६. जि स्वीखुक्वः देवेन्द्र जुयाः दिव्य राज्य याना । जि स्वीस्वक्वः चक्रवर्ती जुजु जुया ।

अपदान पालि

७. राज्य यानागु विशालगु प्रदेश राज्यतला ल्याखं अत्याख जुइ । सुखीम्ह, यशस्वीम्ह जुया । थ्व जा प्वः दान यानागुया फल विपाक खः ।

८. भव संसारय् चाःहिला च्वंतले अप्रमाणगु धन प्राप्त याना च्वना । भोग सम्पत्तिइ जितः कमी धैगु मद्दु । थ्व जा प्वः दान यानागुया फल खः ।

९. जितः खुसिइ न्ह्यानाच्चंगु लः धा थें निरन्तरं भोग सम्पत्ति उत्पन्न जुयाच्चनी । (थुलि हे धकाः) प्रमाण याये हे मफु । थ्व जा प्वः दान यानागुया फल खः ।

१०. 'थ्व न, थ्व अनुभव या, थुगु खाताय् द्यँ' आदि कथं धाःगु थें उकिइ जि सुखीम्ह जुयाच्चना । थ्व जा प्वः दान यानागुया फल खः ।

११. थनं ग्वीप्यंगूगु कल्पय् उबले गुगु दान जिं बियागु खः व कारणं दुर्गति धैगु मस्यु । थ्व जा प्वः दान यानागुया फल विपाक खः ।

१२. एकान्तं भगवान बुद्धयाथाय् जिगु भिंगु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी याना ।

१३. जिं क्लेशत दहन याना । दक्व भवत नष्ट याना । किसि जुजुं थें बन्धन चफुनाः आश्रवरहितम्ह जुयाः वास याना ।

१४. प्यंगू प्रतिसम्भिदात, च्यागू विमोक्षत, खुगू अभिज्ञात साक्षात्कार यानाः कया । भगवान बुद्धयागु शासन बांलाक चिरस्थायी ।

थन थुगु प्रकारं आयुष्मान पत्थोदनदायक स्थविरं थुपिं गाथात धया (कना) विज्याःगु जुल ।

पत्थोदनदायकत्थेरापदान गुंगूगु क्वचाल ।

४२०. मञ्जदायकत्थेरापदान

१. लोकनायकम्ह, कारुणिकम्ह सिद्धार्थ भगवान बुद्ध परिनिर्वाण जुया विज्याःबले देव मनुष्यपिसं वस्पोलया धर्म प्रचार-प्रसार यानाच्चंबले ।

२. उबले जि अन मेच आदि दयेकीम्ह चण्डाल (पोडे) जुयाच्चना, वहे ज्यां म्वानाच्चना । वहे ज्यां परिवार लहिना च्वना ।

अपदान पालि

३. जि प्रसन्न जुयाः थःगु हे ल्हाःतं बांलाःगु मेच छगू बांलाक दयेकाः थःहे वनाः व मेच भिक्षुसंघयात दान बिया ।

४. मन प्रसन्न यानाः बांलाक यानागु व सुकर्मया कारणं मनुष्य देह त्वःताः (मृत्यु जुयाः) तावतिसं देवलोकय् (जन्म जू) वना ।

५. देवलोकय् वनाम्ह जि याउँक स्वीम्ह अप्सरापिं नापं (तिदस नगरय्) लय् ताया च्वना । थःम्हेसिनं इच्छा याः कथं महानगु सयनासन (खाता) उत्पन्न जुया वई ।

६. जि न्यय्क्वः देवेन्द्र जुयाः दिव्य राज्य याना । जि चय्क्वः चक्रवर्ती जुजु जुया ।

७. जिं राज्य यानागु विशालगु प्रदेश राज्य ला ल्याखं अल्याख जुइ । जि सुखीम्ह, यशकीर्तिम्ह जुयाच्वना । थ्व खाता दान यानागुया फल खः ।

८. देवलोकं च्युत जुयाः मनुष्य लोकय् जन्म जूवःसां जितः महानगु बांलाःगु खाता हे दयाच्वनी ।

९. थ्व जिगु अन्तिमगु जन्म खः । थ्व अन्तिमगु भव विद्यमान जुयाच्वन । थौतक नं द्यने वले अजाःगु खाता उत्पन्न जुया विइ ।

१०. थनं ग्वीप्यंगूगु कल्पय्, उबले जिं गुगु दान बियागु खः, व कारणं दुर्गति धैगु मस्यू । थ्व खाता दान यानागुया फल खः ।

११. एकान्तं भगवान् बुद्धयाथाय् जिगु बांलाःगु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी याना ।

१२. जिं क्लेशत दहन याना । दक्व भवत नष्ट याना । किसि जुजुंथें बन्धन चफुनाः आश्रवरहितम्ह जुयाः बास याना ।

१३. प्यंगू प्रतिसम्भिदात, च्यागू विमोक्षत, खुगू अभिज्ञात साक्षात्कार याना । बुद्धशासन बांलाक चिरस्थायी याना ।

थन थुगु प्रकारं आयुष्मान मंचदायक स्थविरं थुपिं गाथात धया (कना) बिज्याःगु जुल ।

मञ्चदायकत्येरापदान भिगूगु क्वचाल ।

४३ सकिसम्मज्जकवग्ग

४२१. सकिसम्मज्जकत्थेरापदान

१. विपश्वी भगवान् बुद्धयागु उत्तमगु पाटलि (चक्कंगु) बोधिवृक्ष खनाः व वृक्षप्रति मन प्रसन्न याना ।

२. उबले हे तुफि कयाः व बोधिवृक्ष (छ्छाखेरं) बँ पुना । बँ पुइधुंकाः जिं व चकंगु बोधिवृक्षयात वन्दना याना ।

३. अन मन प्रसन्न यानाः छँयनं निसें विन्ति याना (ल्हाः छँयनये तथाः विन्ति यानाः) व बोधिवृक्षयात नमस्कार (वन्दना) यासें जि अनं वना छ्वया ।

४. उत्तमगु बोधिवृक्ष लुमंकाः जि लँपु सिथं वना च्वना । आः महाबल दुम्ह घोरम्ह रूप दुम्ह अजिंजरं जितः पेलयेयात ।

५. मरणासन्न अवस्थाय् यानागु व कर्म (बोधिपूजा) या विपाकं यानाः जितः सन्तुष्ट याना विल । अजिंजरं जिगु शरीर घुतुका च्वनी । जि देवलोक्य् मन लगेयाना च्वना ।

६. जिगु मन न्थ्याबलें नं निश्चल, शूद्ध व पण्डर जुया च्वनी । जिं शो क-सन्ताप आदि जिगु मनये दु धैगु मस्यू ।

७. कुष्ठ, कै, चासुइगु, अपस्मार, छँयंगू चहिला वनीगु, दाद आदि ल्वय् जिक्के मदु । थ्व बोधिवृक्षय् बँ पुनागुया फल खः ।

८. शोक यायेगु, विलाप यायेगु आदि जिगु मनये मदु । अभ्रान्तगु तप्यंगु मन दयाच्वनीम्ह जुयाच्वनी । थ्व बोधिवृक्षय् बँ पुनागुया फल खः ।

९. जि समाधिइ प्यपुना च्वनीम्ह मजुया । मन छुक्य् छुक्य् समाधिस्थ याये माःगु खः उकिइ समाधिस्थ याये फयेका च्वना । मन न्थ्याबलें प्रष्ट (सफा) जुया च्वनी ।

१०. प्यपुनीथाय् प्यमपुना । द्वेष यायेमाःथाय् द्वेष मयाना । मोहित जुइथाय् मोहित मजुया । थ्व बोधिवृक्षय् बँ पुनागुया फल खः ।

अपदान पालि

११. थनं ग्वीछ्छगूगु कल्पय् उवले गुगु कर्म यानागु खः व कर्मया कारणं दुर्गति मस्यु । थ्व बोधिवृक्षय् वँ पुनागुया फल खः ।

१२. एकान्तं भगवान बुद्धयाथाय् जि भिंगु सम्प्राप्ति जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी याना ।

१३. जिं क्लेशत दहन याना । दक्ख भवत नष्ट याना । किसि जुजुं थें बन्धनत चफुनाः आश्रवरहितम्ह जुयाः वास याना ।

१४. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थुगु प्रकारं सकिसम्मज्जक स्थविरं थुपिं गाथात थन धया विज्यात ।

सकिसम्मज्जकत्थेरापदान छगूगु क्वचाल ।

४२२. एकदुस्सदायकत्थेरापदान

१. (जि) हंसवती नगरय् घाय् हइम्ह (घाय् मियाः म्वाइम्ह) जुया च्वना । वहे घाय् हयाः (मियाः) जीवन हना च्वना । परिवारपिं लहिना च्वना ।

२. सकल धर्म पारंगतम्ह लोकनायकम्ह पदुमुत्तर नांयाम्ह जीन भगवान बुद्ध मोहान्धकार नास यानाः (लोकय् उत्पन्न जुया विज्यात ।

३. उवले जि थःगु हे छय्येय् च्वनाः थथे विचाः याना “लोकय् बुद्ध उत्पन्न जुयाच्वन । जिंके विइगु (दान विइगु) वस्तु मदयाच्वन ।”

४. “थ्व जिगु छगू हे साटक (गा) वस्त्र जक दु । मेगु जितः विइपिं म्दु । नर्कय् वनीगु धैगु दुःख खः । उकिं दक्षिणा (दानया विज) पुसा पियाविइ ।”

५. थुकथं सोचये यानाः थःगु मन प्रसन्न याना । व छगू हे जक वस्त्र ज्वना वनाः बुद्ध श्रेष्ठयात जिं दान बिया ।

६. व छगू हे जक वस्त्र दान बियाः तालि याना । धया- हे महामुनि ! हे वीर ! यदि छलपोल बुद्ध खःसा जितः तरेयाना विज्याहुँ ।

७. लोकविज्जम्ह, लोकयागु पूजा स्वीकारयाना विज्याइम्ह पदुमुत्तर भगवान

बुद्धं जिगु दानया प्रशंसा यासैं अनुमोदन (स्वीकार) नं याना विज्यात ।

८. “थुगु छगू वस्त्र दानया व मन प्रसन्न याःगुया कारणं छगूलाख कल्पतक दुर्गति जन्म काः वनीमखु ।

९. स्वीखुक्वः देवेन्द्र जुयाः दिव्य राज्य याइतिनि । स्वीस्वक्वः चक्रवर्ती जुजु जुयाः राज्य याइतिनि ।

१०. राज्य याइगु विशालगु प्रदेश राज्यतला ल्याखं अल्याख जुइ । अले देवलो कय् जन्म जूसां, मनुष्य लोकय् जन्म जूसां..

११. रूपसम्पन्नम्ह, गुणसम्पन्नम्ह, मेपिसं क्वत्यले (त्याके) मफइगु शरीर दुम्ह व मेपिसं यत्थे याये मफइगु वस्त्र दुम्ह व थःयत्थे वसः प्राप्त यानाकाइम्ह जुई ।”

१२. नायकम्ह, उत्तमम्ह, सम्बुद्धम्ह पदुमुत्तर भगवान बुद्धं थुलि धया विज्यासे धीरम्ह वस्पोल हंसराजथें आकासे थाहाँ विज्यात ।

१३. देवत्वय् वा मुन्यत्वय् गुगु योनिइ जन्म जूवनीगु खः अन जितः भोग सम्पत्तिया कमी मजू । थ्व छगू वस्त्र दान यानागुया फल खः ।

१४. पलाः पलाः पत्तिकं जितः वस्त्र उत्पन्न जुया च्वनी । जि वसः द्यःने च्वनेगु याना । जिगु च्वये नं वस्त्र दया च्वनी ।

१५. यदि जिं थौं नं चाहे जूसा थ्व चक्रवाल शुरु जूगु पहाड, पर्वत आदि दक्वथाय् वसतं त्वपुना विइफु ।

१६. वहे छगू साटिक (गा) वस्त्र दान बियागुया कारणं सकतां भवे (जन्मय्) चाःहिला च्वनावले जि सुवर्णवर्णम्ह जुयाः चाःहिला च्वना (जन्म कया च्वना) ।

१७. वहे छगू साटिक (गा) वस्त्र दानया विपाक आःतक नं भतिचा हे कम मजू । थ्व जिगु अन्तिमगु जाति (जन्म) खः । थ्व जन्मय् नं दः उकिया फल विपाक बियाच्वन ।

१८. थनं छगू लाख कल्प न्हापा उबले गुगु वस्त्र (गा) दान बियागु खः (व कारणं) दुर्गति धैगु मस्यू । थ्व छगू वस्त्र (गा) दान बियागुया फल खः ।

अपदान पालि

१९. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्त याना कयागु त्रिविद्या दुम्ह जुल । जिं बुद्धशासन बांलाक चिरस्थायी याना ।

२०. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

२१. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त याना बुद्धशासन चिरस्थायी याना ।

थन थुगुकथं आयुष्मान एकदुस्सदायक स्थविरं थुपिं गाथात धया विज्याःगु जुल ।

एकदुस्सदायकत्थेरापदान निगूगु क्वचाल ।

४२३. एकासनदायकत्थेरापदान

१. हिमाल पर्वतया लिक्कसं गोसित नांया पर्वतय् बांलाक दयेकातःगु पर्णशाला (हल) व बांलाक दयेका तःगु आश्रम जितः दुगु जुल ।

२. उबले जि नामं नारद जुयाच्चन । तर मनुतय्सं जितः काश्यप धकाः म्हसीकी । निर्वाणया लँपु मामां जि गोसित पर्वतय् बास याना च्वना ।

३. सकल धर्मे पारंगतम्ह, जीनम्ह पदुमुत्तर भगवान् बुद्ध विवेकी सुख ययेकाः आकासं वस्पोल सम्बुद्ध (अन) विज्यात ।

४. वनया सिथसं विज्यानाच्चंम्ह महेसिम्ह वस्पोल बुद्धया रश्मि खनाः सिंया खाता छगू उकिइ द्यःने चित्तुवाय छँयंगू (तन्ना) लाना विया ।

५. आसन लाना वियाः छ्यनये ल्हाः बन्ति यानाः मन प्रसन्न यानाः थुपिं वचनत धया-

६. “हे महावीर ! छलपोल रोगीपिन्त वासः याना विज्याइम्ह वैद्य जुया विज्याइ । हे लोकनायक ! रोगं ग्रस्तम्ह जितः नं वासः विया विज्याहुँ ।

७. हे बुद्धश्रेष्ठ ! हे मुनि ! निर्वाण यःपिं सुनानं छलपोलयात खंकल धाःसा एकान्तं (इपिं) व अर्थ सिद्ध याना काई । इमिगु भव अन्धकार तनावनी ।

८. कुतुंबःगु फल भोजन याइम्ह जिके छलपोलयात विइगु छुंनं मडु । थ्व हे छगू (खाता) आसन दु । थ्व हे सिंयागु खाताय् फ्यतुना विज्याहुं ।

९. भगवान बुद्ध निर्मितम्ह सिंहजुजु थें अन फ्यतुना विज्यात । भतिचा सुंक च्वना विज्यायेवं थुपिं वचनत धया विज्यात ।

१०. विश्वास दुम्ह जुया च्वाँ, मग्ग्याःम्ह जुया च्वाँ, छं ज्योतिरस (माणिक) प्राप्त याना काल । छं छु कामना याःगु खः व भविष्यत् दक्कं सम्पूर्ण (पूर्ण) जुइतिनि ।

११. अनुत्तरगु (उत्तमगु) पुण्यक्षेत्रय् छं याना तःगु ज्या खालि मखु । गुगु मनसाय् (इच्छाय्) मन तथा तःगु खः व अनुसारं थः (भव सागरं) थकाये त छ सक्षमम्ह जुल ।

१२. मन प्रसन्न यानाः गुगु आसन दान याःगु खः व कारणं छ छगू लाख कल्प तक दुर्गतिइ वनीमखु (जन्म काइमखु) ।

१३. छं न्ययक्वः देवेन्द्र जुयाः दिव्य राज्य याइतिनि । छ च्यक्वः चक्रवर्ती जुजु जुइतिनि ।

१४. छं विशाल प्रदेश राज्यत राज्य याइगु ला ल्याखं अल्याख जुइ । न्त्याथाय् नं सुख दयेकाः (सुख पूर्वक) संसारय् चाःहिला च्वनी (जन्म कया च्वनी) (धकाः धया विज्यात) ।

१५. सम्बुद्धम्ह, नायकम्ह, उत्तमम्ह पदुमुत्तर भगवान बुद्ध थुपिं वचनत धया विज्यानाः आकासे हंसराजथे धीरम्ह वस्पोल आकासे थाहाँ विज्यात ।

१६. हस्थियान (किसि वाहन), अश्वयान (सल वाहन) रथसहितगु सन्दमानिक आदि थुपिं दक्कं जिं प्राप्त याना च्वना । थ्व एकासन (छगू आसन) दानया फल खः ।

१७. जि वनये-जंगलय् द्वाहाँ वंसां नं यदि जिं इच्छा यात धाःसा जिगु संकल्प (कामना) सिइकाः जितः खाता (आसन) उत्पन्न जुया विइ ।

१८. जि लँ विचय् वंसां नं यदि जिं इच्छा यात धाःसा जिगु संकल्प (कामना) सिइकाः जितः खाता (आसन) उत्पन्न जुया विइ ।

अपदान पालि

१९. देवत्वय् वा मनुष्यत्वय्, गुगु योनिइ (जातिइ) जन्म का:सां नं आसन (खाता) छगू लाखं न्ह्याबलें जित: चा:हुइका: च्वनी ।

२०. मनू जुया: जन्म का:सां, देवता जुया: जन्म का:सां- क्षत्रीय कुलय् वा ब्राह्मण कुलय् धैगु थ्व निगू कुलय् जक जन्म कया: भव संसारय् चा:हिला च्वनी ।

२१. अनुत्तरगु पुण्यक्षेत्रय् छगू आसन दान बियागुलिं (अन) धर्मरूपी आसन (खाता) प्राप्त याना: अनाश्रवी (आश्रवरहितम्ह) जुया: बास याना च्वना ।

२२. थन छगू लाख कल्पय्, उबले गुगु दान बियागु ख: व कारणं दुर्गति धै गु मस्यु । थ्व (छगू खाता) एकासन दान बियागुया फल ख: ।

२३. एकान्तं भगवान बुद्धयाथाय् जि भिंगु सम्प्राप्ति जुल । प्राप्त यानाकयागु त्रिविद्या दुम्ह जुल । जिं बुद्धशासन बांलाक चिरस्थायी याना ।

२४. जिं क्लेशत दहन याना । दक्व भवत नाश याना । किसि जुजुं थें बन्धनत चफुना: आश्रवरहितम्ह जुया: बास याना ।

२५. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त याना: बुद्धशासन चिरस्थायी याना ।

थुकथं थन आयुष्मान एकासनदायक स्थविर थुपिं गाथात धया बिज्या:गु जुल ।

Dhamma.Digital

एकासनदायकत्थेरापदान स्वंगू क्वचाल ।

४२४. सत्तकदम्बपुण्णियत्थेरापदान

१. हिमाल पर्वतय् लिक्कसं कदम्ब नांयागु पर्वत छगू दु । उगु पर्वत सिथय् न्ह्यम्ह बुद्धपिं बास याना बिज्यानाच्वंगु जुल ।

२. कदम्ब स्वां द्वयाच्वंगु खना: निपा ल्हा:तं स्वां थ्वया कया: पुण्यचित्तं व स्वां च्वय् (वां छुवया) (द्वला) बिया ।

३. मन प्रसन्न याना: बांलाक यानागु व कर्मया कारणं मनुष्य देह त्व:ता: जि

तावतिंस देवलोक्य् जन्म काः वना ।

४. थनं ग्वीप्यंगूग् कल्प्य् उबले गुगु कर्म यानागु खः, व कारणं दुर्गति धैगु मस्यु । थ्व बुद्धपूजाया फल खः ।

५. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्त यानाकयागु त्रिविद्या दुम्ह जुल । जिं बुद्धशासन बांलाक चिरस्थायी याना ।

६. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः वास याना ।

७. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान सप्तकदम्बपुष्पिय स्थविरं थुपिं गाथात धया विज्याःगु जुल ।

सप्तकदम्बपुष्पियत्थेरापदान प्यंगूग् व्वचाल ।

४२५. कोरण्डपुष्पियत्थेरापदान

१. न्हापा जि वनये ज्यायाइम्ह जुयाच्चना । बाः-वाज्याया पालय् निसें हे पशुत स्यानाः जिविका याइम्ह जुयाच्चना । जितः कुशल धैगु मद्दु । (जि भिंज्या माःवना)

२. जिगु आश्रमया लिउने लोक अग्रम्ह (ज्ञां) मिखा दुम्ह तिस्य भगवान बुद्ध स्वंगू पद (अनित्य, दुःख, अनात्म) अनुकम्पा तयाः क्यना विज्यात ।

३. शास्ताम्ह तिस्य भगवान बुद्धयागु उगु स्वंगू पालि चिं खनाः लय् तायाः प्रसन्नगु मनं हे व पालि ख्वाँय् मन लय्तायेका च्वना ।

४. जिं ह्वयाच्चंगु कोरण्ड स्वां खनाः (व स्वां) दं नापं थ्वया कयाः उत्तमगु (श्रेष्ठगु) पालि चिंलय् पूजा याना ।

५. बांलाक यानागु व कुशल कर्मया कारणं, थः मन प्रसन्न यानागु कारणं-मनुष्य देह त्वःताः तावतिंस देवलोक्य् वना (जन्म काः वना) ।

अपदान पालि

६. गुगु योनिइ जन्म जुइ, देवता जुयाः वा मनू जुयाः (जन्म जूसां) जिं व कोरण्ड स्वांया वर्ण दुम्ह जुयाः प्रभा युक्तम्ह (जः दुम्ह) जुई ।

७. थनिं ग्वीनीगूगु कल्पय, उबले गुगु कर्म यानागु खः व कारणं दुर्गति धैगु मस्यू । थ्व श्रीपाद पूजा यानागुया फल खः ।

८. एकान्तं भगवान बुद्धयाथाय् भिंगु सम्प्राप्ति जूगु जुल । प्राप्त यानाकयागु त्रिविद्या दुम्ह जुल । जिं बुद्धशासन बांलाक चिरस्थायी याना ।

९. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

१०. प्यंगू प्रतिसम्भदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुगु प्रकारं आयुष्मान कोरण्डपुप्फिय स्थविरं थुपिं गाथात धया विज्याःगु जुल ।

कोरण्डपुप्फियत्थेरापदान न्यागू क्वचाल ।

४२६. घतमण्डदायकत्थेरापदान

१. (प्यंगू सत्य विषयस) बांलाक विचाःयाना विज्याइम्ह, लोकज्येष्ठम्ह, नरश्रेष्ठम्ह भगवान बुद्ध वाताबोधं (फय्या ल्वचं) पिडित जुयाः महावनय् द्वाहाँ विज्याःगु खनाः मन प्रसन्न यानाः थुगु घ्यः भतिचा दान विया (लः ल्हाना) ।

२. (थुगु पुण्य) यानागु कारणं, (थुगु पुण्य) मुंकागु कारणं थुगु भागिरथी खुसिं नं, प्यंगू समुद्रं नं जितः घ्यः उपलब्ध याना वियाच्चनी ।

३. थ्व घोरगु, अप्रमाणगु, असंख्यय्यगु पृथ्वी नं जिगु (विचाः) संकल्प सिइकाः घ्यः चाकु थें जुई ।

४. प्यंगू महाद्वीपय् च्वंगु थुपिं महावृक्ष, वृक्षत दक्वं जिगु (विचाः) संकल्प सिइकाः कल्पवृक्ष थें जुई ।

५. न्यय्क्वः देवेन्द्र जुयाः दिव्यराज्य यानागु जुल । न्यय्छक्वः चक्रवर्ती जुजु

अपदान पालि

जुयाः पृथ्वी राज्य यानागु जुल । विशालगु प्रदेश राज्यत राज्य यानागुला ल्याखं अल्याख जूगु जुल ।

६. थनिं ग्वीप्यंगूगु कल्पय् उबले गुगु दान बियागु खः व कारणं दुर्गति धैगु मस्यु । थ्व घ्यः भचा दान बियागुया फल खः ।

७. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्त यानागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

८. जिं क्लेशत दहन याना । दक्व भवत नष्ट याना । किसि जुजुं थें बन्धनत चफुनाः आश्रवरहितम्ह जुयाः वास याना ।

९. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त याना कया । बुद्धशासन नं चिरस्थायी याना ।

थन थुगु प्रकारं आयुष्मान् घतमण्डदायक स्थविरं थुपिं गाथात धया विज्याःगु जुल ।

घतमण्डदायकत्थेरापदान खुगूगु क्वचाल ।

४२७. एकधम्मस्सवनियत्थेरापदान

१. सकल धर्मे पारंगतम्ह, जीनम्ह पदुमुत्तर भगवान् बुद्ध प्यंगू सत्य प्रकाश यासें बहुजनपिं (भव संसारं) तरे याना विज्यात ।

२. जि उगु समयस उगु तप दुम्ह जटील (जटा दुम्ह) तपश्वी जुयाच्चना । उबले जि पुलां जूगु चीवर कम्पन यासे आकासं वनेगु याना ।

३. उबले जि बुद्धश्रेष्ठया च्वसं वनेत मफुम्ह जुयाः जि शैल (त्वहंया) पर्वतय् ठक्कर नःम्ह भंगः (पंक्षी) थें यानाः (वनेगु) मजुल ।

४. (न्हापासा) जि लखय् थें (लाल कयाः) आकासं वनेगु याना । जिगु थ्व इरि यापथ (अंग चलन) न्हापा थें मजू ।

५. एकान्तय् थ्व छु जूगु खः धकाः परीक्षा याना स्वया । छुं अर्थ दुगु सिइका कायेफःसा बेस जुइ धकाः स्वसे आकासं क्वाहाँ वयाबले भगवान् बुद्धयागु

सः ताये दत ।

६. उबले मन लगये जुइकथं यइपुसेच्चंगु, नाइसेच्चंगु सलं अनित्यया विषयस बिया च्वंगु उपदेशया सः न्यनाः व सयेका कया ।

७. जिं व अनित्य संज्ञा सयेकाः हे जिगु आश्रमय् ल्याहाँ वना । अन जि फतले (आयु दतले) च्वनाः मृत्यु जुया वना ।

८. अन्तिमगु अवस्थाय् (मरणासन्न इलय्) जिं उगु धर्मश्रवण (यानागु) लुमंका । मन प्रसन्न यानाः बांलाक यानागु व भिं कर्मया कारणं मनुष्य देह त्वःताः (सिनाः) तावतिंस देवलोकय् जन्म काः वना ।

९. जि स्वीद्वः दँ कल्पतक देवलोकय् मन लगे यानाः च्वना । न्यय्छक्वः दिव्य राज्य याना ।

१०. जि स्वीद्वक्वः चक्रवर्ती जुजु जुयाः राज्य याना । विशाल प्रदेश राज्य यानागुला ल्याखं अल्याख जूगु जुल ।

११. जिं भवाभवे (संसारय्) चाःहिला च्वंतले सुखीम्ह जुयाः थःगु पुण्य (फल) अनुभव याना । अथे हे भवाभवे (संसारय्) चाःहिला च्वंतले व सर्वज्ञया संज्ञा (अनित्य सः) लुमंका च्वना । अच्युत पद निर्वाण प्रतिवेध (बोध) मयाःतले व लुमंका च्वना ।

१२. बौया छय्यैय् च्वनाः भाविता यानाः गुगु इन्द्रियत दुगुलिं व श्रमणं (भगवान बुद्धं) धर्मदेशना याना विज्यासै अनित्य विषयस कना विज्याई । (गथे कि...)

१३. “एकान्तं सकल संस्कार (धर्म) त अनित्य खः । उत्पति व विनाशया धर्मता युक्तगु खः, गुगु उत्पन्न जुइगु खः व विनाश (निरोध) जुया वनीगु जुई । अजाःगु संस्कारं उपशान्त (मुक्त) जुइगु हे सुख खः ।” धकाः खः ।

१४. उगु गाथा (श्लोक) न्यनाबले हे न्हापायागु (धर्मश्रवणया) संज्ञा लुमंका । अले छगू हे आसनये च्वनाः (उबले हे) अर्हत भावय् थ्यंकः वना ।

१५. जन्म जुयाः न्हेदँ दुबले हे अर्हत भावे थ्यंकः वना (अर्हत जुया) । भगवान बुद्धं जितः (लिपा) भिक्षु उपसम्पदा याना विज्यात । थ्व धर्मश्रवण यानागुया फल खः ।

अपदान पालि

१६. थन छगूलाख कल्प न्हापा गुगु धर्मश्रवण उबले यानागु खः व कारणं दुर्गति धैगु मस्यू । थ्व धर्मश्रवणया हे फल खः ।

१७. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्त यानाकयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

१८. जिं क्लेशत दहन याना । दक्व भवत विनाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

१९. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान् एकधम्मस्सवनिज्ज स्थविरं थुपिं गाथात धया विज्याःगु जुल ।

एकधम्मस्सवनिज्जत्थेरापदान न्हेगूगु क्वचाल ।

४२८. सुचिन्तितत्थेरापदान

१. उबले जि हंसवति नगरय् बुँज्याइम्ह जुयाच्चन । कृषिकर्म यानाः म्वाइम्ह जुयाच्चन । उकिं हे परिवारपिं लहिनाच्चंम्ह जुयाच्चन ।

२. उबले बुं बांलाक बाली ब्यू । जितः वा आदि नं फल ब्यू । अले वा लइगु ई थ्यंकः वल कि जिं थथे विचाः यायेगु याना ।

३. यदि जिथें जाः म्हेसिनं न्हापांगु वा (जाकि) भिक्षुसंघयात (दान) मव्युसे नये गु यात धाःसा व ल्वःगु ज्या जुइ मखु, मिलेजूगु (उचितगु) ज्या जुइमखु ।

४. वस्पोल स्त्रीनिगू सुलक्षणं युक्तम्ह, असमानम्ह (मेपिनापं समान याये मफुम्ह) भगवान् बुद्ध खः । अले वस्पोल पाखें प्रभावित जुया विज्याःपिं अनुत्तरगु पुण्यक्षेत्र जुयाविज्याःपिं भिक्षुसंघ खः ।

५. जिं न्हापां संघयात न्हूगु जाकि (वा) या भोजन दान विई । जिं थुकथं विचाः (इच्छा) यानाः प्रसन्न जुयाः प्रफुल्ल जूगु मन नं दुम्ह जुयाच्चना ।

६. अले बुँइ नं वा ज्वना वया: भगवान बुद्धयाथाय् थ्यंक: वया । नरश्रेष्ठम्ह, लोकश्रेष्ठम्ह भगवान बुद्धयाथाय् थ्यने धुंका: वस्पोल शास्ताया श्रीपाद (तुती) वन्दना याना: थुगु वचन धया-

७. “न्हूगु जाकि (वा) नं दत । हे मुनि ! दक्षिणायोग्यम्ह छलपोल नं थन बिज्यानाच्चंगु दु । हे ज्ञानया मिखा दुम्ह बुद्ध ! (जित:) अनुकम्पा तया बिज्याना: (थ्व) स्वीकार याना बिज्याहुँ ।”

८. लोकविज्ञम्ह पदुमुत्तर भगवान बुद्धं जिगु (पूजा) दान ग्रहण याना बिज्यासे जिगु संकल्प (इच्छा) सिइका बिज्याना: थ्व वचन धया बिज्यात ।

९. “प्यंगू मार्ग व प्यंगू फल धका: च्यागू प्रकारया तप्यंगु लँपुइ बिज्या:पिं शील-समाधि-प्रज्ञा समाहितपिं थुपिं संघ ख: ।,

१०. पुण्य मा:पिं (इच्छा याइपिं) मनूतयसं भव-भोग सम्पत्ति हया बिइगु पुण्य कर्म यासे दान धर्म याइपिं मनूतयसं संघयात ब्यूगु दान महान फलं युक्त जुई ।

११. अजा:पिं संघयात पूजा यायेमा:गु न्हूगु वा (जाकि) अथे हे यक्व मेमेगु वस्तुत नं संघप्रति भिक्षुपिं थ:गु छ्येँस बिज्याका: (थ:म्हेसिनं हे) छ्येँय् छुं तयार यानागु दुसा व चिजत भिक्षुसंघयात दान बिइगु बेश जुई ।

१२. जिं नं संघप्रति भिक्षुपिं छ्येँस बिज्याका: छ्येँस जिं हे तयार याना तयागु वस्तुत भिक्षुसंघयात दान बिया ।

१३. बांलाक यानागु उगु कुशल कर्मया कारणं, अले मन प्रसन्न यानागु कारणं (लिपा) मनुष्य देह त्व:ता: (सिना वना:) तावतिसं देवलोक्य् (जन्म का:) वना ।

१४. अनं (व देवलोक्य्) जित: दयेका त:गु (निर्मित) विमान सुवर्ण वर्णयागु जुल । प्रभा (ज:) सम्पन्नगु जुल । (व विमान) ख्वीगु योजन तजा:गु जुल । स्वीगु योजन तब्यागु जुल ।

(नीछगूगु भाणवार ख:)

१५. जिगु व भवन दिव्य स्त्री समूहं जायाच्चंगु जुल । जिं अन नया: त्वना: च्वना: न्ह्याइपुक बास याना ।

अपदान पालि

१६. जिं स्वसःक्वः दिव्य राज्य याना । न्यासःक्वः चक्रवर्ती जुजु जुयाः जिं र
ज्य याना । विशालगु प्रदेश राज्यत राज्य यानागुला ल्याखं अल्याख जुल ।

१७. भव संसारय् चाःहिला च्वंतले अप्रमाणगु धन सम्पत्ति प्राप्त यानाच्वना
। भोग सम्पत्तिइ जितः गुबलें नं कमि मजू । थ्व न्हूगु (वा) जाकि दान
यानागुया फल खः ।

१८. किसि-रथ, सल-रथ, सिविका, सन्दमानिक आदि थुपिं रथ विशेष नं
जितः प्राप्त जुयाच्वनी । थ्व न्हूगु वा (जाकि) दान यानागुया फल खः ।

१९. न्हूगु वसःत, न्हूगु फलफूलत, न्हूगु हे साःगु भोजनत नं थुपिं सकतां
प्राप्त जुयाच्वनी । थ्व न्हूगु वा (जाकि) दान यानागुया फल खः ।

२०. अथे हे कोसेय्य, कम्बलियानी, खोम कप्पासिनी आदि नं विशेष वसःत
नं प्राप्त याना च्वना । थ्व नं न्हूगु वा (जाकि) दान यानागुया फल खः ।

२१. दासि समूह (ज्यायाइपिं मिसापिं), दास समूहत (ज्यायाइपिं मिजंपिं),
अलंकारपिं मिस्त नं जितः प्राप्त जुयाच्वनी । थ्व न्हूगु वा (जाकि) दान
यानागुया फल खः ।

२२. जितः चिकु नं मजू । जितः तान्वः नं मजू । जितः उकुस-मुकुस नं मजू
। अथे हे चैतसिक दुःख नं जिगु हृदयलय् (मनये) खनेमदु । (जितः मानसिक
दुःख नं मजू)

२३. थ्व न, थ्व भोग या, थुगु लासाय् चनेगु या धका, धाइगु आदि दक्व
प्रकारया संग्रहत नं प्राप्त याना च्वना । थ्व न्हूगु वा (जाकि) दान यानागुया
फल खः ।

२४. थ्व जिगु अन्तिमगु जन्म खः । आः अन्तिमगु भव दया च्वन । थौं तक
नं उबले बियागु देय्य धर्म (दानया) या फल विपाकं यानाः न्ह्याबलें नं
जितः लय्तायेकी ।

२५. आःतकं उत्तमगु भिक्षुसंघ समूहयात न्हूगु वा (जाकि) दान बियाः उगु
(कुशल) कर्मयात मिले जूगु च्यागू प्रकारया (फल) आनिसंस अनुभव याना
च्वना ।

२६. महाभोगीम्ह (यक्व भोग सम्पत्ति दुम्ह), यश-कीर्ति दुम्ह, शरीर वर्ण दुम्ह

अपदान पालि

जुयाच्चना । न्ह्यावलें विशालगु परिवारजनपिं दुम्ह, छुटे मजूपिं (अविभाजित) जनसमूह दुम्ह नं जुयाच्चना ।

२७. पृथ्वी च्वपिं सकस्यानं जितः माने याः, गौरव सत्कार याः, छुं नं विइगु चिज वस्तुत दुसा व दकले न्हापां जितः हे प्राप्त जुई ।

२८. भिक्षुसंघया विचय् च्वँच्वंसां नं, भगवान बुद्धनापं च्वना च्वंसां न्हापां जितः निं दातापिसं विइगु याई ।

२९. उत्तमगु भिक्षुसंघ समूहयात न्हापांगु न्हूगु शस्य (वा-जाकि) दान विया जिं थुपिं फल- लायेत (प्राप्त) याना च्वना । न्हूगु वा (जाकि) दानया थ्व विपाक खः ।

३०. छगू लाख कल्प न्हापा उबले गुगु दान वियागु खः व कारणं दुर्गति धै गु मस्यू । थ्व न्हूगु वा (जाकि) दानया विपाक खः ।

३१. एकान्तं जिगु भगवान बुद्धयाथाय् भिंगु सम्प्राप्ति जूगु जुल । प्राप्त यानाकयागु स्वंगू विद्यात दुम्ह जुल । जिं बुद्धशासन बांलाक चिरस्थायी यानागु जुल ।

३२. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

३३. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन नं चिरस्थायी याना ।

थन थुगु प्रकारं आयुष्मान सुचिन्तित स्थविरं थुपिं गाथात धया विज्याःगु जुल ।

सुचिन्तितत्थेरापदान च्यागू क्वचाल ।

४२९. सुवण्णकिंकीणीत्थेरापदान

१. श्रद्धां युक्त जुयाः छय्येय् नं प्याहाँ वनाः अनगारिक प्रव्रज्यां प्रव्रजित जुया । तपो कर्मय् अपेक्षितम्ह जुयाः पुलांगु चीवर पुनीम्ह जुयाच्चना ।

२. उगु समयस नरासभम्ह लोक ज्येष्ठम्ह अर्थदर्शी भगवान बुद्ध महाजनपिं तरेयाना विज्यासे थन उत्पन्न जुया विज्यात ।

३. (उबले) जि तसकं विरामी जुया च्वनाम्ह जुया: जिगु (शरीर) शक्ति नं क्षीण (म्हो) जुयाच्चन । उकिं (मनं) वस्पोल बुद्धश्रेष्ठयात लुमंका: फिइ उत्तमगु चैत्य छग: दयेका ।

४. (चैत्य छग:) दयेका: प्रसन्नगु मनं जिं निपा ल्हा:तं सुवर्ण किंकीणी स्वां छपुच: कया: (अन) त्वला विया (पूजा याना) ।

५. भगवान बुद्ध न्ह्य:ने दुबले थें (वस्पोलं खंका:) व चैत्य जिं चा:हिला । तादि गुण युक्तम्ह अर्थदर्शी भगवान बुद्धप्रति यानागु उगु मन प्रसन्न याना ।

६. देवलोक्य वनाम्ह जुया: विपुलगु (यक्व) सुख शान्ति प्राप्त याना च्वना । अन नं सुवर्ण वर्णम्ह जुयाच्चना । थ्व बुद्धपूजा यानागुया फल ख: ।

७. बांलाक समा: याना त:पिं मिस्त (देव कन्यात) चयगू कोटी दु । इमिसं न्ह्याबलें जित: उपस्थान (सेवा) यानाच्चनी । थ्व बुद्धपूजाया फल ख: ।

८. ख्वीद्व: बाजंत, पणवा बाजंत, संखत, देण्डी बाजंत, दुण्दुभि बाजंत आदि अन नाद जुयाच्चनी ।

९. ख्वीदं दुबले दुर्बलम्ह जुया: ला: क्वाहाँ वयेका च्वंपिं मातंङ्ग किसि कुलय् जन्म जूपिं किसित व बांलाक सजयेयाना त:पिं किसित चयप्यद्व: दयाच्चनी ।

१०. सुवर्णमयी जालं युक्तपिं जुया: जित: उपस्थान याना च्वनी । जित: बल सेनातयगु व किसितयगु छुं नं कमी मजू ।

११. जिं सुवर्ण किंकीणी स्वां पूजा यानागुया फल विपाक भोगये यानाच्चना । न्हयच्याक्व: दिव्यराज्य याना ।

१२. जि न्हेछक्व: चक्रवर्ती जुजु जुया: राज्य याना । जिं थुगु पृथ्वील्य् पृथ्वी राज्य नं सच्छक्व: याना ।

१३. व जि आ: वया: अमृतगु असंख्यगु खंकेत थाकुगु निर्वाणय् थ्यंका च्वना । दक्व संयोजनत क्षीण (क्षय) जुइधुंकल । आ (जिगु) पुन:भेद मन्त ।

१४. भिंन्यास:गू कल्पय् गुगु स्वां (पुण्य) रोपन याना (पिना) व कारण दुर्गति

धैगु मस्यू । थ्व बुद्धपूजाया फल खः ।

१५. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्त याना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

१६. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

१७. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान् सुवर्णकिंकीणी (सोवर्णकिङ्कणिय) स्थविरं थुपिं गाथात धया विज्याःगु जुल ।

सुवर्णकिंकीणीत्थेरापदान गुंगू क्वचाल ।

४३०. सोणकोन्तरिकत्थेरापदान

१. मनये ध्यान कथं भाविता यायेमाःगु, आत्म (मन) दमन याइगु, शान्तगु, श्रेष्ठगु, प्रतिपदाय् न्थ्याः वनीगु चित्त शमन (शान्त) याइगुलिं मन लगे जुइगु दक्वं (सकतां) थुइकाः बोध याना काइगु ।

२. तरे जुइ धुंकूगु (प्यंगू) ओघ (लः धाः) दुम्ह, ध्यान याइम्ह, ध्यानये रतम्ह, समाहितगु समाधिइ समाधिष्ठम्ह उत्पलां स्वांया रङ्ग युक्तम्ह सम्मा सम्बुद्ध (जिं- खना) ।

३. (खनाःलि) मेवा दं (अलाबु) नं लः कया हयाः बुद्ध श्रेष्ठयाथाय् वना । अले वस्पोल भगवान् बुद्धयागु श्रीपाद सिलाः जिं व मेवा नं (दान) बिया ।

४. नायकम्ह पदमुत्तर सम्बुद्धं “थुगु मेवा दं नं लः लिक्कयाः जिगु पालि सिथय् ति” धकाः आज्ञा जुया विज्यात ।

५. जिं भगवान् बुद्धयात गौरव युक्त जुसे ‘हवस’ धकाः उत्तर बियाः, मेवा दं नं लः लिक्कयाः बुद्ध श्रेष्ठयाथाय् वना ।

६. महावीरम्ह भगवान् बुद्धं जितः, “थ्व मेवा दं दानया कारणं छंगु इच्छा

अपदान पालि

पूर्ण (समृद्ध) जुडमा धका: जिगु मन शान्त यासे अनुमोदना याना बिज्यात ।

७. जि भिन्त्यागूगु कल्पतक देवलोकय् न्ह्याइपुका च्वना । जि स्वीक्व: तक चक्रवर्ती जुजु जुया ।

८. न्हिनये जूसां चान्हे (बहनी) जूसां चंक्रमण यानाच्वनाबले अथवा दनाच्वनाबले जिगु न्ह्य:ने लुँया दं ज्वना: (सुं) च्वंच्वनी ।

९. भगवान बुद्धयात मेवा दं पूजा (दान) याना: लुँया दं प्राप्त याना च्वना । तादि गुण दुपिं उत्तमपिन्त भतिचा जक यानागु दान पुण्यया फल विपाक त:धं (बल सम्पन्न) जुई ।

१०. थनं छगू लाख कल्प न्हापा उबले गुगु मेवा दं दान वियागु ख: व कारण दुर्गति धैगु मस्यू । थ्व मेवा दं दान यानागुया फल ख: ।

११. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्त यानाकयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

१२. जिं क्लेशत दहन याना । दक्व भवत नाश याना । किसि जुजुं थें बन्धनत चफुना: आश्रवरहितम्ह जुया: वास याना ।

१३. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त याना: बुद्धशासन चिरस्थायी याना ।

थन थुकथं आयुष्मान स्वर्णकोन्तरिक स्थविरं थुपिं गाथात धया बिज्या:गु जुल ।

सोणकोन्तरिकत्थेरापदान भिगूगु क्वचाल ।

सकिसम्मज्जकवर्ग क्वचाल

४४. एकविहारिवर्ग

४३१. एकविहारिकत्थेरापदान

अपदान पालि

१. थुगु भद्र कल्पय् ब्राह्मण कुलय् जन्म जूम्ह महायश दुम्ह, खँ ल्हाइपिं मध्ये श्रेष्ठम्ह, गोत्रं काश्यप नांयाम्ह (भगवान बुद्ध) लोकय् उत्पन्न जुया विज्यात ।
२. (वस्पोल भगवान बुद्ध) प्रपञ्चं (क्लेशं) अलग्ग जुयाच्चन । आलम्वन (आशय) विरहितम्ह जुयाच्चन । (मैत्रीभावं) आकास समानगु मन दुम्ह जुयाच्चन । शून्यता लक्षण (निर्वाण) बहुलम्ह जुयाच्चन । तादि गुण दुम्ह जुयाच्चन । निमित्तरहितम्ह जुयाः निवारणय् लगे जुयाच्चंम्ह जुयाच्चन । मन संयमितम्ह जुयाः वास याना च्वना विज्याःम्ह जुयाच्चन ।
३. आलम्वनये मन प्यमपुंम्ह जुयाच्चन । क्लेशरहितम्ह जुयाच्चन । कुल नापं, गणनापं ल्वापु मजुइम्ह जुयाच्चन । महाकारुणिकम्ह जुयाच्चन । वीरगु मार्ग गति गुण दुम्ह जुयाः दमन उपाय दक्षम्ह जुया विज्याना च्वन ।
४. (वस्पोल भगवान बुद्ध) मेपिनिगु ज्याये लगे जुयाच्चनी । देवलोकसहितगु मनुष्य लोकया जनतय्त निवारणय् वनेगु लँपु स्यना व्युसे बाधा गति मदये का बिया च्वनी ।
५. अतिकं दुःखं युक्तगु (जरा) जीर्ण जुइगु व मृत्यु जुइगु लँपु निवारण यासे लोकजन तरे यायेत महाजन समुदाय विचय् फ्यतुना विज्यासे अमृत गु ...
६. ब्रह्मघोष (उपदेश) याना विज्याइम्ह, नाथम्ह, तथागतम्ह, अनाथपिं दुःखीतपिं अजाःगु महादुःखं उद्धार याना विज्याना च्वनी ।
७. अजाःगु निर्मलगु धर्मदेशना याना विज्याना च्वंम्ह लोकनायकम्ह भगवान बुद्धयात जिं खना । वस्पोलया धर्म (देशना) न्यनाः अनगारिक प्रव्रज्यां प्रव्रजित जुया ।
८. प्रव्रजित जुयाः जीन शासन (भगवान बुद्धया धर्म) विषयसं विचाः यायां उबले जि याकःचा हे जंगलय् संसर्गं पिडितम्ह जुयाः रमये जुयाच्चना ।
९. (थःगु कुल व गणं) भिन्न जूगु मन-शरीर दुम्ह जि संसर्गे नं भय खनीम्ह जुयाः (जन) पाखें नं थःगु मन व शरीर तापाकीम्ह जुयाः निवारणया लागि हे तु (कारण) जुयाच्चंगु लँपु जितः प्राप्त जुल ।
१०. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

११. जिं क्लेशत दहन याना । दक्व भवत नाश याना । किसि जुजुं थें वन्धनत चफुनाः आश्रवरहितम्ह जुयाः वास याना ।

१२. प्यंगू प्रतिसम्भदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान एकविहारिक स्थविरं थुपिं गाथात धया विज्याःगु जुल ।

एकविहारिकत्थेरापदान छगू क्वचाल ।

४३२. एकसङ्खयत्थेरापदान

१. विपश्ची भगवान बुद्धया महाबोधि वृक्ष पूजा जुयाच्वन । महाजनपिं सकले मुनाः उगु उत्तमगु बोधिवृक्ष पूजा यानाच्वन ।

२. “गुम्ह शास्तायागु बोधिवृक्ष थुकथं पूजनीय जुई- अजाःम्ह व्यक्ति सामान्यम्ह जुइमखु थें ताया । वस्पोल बुद्धश्रेष्ठ हे जुई ।

३. अले संख छगः ज्वनाः उगु बोधिसिमाय् थ्यंकः वना । न्हिच्छियंकं व संख पुयाः उत्तमगु बोधिवृक्ष वन्दना (पूजा) याना ।

४. सिइ न्ह्यवः (मृत्यु न्हापा) यानागु थुगु कर्मया कारणं (सिइ धुंकाः) देवलो कय् थ्यंका बिल । जिगु शरीर कुतुं वन, तर जि देवलोकय् न्ह्याइपुका च्वना ।

५. लय्ताःपिं, प्रसन्न जीपिं, सन्तुष्टपिं ख्वीद्वः (तुरियवादकपिं) बाजं थानाः म्ये हालीपिसं न्ह्याबलें जितः उपस्थान याना च्वनी । थ्व बुद्धपूजा यानागुया फल खः ।

६. थनं न्हेछगूगु कल्पय् प्यंगू द्वीप व प्यंगू समुन्द्र अन्त जुइगु पृथ्वीया अधिपतिम्ह जुजुपिं त्याकीम्ह सुदर्शन धाःम्ह (चक्रवर्ती) जम्बुद्वीपया जुजु जुया ।

७. हानं अन नं न्हेगू प्रकारया बाजं नं न्ह्याबलें जितः चाःहुइका च्वनी । थःम्हेसिनं यानागु (भिं) कर्मया (भिं विपाक) भोग यानाच्वना । (बोधिवृक्षयात) उपस्थान (सेवा) यानागुया थ्व फल खः ।

अपदान पालि

८. देवता जुया वा मनुष्य जुयाः जन्म काःसां कोख्य् च्वनेसातं हे जितः न्ह्याबलें बाजंत थानाच्चनीगु जुल । संगीत न्यने दइगु जुल ।

९. भगवान् बुद्धयाथाय् थ्यंकाः (दक्व) सम्पत्ति भोग यानाः (अनं लिपा) अतिकं क्षेमगु, शिवगु, अमृतगु, अचल पदय् (निवारणय्) थ्यंकः वनाम्ह जुया ।

१०. ग्वीच्छगूगु कल्प न्हापा उबले गुगु कर्म यानागु खः व कारणं दुर्गति धैगु मस्यू । थ्व बुद्धपूजाया फल खः ।

११. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

१२. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

१३. प्यंगू प्रतिसम्भदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान् एकसंखिय स्थविरं थुपिं गाथात धया बिज्याःगु जुल ।

एकसंखियत्थेरापदान निगगू क्वचाल ।

४३३. पाटिहीरसञ्जकत्थेरापदान

१. लोकजनपिनिगु पूजा सत्कार ग्रहण याये योग्यम्ह जीनम्ह पदुमुत्तर भगवान् बुद्ध उबले च्वनाच्चं थासं छगू लख भिक्षुपिं नापं नगरय् (शहरय्) द्वाहाँ बिज्यात ।

२. तादि गुणं युक्तम्ह, उपशान्तम्ह वस्पोलया ज्योतिं (जःनं) याना थिनाच्चन । अले उबले हे घोष (मनूतय्गु सः) थ्वल ।

३. नगरय् बिज्यानाः च्वना बिज्याःम्ह भगवान् बुद्धया न्ह्यःने भगवान् बुद्धया आनुभावं यानाः बाजंत थःहे बजे जुयाच्चनी, वीणात नं थःहे बजे जुयाच्चनी ।

४. महामुनिम्ह पदुमुत्तर भगवान् बुद्धयात जिं मखना । अथेसां श्रेष्ठम्ह वस्पो लया प्रातिहार्यत खनाः उकिइ हे मन प्रसन्न याना ।

५. “अहो बुद्ध ! अहो ! अहो शास्ताया सम्पदा ! अचेतनगु (निर्जीवितगु) वाजंत नापं थःहे वजे जुई ।”

६. थनं छगू लाख कल्प न्हापा उवले जि गुगु संज्ञा (भिं चिं) प्राप्त यानागु खः व कारणं दुर्गति धैगु मस्यू । थ्व बुद्ध संज्ञाया फल खः ।

७. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

८. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः वास याना ।

९. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान् पाटिहीरसञ्जक स्थविरं थुपिं गाथात धया विज्याःगु जुल ।

पाटिहीरसञ्जकत्थेरापदान स्वंगू क्वचाल ।

४३४. जाणाथविकत्थेरापदान

१. कणिकार सिमा थें चकनाच्चनीम्ह, प्रदीप वृक्ष थें ज्योतिमय जुयाच्चनीम्ह, लुं थें (स्वर्ण) थिनाच्चनीम्ह द्वीपया उत्तमम्ह भगवान् बुद्धयात जिं खना ।

२. कमण्डल तया च्वनीम्ह, पुलांगु चीवर पुनाच्चनीम्ह, कृण्डि ज्वनाच्चनीम्ह, छँयगूया वसः एकांस यानाः पुनाच्चनीम्ह वस्पोल बुद्धश्रेष्ठयात जिं प्रशंसा याना ।

३. हे महामुनि ! (छलपोलं) मोहजालं व्याप्तगु मोहान्धकार नास यानाः ज्ञानरूपी आलोक (मत) क्यनाः (संसार सागरं) तरे जुया विज्याःम्ह खः ।

४. उकिं थुगु लोक (संसार) अलग याना विज्याहुं । थुगु लोक गनतक खः अनतक हे फैलेजुयाच्चंगु सकतां सहितगु अनुत्तरगु निर्वाणया विषयसं (छःपिं नापं तुलना यायेत) उपमा मदु ।

अपदान पालि

५. हे सर्वज्ञ ! छलपोलयात व ज्ञानं यानाः हे 'बुद्ध' धकाः धाई । हे महावीर ! सकतां विषयस स्यूगु सर्वज्ञतां यानाः सर्वज्ञ ज्ञानयात व अनावरण ज्ञानयात नं वन्दना याये ।

६. थनं छगू लाख कल्प न्हापा जिं श्रेष्ठम्ह बुद्धयात गुगु प्रशंसा यानागु खः, व कारणं दुर्गति धैगु मस्यू । थ्व ज्ञानया प्रशंसाया फल खः ।

७. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

८. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

९. प्यंगू प्रतिसम्भदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान ज्ञाणथविक स्थविरं थुपिं गाथात धया विज्याःगु जुल ।

ज्ञाणथविकथेरापदान प्यंगू क्वचाल ।

४३५. उच्छुखण्डिकथेरापदान

१. उबले जि बन्धुमति नगरया द्वारपाल जुयाच्चना । जिं सकतां धर्मय् पारंगतम्ह निर्मलम्ह भगवान बुद्धयात खना ।

२. प्रसन्नगु मन दुम्ह लय्ताःम्ह जिं तु (उखु) छत्वाः कयाः महर्षीम्ह, श्रेष्ठम्ह विपश्ची भगवान बुद्धयात दान बिया ।

३. थनं ग्वीछगू कल्पय्, उबले गुगु तु दान बियागु खः व कारणं दुर्गति धैगु मस्यू । थ्व तु छत्वाः दान बियागुया फल खः ।

४. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

५. जिं क्लेशत दहन याना । दक्व भवत नाश याना । किसि जुजुं थें बन्धनत

अपदान पालि

चफुनाः आश्रवरहितम्ह जुयाः बास याना ।

६. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान उच्छुखण्डिक स्थविरं थुपिं गाथात धया विज्याःगु जुल ।

उच्छुखण्डिकत्थेरापदान न्यागूगु क्वचाल ।

४३६. कलम्बदायकत्थेरापदान

१. पर्वतया क्वसं रोमस नांयाम्ह सम्यक् सम्बुद्ध बास याना विज्याइ । मन प्रसन्न यानाः थःगु हे ल्हाःतं वस्पोलयात कम्बल दान याना ।

२. थनं ग्वीप्यंगूगु कल्प न्हापा उबले गुगु दान वियागु खः व कारणं दुर्गति धैगु मस्यू ।

३. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

४. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

५. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान कम्बलदायक स्थविरं थुपिं गाथात धया विज्याःगु जुल ।

कलम्बदायकत्थेरापदान खुगूगु क्वचाल ।

४३७. अम्बाटकदायकत्थेरापदान

१. महा जंगलय् स्वयम्भूम्ह, अपराजितम्ह भगवान बुद्ध खनाः अम्बाटक (फल) छगः कया हयाः स्वयम्भूम्ह भगवान बुद्धयात जिं दान विया ।

२. थनं स्वीछगूगु कल्पय् उबले गुगु फल दानयानागु खः व कारणं दुर्गति धै

अपदान पालि

गु मस्यू । थ्व फल दान यानागुया हे फल खः ।

३. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

४. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

५. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान् अम्बाटकदायक स्थविरं थुपिं गाथात धया विज्याःगु जुल ।

अम्बाटकदायकत्थेरापदान न्हेगू क्वचाल ।

४३८. हरीतकदायकत्थेरापदान

१. हल, अम्बः, अं, जामुन, बर्रो, वयर, भल्लातक, वेल आदि फलत जिं थम्हं हे हयाच्चना ।

२. पब्भार (पर्वत) या विवेकी थासय् च्वनाविज्याना च्वंम्ह, ध्यानीम्ह, ध्यानये लगे जुया विज्याना च्वंम्ह, रोगं (आवाधं) पिडित जुयाच्वंम्ह, अद्वितीयम्ह (मे पिंनपं समान याये मफुम्ह), महामुनिम्ह भगवान् बुद्धयात जिं खना ।

३. जिं हरितक फल ग्वः छगः कयाः भगवान् बुद्धयात दान विया । स्वयम्भूम्ह वस्पोलं बास याना विज्याःबले हे व रोग समन जुल । व रोग लन ।

४. लनावंगु शारीरिक पीडा मदुम्ह (रोगं मुक्त जूम्ह) भगवान् बुद्धं अनुमो दना याना विज्यात- “थुगु वासः दान व्यूगु कारणं व रोग लनावंगु कारणं....

५.देवता जूसां, मनू जूसां, मेगु जातिइ जन्म जूसां व दक्व थासय् सुख दुम्ह जुइमा ! छन्त रोग (मवयेमा) मलायेमा ।”

६. थुलि धया विज्यासे स्वयम्भूम्ह, अपराजितम्ह सम्यक् सम्बुद्ध हँय् जुजु थें- धीरम्ह जुया विज्यासे आकासे थाहाँ विज्यात ।

७. गननिसें महर्षिम्ह, स्वयम्भूम्ह भगवान बुद्धयात हरितक फल दान बियागु खः अननिसें थ्व जन्मतक नं जितः रोग उत्पन्न मजू ।

८. थ्व जिगु अन्तिमगु जन्म खः । दक्व भवत चाःहिले धुन, थ्व अन्तिमगु भव खः । स्वंगू विद्या साक्षात्कार यानाः बुद्धशासन चिरस्थायी याना ।

९. थनं ग्वीप्यंगूगु कल्प न्हापा उबले गुगु वासः दान बियागु खः व कारणं दुर्गति धैगु मस्यू । थ्व वासः दानया फल खः ।

१०. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

११. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः वास याना ।

१२. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुकथं आयुष्मान हरीतकदायक स्थविरं थुपिं गाथात धया बिज्याःगु जुल ।

हरीतकदायकत्येरापदान च्यागू क्वचाल ।

४३९. अम्बपिण्डियत्थेरापदान

१. उबले जि जुजुया रथ जुइत योग्यम्ह, च्वय् थाहाँ वनाच्वंगु दारा दुम्ह किसिजुजु जुयाच्वना । जि जंगलय् चाःहिला च्वनाबले लोकनायकम्ह भगवान बुद्धयात खना ।

२. जिं शास्ताम्ह भगवान बुद्धयात अं पिण्ड कयाहयाः भगवान बुद्धयात दान बिया । लोकनायकम्ह महावीरम्ह सिद्धार्थ भगवान बुद्धं व (दान) स्वीकार याना बिज्यात ।

३. उबले जिनम्ह भगवान बुद्धं जिं स्वया च्वँच्वं हे व (अं) भपिया बिज्यात । उकिं हे मन प्रसन्न यानाः अनं तुसित देवलोक्य् जन्म जूवना ।

अपदान पालि

४. अनं नं (देवलोकं) च्यूत जुयाः (थन) चक्रवर्ती जुजु जुया । थुगु प्रकारं हे सम्पत्ति जिं अनुभव याना ...

५. अनं लिपा मेहनत यानाः जिं उपशान्तम्ह जुयाः उपधिरहितम्ह जुयाः दक्व आश्रवत (प्रहाण रूपं) थुइकाः खंकाः आश्रवरहितम्ह जुयाः बास यानाच्चना ।

६. थनिं ग्वीप्यंगूगु कल्पय् उबले गुगु फल दान बियागु खः व कारणं दुर्गति धैगु मस्यू । थ्व फल दानया फल खः ।

७. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

८. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

९. प्यंगू प्रतिसम्भेदात्, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुगु प्रकारं आयुष्मान् अम्बपिण्डिय स्थविरं थुपिं गाथात् धया बिज्याःगु जुल ।

अम्बपिण्डियत्थेरापदान गुंगूगु क्वचाल ।

४४०. जम्बुफलियत्थेरापदान

१. लोकज्येष्ठम्ह, तादिगुणं युक्तम्ह, पिण्डपात भिक्षाय् बिज्याना च्वंम्ह उत्तमम्ह यश-कीर्ति धारण यानाच्चना बिज्याःम्ह पदुमुत्तर भगवान् बुद्धयात्.....

२.जिं (न्हापांगु) अग्र फल (जम्बु) कया हयाः अतिकं प्रसन्नगु मनं दक्षिणा योग्यम्ह, वीरम्ह शास्तायात् दान बिया ।

३. द्वीप उत्तमम्ह, लोकज्येष्ठम्ह, नरासभम्ह हे भगवान् बुद्ध ! जि व भिंगु कर्मया कारणं त्याः-बू त्वःताः (जय-पराजयं अलग्गु) अचलगु स्थानगु (निर्वाणय्) थ्यंकः वनाम्ह जुया ।

४. थनिं छगू लाख कल्प न्हापा उबले गुगु दान यानागु खः व कारणं दुर्गति

धैगु मस्यू । थ्व अग्रगु (जम्बु) फल दान यानागुया फल-विपाक खः ।

५. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

६. जिं क्लेशत दहन याना । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

७. प्यंगू प्रतिसम्भिदात, च्यागू विमोक्षत, खुगू अभिज्ञात प्राप्त यानाः बुद्धशासन चिरस्थायी याना ।

थन थुगु प्रकारं आयुष्मान् जम्बुफलिय स्थविरं थुपिं गाथात धया विज्याःगु जुल ।

जम्बुफलियत्थेरापदान भिगूगु क्वचाल ।

एकविहारिवर्ग क्वचाल

४५. विभीतकवग्ग

४४१. विभीतकमिञ्जियत्थेरापदान

१. सकतां धर्मय् पारंगतम्ह, महावीरम्ह ककुसन्ध भगवान् बुद्ध समूह पाखें अलग्ग जुयाः वस्पोल याकःचा हे (जंगलय्) विज्यात ।

२. उबले जिं फल ग्वः कयाः लताय् (खिपलय्) मुना च्वना । भगवान् बुद्ध उगु इलय् पर्वतय् सं ध्यानये च्वना विज्याना च्वन ।

३. देवातिदेवम्ह (देवतापिनिनं देवता जुया विज्याःम्ह), दक्षिणा योग्यम्ह, वीरम्ह भगवान् बुद्धयात खनाः जिं प्रसन्नगु मनं व मुनागु फल ग्वःत दान बिया ।

४. थुगु कल्पय् हे उबले यानागु गुगु फल दान खः व कारणं दुर्गति धैगु मस्यू । थ्व फल ग्वः दानया फल खः ।

५. जिगु क्लेश दहन जूगु जुल । दक्व भवत नाश यानाम्ह जुल । किसि जुजुं थें बन्धनत चफुनाः आश्रवरहितम्ह जुया च्वना ।

अपदान पालि

६. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।
थन थुगु प्रकारं आयुष्मान विभितकमिञ्जिय स्थविरं थुपिं गाथात धया विज्याःगु जुल ।

विभीतकमिञ्जियत्थेरापदान छगूगु क्वचाल ।

४४२. कोलदायकत्थेरापदान

१. उबले जि चित्तुवाया छयँगूया वसः पुना च्वनाम्ह जुयाः, पुलांगु भार धारण याइम्ह जुयाः आश्रमय् 'कोल' फल ज्वनाः वया ।

२. उगु हे समयस छम्ह अद्वितीयम्ह, श्रेष्ठ व्यक्तिम्ह सिखी भगवान् बुद्ध लो कय् प्रकट जूगु जुल । स्वंगू काल हे सीका विज्याःम्ह वस्पोल जिगु आश्रमय् विज्यात ।

३. जिं वस्पोल भगवान् बुद्धयात मन प्रसन्न यानाः निपा ल्हाः विन्ति यानाः वन्दना यानाः निपा ल्हाःतं हे 'कोल' फल भगवान् बुद्धयात जिं दान विया ।

४. थनिं स्वीछगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व कोल फल दानया विपाक खः ।

५. जिगु क्लेशत दहन यानागु जुल । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः वास याना ।

६. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु त्रिविद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान कोलदायक स्थविरं थुपिं गाथात धया विज्याःगु जुल ।

कोलदायकत्थेरापदान निगूगु क्वचाल ।

४४३. विल्लफलियत्थेरापदान

अपदान पालि

१. जिं चन्द्रभागा खुसि सिथय् बेलि-सिमातय्सं आकिर्णगु विविधगु वृक्षतय्सं सेवन याना च्वंगु आश्रम छगू बांलाक दयेका ।

२. (वास्ना) नस्वाःगु बेलि फल खनाः श्रेष्ठम्ह भगवान बुद्ध मनं लुमंका । सन्तुष्ट जुयाः भरे जूगु (संवेगी) मन दुम्ह जुयाः थल जायेका....

३. ककुसन्ध भगवान बुद्धयाथाय् वनाः जिं पुण्यक्षेत्रम्ह वीरम्ह वस्पोलयात प्रसन्नगु मनं पाकेजूगु (उगु) बेलि फल दान विया ।

४. गुगु हे कल्पय् उबले गुगु फल दान वियागु खः व कारणं दुर्गति धैगु मस्यु । थ्व फल दानया विपाक खः ।

५. जिगु क्लेशत दहन यानागु जुल । दक्व भवत नाश याना । किसि जुजुं थें बन्धनत चफुनाः आश्रवरहितम्ह जुयाः बास याना ।

६. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान विल्लफलीय स्थविरं थुपिं गाथात धया विज्याःगु जुल ।

विल्लफलयत्थेरापदान स्वंगूगु क्वचाल ।

४४४. भल्लातकदायकत्थेरापदान

१. उत्तमगु स्वीनिता लक्षणं युक्तम्ह, सुवर्ण वर्णम्ह भगवान बुद्ध वनया च्वसं सःगु साल सिमा थें विज्याना च्वंगु (बुद्ध) खना ।

२. जिं घाँय् लासा लायाः श्रेष्ठम्ह बुद्धयात आयाचना याना (गथे धाःसा) “ हे भगवान बुद्ध ! जितः अनुकम्पा तया विज्याहुँ, जिं भिक्षा दान विइत इच्छा याना च्वना ।”

३. अनुकम्पा तया विज्याइम्ह, महायशस्वीम्ह; कारुणिकम्ह अर्थदर्शी भगवान बुद्ध जिगु (बिचाः) संकल्पना सिइका विज्यासे जिगु आश्रमय् क्वाहाँ विज्यात ।

४. (आकासं) क्वाहाँ विज्यानाः वस्पोल भगवान बुद्ध (जिं) लाना तयागु घाँय्

अपदान पालि

या आसनये फयत्तुना विज्यात जिं भल्लातक कया हयाः श्रेष्ठम्ह वस्पोल बुद्धयात दान विया ।

५. जिं स्वया च्चच्चं हे (जिगु न्त्यःने हे) जिनम्ह बुद्धं उबले हे व (फल) भपिया विज्यात । अन हे (उकि हे) मन प्रसन्न यानाः उबले हे जिनम्ह बुद्धयात वन्दना याना ।

६. भिंच्यासःगू कल्पय् उबले गुगु फल दान वियागु खः व कारणं दुर्गति धै गु मस्यू । थ्व फल दानया विपाक खः ।

७. जिगु क्लेशत दहन यानागु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः वास याना ।

८. एकान्तं भगवान् बुद्धयाथाय् जिगु भिंंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान् भल्लातकदायक स्थविरं थुपिं गाथात धया विज्याःगु जुल ।

भल्लातकदायकत्थेरापदान प्यंगू क्वचाल ।

४४५. उत्तलिपुप्फियत्थेरापदान

१. बांलाक कयाच्चंगु हा व दं दुगु, बांलाक सया च्वंगु व सिमा छम्हं वाउँसे च्वनाच्चंगु निग्रोध वृक्ष बोधि (सिमा) या क्वसं उत्तालि स्वां कया हयाः पूजा याना ।

२. थुगु हे कल्पय् उबले गुगु स्वां पूजा यानागु खः व कारणं दुर्गति धैगु मस्यू । थ्व बोधि पूजाया फल खः ।

३. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः वास याना ।

४. एकान्तं भगवान् बुद्धयाथाय् जिगु भिंंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

अपदान पालि

थन थुकथं आयुष्मान उत्तलिपुप्फिय स्थविरं थुपिं गाथात धया विज्याःगु जुल ।

उत्तलिपुप्फियत्थेरापदान न्यागू कुचाल ।

४४६. अम्बाटकियत्थेरापदान

१. मुनिम्ह वेस्सभू भगवान बुद्ध बांलाक त्वयाच्चंगु साल वनये विज्यानाः गिरि दुर्गे (पर्वतया विचय्) विशिष्ट जन्म दुम्ह सिंह जुजु थें फ्यतुना विज्यात ।

२. भिंगु पनं युक्तम्ह जुयाः मन प्रसन्न यानाः महावीरम्ह, पुण्यक्षेत्रम्ह, वस्पो ल भगवान बुद्धयात थःगु ल्हाःतं हे लय्तायाः 'अम्बाटक' फल स्वां पूजा (दान) याना ।

३. थनिं स्वीछगूगु कल्पय् गुगु स्वां (पूजा) यानागु खः, बांलाक पिनागु खः व कारणं दुर्गति धैगु मस्य् । थ्व बुद्धपूजाया फल खः ।

४. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः वास याना ।

५. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान अम्बाटकिय स्थविरं थुपिं गाथात धया विज्याःगु जुल ।

अम्बाटकियत्थेरापदान खुगू कुचाल ।

४४७. सीहासनिकत्थेरापदान

१. सकल सत्वप्राणीप्रति हितैषी जुया विज्याइम्ह पदुमुत्तर भगवान बुद्धयात सुमनम्ह जुयाः प्रसन्नगु मनं जिं- सिंहासन छगू दान बिया ।

२. देवलोकय् अथवा मनुष्य लोकय्, गन गन वास यानाम्ह जुया अन अन जितः विशालगु विमान (रथ) प्राप्त यानाम्ह जुया च्वनी, थ्व सिंहासन दानया

फल खः ।

३. स्वर्णिमयागु (लुँया) चन्द्रयागु (वहःया) पद्मराग माणिकयागु माणिक्यमयगु पल्लंकत (आसनत) जितः न्ह्याबलें उत्पन्न जुयाच्चनी ।

४. पदमुत्तर भगवान बुद्धया बोधिलय् आसन छगू दयेका बियाः उच्चगु कुलय् जन्म जुया । धर्मयागु सुधर्मता अचम्मयागु खः ।

५. थनिं छगू लाख कल्प न्हापा गुगु सिंहासन जिं दान यानागु खः व कारण दुर्गति धैगु मस्यू । थ्व सिंहासन दानया फल खः ।

६. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

७. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुगु प्रकारं आयुष्मान सिंहासनिक स्थविरं थुपिं गाथात धया बिज्याःगु जुल ।

सीहासनिकत्थेरापदान न्हेगू क्वचाल ।

४४८. पादपीठियत्थेरापदान

१. अग्रम्ह, मुनिम्ह, कारुणिकम्ह सुमेध नांयाम्ह सम्यक्सम्बुद्ध यक्व सत्वप्राणीपिं (भवसंसार) तरेयाना बिज्यासे वस्पोल महानगु यश दुम्ह भगवान बुद्ध महापरिनिर्वाण जुया बिज्यात ।

२. सुमेध भगवान बुद्धया सिंहासन लिक्कसं सुमन दुम्ह जिं प्रसन्नगु मन दुम्ह जुयाः महर्षिम्ह वस्पोलयात तुति तिइकेगु त्वाकः (पिका) छगू दयेका बिया ।

३. सुख हया बिइगु, सुख विपाक बिइगु कुशल कर्म यानाः अजाःगु पुण्य कर्मय् युक्त जूम्ह जुयाः (लिपा) तावतिसं (देवलोकय्) जन्म काः वना ।

४. अजाःगु पुण्य कर्मय् लगये जुया च्वनाम्ह जितः अन (देवलोकय्) बास

अपदान पालि

याना च्वंतले हे जिगु तुति ल्हवने बले सुवर्णमय पीठ (पिका) दया च्वनी ।

५. सुनां भगवान बुद्धयाथाय् धर्मया खँ न्यने दई, वयात व लाभ हे जुई । अतिकं उत्तमगु लाभ जुई । वस्पोल महापरिनिर्वाण जुया बिज्याःसां (वस्पोल प्रति) पुण्य यानाः विपुलगु (तःधंगु) सुख प्राप्त याना काइ ।

६. जिं नं वस्पोल प्रति बांलाक पुण्यकर्म याना । (व) बांलाक योजना यानाः यानागु व्यापार थें जुल । त्वाकः (पिका) दयेका बियाः लुँया त्वाकः जिं प्राप्त याना कया ।

७. छुं ज्यायागु कारणं जिं गुगु दिशाय् वनेगु याना अन लुँया त्वाकलय् हे तुति तयेगु याना । थ्व पुण्यकर्मया (पिका दानया) फल खः ।

८. स्वीद्वः कल्प न्हापा गुगु कर्म उबले यानागु खः व कारणं दुर्गति धैगु मस्यु । थ्व पादपीठ (तुति तयेगु पिका) दान बियागुया फल खः ।

९. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

१०. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान पादपीठिय स्थविरं थुपिं गाथात धया बिज्याःगु जुल ।

Dhamma.Digital

पादपीठियत्थेरापदान च्यागू क्वचाल ।

४४९. वेदिकारकत्थेरापदान

१. पदुमुत्तर भगवान बुद्धया बोधिया (वृक्षया) क्वसं उत्तमगु वेदीका बांलाक दयेका बिया व (ज्या) प्रति मन लय्तायेका च्वना ।

२. अनलिपा ला यानागु मयानागु सामानत यक्व आकासं वयाच्वनी (प्राप्त जुयाच्वनी) थ्व वेदिका दानया फल खः ।

३. निखेरं दयाच्वनीगु युद्धय् नं जिं भयानकगु भय अन्तराय (वाजं) त

खनीमखु । थ्व वेदिका दानया फल खः ।

४. जिगु इच्छा (संकल्प) सिइकाः (थुइकाः) बांलाःगु महर्घगु (थिकेगु) चनेगु (खाता) जितः उत्पन्न जुयाच्चनी । थ्व वेदिका दानया फल खः ।

५. थनिं छगू लाख कल्प न्हापा गुगु वेदिका दयेका बियागु खः व कारणं दुर्गति धैगु मस्यू । थ्व वेदिका दानया फल खः ।

६. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

८. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान वेदिकारक स्थविरं थुपिं गाथात धया बिज्याःगु जुल ।

वेदिकारकत्थेरापदान गंगूगु व्वचाल ।

४५०. बोधिघरियत्थेरापदान

१. तादि गुणं युक्तम्ह, द्वीप उत्तमम्ह, सिद्धार्थ भगवान बुद्धयात सुमनं युक्तम्ह जुयाः लय्ताःगु मनं बोधिघर (बोधिया लागि छयें) दयेका बिया ।

२. जि तुषित देवलोकय् उत्पन्न (जन्म) जुयाः नं रत्न घरे (लुंया छेंय्) बास याना । अन जितः चिकु, ताँन्वः, ख्वाउँ (धैगु जिगु म्हय् स्पर्श जुइ मखु) ताइमखु ।

३. थनिं ख्वीन्यागूगु कल्पय् जि चक्रवर्ती जुजु जुया । अन कासिक धैगु नगर (शहर) विश्वकर्मा निर्माण याना बिल ।

४. (व नगर) भिगू योजन ताःहाकःगु जुल । च्यागू योजन व्या दुगु जुल । उगु शहरय् सिं बल्लि (लता) व चा मदुगु जुल ।

५. (उगु नगरय्) विश्वकर्मा निर्माण याःगु मंगल नांयागु प्रासाद दुगु जुल । व छगू योजन ताःहाकःगु व च्यागू योजन व्यागु जुल ।

अपदान पालि

६. (उकिइ) चयप्यद्वःगु लुँया थां दुगु जुल । लुखात माणिकं युक्तगु जुल ।
च्वय् व क्वय् त्वपुइगु वहःयागु जुल ।

७. (जिगु लागि) सकतां लुं छायेपा (दयेका) तःगु छैय् छखा विश्वकर्मा
निर्माण याना विल । जि उगु छयैय् च्वनेगु याना । छयै दान यानागुया थ्व
फल खः ।

८. देव भवय् व मनुष्य भवय् व सकतां भोग यानाः थौं अनुत्तरगु शान्तिगु
- निर्वाणय् थ्यंकः वनाम्ह जुयाच्वना ।

९. थनिं ग्वीप्यंगूगु कल्पय् 'बोधिघर' (बोधिवृक्षया छयै) दयेका बियागु कारणं
दुर्गति धैगु मस्यू । थ्व छयै दान यानागुया फल खः ।

१०. जिगु क्लेशत दहन जूगु जुल । दक्व भवत नाश जूगु जुल । किसि जुजुं
थें बन्धनत चफुनाः आश्रवरहितम्ह जुयाः वास याना ।

११. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु
जुल ।

थन थुकथं आयुष्मान् बोधिघरिय स्थविरं थुपिं गाथात धया बिज्याःगु जुल ।

बोधिघरियत्येरापदान भिगूगु क्वचाल ।

विभीतकवर्ग क्वचाल

Dhamma.Digital

४६. जगतिदायकवर्ग

४५१. जगतिदायकत्थेरापदान

१. जिं धम्मदर्शी भगवान् बुद्धया उत्तमगु बोधि (वृक्ष) मूलय् सुमनम्ह जुयाः
लय्ताःगु मनं जगति दयेका बिया ।

२. जिं पहाडया च्वसं (ह्वतं) अथवा सिमाया च्वसं कुतुवंसां कुतुवनीबले
ग्वाहालि (आराम) भोग याना च्वना । थ्व जगत (मूल दयेका बियागुया)
दानया फल खः ।

अपदान पालि

३. खुँतयसं जिगु सामानत (वस्तुत) खुया यंकीमखु । जुजुपिसं हेपये याइमखु । सकल मित्रापिं (पासापिं) सिवे न्ह्यःने वना च्वना । थ्व बोधिमूल दयेका बियागुया फल खः ।

४. दिव्य वा मनुष्य जुयाः गुगु योनिइ जन्म जुई, व दक्व जन्मय् (दक्व थासय्) जि पूजितम्ह जुयाच्वना । थ्व बोधिमूल मिलयेयाना बियागुया फल खः ।

५. भिंच्यासःगू कल्पय् जिं बोधिमूल मिलयेयानाः (जगति दयेका बिया) गु कारणं दुर्गति धैगु मस्यु । थ्व जगति दानया फल खः ।

६. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

७. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान जगतिदायक स्थविरं थुपिं गाथात धया बिज्याःगु जुल ।

जगतिदायकत्थेरापदान छगूगु क्वचाल ।

४५२. मोरहत्थियत्थेरापदान

१. जिं म्हय्खा पा कया हयाः लोकनायकम्ह भगवान बुद्धयाथाय् थ्यंकः वना । सुमनम्ह जुयाः लय्ताःगु मनं जिं उगु पा दान बिया ।

२. थुगु म्हय्खाया पा दानया कारणं नं, मन प्रणीत (शुद्ध) यानागु कारणं नं स्वंगू (प्रकारया) मि (लोभ, द्वेष, मोह) स्यानाः विपुलगु (विशालगु) सुख प्राप्त याना च्वना ।

३. अहो बुद्ध ! अहो धर्म ! अहो जिगु शास्ताया सम्पदा (समपत्ति) !!! जिं म्हय्खा पा दान बियाः नं विपुलगु सुख प्राप्त याना च्वना ।

४. जिगु स्वंगू (प्रकारया) मि सित । दक्व भवत समूल नष्ट जुल । दक्व आश्रवत क्षय जुल । आः हानं पुनर्भव मन्त ।

अपदान पालि

५. थनिं स्वीच्छगूगु कल्पय्, उवले गुगु दान वियागु खः व कारणं दुर्गति धैगु मस्यू । थ्व म्हय्खा पा दानया फल खः ।

६. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

७. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान् मोरहस्ति स्थविरं थुपिं गाथात धया विज्याःगु जुल ।

मोरहत्थयत्थेरापदान निगूगु क्वचाल ।

४५३. सीहासनबीजकत्थेरापदान

१. जिं तिश्य भगवान् बुद्धया बोधिवृक्षयात वन्दना याना । जिं विजनि (पंखा) कया हयाः अन सिंहासनये पंखा (विजनि) तया विया ।

२. थनिं ग्वीनिगूगु कल्पय् गुगु सिंहासनय् पंखा जिं तया वियागु खः व कारणं दुर्गति धैगु मस्यू । थ्व पंखा दानया फल खः ।

३. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुयाः बास याना ।

४. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान् सिंहासनबीजक स्थविरं थुपिं गाथात धया विज्याःगु जुल ।

सीहासनबीजकत्थेरापदान स्वंगूगु क्वचाल ।

४५४. तिउक्काधारकत्थेरापदान

अपदान पालि

१. (जिं) पदुमुत्तर भगवान बुद्धया बोधिया उत्तमगु मूलय् सुमनह् जुयाः लय् ताःगु मनं मत (च्याकीगु थां) तया बिया ।

२. थनिं छगू लाख कल्प न्हापा व जिं गुगु मत (थां) धारण यानागु खः व कारणं दुर्गति धैगु मस्यू । थ्व मत (थां) दान यानागुया फल खः ।

३. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितमह जुयाः बास याना ।

४. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुमह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान तिउक्काधारक स्थविरं थुपिं गाथात धया बिज्याःगु जुल ।

तिउक्काधारकत्थेरापदान प्यंगू क्वचाल ।

४५५. अक्कमनदायकत्थेरापदान

१. च्वनाः क्वचाःगु ब्रह्मचर्या दुमह, ब्राह्मण वंशयाम्ह, मुनिमह दिवा विहरण याना बिज्याना च्वंमह ककुसन्ध भगवान बुद्धयात जिं तुति तयेगु आसन छगू दान बिया ।

२. थुगु हे कल्पय् उबले गुगु दान जिं बियागु खः व कारणं दुर्गति धैगु मस्यू । थ्व तुति तयेगु आसन दानया फल खः ।

३. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितमह जुयाः बास याना ।

४. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुमह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान अर्कमनदायक स्थविरं थुपिं गाथात धया बिज्याःगु जुल ।

४५६. वनकोरण्डियत्थेरापदान

१. लोकय् ज्येष्ठम्ह, तादिगुणं युक्तम्ह सिद्धार्थ भगवान बुद्धयात जिं वनकोरण्ड (स्वां) कया हया: वस्पोल बुद्धयात पूजा याना ।

२. थनिं ग्वीप्यंगूगु कल्पय् गुगु स्वां पूजा यानागु ख: व कारणं दुर्गति धैगु मस्यू । थ्व बुद्धपूजाया फल ख: ।

३. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुना: आश्रवरहितम्ह जुया: बास याना ।

४. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान वनकोरण्ड स्थविरं थुपिं गाथात धया विज्या:गु जुल ।

वनकोरण्डियत्थेरापदान खुगू कुवचाल ।

४५७. एकछत्तियत्थेरापदान

१. थ्व पृथ्वी ह्यंग्वा: सहितगु जुयाच्चन । थ्व पृथ्वी हे क्वा:गु खरानी सहितगु जुयाच्चन । पदुमुत्तर भगवान बुद्ध नं पिने आकासय् चंक्रमण यानाच्चना विज्यात ।

२. तुयुगु कुसा कया: जि लँय् वनाच्चना । अन सम्यक् सम्बुद्धयात खना: जित: प्रीति उत्पन्न जुल ।

३. थ्व भूमि ज:या द्य: (किरण) मुनाच्चंगु थें जुयाच्चन । अथे हे थ्व भूमि ह्यंग्वा: थें थिनाच्चन । थ्व शरीरय् आयु घटये जुइगु (सुइगु) त:धंगु फय् नं वयाच्चन ।

अपदान पालि

४. ख्वाउँगु, क्वाःगु नाश याइगु (पनीगु) फय् व निभाः नं पनीगु थ्व कुसा स्वीकार याना बिज्याहुँ, जिं (व कारणं) निर्वाण प्राप्तयाना काये धकाः कुसा दान बिया ।

५. महान ऋद्धिम्ह, कारुणिकम्ह पदुमुत्तर भगवान बुद्धं जिं प्रीति अनुकम्पा तथा बिज्यासे जिगु संकल्प सिद्धकाः जीनम्ह वस्पोलं व कुसा स्वीकार याना बिज्यात ।

६. स्वीगू कल्प तक देव इन्द्र जुयाः दिव्यराज्य याना । न्यासःक्वःतक चक्रवर्ती जुजु जुया ।

७. राज्य यानागु विशालगु प्रदेश राज्यत ला ल्याखं अल्याख हे जुइ । न्हापा यानागु बांलाःगु सुकर्म यानाः उकिया सुख विपाक भोग यानाच्वना ।

८. थ्व जि अन्तिमगु जन्म (जाति) खः । दक्व भवत चाःहिले धुन । थौँतक नं न्ह्यावलें जितः तुयुगु कुसां कुइका च्वनी ।

९. थनिं छगू लख कल्प न्हापा उवले गुगु कुसा दान बियागु खः व कारणं दुर्गति धैगु मस्यू । थ्व कुसा दानया फल खः ।

१०. जिगु क्लेशत दहन जूगु जुल । दक्व भवत नाश जूगु जुल । किसि जुजुं थें बन्धनत चफुनाः आश्रवरहितम्ह जुया बास याना ।

११. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान एकछत्रिय स्थविरं थुपिं गाथात धया बिज्याःगु जुल ।

एकछत्रियत्थेरापदान न्हेगू क्वचाल ।

४५८. जातिपुप्फियत्थेरापदान

१. महायशश्वीम्ह पदुमुत्तर भगवान बुद्ध महापरिनिर्वाण जुया बिज्यासेलि छ्यनय् छुइगु स्वांया माला दयेकाः वस्पोलया (शरीरय्) म्हय् पूजा याना ।

अपदान पालि

२. जिं अनं (उगु पूजां) मन प्रसन्न याना: निर्माणरति देवलोकय् जन्म का: वना । जि देवलोकय वना: नं उगु पुण्यकर्म लुमंका च्वना ।

३. जित: सदां (न्त्याबलें नं) आकासं स्वांया वर्षा जुयाच्चनी । जि यदि मनुष्य लोकय् जन्म का:सां महा यशश्वीम्ह जुजु जुयाच्चनी ।

४. सर्वदर्शीम्ह भगवान बुद्धयात यानागु उगु स्वां पूजाया आनुभावं अनं (मनुष्यलोकय्) नं जित: स्वां वर्षा जुयाच्चनी ।

५. थ्व जिगु अन्तिमगु (जन्म) ख: । दक्ख भवत चा:हिले धुन । थौतक नं न्त्याबलें जिगु लागिं स्वां वर्षा जुयाच्चनी ।

६. थनिं छगू लख कल्प न्हापा गुगु स्वां (माला) पूजा यानागु ख: व कारणं दुर्गति धैगु मस्यू । थ्व (बुद्ध) देह (म्ह) पूजा यानागुया फल ख: ।

७. जिगु क्लेशत दहन जूगु जुल । दक्ख भवत नाश जूगु जुल । किसि जुजुं थें बन्धनत चफुना: आश्रवरहितम्ह जुया: वास याना ।

८. एकान्तं भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान जातिपुप्फिय स्थविरं थुपिं गाथात धया विज्या:गु जुल ।

जातिपुप्फियत्थेरापदान च्यागू कुचाल ।

Dhamma.Digital

४५९. पट्टिपुप्फियत्थेरापदान

१. (बुद्ध) शरीर (म्ह) (दाहसंस्कारया लागी) यंका च्वंबलय्, सी बाजं थाना च्वंबलय् जिं वस्पोलप्रति मन प्रसन्न याना: लय्ता:गु मन दुम्ह जुया: पट्टि स्वां पूजा याना ।

२. थनिं छगू लख कल्प न्हापा गुगु स्वां पूजा यानागु ख: व कारणं दुर्गति धै गु मस्यू । थ्व (बुद्ध) देह पूजाया फल ख: ।

३. जिगु क्लेशत दहन जूगु जुल । दक्ख भवत नाश जूगु जुल । किसि जुजुं

अपदान पालि

थें बन्धनत चफुनाः आश्रवरहितम्ह जुयाः वास याना ।

४. एकान्तं भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी यानागु जुल ।

थन थुकथं आयुष्मान् पट्टिपुष्फिय स्थविरं थुपिं गाथात धया विज्याःगु जुल ।

पट्टिपुष्फियत्थेरापदान गुंगू क्वचाल ।

४६०. गन्धपूजकत्थेरापदान

१. (दाहसंस्कारया लागि) चिता दयेका च्वंबले, विविधगु नस्वाःगु (सुगन्धित ज्वलंत) मुंकाच्वंबलय् जिं सु-मनम्ह जुयाः मन लय्तायेकाः नस्वाःगु छम्ह पूजा याना ।

२. थनिं छगू लाख कल्प न्हापा गुगु चिता पूजा यानागु खः व कारणं दुर्गति धैगु मस्यू । थ्व चिता पूजाया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान् बुद्धयाथाय् भिंगु सम्प्राप्ति जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थुगु प्रकारं आयुष्मान् गन्धपूजक स्थविरं थुपिं गाथात धया विज्याःगु जुल ।

गन्धपूजकत्थेरापदान भिगू क्वचाल ।

जगतिदायकवर्ग क्वचाल

४७. सालकुसुमियवग

४६१. सालकुसुमियत्थेरापदान

अपदान पालि

१. (जलजुत्तम) पदुमुत्तर नांयाम्ह भगवान बुद्ध महापरिनिर्वाण जुया विज्याःबलय् (वस्पोलया शरीर) चिताय् द्यःने तःबलय् जिं साल स्वां पूजा याना ।

२. थनिं छगू लख कल्प न्हापा गुगु स्वां पूजा यानागु खः व कारणं दुर्गति धै गु मस्यू । थ्व चितक पूजाया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान सालकुसमी स्थविरं थुपिं गाथात धया विज्याःगु जुल ।

सालकुसमियत्थेरापदान छगूगु क्वचाल ।

४६२. चितकपूजकत्थेरापदान

१. ध्यान याना विज्याइम्ह लोकबन्धुम्ह (लोकवासीया ज्ञातिम्ह) सिखी भगवान बुद्धया चितकय् जिं चम्पक स्वां च्याफवः पूजा याना ।

२. थनिं स्वीछगूगु कल्पय् गुगु स्वां पूजा यानागु खः व कारणं दुर्गति धैगु मस्यू । चितक पूजाया थ्व फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुकथं आयुष्मान चितकपूजक स्थविरं थुपिं गाथात धया विज्याःगु जुल ।

चितकपूजकत्थेरापदान निगूगु क्वचाल ।

४६३. चितकनिब्बापकत्थेरापदान

१. महर्षिम्ह वेस्सभू भगवान बुद्धया च्यानाच्चंगु म्हय् नस्वाःगु लः कया हयाः (व च्याये धुंकूगु) चिता स्याना बिया ।
 २. थनिं स्वीछगूगु कल्पय् गुगु चिता मि स्यानागु खः व कारणं दुर्गति धैगु मस्यू । नस्वाःगु लः दानया थ्व फलत खः ।
 ३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।
 ४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुकथं आयुष्मान चितकनिर्वापक स्थविरं थुपिं गाथात धया विज्याःगु जुल ।

चितकनिब्बापकत्थेरापदान स्वंगूगु क्वचाल ।

४६४. सेतुदायकत्थेरापदान

१. चंक्रमण याना विज्याना च्वंम्ह विपश्वी भगवान बुद्धया न्ह्यःनेसं जिं लय् ताःगु मनं प्रसन्न जुयाः सेतु- ताँ (पुल) दयेका बिया ।
 २. थनिं ग्वीछगूगु कल्प न्हापा जिं गुगु सेतु-ताँ (पुल) दयेका बियागु खः व कारणं दुर्गति धैगु मस्यू । थ्व सेतु-ताँ (पुल) दानया फल खः ।
 ३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।
 ४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान सेतुदायक स्थविरं थुपिं गाथात धया विज्याःगु जुल ।

सेतुदायकत्थेरापदान प्यंगूगु क्वचाल ।

४६५. सुमनतालवण्टियत्थेरापदान

१. जिं सिद्धार्थ भगवान् बुद्धयात् सुमन स्वां नं छायेपागु पंखा छगू दान विया । उकिइ जिं महायश धारण यानाच्चना ।

२. थनिं ग्वीप्यंगूगु कल्पय् गुगु पंखा जिं दान यानागु खः व कारणं दुर्गति धै गु मस्यू । थ्व तालयागु पंखा दानया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् सुमनतालवण्टी स्थविरं थुपिं गाथात् धया विज्याःगु जुल ।

सुमनतालवण्टियत्थेरापदान न्यागू क्वचाल ।

४६६. अवटफलियत्थेरापदान

१. अपराजितम्ह स्वयम्भूम्ह सप्तरंसि नांयाम्ह भगवान् बुद्ध विवेकी सुख यःम्ह जुयाः वस्पोल सम्यक् सम्बुद्ध नयेगु मालाः (भिक्षाटन) प्याहाँ विज्यात् ।

२. ल्हाःतय् फल दुम्ह जि वस्पोल भगवान् बुद्धयात् खनाः नरासंभम्ह वस्पो लया लिक्कसं वना । अले लय्ताःगु मनं प्रसन्न जुयाः व अवट फल दान विया ।

३. थनिं ग्वीप्यंगूगु कल्पय् उबले गुगु फल दान वियागु खः व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

अपदान पालि

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान अवटफलदायक स्थविरं थुपिं गाथात धया विज्याःगु जुल ।

अवटफलियत्थेरापदान खुगूगु क्वचाल ।

४६७. लबुजफलदायकत्थेरापदान

१. उबले जि बन्धुमति नगरय् आरामिकम्ह (आरामय् सफा सुघर याइम्ह) जुयाच्चना । उबले जि आकासय् विज्याना च्वंम्ह विरजम्ह (रज रहितम्ह) बुद्धयात खना ।

२. जिं लबुज फल कया हयाः वस्पोल श्रेष्ठम्ह बुद्धयात दान विया । शान्तम्ह महायशश्वीम्ह वस्पोल बुद्ध आकासय् च्वना विज्यासं हे (व फल) स्वीकार याना विज्यात ।

३. जितः सन्तुष्टी हया विइगु थ्व लोकय् हे फल (सुख) हया विइगु फल प्रसन्नगु हे मनं भगवान बुद्धयात विया लि..

४. अतिकं जिं लय्ताया, उत्तमगु सुख नं प्राप्त याना । अनं लिपा गन गन जन्म जुइगु खः अन अन जितः रत्नत उत्पन्न जुया विइ ।

५. थनिं ग्वीछगूगु कल्पय् उबले गुगु फल दान यानागु खः व कारणं दुर्गति धैगु मस्यू । थ्व फल दानया हे विपाक खः ।

६. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

७. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान लबुजफलदायक स्थविरं थुपिं गाथात धया विज्याःगु जुल ।

४६८. पिलक्खफलदायकत्थेरापदान

१. महायशश्वीम्ह अर्थदर्शी भगवान बुद्धयात जंगलया सिथय् खनाः सुमनम्ह जुयाः लय्ताःगु मनं पिलख फल दान बिया ।

२. थनिं भिंंच्यासःगू कल्पय् उवले गुगु फल दान बियागु खः व कारणं दुर्गति धैगु मस्यू । थ्व फल दानया विपाक खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पिलक्खदायक स्थविरं थुपिं गाथात धया विज्याःगु जुल ।

पिलक्खफलदायकत्थेरापदान च्यागू कुवचाल ।

४६९. सयंपटिभानियत्थेरापदान

१. थिनाच्चंगु (ह्वःगु) ककुध सिमाथें च्वंम्ह, देवातिदेव जुया विज्याःम्ह, नरश्रे ष्ठम्ह लय् विज्याना च्वंम्ह (भगवान बुद्धयात) खनाः सुजक प्रभावित जुइमखु !

२. (मोह रूपी) घना अन्धकार नाश यानाः (मदयेकाः) बहुजनपिं (संसारं) तरेयानाः ज्ञानरूपी लोकय् थिना च्वना विज्याःम्ह भगवान बुद्धयात खनाः सुजक प्रभावित जुइमखु ?

३. अर्हत (भिक्षुपिं) छगू लख नापं विज्याना च्वंम्ह, लोकनायकम्ह बहुजनपिं सत्वपिं (संसार) उद्धार याना विज्याना च्वंम्ह भगवान बुद्ध खनाः सुजक प्रभावित जुइमखु ?

अपदान पालि

४. धर्मरूपी बाजं थाना विज्याना च्वंम्ह, तिर्थंकर समूह मर्दन (दमन) याना विज्याना च्वंम्ह, सिंहनाद याना विज्याना च्वंम्ह भगवान बुद्ध खना: सुजक प्रभावित जुइमखु ?

५. गुलितक ब्रह्मलोकं ब्रह्मापिं (देवतापिं नापं) थन वया: सूक्ष्मगु प्रश्न (गम्भिरगु न्त्यस:) न्यना विज्याइ (उकिया लिस:) विया विज्याइम्ह भगवान बुद्ध खना: सुजक प्रभावित जुइमखु ?

६. देवातापिं नापं थ्व लोक वासीतय्सं गुम्ह उत्तमम्ह व्यक्तियात नमस्कार याइ । थ्व कारणं (इमिसं) पुण्य (फल) भोग याई । अजा:म्ह भगवान बुद्ध खना: सुजक प्रभावित जुइमखु ?

७. सकल जनपिं मुना: (जां) मिखा दुम्ह (भगवान बुद्ध) यात आरोप लगये याइ, तर वस्पोल उकिं भतिचा नं कम्पा जुया विज्याइ मखु । अजा:म्ह भगवान बुद्ध खना: सु जक प्रभावित जुइ मखु ?

८. शहरय् दुने (द्वाहाँ) विज्याइवले गुम्हसित यक्व बाजंत थाना: लसकुस याइ, मातये जूपिं किसितय्सं विशेषं नाद (स: पिकाइ) याइ, अजा:म्ह भगवान बुद्ध खना: सुजक प्रभावित जुइमखु ?

९. लँय् विज्याइगु अवस्थाय् न्त्यावलें (शरीरं) सकतां प्रकारया ज: प्याहाँवया: थिनाच्चनिगु ख: । तजा:गु भूमिसं (थासं) पला: तयेवल्य् (भगवान बुद्ध खना:) सुजक प्रभावित जुइमखु ?

११. थनिं छगू लाख कल्प न्हापा गुगु प्रशंसा (थुकथं बुद्धप्रति) यानागु ख: व कारणं दुर्गति धैगु मस्यु । थ्व (बुद्धयात) प्रशंसा यानागुया फल ख: ।

१२. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: वास याना ।

१३. एकान्तं हे जिगु भगवान बुद्धयाथाय् भिंगु सम्प्राप्ति जगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान सयम्पटिभाणिदायक स्थविरं थुपिं गाथात धया विज्या:गु जुल ।

सयंपटिभानियत्थेरापदान गुंगू कुचाल ।

४७०. निमित्तब्याकरणियत्थेरापदान

१. उबले जि हिमाल पर्वत दुने वना: मन्त्र व्वनाच्चना । न्यय्यप्यद्व: (५४,०००) शिष्यपिसं जित: उपस्थान यानाच्चन ।

२. वेद सयेका का:गुलिं वेद स्यूम्ह, खुगू अंग युक्तगु वेदय् पारंगतम्ह, थम्हं हे विद्या उत्पन्न याना: स्थीर जुयाच्चपिं इपिं (ऋषिपिं) हिमालय् बास याई ।

३. महायशश्वीम्ह (बोधिसत्व) देवपुत्र तुषित देवलोकं च्यूत जुया: ज्ञान युक्तम्ह वस्पोल स्मृति युक्त जुया: हे मांयागु कोखय् उत्पन्न जुल ।

४. वस्पोल सम्यक् सम्बुद्ध (थ्व लोकय्) उत्पन्न (जन्म) जूबले भिद्व:गू लोक धातुत नं कम्पा जुल । लोक नायकम्ह वस्पोल उत्पन्न (जन्म) जूबले अन्ध (मिखा कां) पिसं नं मिखा प्राप्त याना काल ।

५. थ्व दक्व पृथ्वी हे सकतां प्रकारं (छगू हे आकारं) कम्पा जुल । व महाघो ष (भूकम्पनया स:) न्यना: (ताया:) महाजनपिं कलवल जुल ।

६. सकल जनपिं मुना: जिथाय् थ्यंक: वल । “थ्व पृथ्वी हे कम्पा जुल, थुकिया छु विपाक जुइ ?”

७. अबले इमित जिं धया ‘छिपिं गयाये म्वा:’, भ्नीत भय मदु, सकलें विश्वास दुपिं जुया: (निश्चिन्त जुया) च्वं, थ्व सुख दइगु उत्पत्ति ख: ।’

८. च्यागू हेतु (कारणं) घट्टन जुया थ्व पृथ्वी कम्पा जुइ । अजा:गु निमित्त (लक्षण) खने दया च्वन । विशालगु आलोक (ज:) (उत्पन्न) जुयाच्चन ।

९. न्यागू प्रकारया मिखा दुम्ह श्रेष्ठम्ह बुद्ध हे जन्म जुया विज्याइ धका: शंखारहितम्ह जुया: इपिं जनपित थुइका बिया । इपिं नं पञ्चशीलय् प्रतिष्ठित याना ।

१०. न्यागू शीलत (पंचशील) व दुर्लभगु बुद्धया जन्म बारे न्यना: इपिं सकलें लय्ता:पिं जुया: सन्तुष्ट नं जुल । वथेंतुं उत्पन्न जूगु संवेग युक्तपिं नं जुल ।

११. थनिं ग्वीनिगूगु कल्पय् गुगु निमित्त (लक्षण) धया बियागु ख: व कारणं

अपदान पालि

दुर्गति धैगु मस्यू । थ्व लक्षण कना वियागुया फल खः ।

१२. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

१३. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान निमित्त व्याकरणी स्थविरं थुपिं गाथात धया विज्याःगु जुल ।

निमित्तव्याकरणियत्थेरापदान भिगूगु क्वचाल ।

सालकुसुमियवर्ग क्वचाल

४८. नलमालिवर्ग

४७१. नलमालियत्थेरापदान

१. लोकवासीयागु पूजा (दान) स्वीकार याना विज्याइम्ह, वनया च्वय्न् (आकासं) विज्याना च्वंम्ह, सुवर्णवर्णम्ह लोकनायकम्ह भगवान सम्यक् सम्बुद्धयात (जिं) खना ।

२. उबले हे (पं) नल स्वां कयाः प्याहाँ वया च्वनाम्ह (जिं) प्यंगू ओघ (लः धाः) तरे जुया विज्याःम्ह आश्रवरहितम्ह सम्बुद्धयात अन खना ।

३. प्रसन्नगु मन दुम्ह जुयाः लय्तायाः व पं स्वां दक्षिणा ग्रहण याये योग्यम्ह, महावीरम्ह सकल लोकयात अनुकम्पकम्ह भगवान बुद्धयात पूजा याना ।

४. थनिं स्वीछगूगु कल्पय् गुगु स्वां पूजा यानागु खः व कारणं दुर्गति धैगु मस्यू । थ्व बुद्धपूजाया फल खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

६. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना

कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
थन थुगु प्रकारं आयुष्मान नलमालि स्थविरं थुपिं गाथात धया विज्याःगु जुल
।

नलमालियत्थेरापदान छगूगु क्वचाल ।

४७२. मणिपूजकत्थेरापदान

१. जिनम्ह, सकतां धर्मय् पारंगतम्ह पदुमुत्तर नांयाम्ह सम्यक् सम्बुद्ध विवे
की सुख ययेका विज्यासे आकासं विज्याना चंबले.... ।

२. हिमाल पर्वतया लिक्कसं तःधंगु, थःहे निर्मित जूगु पुखू छगू दुगु जुल ।
अन (लिक्कसं) पुण्य कर्मया कारणं निर्मित जूगु भवन (छय्येँ) जितः दुगु जुल ।

३. उगु भवनं (छय्येँ नं) प्याहाँ वयाबले (इन्दवर) वँचु पलेस्वां थें थिनाच्चनीम्ह,
च्यानाच्चंगु मि थें लोकनायकम्ह भगवान बुद्धयात जिं खना ।

४. भगवान बुद्धयात पूजा याये धकाः (योग्यगु) स्वां मालाः नं लुयामवः
(मखना) । अले थःगु मन प्रसन्न यानाः जिं शास्तायात वन्दना याना ।

५. जिं थःगु हे छय्यनये च्वंगु मणि (माणिक्य) कयाः “थुगु मणि दानं भिंगु
(बांलाःगु) विपाक (फल) दयेमा” धकाः लोकनायकम्ह भगवान बुद्धयात पूजा
याना ।

६. (लोकवासीपिनिगु) पूजा-दान स्वीकार याना विज्याइम्ह लोकविज्ञम्ह
पदुमुत्तर भगवान बुद्ध आकासे हे च्वना विज्यानाः शास्तां थ्व गाथा धया
विज्यात ।

७. “व छंगु इच्छा (संकल्प) पूर्ण जुइमा । विशालगु सुख प्राप्त जुइमा । थुगु
मणि दान (पूजा) या हेतुं महानगु यश अनुभव (भोग) याये दयेमा ।”

८. जलज उत्तमम्ह पदुमुत्तर भगवान बुद्ध थुलि धया विज्यानाः उम्ह श्रेष्ठम्ह
बुद्ध (प्याहाँ) विज्यात (जिं) गुगु (कामनाय्) मन तयातयागु खः....

९. (व कारणं) ख्वीगू कल्प तक देवेन्द्र जुयाः दिव्य राज्य याना । अथे हे

सच्छिक्वः ला चक्रवर्ती जुजु जुया ।

१०. न्हापायागु (पूर्व) भिं- कर्म लुमंका च्वनाम्ह जितः देवता जूसां जिगु मणि उत्पन्न जुयाः जितः प्रकाशयुक्त याना च्वनी ।

११. जिगु परिवार कथं चय्युद्धः मिस्त विचित्रगु वस्त्राभारं युक्त जुयाः मणिकुण्डल युक्त जुया च्वनी ।

१२. ताःहाकःगु मिखा व मिखा फुसि दुपिं जुयाच्वनी । मुसुमुसु न्हिला च्वनीगु जुयाच्वन । मध्यमगु शरीर दुपिं जुयाच्वनी सा थजाःपिं मिस्तयूसं जितः न्ह्यावलें चाःहुइकाः च्वनी । थ्व मणि पूजा यानागुया फल खः ।

१३. स्वर्णमयगु, माणिक्यमयगु, हिरामयगु बांलाक दयेका तःगु सामानत जिगु लागी दयाच्वनी । अथे हे पुनेगु (तीगु) ज्वलंत नं थः यत्थे दयाच्वनी ।

१४. रम्यगु (न्ह्याइपुसे च्वंगु) कूटागार गुफात नं महर्घगु सयनासनत नं जिगु इच्छा अनुसारं व इच्छा सिइकाः उत्पन्न जुई ।

१५. गुम्ह व्यक्ति, मनुतयगु लागि पुण्यरूपी बुं जुई, सकल प्राणीपिनिगु लागि वासः थें जुई, अजाःम्ह व्यक्ति (बुद्ध) यागु धर्म न्यनेगु इमिगु लागि लाभ जुई, बांलाक प्राप्त यानाः काःगु लाभ हे जुई ।

१६. गजाःम्ह नायक बुद्धयात जिं खनागु खः, अले जिं नं गुगु बांलाःगु ज्या (पुण्य) यानागु खः व कारणं दुर्गति धैगु मस्यू । दुर्गति मवंसे हे अचलगु निर्वाण पदय् थ्यंकः वंम्ह जुया ।

१७. गुगु गुगु योनिइ (जन्मय्) जन्म काः वनीगु खः, देवत्वय् अथवा मनुष्यत्वय् जिगु छ्वाखेरं सप्तरत्न व उकिया जः जितः सदां दयाच्वनी ।

१८. व हे मणि (माणिक्य) पूजाया कारणं सकतां सम्पत्ति अनुभव (भोग) याना (अन्तस) ज्ञानरूपी (आलोक) जः जिं खंका कया । जिं अचल पदगु निर्वाण प्राप्त याना कया ।

१९. थनिं छ्गू लख कल्प न्हापा गुगु मणि पूजा यानागु खः, व कारणं दुर्गति धैगु मस्यू । थ्व मणि पूजाया फल खः ।

२०. जिगु क्लेशत दहन जुल । दक्व भवत नाश जुल । किसिं थें बन्धनत

अपदान पालि

चफुनाः आश्रवरहितम्ह जुयाः बास याना ।

२१. एकान्तं हे जिगु भगवान् बुद्धयाथाय् भिगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुकथं आयुष्मान् मणिपूजक स्थविरं थुपिं गाथात धया बिज्याःगु जुल ।

मणिपूजकत्थेरापदान निगूगु क्वचाल ।

४७३. उक्कासतिकत्थेरापदान

१. उबले मुनिम्ह, ध्यानीम्ह ध्यानये लगये जुया बिज्याइम्ह, विवेकी जुया च्वना बिज्याइम्ह कोशिक नांयाम्ह भगवान् बुद्ध चित्रकूट पर्वतय् बास याना बिज्यात ।

२. जि मिस्त समूहं चाःहुइकाः हिमाल पर्वतय् द्वाहाँ वनावले पुन्हिया चन्द्रमा थें च्वना बिज्याःम्ह कोशिक भगवान् बुद्धयात खना ।

३. उबले जिं उल्का (मत) सच्छिगूलिं वस्पोल चाःहुइकाः च्वना । न्हेन्हुतक चां न्हिं अथे याना च्वनाः च्यान्हु दुखुनु अनं जि प्याहाँ वना ।

४. ध्यानं (समाधिं) दना बिज्याःम्ह, स्वयम्भूम्ह, अपराजितम्ह कोशिक भगवान् बुद्धयात प्रसन्नगु मनं वन्दना यानाः जिं भिक्षा (छगू) दान बिया ।

५. द्वीप-उत्तमम्ह, लोक-ज्येष्ठम्ह, नर-श्रेष्ठम्ह वस्पोल बुद्धयात यानागु (भिक्षा दान) कर्मया कारणं (थनं लिपा) तृपित देवलोकय् जन्मकाः वना । छगू भिक्षा दानया थ्व फल-विपाक खः ।

६. न्हिने नं चान्हे नं न्ह्याबलें जितः जः दयाच्चनी । जिं छ्चाखेरं द्वाःछिगु यो जन तक (थःगु) जः फैले याना (फैले याये फुम्ह जुयाच्च्वना) ।

७. जिं न्ययन्त्यागूगु कल्पय् प्यंगू द्वीपं अन्त जुयाच्चंगु पृथ्वीया अधिपति शत्रुत नाशयाइम्ह जुयाः विजितम्ह जम्बुद्वीपया नायःम्ह (ईश्वरम्ह) चक्रवर्ती जुजु जुया ।

८. उबले जितः थन बांलाक दयेका तःगु स्वीगू योजन व्यागु ताःहाकःगु

नगर दयाच्चन ।

९. विश्वकर्मा दयेका ब्यूगु सोहण नायागु नगर छगू नं दुगु जुयाच्चन । अन भिक्ता प्रकारया शब्दत नाद जुयाच्चनी । बांलाक तालं नं युक्त जुयाच्चन ।

१०. उगु नगरय् फि, सिं, चा धैगु मद्दु । दक्कं सुवर्णमयगु जुयाच्चन । न्ह्यावलें थिनाच्चनी ।

११. उगु नगर प्यंगू प्रकारं घेरे याना तःगु जुल । इपिं दक्कं मणिमयगु जुयाच्चनी । उम्ह विश्वकर्मा मध्य प्रदेशय् पुखू (ताल) नं दयेका तःगु जुल ।

१२. पदुम, उत्पल आदि पलेस्वां तय्सं युक्तगु पुखूत नानाविधगु सुगन्ध युक्तगु पुखूत द्वःछिं मयाक्क अन दयाच्चन ।

१३. थनिं ग्वीप्यंगूगु कल्पय् जिं गुगु उल्का मत धारण यानागु खः व कारणं दुर्गति धैगु मस्यू । थ्व उल्का मत धारणया फल खः ।

१४. जिगु क्लेशत दहन जुल । दक्क भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

१५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान उक्कासतिक स्थविरं थुपिं गाथात धया विज्याःगु जुल ।

Dhamma.Digital

उक्कासतिकत्थेरापदान स्वंगूगु क्वचाल ।

४७४. सुमनबीजनियत्थेरापदान

१. विपश्वी भगवान बुद्धया उत्तमगु बोधिवृक्ष लिक्कसं सुमन स्वांया पंखा ज्वनाः व उत्तमगु बोधिवृक्षयात पंखां गायेका ।

२. थनिं ग्वीछगूगु कल्पय् गुगु बोधिवृक्षयात जिं पंखां गायेकागु खः, थ्व कारणं दुर्गति धैगु मस्यू । थ्व पंखां गायेकाया फल खः ।

३. जिगु क्लेशत दहन जुल । दक्क भवत नाश जुल । किसिं थें बन्धनत

अपदान पालि

चफुनाः आश्रवरहितम्ह जुयाः वास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान सुमनबीजनिय स्थविरं थुपिं गाथात धया विज्याःगु जुल ।

सुमनबीजनियत्थेरापदान प्यंगू कुवचाल ।

४७५. कुम्मासदायकत्थेरापदान

१. भिक्षा विज्याना च्वना विज्याःम्ह महर्षिम्ह विपश्ची भगवान बुद्धया खालिगु पात्र खनाः जिं कुम्मास (दुसि मरी) कयाः जायेका विया ।

२. थनिं ग्वीछगूगु कल्पय् उवले गुगु भिक्षा दान वियागु खः, व कारणं दुर्गति धैगु मस्यू । थ्व दुसि मरी दानया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कुम्मासदायक स्थविरं थुपिं गाथात धया विज्याःगु जुल ।

कुम्मासदायकत्थेरापदान न्यागू कुवचाल ।

४७६. कुसट्ठदायकत्थेरापदान

१. कुवचाःगु ब्रह्मचर्या दुम्ह ब्राह्मण वंशयाम्ह काश्यप भगवान बुद्धयात सुमनम्ह जुयाः प्रसन्नगु मनं जिं च्यागू कुश दान विया ।

२. गुगु कल्पय् जिं च्यागू कुश (जा/घाय्) दान वियागु खः, व कारणं दुर्गति

अपदान पालि

धैगु मस्यू । थ्व च्यागू कुश दानया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कुसट्टदायक स्थविरं थुपिं गाथात धया विज्याःगु जुल ।

कुसट्टदायकत्थेरापदान खुगूगु क्वचाल ।

४७७. गिरिपुन्नागियत्थेरापदान

१. उबले शोभित नांयाम्ह सम्बुद्ध भगवान चित्रकूट पर्वतय् च्वना विज्यात । जिं गिरि पुन्नाग (जंगलय् सइगु फल) कयाः स्वयम्भूम्ह भगवान बुद्धयात पूजा याना ।

२. थनिं ग्वीप्यंगूगु कल्पय् गुम्ह बुद्धयात पूजा यानागु खः, व कारणं दुर्गति धैगु मस्यू । थ्व बुद्धपूजाया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान गिरिपुन्नाग स्थविरं थुपिं गाथात धया विज्याःगु जुल ।

गिरिपुन्नागियत्थेरापदान न्हेगूगु क्वचाल ।

४७८. वल्लिकारफलदायकत्थेरापदान

१. उबले सुमन नांयाम्ह सम्बुद्ध भगवान तक्काराय धैगु राजधानी बास याना विज्यात । जिं स्वयम्भूम्ह वस्पोल भगवान बुद्धयात वल्लिकार फल कयाः

दान विया ।

२. थनिं स्वीळ्ळगूगु कल्पय् गुगु फल उबले दान वियागु खः, व कारणं दुर्गति धैगु मस्यू । थ्व फल दान यानागुया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान वल्लिकारफलदायक स्थविरं थुपिं गाथात धया विज्याःगु जुल ।

वल्लिकारफलदायकत्थेरापदान च्यागूगु क्वचाल ।

४७९. पानधिदायकत्थेरापदान

१. लोकज्येष्ठम्ह, नरासभम्ह (ज्ञानया) मिखा दुम्ह, अनोमदर्शी भगवान बुद्ध दिवा विहार लिपा (न्हिनेया ई धुंकाः) लँय् प्याहाँ विज्यात ।

२. जिं बांलाक दयेका तःगु लाकां छजु कयाः लँय् वया । अन (लँय्) मनोज्ञम्ह स्वये यइपुसे च्वंम्ह सम्बुद्धयात विज्याना च्वंगु खना ।

३. थःगु मन प्रसन्न यानाः लाकां (छजु) पिकानाः (भगवान बुद्धया) पादकमलय् (तुतिसं) तया विया थुगु वचन धयाः (थथे विन्ति याना) ।

४. हे महावीर ! हे विनायक ! हे सुगतेन्द्र ! थ्व लाकां न्ह्याना विज्याहूँ । थुकिं फल प्राप्त याना काये । गुगु फल जिगु अर्थसिद्धया लागि जुई ।

५. लोकज्येष्ठम्ह, नरासभम्ह अनोमदस्सी भगवान बुद्ध उगु लाकां न्ह्याना विज्यानाः थुगु वचन धया विज्यात ।

६. सुनां थ्व लाकां जितः दान विल, प्रसन्नगु मनं थःगु हे ल्हाःतं, व सु धकाः प्रशंसा याये, जिगु खँ बांलाक न्यँ ।

७. भगवान बुद्धयागु सः न्यनाः श्रद्धां युक्तगु मनं प्रसन्न जुयाः ल्हाः निपा विन्ति यानाः सकल देवतापि नं अन (जम्मा जुल) मुं वल ।

अपदान पालि

८. थ्व मनू थ्व लाकां दान ब्यूगुया कारणं सुखीम्ह जुया: न्यय्न्याक्व: देवर
ज जुया: दिव्यराज्य याइतिनि ।

९. द्र:छिक्व: ला चक्रवर्ती जुजु जुया राज्य याइतिनि । विशालगु प्रदेश राज्यत
राज्य याइगु ल्याखं अल्याख जुई ।

१०. थनं अपरिमेय्यगु कल्पय् ओक्काक कुलय् जन्म जुइम्ह नामं गौतम
नांयाम्ह शास्ता, भगवान बुद्ध लोकय् जन्म जुइतिनि ।

११. वस्पोलया धर्मय् दायादम्ह, धर्मं हे दयकूम्ह थें जुइम्ह, औरस बुद्धपुत्र
जुइम्ह (थ्व मनू) दक्व आश्रवत प्रहाण याना: आश्रवरहितम्ह जुया: परिनिर्वाण
जुइतिनि ।

१२. देवलोकय् जन्म जूसां, मनुष्य लोकय् जन्म जूसां पुण्य युक्तम्ह जुया:
दिव्यमय यान थें जा:गु वाहन प्राप्त याना काई ।

१३. जित: प्रासादत, सिविकात, किसिंयुक्तगु रथत, आजानीय सलत दुगु र
थत नं द: न्ह्याबलें प्राप्त जुया च्वनी ।

१४. जिं छयें नं प्याहाँ वनेबलय् रथय् हे वना । सँ चानाबलय् हे अर्हत जुया
(अर्हत भाव प्राप्त याना) ।

१५. जित: थ्व लाभ ख: । जित: बांला:गु लाभ ख: । थ्व बांलाक यानागु (सुयो
जित) व्यापार थें जुल । जिं लाकां दान बिया: अचल पदगु निर्वाणय् थ्यंक:
वना ।

१६. जिं थनं अपरिमेय्यगु कल्पय् गुगु लाकां दान बियागु ख: व कारणं दुर्गति
धैगु मस्यू । थ्व लाकां दानया फल ख: ।

१७. जिगु क्लेशत दहन जुल । दक्व भवत नाश जुल । किसिं थें बन्धनत
चफुना: आश्रवरहितम्ह जुया: बास याना ।

१८. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पानधिदायक स्थविरं थुपिं गाथात धया विज्या:गु
जुल ।

४८०. पुलिनचत्तमियत्थेरापदान

१. जि न्हापा जंगलय् च्वनीम्ह मृग-व्याधा जुयाच्चना । जिं वात-मृग मामां च्वनावलय् चंकम खना ।
 २. जिं प्रसन्नगु मनं ल्हाःतं फि कयाः सुमनम्ह जुया सुगतम्ह वस्पोलयात शोभासम्पन्नगु चंकमय् त्वला विया ।
 ३. थनिं स्वीछगूगु कल्पय् जिं फि त्वला । गुगु कारणं दुर्गति धैगु मस्यू । थ्व फि त्वलागुया फल खः ।
 ४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।
 ५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान पुलिनचंकमिय स्थविरं थुपिं गाथात धया विज्याःगु जुल ।

पुलिनचत्तमियत्थेरापदान भिंगूगु कुवचाल ।

नलमालिवर्ग कुवचाल

Dhamma.Digital

४९. पंसुकूलवग

४८१. पंसुकूलसञ्जकत्थेरापदान

१. स्वयम्भूम्ह (सकतां थःम्हं हे सिइका विज्याःम्ह), अग्र पुद्गलम्ह तिस्स नांयाम्ह भगवान बुद्ध दुगु जुल । वस्पोल जीनम्ह भगवान बुद्ध पांशुकुल (धू थाःगु) चीवर तया विज्यासे विहारय् दुहाँ विज्यात ।
२. जि धाःसा लथ्यानागु धनुष बाण ज्वनाः नयेगु नसा मामां जंगलय् चाःहिला च्वना । तरवार ज्वनाः जि जंगलय् दुहाँ वना ।

अपदान पालि

३. उबले जिं छग्गू सिमा कचाय् पांशुकुल चीवर खाया तःगु खना । (व चीवर खनाः) धनुष बाण अन हे क्वय् तयाः ल्हाः विन्ति यानाः छ्छंयनये ल्हाः तया ।
 ४. प्रसन्नगु मनं सुमन दुम्ह जुयाः अतिकं लय्तायाः श्रेष्ठम्ह बुद्धयात लुमंकाः उगु पांशुकुल चीवरयात वन्दना याना ।
 ५. थनिं ग्वीनिगूगु कल्पय् गुगु पांशुकुल चीवरयात वन्दना यानागु खः, व कारणं दुर्गाति धैगु मस्यू । थ्व (चीवर) वन्दना यानागुया फल खः ।
 ६. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।
 ७. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान पांशुकूलसञ्जक स्थविरं थुपिं गाथात धया विज्याःगु जुल ।

पंसुकूलसञ्जकत्थेरापदान छगू क्वचाल ।

४८२. बुद्धसञ्जकत्थेरापदान

१. जि लक्षण शास्त्रय्, इतिहासय्, निघण्डु सहितगु केटुभ शास्त्रय् व स्वंगू वेदय् पारंगतम्ह मन्त्र धारण याइम्ह मन्त्रधूरम्ह जुयाच्वना ।
२. उबले खुसी वाः वःथें शिष्यपिं जिथाय् वर्ई । चान्हं न्हिनं अलिच्छ मचासे इमित मन्त्र स्यनेगु याना च्वना ।
३. उगु हे इलय् सिद्धार्थ नांयाम्ह सम्यक् सम्बुद्ध लोकय् प्रकट (जन्म) जुया विज्यात । अज्ञान रूपी अन्धकार नाश यानाः ज्ञानरूपी आलोक विद्यमान याना विज्यात ।
४. जिम्ह छम्ह शिष्यं थ्व खँ (बुद्ध प्रकट जूगु खँ) जिम्ह मेपिं शिष्यपिंत धाःगु जुल । इमिसं नं व खँ जितः जानकारी व्यूगु जुल । (गथे धाःसा)
५. “लोक नायकम्ह, सर्वज्ञम्ह भगवान बुद्ध लोकय् समुत्पन्न जुल । सकल

जनपिं वस्पोलया ल्यू वना च्वन, भीत लाभ दइमखुत ।

६. महानगु यश दुम्ह, (न्यागू ज्ञानया) मिखा दुम्ह भगवान बुद्ध लोकय् प्रकट जुइगु जुई । उकिं वस्पोल श्रेष्ठम्ह बुद्धया दर्शन या: वनेगु अतिकं वेश जुई (धका: जिं मतिइ तया) ।”

७. (अथे मतिइ तया:) नौ व चितुवा-छ्यंगूया वस:, पुलांगु वस: (चीवर) व ल:थल कया: आश्रमं प्याहाँ वया: जिं सकल शिष्यपिं स:ता ।

८. दुम्वारिक फलया स्वां थें, तिमिलाय् (चन्द्रमाय्) खरा:चा थें, क्व:या दुरु थें, लोकय् बुद्धपिं अतिकं दुर्लभ जुई ।

९. आ: लोकय् बुद्धया प्रभव (उत्पत्ति) जूगु जुल । मनुष्यत्व दुर्लभ ख: । मनुष्यत्व व बुद्धत्व नापं ला भन दुर्लभ ख:, अथे हे बुद्धया इलय मनु जुया (धर्म) श्रवण याय दइगुला अतिकं हे दुर्लभ ख: ।

१०. बुद्ध लोकय् समुत्पन्न जूगु जुल । थ्व हे भवय् भीसं मिखा (ज्ञान) प्राप्त याये । वा भी सकलें वस्पोल सम्यक् सम्बुद्धया थाय् वने ।

११. अले उबले ल: थल (कमण्डलु) ज्वनात:पिं, चितुवाया छ्यंगू वस: पुनात:पिं, खरानी घसेयाना त:पिं, जटाभार युक्तपिं (ऋषिपिं) सकलें उगु जंगलं प्याहाँ वन ।

१२. युग मात्राछि (लिक्कसं) स्वया: वनीपिं, उत्तमगु अर्थ निर्वाण मालाच्चपिं, आसक्ति दोष मद्दिपिं इपिं मग्ग्या:म्ह केसर सिंह थें जुल ।

१३. अल्प कृत्य जुयाच्चपिं, लोभी मजूपिं, ज्ञां दुपिं, शान्तगु स्वभाव दुपिं, भिक्षा पवना: नइपिं इपिं सकलें श्रेष्ठम्ह बुद्धयाथाय् थ्यंक: वन ।

१४. अथे थ्यंक: वनाबलय् छगू व बागू योजन बाँकि दुबले हे जिगु शरीरय् ल्वय् उत्पन्न जुल । अले जिं भगवान बुद्धयात लुमंका: हे जि मृत्यु जुया । अन हे (लँय् विचय्) सिना वना ।

१५. थनिं ग्वीप्यंगूगु कल्पय् गुगु संज्ञा (लुमंति) प्राप्त यानागु ख:, व कारणं दुर्गति धैगु मस्यू । थ्व बुद्ध संज्ञाया (भगवान बुद्धयात लुमंकागुया) फल ख: ।

१६. जिगु क्लेशत दहन जुल । दक्व भवत नाश जुल । किसिं थें बन्धनत

अपदान पालि

चफुनाः आश्रवरहितम्ह जुयाः बास याना ।

१७. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् बुद्धसञ्जक स्थविरं थुपिं गाथात धया विज्याःगु जुल ।

बुद्धसञ्जकत्थेरापदान निगूगु क्वचाल ।

४८३. भिसदायकत्थेरापदान

१. उबले जि थरिथरिपिं किसितय्सं जाय्का च्वंगु पुखुलिइ क्वाहाँ वनाः नये पित्याःगु कारणं अन च्वंगु पलेस्वांया-सकिआलु लिकया च्वना ।

२. उगु हे इलय् ह्याउंगु चीवरं युक्तम्ह, भाग्यमानिम्ह पदुमुत्तर भगवान् बुद्ध आकासं विज्याना च्वन ।

३. उबले पांशुकुल चीवर फर्फरय् जुयाः (सनाः) पिज्वःगु (शब्द) सः ताया (न्यना) । अले च्वय् स्वयाबलय् जिं लोकनायकम्ह भगवान् बुद्धयात खना ।

४. (जि) अनसं च्वनाः हे लोकनायकम्ह बुद्धयाके थथे प्रार्थना याना (फवना) “थ्व जिगु पलेस्वां सहितगु कस्ति, दुरु, घ्यः, स्वां दं आदि....”

५. जितः अनुकम्पा तया विज्यासे वस्पोल मिखा दुम्ह बुद्धं स्वीकार याना विज्यायेमा ।” अले कारुणिकम्ह महायशश्वीम्ह शास्ता (आकासं) क्वाहाँ विज्यासे....

६. वस्पोल मिखा दुम्ह बुद्धं जिप्रति अनुकम्पा तयाः जिगु भिक्षा ग्रहण याना विज्यात । ग्रहण यासे सम्बुद्धं जितः थुकथं अनुमोदन याना विज्यात ।

७. “हे महानगु पुण्य दुम्ह, छ सुखी जुइमा ! छंगु गति (जीवन) समृद्ध जुइमा ! थुगु पलेस्वां-सकिआलु दानया हेतुं विपुलगु (तःधंगु) सुख लाभ (प्राप्त) जुइमा ।”

८. वस्पोल सम्बुद्धं थुपिं वचन धया विज्यासे पंचमार त्याका विज्याःम्ह वस्पोल सम्बुद्धं भिक्षा ग्रहण याना विज्यानाः आकास मार्गं हे जिनम्ह वस्पोल पदुमुत्तर बुद्ध (ल्याहाँ) विज्यात ।

अपदान पालि

९. अनलिपा जिं नं पलेस्वां-सकिआलु ज्वना वया: आश्रमय् ल्याहाँ वया । व सकिआलु सिमाय् भुण्डेयाना: जिगु व दान लुमंका ।

१०. उबले लाक्क हे त:धंक्क फय् वया: जंगल छगुलिं सकल आकासय् नं न्याना: (विजुली चम्कये जुया:) स: नं वल ।

११. उबले हे नं (चट्याड) जिगु छयनये कुतुंवया: लात । अन सिमा क्वय् च्वंच्वनाम्ह जि अन हे मृत्यु जुल ।

१२. जिगु पुण्यकर्म युक्तम्ह जि तुषित देवलोकय् जन्म जूवना । जिगु शरीर अन (पृथ्वीइ) पतित जुल, जिं देवलोकय् रमयेजुया (न्त्याइपुका) च्वना ।

१३. बांलाक सजेयाना त:पिं चय्खुद्ध: मिस्तय्सं (दिव्यस्त्री) सुथे बहनी जित: उपस्थान-सेवा यार्ई । थ्व पलेस्वां-सकिआलु दानया फल ख: ।

१४. मनुष्य आत्मभावय् वया: नं जि न्ह्याबले सुखीम्ह जुयाच्वना । भवभोग सम्पत्तिइ छुं नं कमी जित: मजू । थ्व पलेस्वां-सकिआलु दानया फल ख: ।

१५. अले तादि गुण युक्तम्ह देवातिदेवम्ह भगवान बुद्धं जित: अनुकम्पा तया विज्यात जिगु दक्व आश्रवत क्षीण जुइधुंकल आ: हानं पुनर्भव मन्त ।

१६. थनिं छगू लाख कल्प न्हापा उबले गुगु भिक्षा जिं दान वियागु ख: व कारणं दुर्गति धैगु मस्यू । थ्व पलेस्वां-आलु दानया फल ख: ।

१७. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: वास याना ।

१८. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान भिसदायक स्थविरं थुपिं गाथात धया विज्या:गु जुल ।

भिसदायकत्थेरापदान स्वंगू क्वचाल ।

अपदान पालि

१. हिमाल पर्वतया दक्षिण पाखे जितः बांलाक दयेकातःगु आश्रम छगू दुगु जुल । उबले उत्तमगु अर्थ मामां जि वनये च्वंचना ।
२. मूलं व फलं लाभं व अलाभं नं सन्तुष्ट जुया गुरुपिं मामां जि याकःचा हे च्वंचना ।
३. उगु इलय् सुमेध नांयाम्ह सम्बुद्ध लोकय् उत्पन्न जूगु जुल । महा जनसमूह (संसारं) तरेयाना विज्यासे प्यंगू आर्यसत्य देशना याना विज्याई ।
४. जिं आःतक सम्यक् सम्बुद्धया विषयस मन्यना । सुनां नं जितः वस्पो लया विषयस धाःगु मद्दु । च्यागू महिना वितयेजुइधुंकाः लोकनायकम्ह बुद्धया विषयस न्यना ।
५. अले जि मि व सिं पिने तथाः आश्रमय् वँ पुनाः सफा यानाः माःगु समानत कयाः व वनं प्याहाँ वना ।
६. अले गामय् धाःसां, निगमय् धाःसां छ्चा जक च्वनाम्ह जि छसिकथं वना । उबले चन्डावति खुसी सिथय् थ्यंकः वना ।
७. लोकनायकम्ह सुमेध भगवान बुद्ध उगु इलय् यक्व सत्वपिन्त तरेयाना विज्यासे अमृत पद देशना याना विज्याना च्वन ।
८. जन समूह पुला वनाः जिन सागरम्ह (गुण युक्तम्ह) भगवान बुद्धयात वन्दना यानाः थःगु अजिन-वस्त्र एकांस यानाः लोकनायकम्ह भगवान बुद्धयात वर्णना याना ।
९. “छलपोल सत्वप्राणीपिनिगु लागि शास्ता खः, केतु (पुल) खः; भण्डा (ध्वज) खः, युप खः, अले द्वीप उत्तमम्ह छलपोल परायण खः, प्रतिष्ठा खः, प्रदीप (मत) खः ।”
१०. (प्यंगू आर्य सत्य) दर्शनये दक्षम्ह छलपोल, वीरम्ह छलपोल जनपिं (दुःखं) तरेयाना विज्याइ । हे मुनि ! लोकय् छलपोल सिवे च्वय् मेपिं तरे याइपिं मद्दु ।
११. एकान्त हे थ्व महासमुन्द्र घाँय् च्वकां प्रमाण याये फई, तर छलपोलयागु सर्वज्ञता ज्ञान अथे प्रमाण याये फइमखु ।

१२. हे मिखा दुम्ह ! तराजुइ तयाः थ्व पृथ्वी लने फई ज्वी, तर छलपोलयागु प्रज्ञा अथे लने फइमखु ।

१३. थ्व आकास खिपः नं वा पति नं नापे याये फई ज्वी, तर हे सर्वज्ञ ! छलपोलया सिल (गुण) अथे नापे याये फइमखु ।

१४. थ्व महासमुन्द्रया लः, आकास, पृथ्वी प्रमाण याये फई ज्वी, तर हे मिखा दुम्ह ! छलपोलयागु प्रमाण याये फइमखु ! छलपोल अप्रमाणगु गुणं युक्तम्ह खः ।

१५. थुपिं खुगू गाथां वस्पोल सर्वज्ञ बुद्धयात वर्णना यानाः महायशश्वीम्ह वस्पोलयात जिं ल्हाः विन्ति यानाः न्वमवासे छखेलाक्क सुम्क च्वंच्वना ।

१६. महानगु प्रज्ञा दुम्ह (भूरीपञ्च), मनज्ञ ज्ञां दुम्ह, सुइत लोकवासीपिंस 'सुमेध' धकाः धाइगु खः वस्पोल सुमेध भगवान बुद्ध भिक्षुसंघया विचय् च्वना विज्यासे थुपिं गाथात धया विज्यात ।

१७. गुम्ह व्यक्ति प्रसन्न जुयाः लयताःगु मनं जिगु ज्ञानया प्रशंसा यात, व सु खः धकाः वर्णन याये व जिगु खँ बांलाक न्यँ ।

१८. (थ्व मनू) न्हेन्हेक्वःगु कल्पतक देवलोकय् रमये जुया च्वनी । द्वःछिक्वः ला देवेन्द्र जुयाः दिव्य राज्य याइतिनि ।

१९. अनेक प्रकारं सच्छिक्वः ला चक्रवर्ती जुजु जुयाः राज्य याइतिनि । विशालगु प्रदेशत राज्य याइगुला ल्याखं अल्याख जुई ।

२०. थुगु पुण्यकर्म युक्तम्ह जुयाः देवता जुयाः वा मनू जुयाः जन्म काःसां उत्तमगु चित्त संकल्प दुम्ह जुयाः तीक्ष्णगु ज्ञानं युक्तम्ह जुई ।

२१. थनिं स्वीद्वःगु कल्पय् ओक्काक कुलय् जन्म ज्वीम्ह नामं गौतम नांयाम्ह शास्ता (भगवान) लोकय् जन्म (उत्पन्न) जुइतिनि ।

२२. (उगु समयस) (थ्व मनू) छय्ये नं प्याहाँ वनाः छु नं धन मदुम्ह थें प्रव्रजित जुई । जन्म जुयाः न्हेदँ दइबले हे अर्हत फल प्राप्तयाना काइतिनि ।

२३. गुबलेनिसें थःगु बारे विचाः याइम्ह जुया, गुबलेनिसें शासनय् वयाम्ह जुया (बुद्धशासनये प्रव्रजित जुया) अननिसं थौं तक बांमलाःगु विचाः वःगु

धैगु जिं मस्यू ।

२४. थुपिं सकतां भवय् (संसारय्) चाःहिलाः जिं सम्पत्ति अनुभव याना ।
जितः गुबले नं सम्पत्तिया अभाव मजू । थ्व (बुद्धया) ज्ञानया प्रशंसाया फल
खः ।

२५. जिगु स्वतां मि सिना वन । दक्व भवत हा निसें नष्ट जुल । दक्व क्ले
शत क्षय जुल । आः हानं पुनर्भव जितः मन्त ।

२६. थनिं स्वीद्वःगु कल्पय् जिं गुगु सर्वज्ञ ज्ञानया प्रशंसा यानागु खः, व कारणं
दुर्गति धैगु मस्यू । थ्व सर्वज्ञ ज्ञानया प्रशंसाया फल खः ।

२७. जिगु क्लेशत दहन जुल । दक्व भवत नाश जुल । किसिं थें बन्धनत
चफुनाः आश्रवरहितम्ह जुयाः बास याना ।

२८. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान जाणथविक स्थविरं थुपिं गाथात धया बिज्याःगु
जुल ।

जाणथविकत्थेरापदान प्यंगू कुचाल ।

४८५. चन्दनमालियत्थेरापदान

१. मनोरमगु प्रियरूपगु पंचकाम गुण त्वःताः, चयगू कोटी (८० करोड) धन
नं त्वःताः अनगारिक प्रव्रज्यां जि प्रव्रजित जुया ।

२. प्रव्रजित जुयाः जिं शरीरं याइगु पापकर्म नं तापाना च्वना । वचनं जुइगु
दुष्चरित्र (पापकर्म) नं त्वःताः जिं खुसी सिथय् बास याना च्वना ।

३. याकःचा च्वंच्वनाम्ह जिथाय् श्रेष्ठम्ह बुद्ध बिज्याःगु जुल । जिं वस्पोल बुद्ध
धकाः म्ह मस्यू । अथेसां खँला-बला याना ।

४. खँला-बला यायेधुंकाः जिं (वस्पोलया) नां गोत्रादि न्यना । छलपोल देवता
खः ला ? छलपोल पुरिन्दद् नाम्ह शक्र (देवेन्द्र) खः ला ?

५. मखुसा छलपोल सु खः ले ? छलपोल सुया काय् खः ? थन विज्यानाम्ह महाब्रह्मा खः ला ? थिनाच्चम्ह सूर्य थें दक्व दिशाय् नं भः भः धाया च्वन ।

६. हे मारिस; छलपोलया श्रीपादय् (तुतिइ) द्वःछिगू लक्षणत (चक्रत) खने दयाच्चन । छलपोल सु खः, छलपोल सुया काय् खः, जिमिसं छलपोलयात गथे यानाः म्हसिकेगु खः ।

७. नां गोत्र धया विज्याहुं । जिमिगु शंका मदयेका विज्याहुं । “जि देवता नं मखु, गन्धर्व नं मखु, पुरिन्दद् नाम्ह शक्र (इन्द्र) नं मखु ।”

८. जिके ब्रह्मत्व नं मद्दु । इपिं सिवे च्वय्याम्ह (उत्तमम्ह) जुयाच्चन । इमिगु विषयत पारयाना च्वनाम्ह जुयाच्चना । कामबन्धनत च्याकाः (नष्ट याना) छ्वये धुन ।

९. सकल क्लेशत च्याकाः (नष्ट यानाः) उत्तमगु सम्बोधिइ थ्यनाम्ह जुयाच्चना । वस्पोलया (वचन) खँ न्यने धुंकाः जिं थ्व वचन धया –

१०. ‘यदि छलपोल सर्वज्ञम्ह बुद्ध खःसा हे महामुनि ! थन फ्यतुना विज्याहुं ! छलपोलयात जिं पूजा याये, छलपोलं दुःख अन्त याना विज्याइ ।’

११. जिं चितुवाया छ्छंयंगूया आसन लाना बिया । भगवान शास्तायात दान बिया । भगवान बुद्ध पर्वतय् च्वनीम्ह सिंह थें अन (उगु आसनये) फ्यतुना विज्यात ।

१२. जि अले तुरुन्त पर्वत गयाः अमासि फल कयाः साल कल्याण स्वां, महाँधगु चन्दन नं ।

१३. याकनं हे कयाः व दक्वं लोकनायकम्ह भगवान बुद्धयाथाय् थ्यंकाः वस्पो लयात बिया । साल स्वां नं पूजा याना ।

१४. अले चन्दनं आलेप यानाः जिं शास्तायात वन्दना याना । प्रसन्नगु भिंगु मन दुम्ह जुयाः आनन्दं प्रफुल्लित जुया ।

१५. लोकनायकम्ह सुमेध भगवान बुद्ध चितुवाया छ्छंयंगूयागु आसनये फ्यतुना विज्यासे जितः लय्तायेकाः जिगु भिं ज्या विषयस थथे वर्णना याना विज्यात ।

१६. “थुगु सुगन्ध, स्वां, आसन नापं फल दानया कारणं नीन्यासः कल्पतक देवलोक्य् रमयेजुया च्वनीतिनि ।

१७. अनूनगु (पूर्णगु) चित्त संकल्प दुम्ह जुयाः वसवतीं देवता नं जुइतिनि । नीखुसः कल्पतक मनुष्य जुयाः च्वनीतिनि ।

१८. प्यंगू समुन्द्रं अन्त जुइगु, प्यंगू महाद्वीपं अन्त जुइगु पृथ्वीया अधिपतिम्ह महासमुद्दम्ह चक्रवतीं जुजु जुइतिनि । विश्वकर्मा निर्माण याना तःगु वेहार नांयागु शहर छगू नं दइतिनि ।

१९. व नानाविधगु रत्न विभूषितगु सकतां सुवर्ण वर्णगु जुई । थुगु प्रकारं (सुख अनुभव यायां) थ्व मनू संसार्य् (भवय्) चाःहिला च्वनी ।

२०. देवता जूसां नं मनू जूसां नं दक्वथाय् पूजितम्ह जुई । अन्तिमगु भवय् (जन्मय्) ब्रह्मवधुम्ह ब्राह्मण जुई ।

२१. छयें नं प्याहाँ वयाः अनगारिकम्ह जुई । अभिज्ञा ज्ञानय् पारंगतम्ह जुयाः अनाश्रवम्ह जुयाः निर्वाण जुइतिनि ।

२२. लोकनायकम्ह सुमेध भगवान बुद्धं थुपिं गाथात धया विज्यानाः, जितः लय्ताकुसें जिं स्वस्वं हे आकासं विज्यात ।

२३. तुषित देवलोकं च्यूत जुयाः (मनुष्य लोक्य्) मांयागु प्वाथय् च्वंवया । जि मांया गर्भय् च्वंसांनिसें हे जितः भवभोगयागु कमी मजू ।

२४. जि मांया प्वाथय् च्वंसांनिसें हे जितः थः कथं हे मांयात आहार पान इच्छा दु कथं उत्पन्न जुयाविइ ।

२५. जन्म जुयाः न्यादँ दुबले हे अनगारिक प्रव्रज्यां प्रव्रजित जुया । सँ चाना च्वना च्वनावले हे अर्हत् भावय् थ्यंकः वना ।

२६. अले न्हापा यानागु ज्या (पूर्वकर्म) मामां वना बलय् जिं कर्म मखना । स्वीद्वःगू कल्पनिसेंया न्हापा यानागु ज्या (पूर्वकर्म) जिं लुमंका वया ।

२७. हे श्रेष्ठम्ह पुरुष ! हे उत्तमम्ह पुरुष ! छलपोलयात नमस्कार याना च्वना । छलपोलया शासनये वयाः जि अचल पदगु निर्वाण थ्यंकः वना ।

२८. थनिं स्वीद्वः कल्प न्हापा गुम्ह बुद्धयात जिं पूजा यानागु खः, व कारणं

अपदान पालि

दुर्गति धैगु मस्यू । थ्व बुद्धपूजाया फल खः ।

२९. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

३०. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् चन्दनमालिय स्थविरं थुपिं गाथात धया विज्याःगु जुल ।

चन्दनमालियत्थेरापदान न्यागूगु क्वचाल ।

४८६. धातुपूजकत्थेरापदान

१. लोकनायकम्ह सिद्धार्थ भगवान् बुद्ध परिनिर्वाण जुया विज्यायेधुंकाः लो कनाथम्ह वस्पोलया अस्थि धातुयात थः ज्ञातिपिं मुंकाः धातु पूजा याना ।

२. थनिं ग्वीप्यंगूगु कल्पय् गुगु धातु पूजा यानागु खः, व कारणं दुर्गति धैगु मस्यू । थ्व धातु पूजाया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् धातुपूजक स्थविरं थुपिं गाथात धया विज्याःगु जुल ।

धातुपूजकत्थेरापदान खुगूगु क्वचाल ।

४८७. पुलिनुप्पादकत्थेरापदान

१. हिमाल प्रदेशया लिक्कसं छगू पर्वतय् देचल नांयाम्ह छम्ह तपश्वी दुगु

जुल । अन हे अमनुष्यपिसं जितः दयेका तःगु छगू चंक्रमण (स्थल) नं दुगु जुल ।

२. उबले जि जटाभार युक्तम्ह जुयाः लः थल (कमण्डलु) ज्वनीम्ह जुयाः उत्तमगु अर्थ मालीम्ह जुयाः उगु वनं प्याहाँ वना ।

३. उबले जितः चयूप्यद्रःम्ह शिष्यपिसं उपस्थान याना च्वंगु जुल । इपिं थःथःगु ज्याय् लगये जुयाः अन हे जंगलय् च्वनाच्चन ।

४. उगु आश्रमं प्याहाँ वनाः जिं फिया चैत्य छगः दयेका । अले अनेक प्रकार या स्वांत कया हयाः उगु चैत्ययात पूजा याना ।

५. अन (उगु चैत्यय्) मन प्रसन्न यानाः हानं आश्रमय् (ल्याहाँ) दुहांवया । सकल शिष्यपिसं मुनाः जितः प्रश्न यात ।

६. “छलपोलं फिं दयेकूगु चैत्यय् गुम्ह देवतायात नमस्कार याःगु खः व सु दे वता खः धकाः जिमिसं नं सिइके मास्ते वः ! उकिं जिमिसं न्यनागु प्रश्नयात छलपोलं लिसः बिया बिज्याहुँ ।”

७. भीसं मन्त्र पदय् क्यना (ब्बना) तयागु कथं महायशश्वीपिं प्रज्ञावान बुद्धपिं दुगु खः । जिं अथे महायशश्वीम्ह श्रेष्ठम्ह बुद्धयात नमस्कार याना च्वना ।

८. वस्पोल महावीरपिं, सर्वज्ञपिं, लोकनायकपिं गजाःपिं जुई ? गजाःपिं वर्णपिं जुई ? गजाःगु शीलं युक्तपिं जुई ? वस्पोलपिनि यशकीर्ति गजाःगु जुई ?

९. बुद्धपिं स्वीनिता लक्षणं युक्तपिं जुई । पीगू दन्तत (वा) दुपिं जुई । वस्पो लपिनिगु मिखा फुसि बाच्छियागु थें जुई । अले मिखा ग्वः गिंजुक फल थें जुई ।

१०. वस्पोल बुद्धपिं लैय् बिज्याइबले नं युग (छहाकः) मात्राछि स्वयाः बिज्याई । वस्पोलपिनिगु पुलिया सः वइमखु । ग्वालिया सः वइमखु । छुं नं सन्धिया सः वइमखु ।

११. वस्पोल बुद्धपिं बिज्याइबले दकले न्हापां जव तुति न्ह्यःने तयाः न्यासि बिज्यायेगु याई । थ्व बुद्धपिनिगु धर्मता खः ।

१२. वस्पोल बुद्धपिं केशर सिंह थें निर्भित (मग्ग्याःपिं) जुई । थःत तःधं यानाः क्यनीमखु । प्राणीपिन्त हेला (घृणा) याइमखु ।

१३. मान-अपमान निगुलिइनं मुक्तपिं वस्पोलपिं सत्वप्राणीपिंप्रति समानगु मन (व्यवहार) दुपिं जुई । बुद्धपिसं थःत तःधं यानाः क्यनीमखु । थ्व बुद्धपिनिगु धर्मता खः ।

१४. लोकय् उत्पन्न (जन्म) जुइबले सम्बुद्धपिसं जः क्यनी । (बुद्धपिं थन) जन्म जुइबले छ्वाःखेर आलोक उत्पन्न जुई । थ्व पृथ्वी छ्गुलिं खुगू प्रकारं (हल्का) कम्पन (भुखा ब्वई) जुई ।

१५. वस्पोल बुद्धपिसं नर्क नं खनी । वस्पोलपिं जन्म जुइबले हे नर्कया मि नं सिनावनी । महावर्षा जुई । थ्व बुद्धपिनि धर्मता खः ।

१६. अतुल्यपिं (अतुलनीय) महान यशकीर्ति दुपिं, अतिकं श्रेष्ठपिं वस्पोल बुद्धपिनिगु रूप काय शोभा नं अतिक्रमण याये फइगु मखु । तथागतपिनि अप्रमाण गुणत दई ।

१७. सकल शिष्यपिसं गौरवसहित जिगु वचन (वाक्य) अनुमोदन यात । अथे हे थःथःगु शक्ति अनुसार, बल अनुसार अनुशरण नं यात ।

१८. थःथःगु कर्म (फल) अभिलाषिपिं इमिसं जिगु वाक्ययात श्रद्धापूर्वक कयाः बुद्धप्रति मन वीपिं जुयाः हानं व फिया चैत्य पूजा यात ।

१९. उबले महायशश्वीमह देवपुत्र (बोधिसत्व) तुषित देवलोकं च्यूत जुया वयाः मांया कोखय् जन्म जूल । भिद्वःगु लोक धातु कम्पा नं जुल ।

२०. जि आश्रमया लिक्कसं च्वंगु चंक्रमण स्थलय् च्वंच्वनामह जुया । सकल शिष्यपिं मुनाः जि लिक्कसं वल ।

२१. (वया लि) थ्व पृथ्वी द्व थें सः पिकाइ । सिंह थें सः थ्वयेकी । सुंसमार न्या थें सनी । थुक्रिया छु विपाक जुई ?

२२. गुगु फिया चैत्य लिक्कसं जिं गुमह बुद्धया विषयसं छिमित कनागु खः वस्पोल भगवान शास्ता आः मांया गर्भय् च्वंवःगु जुल ।

२३. इमित धर्मया खँ कनाः महामुनिमह वस्पोलया वर्णना यानाः शिष्यपिं अनं

लितछ्वया: जि पर्यकं आसनये फ्यतुना ।

२४. एकान्त हे जिगु शरीर शक्ति नं दुर्वल जूगु जुल । जि तःधंगु रोगं ग्रस्त जुया च्वना । श्रेष्ठमह बुद्धयात लुमंका: हे जि अन मृत्यु जुया ।

२५. सकल शिष्यपिं मुना वया: उबले जितः चिता दयेकल । जिगु सीगु शरीर ज्वना: उगु चिताय् तल ।

२६. उबले सकल शिष्यपिं चितकया छचाखेरं च्वना: ल्हा: विन्ति याना: शो करूपी सुलिं कयाच्वपिं इपिं मुनाच्वपिं शिष्यपिं खल ।

२७. इपिं ख्वया: हाला च्वंबले (उगु) चितकया लिक्कसं वना । (वना: थथे धया) जि छिमि गुरु खः, शोक याये मते । स्मृतिं युक्त जुया: चा न्हिं मेहेनत या, अल्लि, यायेमते ।

२८. छिमिसं व क्षण (च्यागू दुष्टक्षणं मुक्तगु बुद्धोपाद) प्रतिपादन याना काये धुंकल ।

२९. थः शिष्यपिंत अनुशासना याना: अनं जि देवलोक्य् तुं वना । जि भिंच्यागूगु कल्पतक देवलोक्य् हे रमये जुयाच्वन ।

३०. जि न्यासःक्वः ला चक्रवर्ती जुजु जुया । मेगु न्यासःक्वः ला दिव्य राज्य याना ।

३१. जिगु बाँकिगु कल्पत मनुष्य जुया: वा देवता जुया: मिश्रित रूपं चाःहिला च्वना । व कारणं दुर्गति धैगु मस्यू । थ्व फि स्तूप पूजाया फल खः ।

३२. गथे चन्द्र उदय ज्वीगु महिनाय् स्वांत ह्वया वड्गु खः अथे हे योग्यगु इलय् महर्षिमह भगवान बुद्धं (जि) प्रवोध (थनेगु) याना विज्याःमह जुया ।

३३. जिं योगक्षेम नांया निर्वाण तक्क नं क्वबिया वनागु जिगु वाहन जिगु हे वीर्य खः । किसिं थें बन्धन चफुना: आश्रवरहितमह जुया: बास याना ।

३४. थनिं छगू लाख कल्प न्हापा गुमह बुद्धया महिमा वर्णन याना, व कारणं दुर्गति धैगु मस्यू । थ्व प्रशंसाया (वर्णनया) फल खः ।

३५. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितमह जुया: बास याना ।

अपदान पालि

३६. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पुलिनउत्पादक स्थविरं थुपिं गाथात धया विज्याःगु जुल ।

पुलिनउत्पादकत्थेरापदान न्हेगूगु क्वचाल ।

४८८. तरणियत्थेरापदान

१. स्वयम्भूम्ह, लोकनायकम्ह अर्थदर्शी भगवान् बुद्ध चिन्ता खुसि सिथय् वस्पोल तथागत विज्याःगु जुल ।

२. उबले जि लखय् चाःहिला च्वनीम्ह कळ्हुवा जुयाच्वन । लोकनायकम्ह वस्पोल बुद्ध खुसिं तरे याये मास्ति वयाः लखं प्याहाँ वयाः वस्पोल बुद्धया थाय् थ्यंकः वना ।

३. हे महामुनि ! हे अर्थदर्शी भगवान् बुद्ध ! जिगु म्हय् गया (च्वना) विज्याहूँ । जिं छलपोलयात (खुसिं) तरेयाना विइ । छलपोलं (लोकवासीपिनिगु) दुःख अन्तयाना विज्याई ।

४. महायशश्वीम्ह अर्थदर्शी भगवान् बुद्धं जिगु विचाः (संकल्प) सिइका विज्यानाः जिगु म्हय् गया विज्यानाः वस्पोल लोकनायक च्वना विज्यात ।

५. गुबलेनिसें जिं थःत लुमंके फत, गुबलेनिसें जिं चायेके (थुइके) फत, उबलेनिसेंया सुखया अनुभूति विचाः यायेगु खःसा गबले छलपोलया श्रीपाद जिगु म्हय् स्पर्श जुल, उबले उत्पन्न जूगु सुखानुभूति आःतक गबलें मज्जिन । थ्व हे दकले तःधंगु सुख खः ।

६. महायशश्वीम्ह अर्थदर्शी सम्यक् सम्बुद्धं खुसिं तरे जुयाः पारिइ क्वहाँ विज्यात । व हे खुसि सिथय् दना विज्याना हे थ्व गाथा धया विज्यात ।

७. “गुबले जिके थ्व खुसिं तरेयाना ब्यूसा ज्यू धकाः विचाः उत्पन्न जुल, उबले ज्ञांदुम्ह थ्व कळ्हुवां जितः (खुसिं) तरेयाना विल ।”

८. थुगु ‘बुद्धयात तरेयाःगु कारणं’ व मैत्रीचित्तया कारणं यानाः भिंंच्यासः

अपदान पालि

कल्पतक देवलोकय् थ्व (कछुवा) रमये जुया च्वनी ।

९. कुशल मूलं युक्तम्ह थ्व (कछुवा) देवलोकं थन (धरती) वयाःलिं एकासने फ्यतुनाः हे शंखारूपी श्रोतं (धारां) तरे जुइतिनि ।”

१०. गथे सारगु बुँई भतिचा जक पुसा प्यूसां बांलाक वा वल धाःसा सइगु वा किसानयात खुसि याना बिइ ।

११. अथे हे बुद्धरूपी बुँई पिनागु सम्मासम्बुद्ध देशित धर्मया पुसां बांलाक वःगु वर्षा रूपी अभ्यासं उत्पन्न जुइगु फलं जितः हर्षित याइतिनि ।

१२. वीर्यं युक्तगु मन दुम्ह जुया च्वनाम्ह जि उपशान्तम्ह जुयाः उपधिर हितम्ह जुयाः सकल आश्रवत मदयेकाः मन्त धकाः सिइकाः आश्रवरहितम्ह जुयाः बास याना ।

१३. थनिं भिंच्यासःगू कल्प न्हापा उबले गुगु कर्म यानागु खः व कारणं दुर्गति धैगु मस्यू । थ्व (बुद्ध) तरणया फल खः ।

१४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

१५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान तरणिय स्थविरं थुपिं गाथात धया बिज्याःगु जुल ।
तरणियत्थेरापदान च्यागू क्वचाल ।

४८९. धम्मरुचित्थेरापदान

१. गुबले जिनम्ह दीपंकर भगवान बुद्धं सुमेध तपश्वीयात थुकथं भविष्यवाणी यात- “थनिं अपरिमेय्यगु कल्पय् थ्व (ऋषि) (गोतम) बुद्ध जुइतिनि ।”

२. उगु इलय् थ्वया जनक-मां ‘माया’ नांयाम्ह जुई । बाः ‘शुद्धोदन’ नांयाम्ह जुई । थ्व (ऋषि) चाहिं ‘गोतम’ नांयाम्ह जुई ।

३. वीर्यं यानाः (मेहनत यानाः), दुष्कर क्रिया यानाः, अस्सथ बोधिवृक्ष मूलय

(क्वय्) महायश दुम्ह थ्व सम्यक् सम्बुद्ध ज्वीतिनि ।

४. जिनम्ह वस्पोल सम्यक् सम्बुद्धया अग्रश्रावकपिं उपतिस्स व कोलित नांयापिं जुइसा आनन्द नांयाम्ह वस्पोलया उपस्थापक जुइतिनि ।

५. खेमा व उत्पलवर्णा निम्ह वस्पोलया अग्रश्राविका जुईतिनि । चित्त व आलवक नांयापिं वस्पोलया अग्रपिं उपासकपिं जुइतिनि ।

६. खुजुत्तरा व नन्दमाता निम्ह वस्पोलया अग्रउपासिकापिं जुइ । वीरम्ह वस्पोलं बुद्धत्व प्राप्त याना काःगु बोधिवृक्षयात वंगलसिमा धकाः धाइतिनि ।

७. असमम्ह महर्षिया थुपिं वचन न्यनाः प्रसन्न जूपिं देव-मनुष्यपिंस ल्हाः विन्तियानाः नमस्कार यात ।

८. उबले जि सुशिक्षितम्ह 'मेघ' नांयाम्ह माणवक जुया च्वना । महामुनिपाखें श्रेष्ठम्ह सुमेध तपश्वीया भविष्य वाणी न्यनाः

९. करुणा दुम्ह भविष्ययाम्ह सुमेध भगवान बुद्धप्रति विश्वास तयाः प्रव्रजित जुइम्ह वस्पोल वीर (सुमेध) नापं जि नं प्रव्रजित जुया ।

१०. न्यागू इन्द्रियं व प्रातिमोक्षं (शीलं) संयमित जुयाः स्मृति युक्तगु शुद्धगु आजीविका दुम्ह जुयाः वीरम्ह जिनया- बुद्धशासन (चिरस्थायी) याइम्ह जुयाच्वना ।

११. थथे वास याना च्वनावले जि (छम्ह) पापमित्र (मभिंम्ह पासा) नापं मिले जुयाः भिंगु लपुं कुतुं वंम्ह जुयाः मभिंगु लपुइ अनाचारय् लगेजूम्ह जुया ।

१२. विर्तकय् (मभिंगु विचाः नं) वसीभूत जूम्ह जुयाः (बुद्ध) शासनं अलग जुया । लिपा उम्ह मभिंम्ह पासां यानाः मांयात नं स्याये लात ।

१३. दुष्टगु मन दुम्ह जुयाः (जिं) मां स्याना । आनन्तरिय कर्म याना । अनं च्यूत जुयाः अतिकं दारुणगु महा अवीचि नर्कय् जन्म काः वना ।

१४. जि दुर्गति वनाः चिरकालतक दुःखपूर्वक जीवन हना । हानं नर श्रेष्ठम्ह वीरम्ह सुमेध बुद्धयात मखना ।

१५. थुगु कल्पय् जि तिमिङ्गल नांयाम्ह समुद्री न्या जुया च्वना । महासागरय् नौका छगू खनाः आहारया लागि (उगु नौकाय्) लिक्कसं थ्यंकः वना ।

१६. जि खना: ग्या:पिं व्यापारी तयसं बुद्धश्रेष्ठयात लुमंकल । इमिसं 'गोतमो
' धका: बुद्धयागु नां तसलं धा:गु न्यना ।

१७. न्हापाया (दीपंकर विवरण) संज्ञा लुमंका:, अनं सिना वना: श्रावस्ति
नगरय् ब्राह्मण कुलय् (धनं) आध्य (युक्त) गु जातिइ जन्म जुया ।

१८. 'धर्म रुची' नांयाम्ह जुया: सकतां पापकर्मय् घृणा याइम्ह जुया: जन्म
जुया । न्हेदँ दुबले हे जिं लोक प्रकाशमान याना विज्याइम्ह बुद्ध खना....

१९. अले जेतवन विहारय् वना: अनगारिक प्रव्रज्यां प्रव्रजित जुया । जिं चां
न्हिं याना: न्हिं स्वक: बुद्धया थाय् वनेगु याना ।

२०. उबले बुद्धं जित: यक्व लिपा खना विज्यात । 'धर्म रुची' धका: सता
विज्यात । अले पूर्वकर्म प्रभावितम्ह जुया: जिं बुद्धयात थथे धया-

२१. न्हापा दीपंकर भगवान बुद्धया न्ह्य:ने पूरा याना विज्या:गु शुद्धगु पार
मी समूह दुम्ह द्व:छिगू पुण्य लक्षण दुम्ह, सुन्दरगु आकृति दुम्ह, उपमा याये
मफइगु रूप शोभां युक्तम्ह छलपोलयात यक्व लिपा जिं एकान्तं हे खंगु
जुल ।

२२. हे महामुनि ! छलपोल महान्धकार नाश याना विज्यात । शीलं रक्षा
याना: तृष्णा रूपी नदी गंका विज्यात । यक्व लिपा हे जक निर्मलगु निर्वाण
साक्षात्कार याना विज्यात । ज्ञानमयगु दिव्यचक्षु (मिखा) चिरकाल लिपा हे
जक प्राप्त याना विज्यात ।

२३. हे गौतम बुद्ध ! यक्व ई लिपा हे जक छलपोल नापं च्वने दत । न्हापा
नापं च्वना: हानं (जिगु मभिंगु कर्म यानां) यक्व ई तक तापाना च्वनेमाल ।
हानं आ: न्हापा थें हे छलपोल नापं हे च्वनाम्ह जुया । यानागु कर्म विनाश
मजू खनी ।

२४. जिगु क्लेशत दहन जुल । दक्व भवत नाश जुल । किसिं थें बन्धनत
चफुना: आश्रवरहितम्ह जुया: बास याना ।

२५. एकान्तं हे भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थुगु प्रकारं आयुष्मान धर्मरुचि स्थविरं थुपिं गाथात धया विज्या:गु जुल ।

ॡ१०. सालमणुडपियत्थेरापदान

१. साल वनये दुवहाँ वनाः जितः बांलाःगु आश्रम छगू दयेका । साल स्वां नं जाया च्वंगु उगु जंगलय् जि उवले च्वनेगु याना ।
२. स्वयम्भूम्ह, भाग्यमानीम्ह, अग्रपुद्गलम्ह पियदस्सी भगवान बुद्ध विवेकी सुख ययेका विज्यासे उगु साल वनय् विज्यात ।
३. जि आश्रमं प्याहाँ वयाः जंगल पाखे वना । अले कन्दमूल व फलफूलत मामां उगु जंगलय् चाःहिला च्वना ।
- ॡ. उगु जंगलय् महायशश्वीम्ह, थिनाच्वंम्ह, समापत्ति ध्यानये बांलाक फ्यतुना विज्याःम्ह प्रियदर्शी सम्यक् सम्बुद्धयात उवले जिं खना ।
५. अले जि वस्पोल ध्यानय् च्वना विज्याःगु थासय् प्यंगू थां तयाः बांलाक मणुडप छगू र्वयाः साल स्वां नं पल्लि छायेपा विया ।
६. साल स्वां नं छायेपा तयागु उगु मणुडप न्हेन्हु तक तयाः अन मन प्रसन्न यानाः श्रेष्ठम्ह बुद्धयात वन्दना याना ।
७. (न्हेन्हु लिपा) उगु इलय् उगु समाधिं दना विज्यासे वस्पोल नरोत्तमम्ह भगवान बुद्ध युगमात्र (गाच्छि) स्वया विज्यानाः फ्यतुना विज्यात ।
८. प्रियदर्शी भगवान शास्ताया वरुण नांयाम्ह श्रावक शिष्य छगू लाख अर्हत् भन्तेपिं नाप अन वस्पोलया थाय् विज्यात ।
९. नरासभम्ह, लोकज्येष्ठम्ह प्रियदर्शी भगवान बुद्ध उगु भिक्षु संघय् च्वना विज्यासे जिनम्ह वस्पोल मुसुकक न्हिला विज्यात ।
१०. प्रियदर्शी भगवान बुद्धया अनुरुद्ध नांयाम्ह उपस्थापकं चीवर एकांस यानाः वस्पोल भगवान बुद्धयाके (थथे) न्यन ।
११. हे शास्ता ! भगवान बुद्ध जुया विज्याकम्ह छलपोल मुसुकक न्हिला विज्याःगुया कारण छु खः थें ? भगवान शास्तापिं कारणाकारण दत कि जक

अथे मुसुक्क न्हिला बिज्याई ।

१२. गुम्ह माणवकं न्हेन्हुतक जितः स्वांया मण्डप दयेकाः जितः धारण याकल, व मनूयागु ज्या (कर्म) लुमंकाः जि मुसुक्क न्हिलागु खः ।

१३. गुबले गन थुगु कर्मया फल विपाक विइगु खः उबले देवलोकय् वा मनुष्य लोकय् नं स्वल धाःसा थाय् गाइथें मच्चं । उकिइया विपाक अप्रमाण जू ।

१४. देवलोकय् जन्म जुया च्वंसां नं थ्व व्यक्ति सहितया गुलि देव समूह त दइगु खः सकसित नापं साल स्वांतय्सं छायेपा च्वनी । थ्व पुण्य कर्मय् युक्त जुयाच्वंगुलिं खः ।

१५. थुगु पुण्य कर्म समाहितम्ह जुयाः अन दिव्यलोकय् दिव्यमय नृत्यं व म्ये नं न्ह्याबले नं न्ह्याइपुका च्वनी ।

१६. व वया गुलि परिवार समूह दइगु खः व सकसितं दिव्यमय सुगन्धं सुगन्धित जुयाच्वनी । अथे हे साल स्वां वर्षा जुयाच्वनी ।

१७. अनं (देवलोकं) च्यूत जुयाः मनुष्यलोकय् मनू जुयाः जन्म काः वइबले नं न्ह्याबले नं थन साल स्वां छायेपाम्ह जुयाच्वनी ।

१८. थ्व मनूयात (मनुष्य लोकयन्) नृत्यं नं म्ये नं न्ह्याबले समान कथं परिवार नापं दयाच्वनीगु जुल । थ्व बुद्धपूजाया फल खः ।

१९. सूर्य उदय जुया वइबलय् हे (द्यः तुइया वइबले) साल स्वां नं प्राप्त जुयाः (वर्षा जुया) च्वनी । पुण्यकर्म युक्तम्ह जुयाच्वंम्ह थ्वइत न्ह्याबले स्वां प्राप्त जुयाच्वनी ।

२०. थनिं भिंच्यासःगू कल्पय् ओक्काक कुलय् जन्म जुइम्ह नामं गौतमम्ह शास्ता लोकय् दइतिनि (जन्म जुइतिनि) ।

२१. वस्पोल धर्मय् दायादम्ह जुयाः धर्म हे दयेकूम्ह थें औरसम्ह बुद्धपुत्रम्ह जुयाः दक्व आश्रवत प्रहाण कथं थुइकाः अनाश्रवीम्ह जुयाः निर्वाण जुइतिनि ।

२२. धर्म थुइका काइम्ह थ्वयात साल स्वांया मण्डप दयाच्वनी । परिनिर्वाण जुयाः चिताय् च्याना च्वनीबलय् नं साल स्वां मण्डप दयाच्वनी ।

अपदान पालि

२३. महामुनिम्ह प्रियदर्शी भगवान् बुद्ध थुकथं फल विपाकया वर्णन याना विज्यासे उगु समूहयात धर्म देशना नं याना विज्यात । धर्मरूपी वां सकसितं प्याका विज्यात ।

२४. स्वीगू कल्पतक देवलोकय् दिव्यराज्य याना । जि ख्वीन्हेक्वःतक चक्रवर्ती जुजु जुया ।

२५. देवलोकं थन (मनुष्य लोकय्) वयाः तःधंगु सुख प्राप्त याना । थन नं न्ह्याबलें साल स्वां मण्डपं युक्तम्ह जुयाच्चना ।

२६. महामुनिम्ह शाक्यकुलय् जन्म जूम्ह गौतम बुद्धयात सन्तुष्ट यानाः जय व पराजय त्वःताः (त्याः-बू त्वःताः) अचलगु थासय् (निर्वाणय्) थ्यंकः वनाम्ह जुया ।

२७. थनिं भिंच्यासःगू कल्पय् गुम्ह बुद्धयात पूजा यानागु खः, व कारणं दुर्गति धैगु मस्यू । थ्व बुद्धपूजाया फल विपाक खः ।

२८. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

२९. एकान्तं हे भगवान् बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थुगु प्रकारं आयुष्मान सालमण्डपप्रिय स्थविरं थुपिं गाथात धया विज्याःगु जुल ।

Dhamma.Digital

सालमण्डपियत्थेरापदान भिंगूगु क्वचाल ।

पंसुकूलवर्ग क्वचाल

५०. कित्तिणिपुप्फवर्ग

४९१. तिकित्तिणिपुप्फियत्थेरापदान

१. कणिंकार सिमा थें थिनाच्चंम्ह, पहाडया विचय् फ्यतुना विज्याना च्वंम्ह, लोकनायकम्ह, क्लेश मदुम्ह विपश्वी भगवान् बुद्धयात (जिं) खना ।

अपदान पालि

२. स्वप्नः किङ्कीणी स्वां कया हयाः वस्पोल बुद्धयात पूजा याना । वस्पोल सम्बुद्धयात पूजा याये धुंकाः जिं दक्षिण दिशापाखे स्वयाः वना ।

३. उगु बांलाक यानागु भिं गु ज्याया कारणं व मन प्रसन्न व संयम यानागु कारणं मनुष्य देह (शरीर) त्वःताः (सिनावनाः) तावतिंस देवलोक्य वना (जन्म काः वना) ।

४. थनिं ग्वीछगूगु कल्प्य गुगु बुद्धपूजा यानागु खः व कारणं दुर्गति धैगु मस्यू । थ्व बुद्धपूजाया फल विपाक खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

६. एकान्तं हे जिगु भगवान बुद्धयाथाय् भिं गु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान तिकिङ्कणिपुष्पिय स्थविरं थुपिं गाथात धया विज्याःगु जुल ।

तिकिङ्कणिपुष्पियत्थेरापदान छगूगु व्वचाल ।

४९२. पंसुकूलपूजकत्थेरापदान

१. हिमाल पर्वतया लिक्कसं उदंगण नांयागु पहाड छगू दयाच्चन । अन (जिं) छमा सिमा च्वकाय् थाना च्वंगु (भुण्डये जुयाच्चंगु) पांशुकूल चीवर छपु खना ।

२. उबले हे जिं स्वप्नः किङ्कीणी स्वां थ्वया हयाः पांशुकूल चीवरयात पूजा याना ।

३. उगु बांलाक यानागु भिं गु ज्याया कारणं व मन प्रसन्न संयम यानागु कारणं मनुष्य देह (शरीर) त्वःताः (सिनावनाः) तावतिंस देवलोक्य वना (जन्म काः वना)

४. थनिं ग्वीछगूगु कल्प्य उबले गुगु (भिं गु) ज्या (कर्म) यानागु खः, थ्व अर्हत ध्वज (भुण्डा) पूजा याना जिं दुर्गति धैगु मस्यू ।

अपदान पालि

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

६. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पांसुकूलपूजक स्थविरं थुपिं गाथात धया बिज्याःगु जुल ।

पांसुकूलपूजकत्थेरापदान निगूगु क्वचाल ।

४९३. कोरण्डपुप्फियत्थेरापदान

१. जि न्हापाया वाः-बाज्याया पालं निसैंयाम्ह वनये ज्या याना नइम्ह जुयाचवना । जनावरत स्यानाः जीवन हनाचवना । जितः कुशल (भिंगु) धै गु मदु ।

२. जिगु आश्रमया लिक्कसं (न्त्यःने) लोकय् अग्रम्ह नायकम्ह तिस्य भगवान बुद्धं जितः अनुकम्पा तथा बिज्यासे वस्पोलं (ज्ञां) मिखा दुम्ह बुद्धं स्वपलाः तथा बिज्यात । स्वपलाः क्यना बिज्यात ।

३. वस्पोल तिस्य भगवान बुद्धं तथाः क्यना बिज्याःगु शास्ताया स्वपलाः चिं खनाः उकिइ हे जिं थःगु मन प्रसन्न यानाः मन लयेतायेका चवना ।

४. ह्वयाचवंगु कोरण्ड स्वां सिमा खनाः दं नापं उगु कोरण्ड स्वां ध्वया हयाः लयतायाः उगु श्रीपादय् पूजा याना ।

५. जिं बांलाक यानागु उगु भिंगु ज्याया कारणं व मन प्रसन्न व संयम यानागुया कारणं मनुष्य देह त्वःताः तावतिसं देवलोकय् जन्म काः वना ।

६. देवता जुयाः व मनू जुयाः गुगु योनिइ (जातिइ) जन्म काः वना व व जातिइ (जन्मय्) कोरण्ड स्वां थें प्रभा दुम्ह जुया चवना ।

७. थनिं ग्वीनिगूगु कल्पय्, उवले गुगु (भिंगु) कर्म यानागु खः, व कारणं दुर्गति धैगु मस्यू । थ्व श्रीपाद पूजा यानागुया फल विपाक खः ।

अपदान पालि

८. जिगु क्लेशत दहन जुल । दक्ख भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

९. एकान्तं हे भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कोरण्डपुष्पिय स्थविरं थुपिं गाथात धया विज्याःगु जुल ।

कोरण्डपुष्पियत्थेरापदान स्वंगू क्वचाल ।

४९४. किंसुकपुष्पियत्थेरापदान

१. किंसुक स्वां त्वयाच्चंगु खनाः व स्वां थःगु ल्हाःतय् कया हयाः श्रेष्ठम्ह बुद्धयात लुमंकाः आकासय् त्वलाः पूजा याना ।

२. जिं बांलाक यानागु उगु भिंगु कर्मया कारणं व मन प्रसन्न व संयम यानागुया कारणं मनुष्य देह त्वःताः जि तावतिस देवलोकय् जन्म काः वना ।

३. थनिं स्वीच्छगूगु कल्पय, उवले गुगु (भिंगु) कर्म यानागु खः, व कारणं दुर्गति धैगु मस्यू । थ्व बुद्धपूजाया फल खः ।

४. जिगु क्लेशत दहन जुल । दक्ख भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान किंसुकपुष्पिय स्थविरं थुपिं गाथात धया विज्याःगु जुल ।

किंसुकपुष्पियत्थेरापदान प्यंगू क्वचाल ।

४९५. उपड्ढदुस्सदायत्थेरापदान

अपदान पालि

१. उबले पदुमुत्तर भगवान बुद्धया सुजात नांयाम्ह श्रावक शिष्य भन्ते पांशुकूल (चीवरया लागि कापः) मामां फोहर वांछ्वया तःगु थासय् चाःहिला च्वन ।
 २. उबले जि हंसवति धैगु शहरय् मेपिनिगु ज्या याइम्ह नोकर जुयाच्वना । जिं वस्पोलयात कापः टुक्रा छकू बियाः छँयनं वन्दना याना ।
 ३. जिं बांलाक यानागु उगु भिंगु ज्याया कारणं व मन प्रसन्न यानागुया कारणं मनुष्य देह त्वःताः तावतिसं देवलोकय् जन्म काः वना ।
 ४. स्वीस्वक्वः तक देवराज इन्द्र जुयाः दिव्यराज्य याना । न्हेन्हेक्वः तक चक्रवर्ती जुजु जुयाः नं राज्य याना ।
 ५. विशालगु प्रदेश राज्यतला ल्याखं अत्याख जुइ । उगु कापः टुक्रा छकू दान बियागु कारणं भयरहितगु निर्वाण प्राप्त याना कयाः मुदित जुया च्वना ।
 ६. थौं नं जिं यदि इच्छा याना धाःसा थ्व वन पर्वत दक्वं कापतं त्वपुइ फु । थ्व कापः टुक्रा दानया फल विपाक खः ।
 ७. थनिं छगू लाख कल्प न्हापा उबले गुगु दान बियागु खः, व कारणं दुर्गति धैगु मस्यू । थ्व कापः टुक्रा दानया हे फल विपाक खः ।
 ८. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।
 ९. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान उपइढदुस्स दायक स्थविरं थुपिं गाथात धया बिज्याःगु जुल ।

उपइढदुस्सदायकत्थेरापदान न्यागूगु क्वचाल ।

४९६. घतमण्डदायकत्थेरापदान

१. बांलाक बिचाःयाइम्ह, भाग्यवानम्ह, लोकय् ज्येष्ठम्ह, नरासभम्ह, महावीर

अपदान पालि

- मह भगवान बुद्ध वातावाधं (फय्या ल्वचं) पिडित जुयाः फ्यतुना च्वंगु....
२. खनाः मन लयतायेका घ्यः भचा दान विया । उगु यानागु पुण्य कर्म, व मुंकागु पुण्यं नं थ्व भागिरथी खुसि थें....
३. प्यंगू महासागरं नं (जिगु इच्छा सिइकाः) जितः घ्यः उपलब्ध याना विई । थ्व अप्रमाणगु असंख्यगु पृथ्वीं नं जितः घ्यः उपलब्ध जुया विइ ।
४. जिगु संकल्पना सिइकाः प्यखेरंया सिमात नं कल्पवृक्ष जुया विइ ।
५. न्येक्वः तक जि देवराज इन्द्र जुयाः दिव्य राज्य याना ।
६. अथे हे न्येछक्वः तक चक्रवर्ती जुजु जुयाः राज्य याना । प्रदेश राज्यत ला ल्याखं अल्याख जुई ।
७. ग्वीखुगूगु कल्पय, उबले गुगु दान वियागु खः, व कारणं दुर्गति धैगु मस्यू । थ्व घ्य भचा दान वियागुया फल विपाक खः ।
८. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बास याना ।
९. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान घतमण्डदायक स्थविरं थुपिं गाथात धया विज्याःगु जुल ।

घतमण्डदायकत्थेरापदान खुगूगु क्वचाल ।

४९७. उदकदायकत्थेरापदान

१. पदुमुत्तर भगवान बुद्धया उत्तरितरगु भिक्षुसंघयात सुमनमह जुयाः प्रसन्नगु मनं लः थल दान याना ।
२. पर्वतया च्चकाय् जूसां सिमाय् च्चकाय् जूसां आकासय् पृथ्वी गुबले जिं लः या इच्छा यायेगु खः उबले हे जितः तुरुन्त लः प्राप्त (उत्पन्न) जुयाविइ ।

अपदान पालि

३. थनिं छगू लाख कल्प न्हापा उबले गुगु दान यानागु खः, व कारणं दुर्गति धैगु मस्यू । थ्व लः थल दान वियागुया फल विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान उदकदायक स्थविरं थुपिं गाथात धया विज्याःगु जुल ।

उदकदायकत्थेरापदान न्हेगूगु क्वचाल ।

४९८. पुलिनथूपियत्थेरापदान

१. हिमाल पर्वतया लिक्कसं यमक नायागु पर्वत छगू दुगु जुल । अन जितः बांलाक दयेका तःगु आश्रम छगू व बांलाक दयेका तःगु पर्णशाला (हल) छगू नं दुगु जुल ।

२. नामं नारद नांयाम्ह 'जटिल' (तपश्वी) जुयाः उगु तप याइम्ह जुया च्वना सा जितः भिंप्यद्वः शिष्यपिसं चाःहुइकाः च्वनी ।

३. उबले जि विवेकीम्ह जुया च्वनाबले थथे विचाः याना- "सकल जनपिसं जितः पूजा याइ । जिं सुइतं नं पूजा मयाना ।"

४. जितः अववाद (उपदेश) याइपि नं मदु । सुइतं नं जिं उपस्थान याये म्वाः । जि आचार्य, उपाध्याय (गुरुपिं) विना हे थ्व जंगलय् च्वं च्वना ।

५. जि सुइथाय् नं वनेबले (वं जितः) गुरु भाःपिया उपस्थान याई । व जितः गुरु मरु । उकिं थ्व वनबास निरर्थक जुयाच्वन ।

६. जि अथे गुरु भावं युक्त जुइफुपिं उत्तमपिं माला च्वना । अजाःम्ह (उत्तम व्यक्ति) आश्रय याना च्वने । अले सुनानं जितः निन्द्रा याइमखु ।

७. तःजाः मज्जूगु सिथ दुगु मनोरमगु खुसिइ बांलाःगु तुयुगु फिं युक्त जुयाच्वंगु

थासय् लिक्कसं हे जिगु आश्रम बांलाक स्थापित जुयाच्वंगु जुल ।

८. उबले जि अमरीक नांयागु उगु खुसि सिथय् थ्यंकः वनाः फि जायेकाः फिया स्तूप (चैत्य) छगः दयेका ।

९. भव (जन्म) अन्त याना विज्याइम्ह सर्वज्ञम्ह सुं मुनि दुसा थुगु प्रकारया चैत्य (स्तूप) दयेकागु वस्पोल सम्बुद्धयात निमित्त यानाः हे जिं थ्व चैत्य दयेके ।

१०. फिया स्तूप (चैत्य) दयेकाः जिं स्वर्ण (लँ) निर्माण याना । स्वदंदुगु सवर्ण किडकीनि स्वां नं (व स्तूप) पूजा याना ।

११. जायावःगु खुसिं युक्तम्ह जुयाः सुथे, सन्याःइलय् ल्हाः विन्तियानाः नमस्कार याना । भगवान बुद्ध हे न्ह्यःने दुथें जिं उगु फि चैत्ययात वन्दना याना ।

१२. गुबले छयँय् आश्रितगु क्लेश व वितर्कत उत्पन्न जुइगु खः, उबले तुरुन्त हे सुगतया व स्तूप लुमंके । प्रतिवेक्ष नं याये ।

१३. “सार्थवाहकम्ह, विनायकम्ह छलपोल उपनिश्रय याना च्वनाम्ह जितः क्लेशय् तक्थना च्वनेगु उचित मजू । हे मारिस (मनू) थ्व युक्तिसंगत मजू ।”

१४. अले उगु स्तूप (चैत्य) लुमंके साथं हे जिगु मनये गौरव उत्पन्न जुइ । कथिं नियन्त्रणय् तयातःम्ह किसि थें जिं जिगु मिथ्या वितर्कत (कुबिचाःत) तापाका छवये ।

१५. अथे यानाः जीवन हना वनाच्वनाम्ह जितः मृत्यु राजं (त्वपुल) । जि अनं सिनावनाः ब्रह्मलोकय् जन्म काः वना ।

१६. अन आयु दत्तले च्वनाः तावतिसं देवलोकय् जन्म कया । चय्क्वः तक्क देवराज इन्द्र जुयाः दिव्य राज्य नं याना ।

१७. अनं लिपा स्वसःक्वःतक चक्रवर्ती जुजु जुयाः पृथ्वीइ राज्य याना । विशालगु प्रदेश राज्य यानागुला ल्याखं अल्याख हे जुई ।

१८. जिं व पूजा यानागु किडकीणि स्वांया फल विपाक अनुभव याना च्वना । भवय् चाःहिला च्वनेबले छगू लाख धाइपिसं चाःहुइकाः च्वनी ।

१९. गथे चैत्यय् लुं छायेपा तयागुलिं धू मथाइगु खः अथे हे जिगु म्हय् चःति वइमखु । धू थाइमखु । जिगु शरीर प्रभां युक्त जुयाच्चनी ।

२०. अजूचाया (अचम्म) च्वना । जिं बांलाक स्तूप दयेका तयागु व अपरो का खुसि नं बांलाक खना । उगु फिया दथ्वी फिया हे चैत्य दयेकाः अचलगु पदय् (निर्वाणय्) थ्यंकः वना (प्राप्त याना) ।

२१. कुशल (भिं) यायेगु इच्छा दुपिसं सार (निर्वाण) प्राप्त याना काइपिं प्राणीपिसं थ्व (भिं) क्षेत्र (वुं), थ्व क्षेत्र मखु धकाः छुटे याना च्वने म्वाः । थःगु प्रतिपत्तिं हे अर्थसिद्ध जुई ।

२२. गथे बलवान्ह व्यक्ति महासागर तरे जुइ मास्तिवयेकाः बल्लाःगु कथि छपु ज्वनाः उगु समुन्द्रय् तिन्हुइगु खः,

२३. अले जि थ्व बल्लाःगु कथिं यानाः थुगु समुन्द्र तरण याये धकाः उत्साह याना विइ युक्त जुयाः व मनू व समुन्द्र तरण जुइ ।

२४. अथे हे जिं गुगु कर्म यानागु खः व भतिचा जक खः, कम जक खः । अथेसां गुगु कर्मया कारणं हे संसार सागरं तरे जुया ।

२५. उगु कुशल मूलं अभिप्रेरित जूम्ह जुयाः (उगु भिं ज्यां घ्वाःम्ह जुयाः) अन्तिमगु जन्मय् थ्यंकाः (पच्छिमगु भवय् थ्यंम्ह जुयाः) न्हापालाकक हे श्रावस्ति नगरय् धनं आध्यम्ह महासार कूलय् जन्म जुया ।

२६. जिमि मां वाः श्रद्धायुक्तपिं खः । बुद्धया शरण वीपिं खः । थुपिं निम्हं (निर्वाण) पद खीपिं खः । थुपिं बुद्धशासन कथं हे वनाच्चपिं खः ।

२७. (इमिसं) बोधिवृक्ष सिमाया शाखा छगू कयाः लुंया स्तूप दयेकल । भगवान (शाक्यपुत्र) बुद्धया ध्यानये (स्तूप) सुथय् वहनी वन्दना (नमस्कार) नं याई ।

२८. पुन्हि खुन्हु व लुं स्तूप पित हइ । भगवान बुद्धयागु गुण लुमंकाः स्वंगू पहर (चच्छि हे) विते यात ।

२९. जि व स्तूप खनाः न्हापा जिं दयेकागु फिया स्तूप लुमंकाः उगु आसनय् च्वनाः हे जिं अर्हत भाव प्राप्त याना कया ।

अपदान पालि

३०. वस्पोल वीरम्ह भगवान बुद्धयात मामां वनाम्ह जिं धर्म सेनापतिम्ह (सारिपुत्र भन्ते) यात खना । छ्यैय् नं प्याहाँ वनाः वस्पोलथाय् प्रव्रजित जुया ।

३१. जन्म जुयाः न्हेदं दुबले हे जि अर्हत् भावय् थ्यंकः वना । ज्ञां मिखा दुम्ह भगवान बुद्धं (जिगु) गुण सिइकाः (जितः) उपसम्पदा याका विज्यात । भिक्षु याका विज्यात ।

३२. जिं बाल्यकालय् हे (मचाबलय् हे) निर्वाण प्राप्त यायेत यायेमाःगु सकतां यानाः सिधयेके धुन । शाक्यपुत्रम्ह भगवान बुद्धया शासनये यायेमाःगु ज्या जिं पूरा याना ।

३३. हे महावीर ! सकतां वैर व भय अतिक्रमण याये धुन, दक्व क्लेशत नं अतिक्रमण याये धुन । छलपोलया श्रावक शिष्य जुया च्वना । थ्व सकतां उगु लुँया स्वां पूजाया हे फल विपाक खः ।

३४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

३५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पुलिनथूपिय स्थविरं थुपिं गाथात धया विज्याःगु जुल ।

Dhamma.Digital

पुलिनथूपियत्थेरापदान च्यागू कुचाल ।

४९९. नलकुटिदायकत्थेरापदान

१. हिमाल पर्वतया लिक्कसं हारित नांयागु पहाड छगू दुगु जुयाच्वन । स्वयम्भूम्ह नारद भगवान बुद्ध अनया सिमाक्वय् उबले च्वना विज्याइगु जुयाच्वन ।

२. जिं पंया कुटी छगू दयेकाः घाँय् नं छायेपा विया । अले चंक्रमण याइगु थाय् नं सफा यानाः जिं स्वयम्भूम्ह भगवान बुद्धयात विया ।

अपदान पालि

३. बांलाक यानागु उगु सुकर्मया कारणं व मन प्रसन्न व संयम यानागुया कारणं मनुष्य देह त्वःताः तावतिस देवलोक्य् जन्म काः वना ।
४. अन जितः बांलाक दयेका तःगु ख्वीगू योजन तःजाःगु स्वीगू योजन ताहाकगु पंया कुटी थें च्वंगु बांलाःगु विमान दयाच्चन ।
५. जि भिंप्यंगूगु कल्पतक अन देवलोके न्ह्याइपुका च्वना । न्हेछक्वःतक दिव्य राज्य नं याना ।
६. पीप्यक्वःतक जि चक्रवर्ती जुजु जुया । विशालगु प्रदेश राज्य यानागु ल्याखं अल्याख जुइ ।
७. सर्वप्रकारं उत्तमगु उपमा दुगु धर्मरूपी प्रासादया च्वय् गयाः शाक्यपुत्रया बुद्धशासनये जि मंदत्तले च्वनेगु याये ।
८. थनिं स्वीछगूगु कल्पय, उबले जिं गुगु कर्म यानागु खः व कारणं दुर्गति धैगु मस्यू । पंया कुटी दयेका वियागुया थ्व फल विपाक खः ।
९. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।
१०. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान नलकुटिदायक स्थविरं थुपिं गाथात धया विज्याःगु जुल ।

नलकुटिदायकत्थेरापदान गुंगू क्वचाल ।

५००. पियालफलदायकत्थेरापदान

१. न्हापा जि मृग व्याधा जुयाच्चना । उबले जि जंगलय् चाःहिला च्वना बले सकतां धर्मय् पारंगतम्ह रज (क्लेश) रहितम्ह भगवान बुद्धयात खना ।
२. जिं पियाल फल छगः कया हयाः पुण्यक्षेत्रम्ह, वीरम्ह वस्पोल श्रेष्ठम्ह बुद्धयात थःगु हे ल्हाःतं प्रसन्न जुयाः दान विया ।

अपदान पालि

३. थनिं स्वीच्छगूगु कल्पय् उबले गुगु फल दान वियागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान पियालदायक स्थविरं थुपिं गाथात धया विज्याःगु जुल ।

पियालफलदायकत्थेरापदान भिगूगु क्वचाल ।

किङ्कणिपुप्फवर्ग क्वचाल

५१. कणिकारवर्ग

५०१. तिकणिकारपुप्फियत्थेरापदान

१. स्वीनीगू लक्षणं युक्तम्ह सुमेध नांयाम्ह सम्बुद्ध विवेकी सुख ययेका विज्यासे वस्पोल भगवान बुद्ध हिमाल प्रदेशे थ्यंकः विज्यात ।

२. पुरुषोत्तमम्ह, अग्र कारुणिकम्ह वस्पोल मुनिम्ह भगवान बुद्ध हिमाल प्रदेशे शे द्वाहाँ विज्यानाः पर्यक तथा विज्यानाः फ्यतुना विज्यात ।

३. उबले जि आकासे चाःहिलीम्ह विद्याधरम्ह जुया च्वना । उबले हे जि बांलाक दयेकातःगु त्रिशुल ज्वनाः आकासं वनाच्वना ।

४. जंगलया च्चकाय् मि थें, पुन्हिया तिमिला थें, त्वया च्वंगु साल स्वां थें वस्पोल बुद्ध उगु जंगलय् थिनाच्वना विज्यात ।

५. उगु जंगलं पिज्वयाः पिने फैले जुयाच्वंगु बुद्ध रश्मि (जः) पंया जंगलं प्याहाँवया च्वंगु जः थें खनाः उकिइ मन प्रसन्न याना ।

६. जिं उगु जंगले दिव्यमय सुगन्ध दुगु कणिकार स्वां खना । उगु स्वप्नः

स्वां कया हयाः बुद्धश्रेष्ठयात पूजा याना ।

७. उबले जिं पूजा यानागु व स्वांत भगवान बुद्धया आनुभावं यानाः दं च्वय् व हः क्वय् स्वकाः वस्पोल शास्तायात किचः लाकाः (आकासे) थाना च्वन ।

८. उगु बांलाक यानागु कर्म (भिं ज्या) व मन प्रसन्न यानागु कारणं व मनुष्य देह (शरीर) त्वःताः (सिनावनाः) तावतिसं देवलोकय् जन्म काः वना ।

९. अन जितः बांलाक दयेका तःगु विमानयात कणिकार धकाः धायेगु याई व विमान ख्वीगू योजन तःजाः व स्वीगू योजन व्या दुगु जुयाच्वन ।

१०. (उगु विमानये) द्वःछिगू भाग दयाच्वन । सच्छिगू गोलाकार च्वका दुगु जुयाच्वन । ध्वजा पताका नं युक्त जुयाच्वन । विमान नं वाँउसे च्वनाच्वन । विमानये च्वय् छगू लाख छय्यै (कोठात) नं जितः उत्पन्न जुल ।

११. थःम्हेसिनं इच्छा याः कथंया मणिमयगु, सुर्वणमयगु, हिरा मोतिमयगु पर्यक्त (जितः) दया च्वनी ।

१२. नाइसेच्वंगु कपाय् दुगु उद्धलोकिक, एकान्त, विम्वाहन आदिं युक्तगु महर्घगु घनेगु खाता नं (दः) दयाच्वनी ।

१३. गबले जिं उगु भवनं प्याहाँ वनाः दिव्य समूहं चाःहुइकाः दिव्य चारिकाय् वनेगु इच्छा यायेगु खः । उबले जि स्वांया क्वय् लाना च्वनी । जिगु छ्यनये कुसा थें छचाखेरं छगू योजन दुगु स्वां नं त्वपुना च्वनी ।

१४. ख्वीद्वः तूर्यवादनं जितः सुथय् सन्याइलय् उपस्थान यानाच्वनी । (इपिं) अल्लि मचासे चां न्हिं जितः न्ह्याबलें चाःहुइकाः च्वनी ।

१५. अन नृत्यं नं, म्यें नं, तालं नं, वादनं नं आदि कथं जि क्रिडारतिं न्ह्याइपुका च्वना । जि यःथे खुसि जुयाच्वना ।

१६. अन तावतिसं देवलोकय् उबले जिं नयाः त्वनाः न्ह्याइपुका च्वना । अथे हे उगु उत्तमगु विमानये दिव्य मिस्तनापं च्वनाः नं न्ह्याइपुका च्वना ।

१७. जिं न्यासःक्वः दिव्य राज्य याना । स्वसःक्वः जि चक्रवर्ती जुजु जुया ।

१८. विशालगु प्रदेश राज्यत ला (राज्य यानागु) ल्याखं अल्याख जुइ । भव संसारय् चाःहिला च्वनाबले जि महाभोग (सम्पत्ति) प्राप्त याना कया ।

अपदान पालि

१९. जितः भोग सम्पत्तिं ह्यु नं कमी मजू । थ्व बुद्धपूजाया फल खः । जि दे वत्वय् व मनुष्यत्वय् धैगु निगू भवय् जक चाःहिला च्वना ।

२०. मेगु गति जिं मस्यू । थ्व बुद्धपूजाया फल खः । क्षत्रीय वा ब्राह्मण धैगु निगू कूलय् जक जन्म जुया ।

२१. (व बाहेक) नीचगु कूलय् जन्म मजुया । थ्व बुद्धपूजाया फल खः । हस्तियान (किसिरथ), अश्वरथ (सलरथ), सिविका, व सन्दमानिक आदि....

२२. थुपिं दक्वं प्राप्त याना च्वना । थ्व बुद्धपूजाया फल खः । दासि समूह, दास समूह, समाःयानातःपिं मिस्त....

२३. थुपिं दक्व प्राप्त याना च्वना । थ्व बुद्धपूजाया फल खः । कोसय्य, कम्बलि, खोम, कप्पासिका आदि...

२४. थुपिं दक्वं प्राप्त याना च्वना । थ्व बुद्धपूजाया फल खः । न्हूगु वस, न्हूगु फल, न्हूगु अग्रगु भोजन आदि

२५. थुपिं दक्वं प्राप्त याना च्वना । थ्व बुद्धपूजाया फल खः । थ्व न, थ्व अनुभव या, थुगु खाताय् चँ आदि

२६. थुपिं दक्वं प्राप्त याना च्वना । थ्व बुद्धपूजाया फल खः । दक्वथाय् पूजितमह जुया च्वना । जि यशकीर्ति अग्रस्थानये थ्यंकः वनामह जुया च्वना ।

२७. न्ह्यावलें नं भेद मजुइपिं पक्षपातिपिं मनूत समूह दुमह जुयाच्वना । थःथितिपिनि विचय् नं उत्तमह जुयाच्वना । थ्व बुद्धपूजाया हे फल खः ।

२८. ख्वाउँसे च्वनीगु व तांन्वइगु धैगु जिं मस्यू । पुइगु (शरीर दाह जुइगु) धैगु नं जितः मदु । हानं मनये दुःख नं दः मदु ।

२९. भव संसारय् जि सुवर्ण वर्णमह जुयाः चाःहिला च्वना । दुर्वण धैगु जिं मस्यू । थ्व बुद्धपूजाया फल खः ।

३०. कुसलमूलं प्रेरितमह जुयाः देवलोकं च्यूत जुया वयाः श्रावस्ति नगरय् अतिकं सम्पन्नगु महासाल कुलय् जन्म जुया ।

३१. पंचकाम गुण त्वःताः अनगारिक प्रव्रज्यां प्रव्रजित जुया । जन्म जुयाः न्हे दँ दुबले हे अर्हत् भावय् थ्यंकः वना ।

अपदान पालि

३२. ज्ञां मिखा दुम्ह भगवान् बुद्धं जिगु गुण म्हासिकाः जितः उपसम्पदा (भिक्षु) याना विज्यात । जि ल्याय्म्ह जूसां पूजा याये वहःम्ह जुया । थ्व बुद्धपूजाया फल खः ।

३३. जिगु दिव्यचक्षु विशुद्ध जू । जि समाधिइ (ध्यानये) कुशलम्ह (दक्षम्ह) जुयाच्चना । अभिज्ञाय् पारंगतम्ह जुयाच्चना । थ्व बुद्धपूजाया फल खः ।

३४. प्राप्त याना कयागु प्रतिसम्भिदा दुम्ह जुयाच्चना । ऋद्धि पादय् कोविदम्ह (दक्षम्ह) जुयाच्चना । धर्मय् पारंगतम्ह जुयाच्चना । थ्व बुद्धपूजाया फल खः ।

३५. थनिं स्वीद्वःगु कल्प न्हापा गुगु बुद्धपूजा यानागु खः, व कारणं दुर्गति धै गु मस्यु । थ्व बुद्धपूजाया फल खः ।

३६. जिगु क्लेशत दहन जुल । दक्व भवत नाश जुल । किसिं थें वन्धनत चफुनाः आश्रवरहितम्ह जुयाः वास याना ।

३७. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् तिकणिकारपुष्फिय स्थविरं थुपिं गाथात धया विज्याःगु जुल ।

तिकणिकारपुष्फियत्थेरापदान् छगूगु व्वचाल ।

Dhamma.Digital

५०२. एकपत्तदायकत्थेरापदान

१. जि हंसवति नगरय् कुम्भकार जुयाच्चना । प्यंगू भव संसारं (ओघ) तरे जुया विज्याःम्ह अनाश्रवीम्ह रज (धू, क्लेश) रहितम्ह बुद्धयात (जिं) खना ।

२. वस्पोल श्रेष्ठम्ह बुद्धयात जिं बांलाक दयेकागु चाया पात्र (थल) दान बिया । सृजु गुणं, तादि गुणं युक्तम्ह भगवान् बुद्धयात पात्र विइधुंकाः ...

३. “जि भवय् चाःहिला च्चनेबले सुवर्णमयगु थल प्राप्त याइम्ह ! सुवर्णमयगु, मणिमयगु व वहःया थलत प्राप्त याइम्ह जुया... ”

४. अजाःगु पात्र नं परिभोग याइम्ह जुयाच्चना । उगु पुण्यकर्मया थ्व फल

अपदान पालि

खः । जिं यशकीर्ति नं, धनं नं युक्तम्ह जुयाच्चना ।

५. गथे सश्रिकगु बुँई भतिचा जक पुसा पिनाःनं बांलाक वा वल कि उकिं बुया वइगु फलं ज्यापुयात लय्तायेकी ।

६. अथे हे बुद्धरूपी बुँई पिनागु पात्ररूपी पुसा प्रीति रूपी वा वल कि उकिं बुया वइगु फलं जितः लय्तायेकी ।

७. भिक्षुसंघ अथवा गण धकाः गुलि नं पुण्यक्षेत्रत दुगु खः, तर मनूतय्गु लागि सुख प्राप्त जुइगु बुद्धक्षेत्र थें तःधंगु मेगु पुण्यक्षेत्र मदु ।

८. वस्पोल श्रेष्ठम्ह व्यक्तियात, उत्तमम्ह व्यक्तियात नमस्कार दु । छगू पात्र दान वियाः जिं अचल (निर्वाण) पद प्राप्त याना कया ।

९. थनिं ग्वीछगूगु कल्पय् उबले गुगु पात्र दान यानागु खः, व कारणं दुर्गति धैगु मस्यु । थ्व पात्र दानया फल खः ।

१०. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

११. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान एकपात्रदायक स्थविरं थुपिं गाथात धया विज्याःगु जुल ।

Dhamma.Digital

एकपत्तदायकत्थेरापदान निगूगु क्वचाल ।

५०३. कासुमारीफलदायकत्थेरापदान

१. ह्वयाच्चंगु कणिंकार स्वांथें थिनाच्चना विज्याःम्ह, पर्वतया विचय् फ् यतुना विज्यानाच्चंम्ह, क्लेशरजं रहितम्ह, लोकय् ज्येष्ठम्ह, मनूत मध्ये श्रेष्ठम्ह भगवान बुद्धयात (जिं) खना ।

२. सुमनम्ह जुयाः प्रसन्नगु मनं युक्त जुयाः छयनं निसें ल्हाः विन्ति यानाः कासुमारीक फल कया हयाः श्रेष्ठम्ह बुद्धयात जिं दान विया ।

अपदान पालि

३. थनिं स्वीच्छगूगु कल्पय् उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कासुमारीफलदायक स्थविरं थुपिं गाथात धया विज्याःगु जुल ।

कासुमारफलित्थेरापदान स्वंगू क्वचाल ।

५०४. अवटफलित्थेरापदान

१. अपराजितम्ह, स्वयम्भूम्ह, द्वःच्छिगू रश्मि दुम्ह भगवान बुद्ध विवेकी सुखं दना विज्यासे भिक्षाया लागि प्याहाँ विज्यात ।

२. अथे विज्यानाच्चंम्ह वस्पोलयात जिं खनाः अवटफल ल्हाःतय् दुम्ह जुयाः वस्पोलया थाय् वनाः, प्रसन्नगु मन दुम्ह जुयाः सुमनम्ह जुयाः व (अवट) फल दान बिया ।

३. थनिं ग्वीप्यंगूगु कल्पय् उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान अवटफलित्थेरापदान स्थविरं थुपिं गाथात धया विज्याःगु जुल ।

अवटफलित्थेरापदान प्यंगू क्वचाल ।

५०५. वारफलियत्थेरापदान

१. (मनूतयूगु) पूजा (दान) ग्रहण (कया) याना विज्यानाच्चंमह सुवर्ण वर्णमह सम्बुद्धमह भगवान बुद्धयात जिं वार फल दान बिया ।

२. थनिं ग्वीछगूगु कल्पय् उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुमह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान वारफलिय स्थविरं थुपिं गाथात धया विज्याःगु जुल ।

वारफलियत्थेरापदान न्यागूगु क्वचाल ।

५०६. मातुलुङ्गफलदायकत्थेरापदान

१. पुन्हिया चन्द्रमा थें, कणिकार स्वां थें, दीप सिमा थें थिना विज्यानाच्चंमह लोकनायकमह भगवान बुद्धयात जिं खना ।

२. जिं मातुलुङ्ग फल कया हयाः विइयोग्यमह धीरमह शास्तायात थःगु हे ल्हाःतं प्रसन्नमह जुयाः दान बिया ।

३. थनिं स्वीछगूगु कल्पय् उबले गुगु फल दान यानागु खः । व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना

अपदान पालि

कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान मातुलुङ्गफलदायक स्थविरं थुपिं गाथात धया विज्याःगु जुल ।

मातुलुङ्गफलदायकत्थेरापदान खुगूगु क्वचाल ।

५०७. अजेलिफलदायकत्थेरापदान

१. उबले चरण धर्म सम्पन्नम्ह, समाधि ध्यानये कुशलम्ह, मुनिम्ह, अर्जुन नांयाम्ह सम्बुद्ध हिमाल प्रदेशे वास याना विज्याना च्वन ।

२. जिं वस्पोल शास्तायात चिगः गाच्छिगु अजेलि फल जिवजिवक व हानं दयेकागु कुसा छपाः नं दान बिया ।

३. थनिं ग्वीप्यंगूगु कल्प न्हापा उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान अजेलिफलदायक स्थविरं थुपिं गाथात धया विज्याःगु जुल ।

Dhamma.Digital

अजेलिफलदायकत्थेरापदान न्हेगूगु क्वचाल ।

५०८. अमोदफलियत्थेरापदान

१. मनूतयगु पूजा (दान) ग्रहण याये योग्यम्ह, सुवर्णवर्णम्ह, लँय् विज्यानाच्वंम्ह सम्बुद्धम्ह भगवान बुद्धयात जिं अमोद फल दान बिया ।

२. थनिं ग्वच्छगूगु कल्पय् उबले गुगु फल दान बियागु खः, व कारणं दुर्गति धैगु मस्यू । थ्व फल दानया विपाक खः ।

अपदान पालि

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान अमोदफलियदायक स्थविरं थुपिं गाथात धया विज्याःगु जुल ।

अमोदफलियत्थेरापदान च्यागूगु क्वचाल ।

५०९. तालफलदायकत्थेरापदान

१. अपराजितम्ह, स्वयम्भूम्ह, सतरंसि नांयाम्ह भगवान बुद्ध विवेकीसुखं दना विज्यानाः भिक्षाया लागि प्याहाँ विज्यात ।

२. फल ल्हातय् दुम्ह जिं नरासभम्ह वस्पोल बुद्ध खनाः वस्पोलथाय् वनाः सुमनम्ह जुयाः प्रसन्नगु मनं ताल फल दान विया ।

३. थनिं ग्वीप्यगूगु कल्पय् उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान तालफलदायक स्थविरं थुपिं गाथात धया विज्याःगु जुल ।

तालफलदायकत्थेरापदान गुंगूगु क्वचाल ।

५१०. नालिकेरफलदायकत्थेरापदान

अपदान पालि

१. उबले जि बन्धुमति नगरय् आरामिक जुया च्वना । आकासं विज्यानाच्वंम्ह, (क्लेश) रजरहितम्ह भगवान् बुद्धयात उबले जिं खना ।
२. नालिकेर फल (नैक्याः) छगः कयाः जिं श्रेष्ठम्ह बुद्धयात दान विया । महायशस्वीम्ह शास्ताम्ह वस्पोल बुद्धं आकासे च्वनाः हे व फल कया विज्यात ।
३. जितः लयतायेकीगु उबले हे विपाक विइगु कथं सुख उत्पन्न याना विइगु (उगु) फल प्रसन्नगु मनं भगवान् बुद्धयात दान विया....
४. उबले हे जि यक्व लयताया । उत्तमगु सुख नं प्राप्त याना । उगु उगु थासय् (गन गन जन्म जुल) जितः रत्तत उत्पन्न जुई ।
५. थनिं ग्वीछ्गूगु कल्पय् उबले गुगु फल दान वियागु खः, व कारणं दुर्गति धैगु मस्यू । थ्व फल दानया विपाक खः ।
६. जितः विशुद्धगु दिव्य चक्षु प्राप्त जुल । जि समाधि ध्यानये दक्षम्ह जुल । अभिज्ञाय् पारंगतम्ह जुल । थ्व फल दानया हे विपाक खः ।
७. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।
८. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
थन थुगु प्रकारं आयुष्मान् नालिकेरफल दायक स्थविरं थुपिं गाथात धया विज्याःगु जुल ।

नालिकेरफलदायकत्थेरापदान भिगूगु क्वचाल ।

कणिकारवर्ग क्वचाल

५२. फलदायकवर्ग

५११. कुरञ्चियफलदायकत्थेरापदान

अपदान पालि

१. जि न्हापा जंगलय् चाःहिलाच्चनीम्ह मृग व्याधा जुयाच्चना । सकल धर्मय् पारंगतम्ह, क्लेश रजरहितम्ह भगवान बुद्धयात जिं खना ।

२. जिं कुरञ्चिय फल कया हयाः पुण्यक्षेत्रम्ह, वीरम्ह, श्रेष्ठम्ह बुद्धयात प्रसन्न जुयाः थःगु हे ल्हाःतं दान विया ।

३. थनिं स्वीछ्णगूगु कल्पय उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कुरञ्चियफलदायक स्थविरं थुपिं गाथात धया विज्याःगु जुल ।

कुरञ्चियफलदायकत्थेरापदान छगूगु क्वचाल ।

५१२. कपित्थफलदायकत्थेरापदान

१. मनूतय्गु दान ग्रहण याये योग्यम्ह, सुवर्ण वर्णम्ह, लँय् विज्याना च्वंम्ह सम्बुद्धम्ह भगवान बुद्धयात जिं कपित्थ फल दान विया ।

२. थनिं स्वीछ्णगूगु कल्पय् उबले गुगु फल दान यानागु खः, व कारणं दुर्गति धैगु मस्यू । थ्व फल दानया विपाक खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कपित्थफलदायक स्थविरं थुपिं गाथात धया विज्याःगु जुल ।

अपदान पालि

५. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् केतकपुष्पियदायक स्थविरं थुपिं गाथात धया विज्याःगु जुल ।

केतकपुष्पियथेरापदान प्यंगू कुचाल ।

५१५. नागपुष्पियथेरापदान

१. मनूतयगु पूजा ग्रहण याये योग्यम्ह, सुवर्ण वर्णम्ह, लँय् विज्यानाच्चंम्ह सम्बुद्धम्ह भगवान् बुद्धयात जिं नाग स्वांनं पूजा याना ।

२. थनिं ग्वीछगूगु कल्पय् उबले गुगु स्वां पूजा यानागु खः, व कारणं दुर्गति धैगु मस्यू । थ्व बुद्धपूजाया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् नागपुष्पिय स्थविरं थुपिं गाथात धया विज्याःगु जुल ।

Dhamma.Digital

नागपुष्पियथेरापदान न्यागू कुचाल ।

५१६. अज्जुनपुष्पियथेरापदान

१. उबले जि चन्द्रभागा खुसि सिथय् च्वनीम्ह किन्नर जुया च्वना । अन क्ले श रजरहितम्ह, स्वयम्भूम्ह, अपराजितम्ह भगवान् बुद्धयात खना ।

२. प्रसन्नगु मन दुम्ह जुयाः, भिंगु मन दुम्ह जुयाः, उत्पन्न जूगु श्रद्धां युक्त जुयाः ल्हाःतय् अर्जुन स्वां कया हयाः विन्ति यानाः स्वयम्भूम्ह भगवान् बुद्धयात पूजा याना ।

३. बांलाक यानागु उगु भिंगु कर्म व मन प्रसन्न यानागु कारणं किन्नर शरीर

अपदान पालि

त्वःताः जि तावतिस देवलोक्यु जन्म काः वना ।

४. स्वीखुक्वः देवेन्द्र जुयाः जिं दिव्य राज्य याना । भिक्वः चक्रवर्ती जुजु जुयाः महाराज्य याना ।

५. विशालगु प्रदेश राज्यत राज्य यानागुला ल्याखं अल्याख जुइ । जिं स्वयम्भूमह भगवान बुद्धया भिंगु बुँई पिनागु पुसाया फल अचम्मगु खनी ।

६. जिगु (यानागु) कुशल (आः तक) दयाच्चन । जि अनगारिक प्रब्रज्यां प्रब्रजित जुया । थौं नं जि शाक्यपुत्रमह भगवान बुद्धया शासनये पूजायाये बहःमह जुयाच्चना ।

७. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बास याना ।

८. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुमह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान अर्जुनपुप्फिय स्थविरं थुपिं गाथात धया विज्याःगु जुल ।

अज्जुनपुप्फियत्थेरापदान खुगूगु क्वचाल ।

५१७. कूटजपुप्फियत्थेरापदान

१. हिमाल प्रदेशाय् लिक्कसं चावल नांयागु पर्वत छगू दयाच्चन । उगु पर्वतया विषय सुदर्शन नांयामह भगवान बुद्ध च्वना विज्यानाच्चन ।

२. हिमालय् सइगु स्वां ज्वनाः जि च्वय् थाहाँ वना । अनं जिं भव सागरं तरे जूमह, अनाश्रवीमह सम्बुद्ध भगवान बुद्धयात खना ।

३. जिं कूटज स्वां कया हयाः छयनंनिसें ल्हाः विन्ति यानाः स्वयम्भूमह, महर्षिमह वस्पोल भगवान बुद्धयात पूजा याना ।

४. थनिं स्वीछगूगु कल्पय् उबले गुगु स्वां पूजा यानागु खः, व कारणं दुर्गति धैगु मस्यू । थ्व बुद्धपूजाया फल खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत

अपदान पालि

चफुनाः आश्रवरहितम्ह जुयाः बास याना ।

६. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् कुटजपुप्फिय स्थविरं थुपिं गाथात धया विज्याःगु जुल ।

कुटजपुप्फियथेरापदान न्हेगूगु क्वचाल ।

५१८. घोससञ्जकत्थेरापदान

१. जि न्हापा महा-जंगलय् मृग व्याधा जुयाच्चना । अन जिं क्लेश रजरहितम्ह दिव्य समूहं चाःहुइकाः च्वनाविज्याःम्ह भगवान् बुद्धयात खना ।

२. प्यंगू सत्यत (चतुआर्यसत्य) प्रकाश याना विज्याना च्वंम्ह, अमृत-पद निर्वाण विषयस देशना याना विज्याना च्वंम्ह, लोकबन्धुम्ह सिखि भगवान् बुद्धया मधुरगु धर्म नं जिं न्यना ।

३. असमानम्ह, अप्रतिपुद्गलम्ह भगवान् बुद्धप्रति व वस्पोलया सःप्रति मन लयूतायेका । उकिइ मन प्रसन्न यानाः तरे जुइत थाकुगु भवं जि तरे नं जुया ।

४. थनिं स्वीछ्गूगु कल्पय् उवले गुगु संज्ञा प्राप्त यानागु खः, व कारणं दुर्गति धैगु मस्यू । थ्व घोष सःया संज्ञाया फल खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

६. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् घोषसंज्ञा स्थविरं थुपिं गाथात धया विज्याःगु जुल ।

घोससञ्जकत्थेरापदान च्यागूगु क्वचाल ।

५१९. सब्बफलदायकत्थेरापदान

अपदान पालि

१. उबले जि मन्त्रय् पारंगतम्ह नामं वरुण नांयाम्ह ब्राह्मण जुया च्वना ।
भिम्ह काय्पिं त्वःताः उबले जि जंगलय् द्वाहाँ वना ।
२. उगु जंगलय् जि बांलाक आश्रम छगू दयेकाः मनोरमगु विहार नं बारे
यानाः दयेकाः उकिइ च्वंच्वना ।
३. मनूतय्गु पूजा ग्रहण याये योग्यम्ह, लोकविज्ञम्ह पदुमुत्तर भगवान बुद्ध
जितः तरेयाये मास्ते वयेकाः विज्यानाः वस्पोल जिगु आश्रमय् विज्यात ।
४. उगु जंगलय् गुलि जः दुगु खः व जः सिवे अप्वः वस्पोल बुद्धया आनुभावं
जंगल छगुलिं च्याना च्वंथें थिनाच्वन ।
५. जिं तादि गुण दुम्ह, श्रेष्ठम्ह बुद्धया अजाःगु प्रातिहार्य खनाःलि हःया थल
दयेकाः व थल फलफूल जायेका ।
६. अले वस्पोल भगवान बुद्धयाथाय् वनाः व सकतां दान बिया । भगवान
बुद्धं जिप्रति अनुकम्पा तयाः थ्व वचन धया विज्यात ।
७. “थ्व फलफूलया थल नापं ज्वनाः छ् जि ल्यूल्यू वा, भिक्षुसंघं नं (परिभो
ग यातकि) नया विज्यातकि छन्त पुण्य लाइ ।”
८. जिं व थल नापं ज्वना वनाः भिक्षुसंघयात दान बिया । उकिइ हे मन
प्रसन्न याना । (अनं लिपा) तुषित देवलोकय् जन्म काः वना ।
९. अनं जिं दिव्यमयगु नृत्य (प्याखं), म्ये, संगीत आदि सकतां सदां उगु
पुण्यकर्मया संयुक्तिं यानाः अनुभव (भोगये) यानाः च्वना ।
१०. देवता जुयाः अथवा मनू जुयाः गुगु योनिइ जन्म काः वनेगु खः उगु
जातिइ जितः छ् नं कथंया भोग सम्पत्तिइ कमी मजू । थ्व फल दानया
विपाक खः ।
११. वस्पोल भगवान बुद्धयात उगु फल दान बिया, जि समुन्द्र व पर्वत
सहितगु प्यंगू दिशां युक्तगु पृथ्वीइ ईश्वर जुयाच्वना ।
१२. आकासे गुलि भंगःत दुगु खः, इपिं गुलि च्वय्तक थाहाँ वनीगु खः,
अनतकया इपिं भंगःत नापं जिगु वशय् दयाच्वनी । थ्व नं उगु फल दानया
विपाक खः ।

अपदान पालि

१३. जंगलय् दुने गुलि राक्षसत, भूतत, यक्षत, कुम्भण्डत, गरुडत दइगु खः इपिं सकलें जिगु उपस्थानया (सेवाया) लागि वइपिं जुयाच्वन ।

१४. कुमा, सोण, मधुकर, डंस, मकस, धैपिं उभय प्राणीपिं नं जिगु वशय् वइपिं जुयाच्वन । थ्व नं फलदानया विपाक खः ।

१५. पंक्षि योनिइ जन्म जूम्ह, महानगु शक्ति दुम्ह, सुपर्ण नांयाम्ह भंगः (गरुड) नं जिगु सरणय् वई । थ्व नं फलदानया विपाक खः ।

१६. दीर्घायुम्ह, ऋद्धियुक्तम्ह, महायशश्चीम्ह गुपिं नागत दुगु खः, इपिं नं जिगु वशय् वइपिं जुयाच्वन । थ्व फलदानया विपाक खः ।

१७. सिंह, धुँ, चितुवा, भालु, ध्वं आदि प्राणीपिं नं जिगु वशय् वइपिं जुयाच्वन । थ्व नं फलदानया हे विपाक खः ।

१८. ओसधि तिण (वृक्ष) वासिपिं, आकासे च्वनीपिं आदि देवतापिं सकलें जिगु सरणय् वइपिं जुयाच्वन । थ्व नं फलदानया हे विपाक खः ।

१९. खंकेत अतिकं थाकुगु, अतिकं सूक्ष्मगु, गम्भिरगु बांलाक प्रकाशयाना तःगु (धर्म) स्पर्शयानाः (थुइकाः) (निवारण बोध यानाः) बास याना च्वना । थ्व नं फलदानया हे विपाक खः ।

२०. च्यागू विमोक्षत स्पर्श (प्राप्त) यानाः, अनाश्रवीम्ह जुयाः बास यानाच्वना । जि प्रज्ञा प्राप्तम्ह जुयाच्वना । थ्व फलदानया हे विपाक खः ।

२१. महायशश्चीपिं, क्षययागु दोष दुपिं, फलय् थ्यंपिं गुलि नं बुद्धपुत्रपिं दुगु खः इपिं मध्यय् जि नं छम्ह जुयाच्वना । थ्व फलदानया हे विपाक खः ।

२२. कुशल मूलं अभिप्रेरित जूम्ह जुयाः अभिज्ञाय् पारंगतम्ह जुयाः दक्व आश्रवत (प्रहाण कथं) थुइकाः आश्रवरहितम्ह जुयाः बास यानाच्वना ।

२३. त्रिविद्या दुम्ह जुयाः, ऋद्धि प्राप्तम्ह जुयाः, महायशश्चीम्ह दिव्यश्रोत दुपिं गुलि नं बुद्धपुत्रपिं दुगु खः, इपिं मध्यय् जि नं छम्ह जुयाच्वना ।

२४. थनिं छगू लाख कल्प न्हापा उबले गुगु फल दान वियागु खः, व कारणं दुर्गति धैगु मस्यू । थ्व फलदानया हे विपाक खः ।

२५. जिगु क्लेशत दहन जुल । दक्व भवत नाश जुल । किसिं थें बन्धनत

अपदान पालि

चफुनाः आश्रवरहितम्ह जुयाः बास याना ।

२६. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् सर्वफलदायक स्थविरं थुपिं गाथात धया विज्याःगु जुल ।

सब्वफलदायकत्थेरापदान गुंगू कुवचाल ।

५२०. पदुमधारिकत्थेरापदान

१. हिमाल प्रदेशया लिक्कसं रोमस नांयागु पर्वत छगू दुगु जुयाच्चन । उबले 'सम्भव' नांयाम्ह भगवान् बुद्ध पिने खुल्ला थासय् च्वना विज्याना च्वन ।

२. जि (थःगु) भवनं (छय्ये नं) प्याहाँ वयाः वस्पोलयात पलेस्वां नं कुइका च्वना । छन्हु अथे धारण याना हानं छय्येसं तुं ल्याहाँ वना ।

३. थनिं स्वीछगूगु कल्पय् उबले गुम्ह बुद्धयात पूजा यानागु खः व कारणं दुर्गति धैगु मस्यु । थ्व बुद्धपूजाया फल खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् पदुमधारिक स्थविरं थुपिं गाथात धया विज्याःगु जुल ।

पदुमधारिकत्थेरापदान भिगू कुवचाल ।

फलदायकवर्ग कुवचाल

५३. तिणदायकवग्ग

५२९. तिणमुट्ठिदायकत्थेरापदान

अपदान पालि

१. हिमाल प्रदेशया लिक्कसं लम्बक नांयागु पर्वत छगू दयाच्चन । अन उपतिशय सम्बुद्ध (भगवान बुद्ध) पिने खुल्ला थासय् चंक्रमण याना: (चा:हिला) विज्याना च्वन ।

२. जि धा:सा उबले जंगलय् दुने मृग व्याधा जुयाच्चना । वस्पोल देवातिदे वम्ह वस्पोल भगवान बुद्धयात खना: घाँय् छम्हू दान बिया ।

३. भगवान बुद्धयात फ्यतुना विज्यायेगु लागि (घाँय्) बिया: मन प्रसन्न याना । वस्पोल सम्बुद्धयात वन्दना (अभिवादन) याना: उत्तर पाखे स्वया: वना ।

४. वना: छुं ई लिपा हे मृगजुजुं (सिंहं) जित: ज्वन । व सिंहं (बँय्) कुतुकुम्ह जि अन हे सिना (मृत्यु जुया) ।

५. आश्रवरहितम्ह, श्रेष्ठम्ह बुद्धप्रति मरणासन्न इलय् गुगु कर्म यानागु ख:, बाणं प्याहाँ व:गु वाणया वेग थें जि देवलोकय् वना (जन्म का: वना) ।

६. उगु पुण्यकर्म याना: अन (देवलोकय्) दयेका त:गु विमान शुभगु (बांला:गु जुल) । व विमान (भवन) द्व:छिगू भाग दुगु जुल । सच्छिगू गोलाकार दुगु व भण्डातय्सं याना: वाउँसे च्वंगु जुल ।

७. लुया व:गु सुर्ज थें उगु प्रासादया ज: थिनाच्चनी । कन्यातय्सं जायाच्वंगु व थासय् जि यत्थे सन्तुष्ट जुयाच्चना ।

८. उगु देवलोकं च्युत जुयावया: उगु हे कुशल मूलं अभिप्रेरितम्ह जुया: मनुष्य भावय् वया: आश्रवत क्षय (क्षीण) या:म्ह जुयाच्चना ।

९. थनिं ग्वीप्यंगूगु कल्पय् उबले गुगु फ्यतुइगु घाँय् दान जिं बियागु ख:, व कारणं दुर्गति धैगु मस्यु । थ्व घाँय् छम्हू दान बियागुया फल ख: ।

१०. जिगु क्लेशत दहन जुल । दक्ख भवत नाश जुल । किसिं थें बन्धनत चफुना: आश्रवरहितम्ह जुया: बास याना ।

११. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान तिणदायक स्थविरं थुपिं गाथात धया विज्या:गु

जुल ।

तिणमुद्धिदायकत्थेरापदान छगूगु क्वचाल ।

५२२. मञ्चदायकत्थेरापदान

१. तादि गुणं युक्तम्ह, लोकय् ज्येष्ठम्ह विपश्ची भगवान् बुद्धयात् थःगु हे ल्हाःतं प्रसन्न जुयाः खाता छगू दान विया ।

२. उगु खाता दानया कारणं किसिया रथ, सलया रथ व दिव्यमयगु रथ नं प्राप्त याना । अथे हे आश्रवत क्षय जुइगु थासय् थ्यंका ।

३. थनिं ग्वीछगूगु कल्पय् उबले जिं गुगु खाता दान यानागु खः, व कारणं दुर्गति धैगु मस्यू । थ्व खाता दानया फल खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् मञ्चदायक स्थविरं थुपिं गाथात धया विज्याःगु जुल ।

Dhamma.Digital

मञ्चदायकत्थेरापदान निगूगु क्वचाल ।

५२३. सरणागमनियत्थेरापदान

१. उबले आजीवक जुयाच्चनाम्ह जि व भिक्षु (भन्ते) छम्ह नौकाय् (डुङ्गाय्) थाहाँ वना (गया) । नौका स्यंबलय् (टुक्रा जूबले) व भिक्षुं जितः सरण (ग्वाहालि) विल ।

२. थनिं स्वीछगूगु कल्पय् उबले सुनां जितः सरण व्यूगु खः व कारणं दुर्गति धैगु मस्यू । थ्व सरणागमनया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

अपदान पालि

४. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् सरणगमनिय स्थविरं थुपिं गाथात धया विज्याःगु जुल ।

सरणगमनियत्थेरापदान स्वंगूगु व्वचाल ।

५२४. अब्भञ्जनदायकत्थेरापदान

१. उबले जि बन्धुमति नगरया राजोद्यानये (जुजुया बरैचाय्) च्वंच्वना । उबले जि कमण्डलु (लःथल) धारण याइम्ह छयंगूया वसः पुनीम्ह जुयाच्च्वना ।

२. अन जिं स्वयम्भूम्ह, अपराजितम्ह, वीर्यं युक्तम्ह, ध्यानये भिरतम्ह, ध्यानीम्ह, वशं युक्तम्ह, निर्मलम्ह भगवान् बुद्धयात खना ।

३. सकतां ज्याय् समूद्धम्ह, (प्यंगू) ओघ (भवसागरत) अवतिर्ण जूम्ह, अनाश्रवीम्ह खनाःलि सुमनम्ह जुयाः लयतायाः म्हाय बुलीगु चिकं दान विया ।

४. थनिं ग्वीच्छगूगु कल्प न्हापा उबले गुगु दान वियागु खः, व कारणं दुर्गति धैगु मस्यू । थ्व म्हाय् थायेगु चिकं दानया फल खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

६. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् अब्भञ्जनदायक स्थविरं थुपिं गाथात धया विज्याःगु जुल ।

अब्भञ्जनदायकत्थेरापदान प्यंगूगु व्वचाल ।

५२५. सुपटदायकत्थेरापदान

१. लोकनायकम्ह विपश्ची भगवान् बुद्ध दिवा विहारं प्याहाँ विज्यात (वस्पो ल खनाः) जिं हलुकागु, बांलाःगु वसः दान विया । कल्पतक स्वर्गय् सन्तो

षं च्वना ।

२. थनिं ग्वीळ्ळगूगु कल्पय् उबले गुगु भिंगु वस्त्र दान वियागु खः, व कारणं दुर्गति धैगु मस्यू । थ्व सुपट दानया फल खः ।

३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान सुपटदायक स्थविरं थुपिं गाथात धया विज्याःगु जुल ।

सुपटदायकत्थेरापदान न्यागूगु क्वचाल ।

५२६. दण्डदायकत्थेरापदान

१. उबले जि महाजंगलय् द्वाहाँ वनाः दं चानाः कथि छपु दयेकाः संघया (भिक्षुसंघ) आलम्बन (निमित्त) यानाः जिं भिक्षुसंघयात दान विया ।

२. उकिं हे मन प्रसन्न यानाः, भिंगु व्रत दुपिं संघपिन्त वन्दना यानाः व आलम्ब कथि नं दान वियाः उत्तर पाखे स्वयाः प्याहाँ वना ।

३. थनिं ग्वीप्यंगूगु कल्पय् उबले गुगु दण्ड दान वियागु खः, व कारणं दुर्गति धैगु मस्यू । थ्व दण्ड (कथि) दानया फल खः ।

४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान दण्डदायक स्थविरं थुपिं गाथात धया विज्याःगु जुल ।

दण्डदायकत्थेरापदान खुगूगु क्वचाल ।

५२७. गिरिनेलपूजकत्थेरापदान

१. न्हापा जि जंगलय् चाःहिला च्वनीम्ह मृग ब्याधा जुयाच्चना । (अन) जिं सकल धर्मय् पारंगतम्ह, (क्लेश) रज (धू) रहितम्ह भगवान बुद्धयात खना ।
 २. सकल सत्वप्राणीपिनिगु हित-सुखय् लगेजुया विज्यानाच्चंम्ह, महाकारुणिकम्ह वस्पोल भगवान बुद्धयात सुमनम्ह जुयाः लय्तायाः नेल स्वां पूजा याना ।
 ३. थनिं स्वीछगूगु कल्पय् उबले गुगु स्वां पूजा यानागु खः, व कारणं दुर्गति धैगु मस्यू । थ्व बुद्धपूजाया फल खः ।
 ४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।
 ५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।
- थन थुगु प्रकारं आयुष्मान गिरिनेलपूजक स्थविरं थुपिं गाथात धया विज्याःगु जुल ।

गिरिनेलपूजकत्थेरापदान न्हेगूगु क्वचाल ।

Dhamma.Digital

५२८. बोधिसम्मज्जकत्थेरापदान

१. जि न्हापा चैत्य-प्रांगणे (चिभाः दुगु थासय्) कुतुंवना च्वंगु बोधिसिमा हःत (खनाः) कयाः वां छ्वया विया । (उकिं) नीगू गुणत प्राप्त याना ।
२. उगु कर्मया तेजं (आनुभावं) भव संसारय् चाःहिला च्वनावले देव-मनुष्य धैगु निगू भवय् जक चाःहिला च्वना ।
३. देवलोकं च्यूत जुयाः मनुष्य भवय् जन्म काः वःसां ब्राह्मण वा क्षत्रीय धै गु निगु कुलय् जक जन्म कया ।

४. पुष्टगु शरीर दुम्ह जुयाः, आयु आरोग्यं युक्तम्ह जुयाः, अंग सम्पूर्णम्ह जुयाः, सफाम्ह जुयाः, बांलाःगु रूप शोभा दुम्ह जुया च्वना ।

५. देवलोक्य् जन्म काःसां, मनुष्यलोक्य् जन्म काःसां, न्त्याथाय् जन्म काःसां सुवर्ण वर्णम्ह जुयाच्वना । व छु नं ख्वाउँसे च्वंगु लुँ थें (भिंगु शरीरं) जः बिया च्वनी ।

६. बोधिसिमाया हःत वांछ्वयागुलिं जिगु शरीरया छ्यँगू (वर्ण) न्त्याबले नाइसे, यच्चुसे, पिच्चुसे, सूक्ष्म, मृदु जुयाच्वनी ।

७. न्त्याथाय् न्त्यागु गतिइ (जन्मय) जूसा नं प्राप्त जुइगु शरीरय् गुबले नं धू, दाग फोहर आदि थाइमखु, किइमखु । थ्व सिमा हःत वांछ्वयागुया विपाक फल खः ।

८. क्वाःगु फय् लाइबले नं, मि-तापया कारणं तांन्वः जुइबले नं जिगु शरीरय् चःति वइमखु । थ्व हः वांछ्वयागुया विपाक खः ।

९. कुष्ठ, तःकई, चासुइगु, दाग, अबुर्द आदि जिगु शरीरय् गुबले नं दइमखु । थ्व हः वांछ्वयागुया फल खः ।

१०. भव संसारय् चाःहिला च्वनाबले मेगु गुणत नं जितः दयाच्वनी । जितः गुबले नं शरीरय् रोगं कइमखु । थ्व हः वां छ्वयागुया फल खः ।

११. भव संसारय् चाःहिला च्वनाबले मेगु गुणत नं जितः दयाच्वनी । जितः गुबले नं मानसिक पिडा (मनया घाः) जुइमखु । थ्व हः वांछ्वयागुया फल खः ।

१२. भव संसारय् चाःहिला च्वनाबले मेगु गुणत नं जितः दयाच्वनी । जितः गुबले नं शत्रु त (पासापिं) धैपिं मदु । थ्व हः वांछ्वयागुया फल खः ।

१३. भव संसारय् चाःहिला च्वनाबले मेगु गुणत नं जितः दयाच्वनी । जितः गुबले नं भवभोग सम्पत्तिं कमि मजू । थ्व हः वांछ्वयागुया फल खः ।

१४. भव संसारय् चाःहिला च्वनाबले मेगु गुणत नं जितः दयाच्वनी । जितः गुबले नं मि पाखें, जुजु पाखें, खुँ पाखें, लः पाखें भय मदु ।

१५. भव संसारय् चाःहिला च्वनाबले मेगु गुणत नं जितः दयाच्वनी । जितः

अपदान पालि

न्त्याबलें नं नोकर चाकरत थः यत्थे दयाच्चनी ।

१६. गुलि आयु प्रमाण दयेकाः मनुष्य भवय् जन्म कायेगु खः, उगु आयु छुं नं कारणं कम जुइमखु । थ्व हः वांछ्वयागुया फल खः ।

१७. दुने च्वपिं, पिने चाःहिलीपिं, गामेच्वपिं, देशेच्वपिं थुपिं सकसिनं जिगु भिं चाहे जुयाच्चनी । जिं धयागु अनुसारं वनीपिं जुयाच्चनी ।

१८. जि भवय् भोग सम्पत्ति, यशकीर्ति, श्री सम्पत्ति व थःथितिपिं सहितम्ह जुयाच्चना । जि दक्व भवय् नं भय मदुम्ह, सन्ताप मदुम्ह नं जुयाच्चना ।

१९. जि भवय् चाःहिला च्वनाबले न्त्याबलें नं देवतापिसं, मनूतयसं, असुरं, गन्धर्वं व यक्ष-राक्षसपिसं नं इपिं सकस्यां जितः रक्षा याना च्वनी ।

२०. देवलोकय् व मनुष्यलोकय् धैगु निगू लोकय् नं थुकथं यश भोग यानाः अन्तिमय् अनुत्तरगु (उत्तमगु) निर्वाणय् नं थ्यंकः वना (प्राप्त याना) ।

२१. सुं नं व्यक्तिं सम्बुद्धयात वा वस्पोल शास्ताया बोधि (चैत्य) यात उद्दे शित यानाः पुण्य संचय यात धाःसा वयात छु दुर्लभ जुइ ?

२२. मार्गय नं, फलय नं, धर्मय नं, ध्यान-अभिज्ञा गुणे नं मेपिनि स्वयाः अप्वः ज्ञां अभिम्ह जुयाच्चना । आश्रवरहितम्ह जुयाः परिनिर्वाण नं जूथें ।

२३. न्हापा जि प्रसन्नगु मन दुम्ह जुयाः बोधिवृक्षया हः वांछ्वया न्त्याबलें नं थुगु नीगू गुणं युक्तम्ह जुयाच्चना ।

२४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

२५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान बोधिसम्मज्जक स्थविरं थुपिं गाथात धया विज्याःगु जुल ।

बोधिसम्मज्जकत्थेरापदान च्यागू क्वचाल ।

५२९. आमण्डफलदायकत्थेरापदान

१. लोकनायकम्ह, सकतां धर्मय् पारंगतम्ह, जिनम्ह पदमुत्तर भगवान बुद्ध समाधि ध्यानं दान विज्यानाःलिं चंक्रमण यानाच्चना विज्यात ।

२. उबले जिं खःम्हू (खरिघर) ज्वनाः फल खाना हया च्वनावले वस्पोल महामुनिम्ह (क्लेश) रजरहितम्ह भगवान बुद्ध चंक्रमण याना विज्यानाः च्वंगु खना ।

३. सुमन दुम्ह जुयाः प्रसन्नगु (लयताःगु) मनं छयँननिसें ल्हाः विन्तियानाः वस्पोल सम्बुद्धयात वन्दना याना (अभिवादन याना) । जिं व आमण्ड फल दान विया ।

४. थनिं छगू लाख कल्प न्हापा उबले गुगु फल दान यानागु खः, व कारणं दुर्गाति धैगु मस्यू । थ्व आमण्ड फल दानया विपाक खः ।

५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

६. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान आमण्डफलदायक स्थविरं थुपिं गाथात धया विज्याःगु जुल ।

Dhamma.Digital

आमण्डफलदायकत्थेरापदान गुंगू क्वचाल ।

५३०. सुगन्धत्थेरापदान

१. थुगु भद्र कल्पय् ब्राह्मण कुलयाम्ह, महायशस्वीम्ह, खँ ल्हाइपिं मध्ये उत्तमम्ह, नामं काश्यप नांयाम्ह भगवान बुद्ध उत्पन्न जूगु जुल ।

२. स्वीनिता लक्षणं सम्पन्नम्ह, अनुव्यञ्जनं नं युक्तम्ह, शरीरया जः नं युक्तम्ह, रश्मि समूहं युक्तम्ह, काश्यप भगवान बुद्ध उत्पन्न जूगु जुल ।

३. (वस्पोल बुद्ध) तिमिला थें सौम्य जुयाच्चन । सूर्ज थें प्रभा (जः) दयाच्चन ।

मेघ (सुपाँय्) थें क्लेश मदयेका विज्याना: सागर थें गुणं युक्तम्ह जुयाच्चन ।

४. धरती थें शीलं युक्तम्ह जुयाच्चन । हिमाल थें समाधि ध्यानं युक्तम्ह जुयाच्चन । आकास थें प्रज्ञां युक्तम्ह जुयाच्चन । फय् थें प्यमफुइम्ह जुयाच्चन ।

५. जन समूहया दध्वी (विचय्) विशारदम्ह वस्पोल महावीरम्ह भगवान बुद्धं गुबले महाजनपिं (मनूत) (थुगु भव सागरं) उद्धार (तरे) याना विज्यासे सत्य (धर्म) प्रकाश (देशना) याना विज्याना च्वन ।

६. उबले हे जि वनारस शहरया समृद्धम्ह, धनधान्य भोग सम्पत्तिं युक्तम्ह, महायशश्वीम्ह श्रेष्ठीपुत्र जुयाच्चना ।

७. जंघाविहारं चाःहिला: मृगदाय् थ्यंक: वनाम्ह जिं अमृत (निर्वाण) पद दे शनायाना विज्यानाच्चंम्ह (क्लेश) रजरहितम्ह भगवान बुद्धयात खना ।

८. (उगु देशना) फैले जुया वनाच्चनीगु मधुरगु सः दुगु, मैनाया सः समानगु सः दुगु, हंसया ध्वनिथें च्वंगु शब्द दुगु महाजनपिन्त धर्मया बोध याका विज्यानाच्चंम्ह भगवान बुद्धयात जिं खना ।

९. वस्पोल देवातिदेवम्ह भगवान बुद्ध खना:, व मधुरगु वचन (धर्म देशना) नं न्यना: अप्रमाणगु भोग सम्पत्तित त्वःता: वया: अनगारिक प्रव्रज्यां प्रव्रजित जुया ।

१०. अथे प्रव्रजित जुया: याकनं हे जि बृहश्रुतम्ह, धर्मकथिकम्ह, विस्तृत कथं थूम्ह (भिक्षु) जुयाच्चना ।

११. जि मनूतय् विचय् (जनसमूह विचय्) च्वना: लय्ताया: गुण वर्णना याये गुलिइ विशारदम्ह जुया । हानं हानं सुवर्ण वर्णम्ह भगवान बुद्धया गुण वर्णना याना । व गथे धा:सा...

१२. वस्पोल भगवान बुद्ध क्षीण आश्रव दुम्ह (आश्रवरहितम्ह) जुया विज्यात । उपद्रवरहितम्ह जुया विज्यात । तापाकूगु भय दुम्ह जुया विज्यात । सकल कर्मत क्षय (नाश) याना विज्या:म्ह जुया विज्यात । उपधि संस्कार दुक्खं मुक्तम्ह जुया विज्यात ।

१३. वस्पोल अजा:म्ह भगवान बुद्ध खः । वस्पोल अनुत्तरम्ह (उत्तमम्ह)

सिंह पुरुष खः । वस्पोल देवतापिं सहितगु लोक्य् ब्रह्मचक्र प्रकाश याना विज्याइम्ह जुया विज्यात ।

१४. वस्पोल महर्षिम्ह भगवान बुद्ध थः दमितम्ह जुयाः महाजनपिं (मनूत) नं दमन याना विज्याइम्ह जुया विज्यात । थः शान्तम्ह जुयाः मनूत नं शान्त याना विज्याइम्ह जुया विज्यात । थः (क्लेश मिं) निवृत्तम्ह (मुक्तम्ह) जुयाः मनूत नं (क्लेश मिं) निवृत्त (मुक्त) याना विज्याइम्ह जुया विज्यात ।

१५. वस्पोल भगवान बुद्ध वीरम्ह, सूरम्ह, धीरम्ह, प्राज्ञम्ह, कारुणिकम्ह जुया विज्यात । (न्यागू वशं) वसिभूतम्ह, विजितम्ह, जिनम्ह, अल्पभोगीम्ह, अनालयम्ह (तृष्णा मदुम्ह) जुया विज्यात ।

१६. गुरुपिनि विचय् नं वस्पोल तृष्णा मदुम्ह, अचलम्ह, ज्ञां दुम्ह, मोह मदुम्ह, (मेपिंनापं समान याये बहःपिं मदुगुलिं) असमानम्ह, मुनिम्ह, भार वहन याइम्ह, वृषभम्ह, नागम्ह, सिंहम्ह, सक्षमम्ह जुया विज्यात ।

१७. वस्पोल विरागीम्ह, निर्मलम्ह, ब्रह्मम्ह, वाद-विवादय् सूरम्ह, (क्लेशमार त्याकूगुलिं) रणवीरम्ह, अखीलम्ह, विमलम्ह, असमानम्ह, सवृतम्ह, परिशुद्धम्ह जुया विज्यात ।

१८. वस्पोल ब्राह्मणम्ह, श्रमणम्ह, नाथम्ह, वैद्यम्ह, शल्य चिकित्सकम्ह, यो धम्ह, बुद्धम्ह, प्रसिद्धम्ह अचलम्ह मुदिता गुणं युक्तम्ह, उदयमानम्ह जुया विज्यात ।

१९. वस्पोल तृप्तम्ह, (महाकरुणां) युक्तम्ह, (क्लेश शत्रुत) नाश याःम्ह, शान्तपदय् विज्याःम्ह, निर्वाणय् थ्यंकीम्ह, अमृत धर्म प्रकाश याइम्ह, अनुयायित लय्तायेकीम्ह, (भव बन्धन) भेद याइम्ह, भव वृक्ष क्षेदन याइम्ह, मेपिनिगु खँ न्यनीम्ह, (योग्यपिनिगु) प्रशंसा याइम्ह जुया विज्यात ।

२०. (रागादि क्लेश मदुगुलि) वस्पोल अखिलम्ह, (रागादि सूल मदुगुलिं) विसूलम्ह, अनिधम्ह (उपद्रव रहितम्ह), शंका मदयेकूम्ह, अनेजम्ह (तृष्णा मदुम्ह) क्लेश धू मदुम्ह) विरजम्ह, सह याना विज्याइम्ह, निर्वाण मार्गय् विज्याइम्ह, मार्ग-कुमार्ग कनीम्ह, धया विज्याइम्ह जुया विज्यात ।

२१. (प्राणीपिं संसारं) तरेयाना विज्याइम्ह वस्पोल अभिवृद्धि याना विज्याइम्ह, निर्वाण प्राप्त सिद्ध याना विज्याइम्ह, (क्लेशरूपी चट्टान) टुक्रा याना विज्याइम्ह,

अपदान पालि

प्राणीपिन्त निर्वाणय् थ्यंका विज्याइम्ह, लोकोत्तर गुणं युक्तम्ह, यइपुसेच्चंम्ह, (क्लेश शत्रुत) नाश याइम्ह, (क्लेश मदयेकूगु) वीर्यं युक्तम्ह, तपश्वी गुणं युक्तम्ह जुया विज्यात ।

२२. वस्पोल (भिं मभिंप्रति) समान मन दुम्ह, असमानम्ह भगवान बुद्धयात जक समान जुइगुलिं असम-समम्ह, असहायम्ह (मेपिनिगु ग्वाहाली म्वाःगुलिं), दया गुणं युक्तम्ह, सर्वज्ञता ज्ञानया लागि यायेमाःगु सकतां याना विज्याइम्ह, न्हापायाम्ह बुद्ध धुंकाः प्रकट जुया विज्याःगुलि ऋषित्तम नांयाम्ह जुया विज्यात ।

२३. शंका उपशंका मदुम्ह, मान मदुम्ह, अप्रमेय्यम्ह, अनूपमम्ह, सकल वर्णना विषय अतिक्रमण याना विज्याइम्ह, सत्य धर्म व सीकेमाःगु सकतां खँय् पारंगतम्ह, जिनम्ह जुया विज्यात ।

२४. सुनानं वस्पोल सत्वसार गुणं उत्तमम्ह बुद्धप्रति श्रद्धां युक्त जुयाः लय् तायाः अमृत फल प्राप्त याना काई । उकिं वस्पोल बुद्धप्रति, धर्मप्रति व संघप्रति दुगु श्रद्धा (आस्था) महानगु ऋद्धि दुगु खः धकाः वर्णना यात ।

२५. जिं थथे गुणं युक्तम्ह वस्पोल भगवान बुद्धयागु वर्णना याये धुंकाः जनसमूहया विचय् च्वनाः धर्मया खँ नं कना ।

२६. अनं च्यूत जुया वनाः तुषित देवलोकय् महासुख अनुभव (भोगे) याना । अनं नं च्यूत जुयाः मनुष्य लोकय् जन्म जुयाः सुगन्धिकम्ह जुया च्वना ।

२७. जिं पिकायेगु फय्, म्हुतुयागु गन्ध, म्हयागु गन्ध, अथे हे जिगु चःतिया गन्ध आदि सकतां गन्ध नं नस्वाःगु (सुगन्ध) जुयाच्चनी ।

२८. जिगु म्हुतुं न्ह्याबले नं पलेस्वां, उत्पला स्वां, चम्पक स्वांया सुगन्ध फै ले जुयाः थुपिं स्वांया वास्ना थथे खः धकाः धयाच्चनी । जिगु शरीरं नं थथे हे वास्ना वयाच्चनी ।

२९. (भगवान बुद्धयागु) उगु कथंया वर्णना यानागुया थजाःगु फल विपाक अतिकं विस्मयजनक खः । व वर्णना हानं जिं याये । सकले एकाग्र जुयाः जिगु (वचन) न्यँ ।

३०. “मनूत मुनीगु थासय् मनंनिसें लय्तायाः मधुरगु सलं बुद्धया गुण वर्णना

यानाः न्ह्याथाय् नं सुखीम्ह जुयाच्चना ।

३१. यशश्वीम्ह, सुखीम्ह, श्रीकान्तम्ह, ज्योतिम्ह, प्रियदर्शीम्ह, वक्ताम्ह, अप्रतिहतम्ह, निर्दोषम्ह, प्रज्ञावानम्ह नं जुयाच्चना ।

३२. आयु (क्षीण) वितयेजुया वनीवले बुद्धभक्तपिन्त निर्वाण अःपुक लाभ जुई । उकिया कारण जिं कने । गथे खः अथे हे कने बांलाक न्यँ-

३३. जिं भगवान बुद्धया शान्तगु यशकीर्तियात विविधकथं अभिवादन (वन्दना) यासे गुगु गुगु थासय् जन्म जुइगु खः अन अन यश दुम्ह जुयाच्चना ।

३४. दुःखया अन्त याना विज्याइम्ह बुद्ध नं, शान्तगु असंस्कृतगु धर्म नं वर्णना यासे मेपिं प्राणीपिन्त नं सुख हया विइम्ह जुयाः व कारणं थःत नं सुख प्राप्त याइम्ह जुयाच्चन ।

३५. जि बुद्दालम्बन प्रीतिं युक्तम्ह जुयाः भगवान बुद्धया गुण वर्णना यानाःलि थःगु मन नं मेपिंजनया मन नं साला कायेगु याना । व कारणं श्रीकान्तम्ह जुयाच्चना ।

३६. तिर्थकरतय्गु समूहया विचय् च्वनाः इमिगु मिथ्या धारणा दमन यानाः बुद्धया गुण वर्णना यानाः इपिं विचय् वस्पोल (मतथें) थीका तया । व कारणं प्रभां युक्तम्ह जुयाच्चना ।

३७. वस्पोल सम्यक् सम्बुद्धया गुण वर्णना यानाः व कारणं तिमिला थें मनूतय्त प्रियगु स्वभाव दुम्ह जुयाः प्रियदर्शीम्ह जुयाच्चना ।

३८. जिं थःगु गुलि शक्ति दुगु खः व प्रमाणं वचनं वस्पोल भगवान बुद्धया वर्णना याना । व कारणं न्ववायेगुली दक्षम्ह, वागिश्वरम्ह, विचित्र मानकम्ह व ज्ञां दुम्ह जुयाच्चना ।

३९. विमति प्राप्तम्ह सुं मूर्खत दुसा इमिसं भगवान बुद्धयात परिभव (दोष) याःसा इमित कारणाकारण सहितं निग्रह याना । व कारणं जि अपरिभविकम्ह (मेपिसं दोष मविइम्ह) जुयाच्चना ।

४०. जि भगवान बुद्धया गुण वर्णना यानाःलि प्राणीपिनिगु क्लेश तापाका छ् वया । उगु कर्मया बलं जि निक्लेशी मन दुम्ह जुयाच्चना ।

अपदान पालि

४१. भगवान् बुद्धयात् लुमंकाः गुण देशना यानाः न्यनीपिन्त ज्ञां दयेका विया । व कारणं जि प्रज्ञां युक्तम्ह जुयाः सूक्ष्मगु ज्ञान दृष्टि (दुम्ह जुयाच्चना) ।

४२. दक्व आश्रवत् क्षीण यानाः (मदयेकाः) संसार सागरं उत्तीर्णम्ह जुया । उपादान रूपी (सिं) मदुगु मि थें सिनाः परिनिर्वाणय् थ्यंकःवनीम्ह जुयाच्चना ।

४३. जिं थुगु हे कल्पय् गुम्ह भगवान् बुद्धया गुण वर्णन यानागु खः, व कारणं दुर्गति धैगु मस्यू । थ्व बुद्ध वर्णनाया फल खः ।

४४. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

४५. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् सुगन्ध स्थविरं थुपिं गाथात धया विज्याःगु जुल ।

सुगन्धत्येरापदान भिंगू क्वचाल ।

तिणदायकवर्ग क्वचाल

५४. कच्चायनवर्ग

५३१. महाकच्चायनत्थेरापदान

१. थनिं छगू लख कल्प न्हापा अनेजम्ह, मार शत्रुत त्याकूम्ह, लोकनायकम्ह, जिनम्ह पदुमुत्तर नांम्ह भगवान् बुद्ध लोकय् उत्पन्न जुल ।

२. वस्पोल वीरम्ह, पलेस्वांया हः थें जाःगु मिखा दुम्ह, तिमिला थें यच्चुसे पिच्चुसे च्वंगु ख्वाः दुम्ह, कनक पर्वत थें (लुंया पहाड थें) थिनाच्चंम्ह, सुरजया रश्मि थें प्रभा दुम्ह...

३. ...प्राणीपिनिगु मिखा नुगः सालाकाइम्ह, उत्तमगु लक्षणं सजयेयाना तःम्ह, (स्वीनिता महापुरिस लक्षणं युक्तम्ह) सकल प्रकारया (वर्णनात्मक) खं अतिक्रमण याना विज्याःम्ह, देव मुन्यपिसं सत्कार-सम्मान याका विज्याइम्ह...

४. ...मधुरगु सः दुम्ह, वागिश्वरम्ह (खँ ल्हायेगुलि दक्षम्ह), जन समूह विचय् विशारदम्ह, सकल प्राणीपिन्त करुणारूपी बन्धनं चिना विज्याःम्ह , सकल प्राणीपिन्त (धर्म) बोध याका विज्यासे वस्पोल सम्यक् सम्बुद्ध....

५. (प्यंगू प्रशंसितगु (च्वच्छाये बहःगु) सत्य धर्म मधुरकथं देशना याना विज्याइ (कना विज्याइ) । मोह रूपी चागालय् कुतुवना च्वापिं प्राणीपिं (उकिइ) बांलाक उद्धार याना (थकया) विज्याइ ।

६. उबले हिमालय् च्वनीम्ह तपश्वीम्ह जि एकचारीम्ह जुयाः आकासं मनुष्य लोकय् वनाच्वनाबले जिं वस्पोल भगवान बुद्धयात खना ।

७. (जि) वस्पोलया लिक्कसं वनाः छम्ह वीरम्ह श्रावकया महान गुण सम्बन्धी वर्णना यासे याना विज्यानाच्वंगु धर्मदेशना (बाखं) न्यना ।

८. “जिं सांक्षिप्त रूपं (वःचा हाकलं) कनागु खँ आयुष्मान कात्यायनं (भन्ते नं) विस्तृत रूपं (ताःहाकलं) कनाः जनसमूह नं, जि नं सन्तुष्ट याई ।”

९. “हे भिक्षुपिं ! जिं थजाःम्ह मेपिं सुनं श्रावकपिं मखना । उकिं थ्वस्पोल थुके अग्रम्ह खः । व कारणं उकिइ एतदग्रस्थानये च्वंम्ह (प्राप्त याःम्ह) धकाः सिइकि (धारण या) ।”

१०. उबले जि वस्पोल भगवान बुद्धया मनोरमगु वचन न्यनाः अचम्म चाचां हिमाल प्रदेशय् वनाः स्वांत ज्वनाः वया...

११. लोकया सरण जुयाविज्याःम्ह वस्पोलयात पूजा यानाः उगुथाय् प्रार्थना याना । उबले वस्पोल भगवान बुद्धं जिगु मनोकामना थुइका विज्यानाः (थथे) धया विज्यात ।

१२. छुयाः सफा याःगु लुँया जःथें च्वंगु छयँगू दुम्ह, च्वय्पाखे चाःतुलाच्वंगु सँ दुम्ह, पूर्णरूपं लां त्वपुना तःगु ब्वहः दुम्ह, निश्चलम्ह, ल्हाः विन्ति याना च्वनाच्वंम्ह उत्तमम्ह थ्व ऋषियात स्व....

१३. लय्ताःगु ख्वबिं जाःगु मिखा दुम्ह, भगवान बुद्धया गुण वर्णना याये गुलिइ मेहेनत दुम्ह, अमृतं म्वःल्हुइका तःम्ह थें च्वंम्ह, धर्मरूपी शरीर दुम्ह थ्व ऋषियात स्व....

१४. (थ्व ऋषि) कत्यायनयागु गुणत न्यनाः, व पद प्रार्थना यानाच्वन ।

महामुनिम्ह गौतम बुद्धया बुद्धशासन दया चवनीबले भविष्य....

१५. उगु बुद्धधर्मय् दयादम्ह धर्म दयेकातःम्ह औरस पुत्रम्ह नामं कत्यायन नांयाम्ह शास्ताया श्रावकम्ह जुइतिनि ।

१६. गथे आः जिं धयागु खः अथे हे अनागतय् बहुश्रुतम्ह, महानगु प्रज्ञां युक्तम्ह, नुगःया खँ सिइकीम्ह जुयाः थ्व ऋषि व थासय् (पदय्) थ्यंकः वनी (प्राप्त याना कार्ई) ।

१७. थनिं छगू लख कल्प न्हापा गुगु कर्म उवले यानागु खः, व कारणं दुर्गति धैगु मस्यू । थ्व बुद्धपूजाया फल खः ।

१८. कि देवता जुयाः, कि मनु जुयाः थ्व निगू भवय् जक जन्म कयाः चाःहिला चवना । जिं मेगु जातिइ (भवय्) (जन्म काः) मवना । थ्व बुद्धपूजाया फल खः ।

१९. जि क्षत्रीय कुलय् व ब्राह्मण कुलय्, थ्व निगू कुलय् जन्म जुया । जि नीचगु कुलय् जन्म मजुया । थ्व बुद्धपूजाया फल खः ।

२०. आः थ्व अन्तिमगु (पश्चिम) भव (जन्म) खः । जि उद्दयनि शहरय्, चन्द्र प्रद्योत जुजुया पूरोहितया काय् जुया ।

२१. सूक्ष्मगु ज्ञां दुम्ह, (प्यंगू) वेदय् पारंगतम्ह जुयाचवना । जि मां 'चन्दीमा' नांयाम्ह जुयाचवन । उत्तमगु छयंगू दुगुलिं जि 'कत्यायन' नांयाम्ह जुयाचवना ।

२२. भगवान बुद्धया विषयस न्यनेत जुजुं छ्वःम्ह जिं गुण समूह दुम्ह लो कनायकम्ह, मोक्षद्वार (निर्वाण) नापं खना...

२३. (संसार) यात्रा रूपी चा गंकीगु निर्मलगु बुद्धवचन न्यनाः न्यासःम्ह नापं शान्तगु अमृतय् (निर्वाण) थ्यंकः वना ।

२४. महामुनिम्ह भगवान बुद्धया मनोभाव सीकीम्ह जुयाः बांलाक समृद्ध जूगु मनोभाव दुम्ह जुयाः एतदग्र स्थानये तःम्ह (स्थापितम्ह) नं जुया ।

२५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

अपदान पालि

२६. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान महाकत्यायन स्थविरं थुपिं गाथात धया विज्याःगु जुल ।

महाकच्चायनत्थेरापदान छगूगु व्वचाल ।

५३२. वक्कलित्थेरापदान

१. थनिं छगू लख कल्प न्हापा लोकनायकम्ह, अनोमम्ह, अमितम्ह नामं पदुमुत्तर नांयाम्ह भगवान बुद्ध लोकय् उत्पन्न जुल ।

२. वस्पोल भगवान बुद्धया ख्वाः पलेस्वां थें च्वं । लः नाप मथीक च्वनीगु पलेस्वां थें लोकया नापं घट्टन मजूसे च्वनी । वस्पोलया वर्णं नं पलेस्वां थें च्वं ।

३. वस्पोल वीरम्ह जुया विज्यात । तुयुगु पलेस्वां हःथें जाःगु मिखा दुम्ह, पलेस्वां थें यइपुस्से च्वं । उत्तमगु पलेस्वांया बास्ना थें बास्ना वइगु म्हुतु दुम्ह जुयाः वस्पोल पदुमुत्तर नांयाम्ह जुया विज्यात ।

४. अथे हे वस्पोल भगवान बुद्ध लोकय् ज्येष्ठम्ह खः । गुण दयेकीम्ह (मिखा मदुपिन्त) मिखा थेंम्ह, शान्त स्वभावम्ह, गुणया निधान दुम्ह, करुणा गुणं सागरम्ह जुया विज्यात ।

५. ब्रह्म, असुर, सुरपिंसं पूजा याःम्ह, देवमनुष्य समूहं चाःहिका विज्याःम्ह जनसमूह विचय अतिकं उत्तमम्ह वस्पोल महावीरम्ह भगवान बुद्ध गुं छन्हु दिनये...

६. बास्ना वइगु म्हुतुं (वचनं) मधुरगु सलं सकल समूहत अनं तुं मुंकातयाः थःछम्ह श्रावकयात प्रशंसा याना विज्यात ।

७. श्रद्धां जायाच्चंम्ह, भीगु पतिं दुम्ह, जितः स्वयेत (व्याकुलम्ह), लालचा दुम्ह थ्व भिक्षु वक्कलि थें जाःम्ह मेपिं जिं सुनं मखना ।

८. उबले जि हंसवति शहरय् ब्राह्मण पुत्रम्ह जुयाः भगवान बुद्धया व वचन

न्यनाः उगु स्थान पद ययेका च्वना ।

९. अले उबले हे श्रावकसंघपिं नापं वस्पोल निर्मलमह भगवान बुद्धयात निमन्त्रणा यानाः (व्वनाः) छ्वाः तक (एक हप्ता) भोजन याकाः चीवर वस्त्र नं पुंका (दान बिया) ।

१०. वस्पोलया अनन्तगु गुण सागरय् (समुन्द्रय्) छ्ळ्यनं चुयाः (वन्दना यानाः) द्वाहाँ वनाः पूर्णरूपं लय्तायाः थ्व वचन धयाः;

११. “हे महामुनि ! थनिं न्हेन्हु न्थ्यवः गुम्ह व भिक्षु श्रद्धावानपिं मध्ये अग्रमह धकाः छलपोलं कना विज्यात, जि नं व थें हे जुइमा” धकाः धया ।

१२. थथे धयाबले वस्पोल महावीरमह अनावरण जूगु दर्शन (ज्ञां) दुम्ह भगवान बुद्धं जनसमूहया विचय् च्वनाः थ्व वाक्य (वचन) धया विज्यात (पिकना विज्यात) ।

१३. “होम यानाः लुँया जनिं सहितगु शरीर दुम्ह, थ्व मिखा नुगः सालाकाइगु काषाय् वस्त्र पुनाच्च्वंम्ह थुम्ह माणवकयात स्व ।”

१४. थुम्ह (व्यक्ति) अनागतय् (भविष्यय्) गौतम भगवान बुद्धया पालय् श्रद्धा युक्त जुयाच्च्वंपिं श्रावकपिं मध्ये नं अग्रमह जुइतिनि ।

१५. जि देवता जूसां, मनू जूसां सकल नापं (दुःखं) अलग्गमह जुयाः, सकतां भोग सम्पत्तिं युक्तमह जुयाः सुखिमह जुयाः संसारय् चाःहिला च्वना ।

१६. थनिं छगू लाख कल्प लिपा ओक्काक कुलय् जन्म जूम्ह नामं गौतम नांयाम्ह शास्ता (भगवान बुद्ध) लोकय् दइतिनि ।

१७. वस्पोल भगवान बुद्धया धर्मय् धर्मदायादमह, औरस पुत्रमह, धर्म हे दये कातःमह, नामं वक्कली नांयाम्ह शास्ताया श्रावकमह जुइतिनि ।

१८. जि उगु कर्म विशेषया कारणं व मन प्रसन्न यानागुया कारणं मनुष्य शरीर त्वःताः वनाः तावतिसं देवलोकय् जन्म काः वना ।

१९. जि न्थ्याथाय् नं न्थ्याबले नं सुखिमह जुयाः भव संसारय् चाःहिला च्वना । अनं श्रावस्ती नगरय् छगू कुलय् जन्म जुया ।

२०. पिसाचयागु भयं त्रिसित जूम्ह ग्याःपहःपिं (मां बौ), घ्यः थें नाइसे च्वंम्ह,

अशोक स्वां हःथे नरमम्ह, च्वयस्वका तःम्ह ज्यू मज्यू मस्यूम्ह, मचाम्ह जि

२१. महर्षिम्ह, भगवान बुद्धया पालिइ तयाः (तुति व्वय्) थ्यना बिल । अले
“हे नाथ ! थ्व मचायात सरण जुया विज्याहुँ बचे यानाः रक्षा याना विज्याहुँ”
धकाः धाल ।

२२. उबले ग्याःपिन्त रक्षक जुया विज्याःम्ह वस्पोल भगवान बुद्धं शक्र लक्षण
दुगु मृदुगु कोमलु ल्हाःतं कया विज्यात ।

२३. जि अनंनिसे उगु रक्षाया कारणं रक्षा जूम्ह जुयाः सकल शत्रुत पाखे बचे
जुयाः सुखपूर्वक तःधिकः जुया ।

२४. पलख जक भगवान बुद्धपाखे अलग जुलकि (बुद्धयात मखन कि)
उत्कण्ठम्ह (विचलितम्ह) जूथे जन्म जुयाः न्हेदँ दुबले हे जि अनगारिक
प्रव्रज्यां प्रव्रजित जुया ।

२५. सकल पारमिताया बलं उत्पन्न जूगु उत्तमगु, सकल लक्षणं युक्तगु
भगवान बुद्धया सकतां शुभ लक्षणं युक्तगु रूपं जितः सन्तुष्ट मजुयाः व रूप
ययेका च्वना ।

२६. बुद्धया रूपप्रति आसक्त जूगु सिइकाः वस्पोल भगवान बुद्धं जितः ओवाद
(उपदेश) बिया विज्यात- “हे वक्कली ! त्वय् मदु; तर मूर्खत जक आसक्त
जुइगु रूपय् छ्छाय् प्यपुना च्वनागु ?”

२७. व सुनां सद्धर्मयात खंकी व पण्डितं जितः खंकूगु जुइ । व सुनां
सद्धर्मयात खंकी मखु वं जितः खनाः नं खंकूगु जुइमखु ।

२८. थ्व शरीर (म्ह) अनन्तगु आदिनवत (दोषत) दुगु शरीर खः । विषं जाःगु
विषरूपी वृक्षयात उपमा जूगु थ्व शरीर खः । दक्व रोग तयगु बासस्थान
(छ्येँ) खः । खालि दुःखया पुञ्ज (दुःखया द्रँ) खः थ्व शरीर ।

२९. उकिं थ्व रूपय् प्यमपुंसे, स्कन्धया उदय व व्यय् (दइगु-मदइगु) खंका
च्वँ । उकिं दक्व क्लेशया अन्तय् सुखपूर्वक थ्यंके फई ।

३०. वस्पोल हितैषीम्ह, लोकनायकम्ह भगवान बुद्धं थुकथं जितः सम्भये
याःबले जितः उगु गिञ्जकूट पर्वतय् थाहाँ वनाः व पर्वतया विचय् (कुनाय्)
सी मास्ति वल ।

अपदान पालि

३१. उगु पर्वतया व्वय् च्वना विज्यानाच्च्वंम्ह वस्पोल महामुनिम्ह, जिनम्ह भगवान बुद्धं 'वक्कली' धकाः सःता विज्यात । जि व सः (वचन) न्यनाः लय् ताया ।

३२. अले उगु अनेकगु सच्छि मनुतय्गु प्रमाणं तजाःगु त्वहंया च्वकां व्वय् तिंन्हुया । तर वस्पोल भगवान बुद्धया आनुभावं (प्रभावं) जि याउंक् हे जमिनये क्वाहाँ वःम्ह जुया ।

३३. वस्पोलं हानं जितः धर्मदेशना याना विज्यानाः रूप स्कन्धया उत्पन्न जुइगु, विनाश जुइगु वारे थुइका विज्यात । जिं व धर्मयात थुइकाः अर्हत् भावय् थ्यंकः वंम्ह जुया ।

३४. महानगु विचाः दुम्ह वस्पोल भगवान बुद्धं यक्व जनसमूह विचय् च्वना विज्यानाः मृत्यु अतिक्रमण याःम्ह (निर्वाणय् थ्यंकूम्ह) जितः श्रद्धा दुपिं मध्ये जि अग्रम्ह खः धकाः अग्रस्थानय् तया विज्यात ।

३५. थनिं छगू लख कल्प न्हापा उबले गुगु कर्म यानागु खः, व कारणं दुर्गति धैगु मस्यु । थ्व बुद्धपूजाया फल खः ।

३६. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

३७. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान वक्कलि स्थविरं थुपिं गाथात धया विज्याःगु जुल ।

वक्कलित्थेरापदान निगगु व्वचाल ।

५३३. महाकप्पिनत्थेरापदान

१. सकल धर्मय् पारंगतम्ह, जिनम्ह पदुमुत्तर भगवान बुद्ध लोकरूपी आकासे उदय जूम्ह शरद आकासे च्वंम्ह सूर्य थें....

२. वचनरूपी रश्मिं विनेय्य जनरूपी पलेस्वां प्रबोध याई । वस्पोल लो कनायकम्ह ज्ञानरूपी जलं क्लेशरूपी चा गंका छुवइ ।

३. पुलुपुलुगेराया जः (मथीगु) थें, जः दुगु सूर्ज थें, तिर्थकर तय्गु यशकीर्ति विनाश याई । सत्य अथे प्रकाश यानाः न्हिन्हेसिया सूर्ज थें रत्न क्यना विइ ।

४. रत्नयागु समुन्द्रथें गुण समूहया आकार थें च्वंम्ह वस्पोलं भूतत प्याकीम्ह सुपाँय् थें लोकजनपिं धर्मरूपी वां प्याका विज्याइ ।

५. उबले जि हंसवति शहरय् सारदर्शीम्ह आचार्य (गुरु) जुयाच्चना । उत्तमम्ह पदुमुत्तर भगवान बुद्धयाथाय् वनाः धर्मदेशना न्यना ।

६. भिक्षुपिन्त अववाद आज्ञा विज्याइपिं मध्ये अग्रम्ह, यायेमाःगु ज्या यानाः सिधयेके धुंकूपिं श्रावक छम्हेसिगु गुण प्रकाश याना विज्यानाच्च्वंम्ह वस्पोल पदुमुत्तर भगवान बुद्धया उपदेश न्यनाः जिगु मन लय्ताल ।

७. उगु धर्मदेशना (बाखं) न्यनाः लय्तायाः प्रसन्न जुयाः तथागतसहित भिक्षुसंघयात निमन्त्रणा यानाः भोजन दानयानाः जिं नं व पद (पदवी) प्रार्थना याना ।

८. उबले हे सः दुम्ह, बाजा सः दुम्ह, विनिश्चय् विशारदम्ह महानगु भाग्य दुम्ह भगवान बुद्धं थ्व महानम्ह अमात्यम्हेसित स्व- धकाः धया विज्यात ।

९. “जिगु पालिइ भोपूम्ह, थाहाँवयाच्च्वंगु सः दुम्ह, मेघवर्णम्ह, जाःगु ब्वहः दुम्ह, प्रसन्नगु मिखा व ख्वाः दुम्ह, थ्व मनू स्व” धकाः धया विज्यात ।

१०. “यक्व परिवारजनपिं नाप महान यशकीर्ति रंजन यानाः, प्रमुदितगु (लय्ताःगु) मन दुम्ह थ्वं यायेमाःगु ज्या पूर्ण यानाच्च्वपिं भिक्षुपिन्त ओवाद (उपदेश) विइपिं मध्ये अग्रम्ह जुइ दयेमा धकाः (व अग्र पद) पदवी प्रार्थना यानाच्चन ।”

११. “थुगु पिण्डपात्र दानया कारणं व मन प्रसन्न याःगु कारणं छगू लख कल्प तक थ्व मनू दुर्गातिइ जन्म काइमखु ।”

१२. “देवतापिनि विचय् दिव्यमय सौभाग्य व मनूतय्गु विचय् महानम्ह जुयाः भोग अनुभव यानाः व कर्मया अवशेष कथं निर्वाणय् नं थ्यंकः वनीतिनि ।”

१३. “थनिं छगू लख कल्प लिपा ओक्काक कुलय् जन्म जुइम्ह नामं गौतम नांयाम्हा शास्ता भगवान बुद्ध लोकय् उत्पन्न जुइतिनि ।”

अपदान पालि

१४. “वस्पोल भगवान् बुद्धया धर्मय् दायाम्ह जुयाः, औरस पुत्रम्ह जुयाः, धर्मय् हे दयेकातःमह् थें जुयाः नामं कप्पिन नांयाम्ह जुयाः भगवान् बुद्धया श्रावकम्ह जुइतिनि” धकाः धया विज्यात ।

१५. अनं लिपा जि नं उगु सर्वज्ञया बुद्धशासनय् तःधंगु पुण्य कर्म यानाः लिपा थुगु मनुष्य शरीर त्वःताः तुषित देवलोकय् जन्म काः वना ।

१६. अनं लिपा धार्मिक रूपं विस्तारं सच्छिक्वः मनुष्य राज्यत राज्य यानाः लिपा वनारसया लिक्कसं पेशकार कुलय् जन्म जूम्ह जुया ।

१७. थः तिरिमयजु नापं द्वच्छिम्ह परिवारजनपिं नापं जिं न्यासःमह् प्रत्येक बुद्धपिनिगु उपस्थान-सेवा याना ।

१८. स्वलातक भोजन दान विया । लिपा स्वपु चीवर नं दान विया । जिपिं सकलें अनं च्यूत जुयाः तावतिस देवलोकय् जन्म काः वना ।

१९. हानं जिपिं सकलें अनं नं च्यूत जुयाः मनुष्य लोकय् हे जन्म काः वया । हिमाल प्रदेशया छेखे दुगु कुक्कुट पूरय् (शहरय्) जन्म जूपिं जुल ।

२०. जि महायशश्वीम्ह कप्पिन नांयाम्ह राजपुत्र जुयाचवना । बाकि दुपिं सकलें मन्त्री कुलय् जन्म जूपिं जुल । इमिसं जितः चाःहुइकाः चवनी ।

२१. दक्व प्रकारया काम सुखं समृद्ध जुयाचवना । राजकीय सुख-सयल प्राप्त याना चवनाम्ह जितः व्यापारीतय्सं धाःगु लोकय् भगवान् बुद्ध उत्पन्न जुया विज्याना च्वंगु दु धैगु न्यना ।

२२. “असमानम्ह एक पुद्गलम्ह भगवान् बुद्ध लोकय् उत्पन्न जुया विज्यात । सुख मध्ये उत्तमगु अमृतगु सद्धर्म वस्पोलं प्रकाश याना (कना) विज्याई ।”

२३. “वस्पोलया शिष्यपिं नं बांलाक उगु धर्मय् लगये जुया विज्याना चवन । अथे हे आश्रवत पाखें मुक्त जुया विज्याना चवन” धकाः धाःगु उगु भिंगु खँ न्यनाः इपिं व्यापारीतय्त बांलाक सत्कार-सम्मान यानाः...

२४. थःगु राज्य त्वःताः थःमन्त्रीत नापं हे भगवान् बुद्ध दर्शन यायेत प्याहाँ वना । समान कथं जाःगु महाचन्द्र खुसि खना...

२५. (उगु खुसिइ कुतुंबपिन्त ग्वाहालि मदइगुलिं) प्रतिष्ठा रहितगु (ज्वनेत

छुं मदुगुलिं) निरालम्बगु अतिकं याकनं (वेगं) न्ह्याःवना च्वंगु (व चन्द्रभागा खुसि) वस्पोल भगवान बुद्धया गुणत लुमंकाः याउँक तरे जुया (पार याना) गथे कि..

२६. “लोकय् अन्तय् थ्यंकः विज्याःम्ह विज्जम्ह भगवान बुद्ध यदि भव रूपी खुसिवालं तरे जूगु खःसा व सत्यया प्रभावं जिगु थ्व तरण सार्थक जुइमा ।”

२७. “यदि वनेगु लँ शान्तिपूर्ण सा, मोक्ष (मुक्ति) नं अतिकं सुखकर सा, व सत्यया प्रभावं जिगु थ्व तरण सार्थक जुइमा ।”

२८. “यदि (आर्य) संघ पार तरे जूगु (भव रूपी) मरुभूमि दुसा, वस्पोलपिं अनुत्तरगु पुण्यक्षेत्र जुया विज्याःगु दुसा व सत्यया प्रभावं जिगु थ्व तरण सार्थक जुइमा ।”

२९. (थुकथं) उत्तमगु सत्यक्रिया यायेसातं जिगु लँपुं लः चिलावन । अले याउँक व खुसिं तरे जुयाः मनोरमगु उगु खुसि पारी थ्यंका ।

३०/३१. अन फयतुना विज्यानाच्चंम्ह, उदयजूम्ह सूर्य थें टल्के जूम्ह, हिमाल थें थिनाच्चम्ह, प्रदीप वृक्ष थें तारापिं सहितगु तिमिला थें, थः श्रावकपिसं चाःहुइकाः च्वना विज्याःम्ह, मेघ गर्जन (न न्यायेकीम्ह) याइम्ह मेघ (बादल) सुपाय् थें धर्मदेशना यानाः धर्मरूपी जल (लः) उबले इनाच्चंगु वस्पोल भगवान बुद्धयात खना ।

३२. “जि थः मन्त्रीपिं नापं भगवान बुद्धयात वन्दना यानाः छखेलिक्क फय् तुना । अले वस्पोल भगवान बुद्धं जिमिगु विचाः (इच्छा) सिइकाः धर्मदेशना याना विज्यात ।”

३३. “जिमिसं व निर्मलगु धर्म न्यनाः भगवान बुद्धयात थथे धया- हे महावीर ! जिपिं भवय् दिक्क जुइधुंकल, उकिं प्रवज्या याना विज्याहुँ ।”

३४. हे भिक्षुपिं ! थ्व धर्म सुआख्यातगु खः (वांलाक कनातःगु खः), छिमिगु दुःख अन्त यायेगु लागि ब्रह्मचर्या पालना या । (विपश्वी भगवान बुद्धनिसें आःतकया) न्हेम्हम्ह गौतम भगवान बुद्धं थथे धया विज्यात ।

३५. उगु वचन न्यनाः जिपिं सकलें भिक्षु भेषधारीपिं जुयाः उपसम्पदा प्राप्त यानाः उपसम्पन्न भिक्षुपिं जुया । बुद्धशासने स्रोतापन्न जूपिं जुयाच्चना ।

अपदान पालि

३६. अनं लिपा भगवान् बुद्ध जेतवन विहारय् विज्यानाः हानं अनुशासना (उपदेश) विया विज्यात । भगवान् बुद्धं अनुशासितम्ह जिं अर्हत् फल प्राप्त याना । अर्हत् फलय् थ्यंकः वना ।

३७. अनं लिपा जि नं बाकिपिं भिक्षुसंघयात अनुशासना याना । जिगु उपदेशं यानाः इपिं नं अनाश्रवीपिं जुल ।

३८. भगवान् बुद्धं जिगु उगु गुण खनाः लयताया विज्यात । जितः एतदग्र पदय् तथा विज्यात । हे महाजनपिं ! थ्व कप्पिन (भन्ते) भिक्षुपिन्त अववाद (उपदेश) विद्गुलि सकल भिक्षुपिं मध्ये अग्रम्ह खः ।

३९. थनिं छगू लाख कल्प न्हापा यानागु उगु कर्मया फल आः जितः क्यना च्वन । बाणं वेगं प्याहाँ वःगु बाण वेग थें (उगु कर्म फलं) जिगु सकतां क्ले शत दहन यात (च्याकल) ।

४०. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४१. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् कप्पिन स्थविरं थुपिं गाथात धया विज्याःगु जुल ।

महाकप्पिनत्थेरापदान् स्वंगू क्वचाल ।

Dhamma Digital

५३४. दब्बत्थेरापदान

१. सर्वलोक विज्जम्ह, (ज्ञां) मिखा दुम्ह, जीनम्ह, मुनिम्ह, पदुमुत्तर नांयाम्ह भगवान् बुद्ध थनिं छगू लाख कल्प न्त्यवः उत्पन्न जुया विज्यात ।

२. (मनूतयत्) उपदेश विया विज्याइम्ह, थुइका विज्याइम्ह तरे नं याना विज्याइम्ह, बांलाक धर्मदेशना यायेसःम्ह वस्पोल भगवान् बुद्धं यक्व जनपिं (भव सागरं) तरे याना विज्याई ।

३. सकल प्राणीपिन्त अनुकम्पा तथा विज्याइम्ह, कारुणिकम्ह, हितैषीम्ह भगवान् बुद्धं वःपिं सकल तिर्थकरतयत् पंचशीलय् प्रतिष्ठित याना विज्यात ।

४. अले उगु ई निराकुलगु (व्याकुल मज्जु) तीर्थकरपिं शून्य जूगु, अर्हत्पिं

पाखें विचित्र जूगु, वशीभूत जूगु तादि गुणं युक्तगु ई जुल ।

५. वस्पोल भगवान बुद्ध न्यय्च्यागूगु योजन तःधिकःम्ह जुया विज्यात । स्वीनिता पुरुष लक्षणं युक्तम्ह जुया विज्यात । लुंया खानीथें थिना विज्याना च्वन ।

६. उबलेया मनूतय्गु आयु छगू लाख वर्ष जुयाच्वन । उबले तक च्वना विज्याना च्वंम्ह वस्पोल भगवान बुद्धं यक्व जनपिं (भवसागरं) तरे याना विज्यात ।

७. उबले जि हंसवती शहरे महायशश्वीम्ह श्रेष्ठपुत्र (साहुया काय्) जुयाच्वन । लोकयात प्रकाश विइम्ह भगवान बुद्धयाथाय् वनाः धर्मदेशना न्यंवना ।

८. भिक्षुपिनिगु लागि आसन तथा विइम्ह थः श्रावक शिष्यया गुण वर्णना याना विज्यानाच्वंम्ह वस्पोलया वचन न्यनाः जि लय्ताया । अले....

९. 'भिक्षुसंघसहित भगवान बुद्धयात (दानादि) पुण्यकर्म यानाः वस्पोलया तुतिपालिइ भोपुनाः उगु पदवीया प्रार्थना याना ।'

१०. लोकनायकम्ह भगवान बुद्धसहित संघयात न्हेन्हुतक भोजन याकूम्ह जितः वस्पोल महावीरम्ह भगवान बुद्धं जिगु ज्याया प्रशंसा याना विज्यात ।

११. "कमल पलेस्वांया हःथें च्वंगु मिखा दुम्ह, जागु थः दुम्ह लुंजः थें च्वंगु छ यंगुया वर्ण दुम्ह, गुम्ह साहुया काय् जिगु तुतिपालिइ भोपुयाः थुगु पद प्रार्थना याकाच्वंगु खः.... व श्रेष्ठी पुत्र..."

१२. "थनिं छगू लख कल्प लिपा ओक्काक कुलय् जन्म जुइम्ह नामं गौतम नांयाम्ह भगवान बुद्ध (शास्ता) थ्व लोकय् उत्पन्न जुइतिनि ।"

१३. "वस्पोल भगवान बुद्धया दब्ब नामं प्रसिद्ध जूम्ह, सेनासन लाया विइम्ह अग्रम्ह श्रावक (शिष्य) जुइतिनि ।"

१४. अले उगु बांलाक यानागु (पुण्य) कर्मया कारणं व मन प्रसन्न यानागु कारणं थ्व मनुष्य देह त्वःताः तावतिस देवलोकय् जन्म काः वना ।

१५. जि स्वसःक्वः (देव) दिव्य राज्य याना । जि न्यासःक्वः चक्रवर्ती जुजु नं जुया ।

१६. विशालगु प्रदेश राज्यत राज्य यानागुला ल्याखं अल्याख जुइ । उगु कर्मया विपाक कथं दक्व यासे नं याउँक (सुखपूर्वक) जीवन हना ।

१७. थनिं ग्वीछगूगु कल्पय् सर्वधर्मय् विदर्शना ज्ञानं (मिखां) खंकूम्ह, बांलाःगु मिखा दुम्ह विपश्वी नांयाम्ह भगवान बुद्ध उत्पन्न जुया विज्यात ।

१८. तादिगुणं युक्तम्ह वस्पोलया दक्व आश्रवत (क्लेशत) क्षय (विनाश) याःम्ह श्रावक (शिष्य) छूम्ह शुद्धम्ह, उत्तमम्ह खः धकाः सिइक सिइकं नं दुष्टगु मन दुम्ह जुयाः निन्दा याना ।

१९. अले जिं वस्पोल भगवान बुद्धया हे महर्षिपिं अर्हत् श्रावकपिन्त सलाक भोजन कया हयाः क्षीर भोजन दान विया ।

२०. थ्व हे भद्रकल्पय् महायशश्वीम्ह ब्रह्म बन्धुम्ह नामं काश्यप नांयाम्ह, खँ ल्हाइपिं मध्ये श्रेष्ठम्ह भगवान बुद्ध उत्पन्न जुल ।

२१. श्रावकपिं नापं वस्पोल भगवान बुद्ध मिथ्यादृष्टिपिं तीर्थकरपिन्त मर्दन यानाः बुद्धशासन प्रज्वलित यानाः वशय् तयेमाःपिं जनपिं वशय् तयाः परि निर्वाण जुया विज्यात ।

२२. शिष्यपिं सहितम्ह भगवान बुद्ध परिनिर्वाण जुया विज्याःबले, बुद्धशासन नं परिहानी जुयावंबलय् दुःखताःपिं देवतापिं त्वःता तःगु सँ दुपिं जुयाः मिखाय् ख्ववि जायेक तयाः ख्वया च्वन । व गथे धाःसा ...

२३. धर्मया मिखा मखना वनीन । महानगु व्रत दुपिं श्रावकपिं मखना वनीन । सद्धर्म न्यने मखना वनीन । अहो ! भीगु पुण्य मगात धकाः खः ।

२४. उबले थ्व निश्चलगु दक्व पृथ्वी थरर् खानाः कम्प जुल । सागर नं शो कं युक्त जू थें अनुकम्पा तयेमाःम्ह थें सः पिकाल ।

२५. प्यंगू दिशाय् च्वंगु (प्यखेरं) अमानसिक (अमनुष्य) व जं तय्सं शब्द पिकाल । छचाःखेरं भयानकगु न न्यात । न कुतुंवल ।

२६. आकासं उल्कात कुतुंवल । धूमकेतुत खने दत । दक्व पृथ्वी च्वनीपिं (थलज) जन्तुतय्सं अनुकम्पा यायेमाःपिं थें सः पिकाल ।

२७. बुद्धशासन विनाश याइगु थजाःगु भयानकगु उत्पात खनाः संवेग उत्पन्न

यानाः जिपिं भिक्षुपिं न्हेम्हेसियां उवले थथे विचाः याना ।

२८. “थ्व बुद्धशासनं अलग्गु जीवनं छु ज्या ! धकाः जिपिं महाजंगलय् द्वाहां वनाः बुद्धया शासनये (धर्मय्) लगे जुया ।”

२९. उवले उगु महाजंगलय् तजाःगु पहाड छगू खना । स्वाने उगु पहाडे थाहाँ वनाःलिं व स्वाने कुतुका छवया ।

३०. उगु अवस्थाय् थकालिम्ह स्थविरं जिमित थथे अववाद यात (उपदेश विल) “भगवान बुद्ध उत्पन्न जुइगु अतिकं दुर्लभ खः, प्राप्त जूगु श्रद्धा नं दुर्लभ खः, थ्व (बुद्ध) शासन नं भतिचा जक ल्यं दनि ।”

३१. थ्व क्षण अथे वितयेजुया वनकि अनन्तगु दुःख रूपी सागरे कुतुवनी । उकिं थ्व बुद्धशासन ल्यं दनिवले हे धर्मया प्रयोग (छ्यलेगु) याये माः ।

३२. उपदेश ब्यूम्ह वस्पोल स्थविर (भन्ते) अर्हत् जुल । वस्पोल कथं वःम्ह अनागामि जुल । धर्मय् लगये जूपिं बाकिपिं सकले (जिपिं) (अनं च्यूत जुयाः) देवलोकय् वना ।

३३. (अनागामि जूम्ह) याकःचा हे शुद्धावासे च्वनाः पार यागु सागर दुम्ह जुयाः (अर्हत् जुयाः) अन हे परिनिर्वाण जुया विज्यात । जि नं, पुक्कुसाति (जुजु) नं, अथे हे सहिय, वाहिय....

३४. अथे हे कुमार काश्यप धैपिं जिपिं नं व व थासय् जन्म कयापिं जुल । भगवान गौतम बुद्धं अनुकम्पा तया विज्यानाः जिपिं नं संसार बन्धनं मुक्त जूपिं जुल ।

३५. जि धाःसा मल्ल धैगु देशय् कुसीनगरय् जन्म जूम्ह जुया । जि प्वाथय् (गर्भे) दुबले हे जिमि मां मृत्यु जुल । चितकय् यंकावले जि (मां या मृत शरीरं) कुतुवःम्ह जुल ।

३६. जि सु (घाँय्) या विचय कुतुवःम्ह जुयाः व कारणं ‘दब्ब’ नामं प्रसिद्ध जुया । ब्रह्मचर्याया शक्तिया कारणं जि न्हेदँ दुबले हे (भवसागरं) मुक्त जूम्ह जुया ।

३७. जि क्षीर भोजन दान बियागुया फल कथं आयु, वर्ण, सुख, शारीरिक बल व प्रज्ञा (बुद्धि) धैगु न्यागू अंगं युक्तम्ह जुया च्वना । अर्हत्म्ह भिक्षुयात

अपदान पालि

निन्दा यानागुया पापं यानाः यक्व हे निन्दित नं जुया ।

३८. आः जि पुण्यं नं पापं नं मुक्तम्ह जुयाः परम शान्तिइ थ्यंकाह्म जुयाः
अनाश्रवीह्म जुयाः बास याना च्वना ।

३९. महाव्रत (शील) दुपिं भिक्षुपिन्त सन्तुष्ट यानाः आसन लाया विइगु याना
। उगु गुणं सन्तुष्ट जुया विज्याःह्म भगवान् बुद्धं जितः (सेनासन तयाविइपिं
भिक्षुपिं मध्ये) अग्र स्थानय् तयाः एतदग्र पदवी विया विज्यात ।

४०. जिगु क्लेशत दहन जुल । दक्व भवत नाश जुल । किसिं थें बन्धनत
चफुनाः आश्रवरहितम्ह जुयाः बास याना ।

४१. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् दब्ब स्थविरं थुपिं गाथात धया विज्याःगु जुल ।

दब्बत्थेरापदान प्यंगू क्वचाल ।

५३५. कुमारकस्सपत्थेरापदान

१. थनिं छगू लख कल्प न्हापा लोकनायकम्ह, सर्व लोकहितकामीह्म, वीरम्ह
पदमुत्तर नांयाम्ह भगवान् बुद्ध लोकय् उत्पन्न जुया विज्यात ।

२. उबले जि वेदय् पारंगतम्ह ब्राह्मण जुयाः प्रसिद्ध जुयाच्वन । दिवा विहार
लिपा चाःहिला च्वनाबले लोकनायकम्ह भगवान् बुद्धयात (जिं) खना ।

३. वस्पोलं प्यंगू आर्य सत्यत प्रकाश याना विज्यासे देवतापिं सहित मनूतय्त
बोध याका विज्याना च्वन । उबले हे महाजनपिन्त विचित्र कथिकपिं मध्ये
अग्रम्ह भिक्षुया वर्णना याना विज्याना च्वम्ह....

४. वस्पोल तथागतयात उबले हे मुदितगु (प्रसन्नगु) मनं निमन्त्रणा यानाः
(ब्बनाः) विविधगु रत्नं व वस्त्रं मण्डप दयेकाः अलंकृत याना (छायेपा) ।

५. नाना प्रकारं थिनाच्वंगु मण्डपय् भिक्षुसंघसहित भगवान् बुद्धयात भोजन
याका । उक्तं न्हेन्हु तक नानाविधगु अग्रगु रसं युक्तगु भोजन याकाःलि..

६. नाना प्रकारं युक्त स्वां नं श्रावकसंघसहित वस्पोल तथागतयात पूजा

याना । वस्पोलया तुतिइ भोपुना: जिं व थाय् (पद) प्रार्थना याना ।

७. उबले करुणाया जलाशय जुया विज्या:म्ह वस्पोल मुनिनं थथे धया विज्यात- “पलेस्वां थें च्वंगु ख्वा: व मिखा दुम्ह, उत्तमम्ह.... थ्व ब्राट्मण....

८. न्ह्याइपुक लयताया च्वनीगु स्वभाव दुम्ह । प्रीति प्रमोद बहुलम्ह । बांलाक च्वय् थाहाँवनाच्वंगु शरीर व सँ दुम्ह, यक्व लयताइगु कारणं याना: तग्व: जुया च्वंगु मिखा दुम्ह, जिगु शासनय् (बुद्धशासनय्) ययेका च्वंम्ह.... थ्व ब्राट्मण...

९. जिगु तुति पालिइ भोपुनाच्वंम्ह, छगू हे पाखे न्ह्या:वना च्वंगु मति (दृष्टि) दुम्ह, विचित्र कथिक भिक्षुपिं मध्ये अग्रस्थानगु थ्व पदवी फवनाच्वंम्ह थ्व ब्राट्मणयात बांलाक स्व ।”

१०. थनिं छगू लाख कल्प लिपा ओक्काक कुलय् जन्म जूम्ह गोत्रं गौतमम्ह शास्ता (बुद्ध) लोकय् प्रभव जुइतिनि ।

११. वस्पोल शास्ताया धर्मय् दायादम्ह जुया: धर्म हे निर्मितम्ह थें औरस पुत्रम्ह जुया: कुमारकाश्यप नांयाम्ह भिक्षु जुया: भगवान गौतम बुद्धया श्रावक शिष्य जुइतिनि ।

१२. (पूजा यागु) विचित्रगु स्वां वस:त नं, रत्न नं आदि नं याना: वस्पोल विचित्रपिं कथिकपिं (धर्म देशकत मध्ये, भिक्षुपिं मध्ये अग्रम्ह जुइतिनि ।

१३. बांलाक यानागु उगु सुकर्म (भिंगु कर्मया) या कारणं नं, मन भिंकागु कारणं नं थ:गु मनुष्य शरीर त्व:ता: जि तावतिंस देवलोकय् (जन्म का:) वना ।

१४. (अनं लिपा) दबुलिइ प्याखं मोम्ह थें भवरूपी आकासे चा:हिला च्वँच्वं शाख मृगया काय्म्ह जुया: मृगीया प्वाथय् जन्म का: वना ।

१५. जि जन्मया लागि गर्भे च्वंच्वनाबले (मां मृगया) सिइगु (वध) याइगु ई थ्यंक: व:गु जुयाच्वना । शाख मृग त्व:ता: व:म्ह जि मांयात निग्रोधं (मृगं) साथ (सरण) बिल ।

१६. अले मृगराज मरणं मुक्तयाना ब्यूम्ह उम्ह मृगिनिं थ: मुक्त जुइधुंका: जित: उबले थुकथं अववाद यात ।

अपदान पालि

१७. 'छं न्ह्याबलें निगोध मृग हे संगत या, शाख मृग नाप संगत याये मते । शाख मृग नाप च्वना: म्वायेगु सिबे निगोध मृग नापं च्वना: सिइगु हे उत्तम जुई ।'

१८. उम्ह निगोध मृगराजं अनुशासना या:म्ह जि, मां व मेपिं सकलें तापाक च्वना: थ:गु छ्येँ ल्याहाँ वया थें रम्यगु तुषित देवलोक्य् बास या: व:पिं जुया ।

१९. हानं काश्यप भगवान बुद्धया बुद्धशासन परिहानी जुया वनाच्चंबले शै लपर्वतय् थाहाँ वंथें बुद्धशासनय् डटे जुया ।

२०. आ: हानं जि राजगृह नगरे श्रेष्ठी कुलय् जन्म जूम्ह जुयाच्च्वना । जि प्वाथय् दुबले हे (व खँ मसिया:) जिमि मां अनगारिका प्रब्रज्यां प्रब्रजित जुयाच्च्वन ।

२१. (जिमि मां) प्वाथय् दुम्ह धका: सिइका: मेपिं भिक्षुणीपिसं वइत देवदत्त भिक्षुया थासय् यंकल । व देवदत्त भिक्षुं "थ्व पापी भिक्षुणी विनाश याना छ् व" (चीवर त्व:तका छ्व) धका: धाल ।

२२. आ: नं मुनिन्द्रम्ह भगवान बुद्धं अनुकम्पा तया: जिमि मां भिक्षुणी आश्रमय् तया: हे जित: याउँक वुइके विल ।

२३. व खँ कोशल जुजुं सिइका: जित: पालन-पोषण यात । कुमार जात्रा याना: जित: काश्यप धका: नां नं तल ।

२४. महाकाश्यप भन्तेयाथाय् वना: जि कुमार काश्यप जुया । कुमार काश्यप धका: प्रसिद्ध नं जुल । अले थ्व शरीर ग्वाखं समान कंगु भगवान बुद्धयागु उपदेश न्यना: ...

२५. जिगु मन सकतां आशक्ति मुक्त जुया: आश्रवरहितम्ह जुया । जि पायासि दमन याना: एतदग्र स्थानय् (विचित्र धर्मदेशकपिं मध्ये अग्रम्ह) थ्यंक: वना ।

२६. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: बास याना ।

२७. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना

कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कुमारकाश्यप स्थविरं थुपिं गाथात धया विज्याःगु जुल ।

कुमारकस्सपत्थेरापदान न्यागू कुवचाल ।

५३६. बाहियत्थेरापदान

१. थनिं छगू लाख कल्प न्हापा स्वंगू लोकया अग्रम्ह, महाप्रभां (तेजं) युक्तम्ह, नामं पदुमुत्तरम्ह नायकम्ह भगवान बुद्ध उत्पन्न जुल ।

२. वस्पोल भगवान बुद्ध तुरुन्त धर्मावबोध याइम्ह भिक्षुया गुण वर्णना यानाः कनाच्चंगु न्यनाः उत्साहित जुयाम्ह जिं महर्षिम्ह वस्पोल बुद्धयात पूजा सत्कार याना ।

३. अले जिं श्रावक संघसहित वस्पोलयात छगू वाः (हप्ता) तक दान बिया । वस्पोल सम्बुद्धयात वन्दना याना । उबले उगु स्थान नं प्रार्थना याना ।

४. अनं लिपा भगवान बुद्ध जिगु विषयसं थथे धया विज्यात- थुम्ह ब्राह्मणयात स्वः, गुम्हेस्यां जिगु तुतिइ भोपुनाः, प्रसन्नगु ख्वाः व मिखा युक्त जुयाः...

५. लुंया धवःचां तःगु पवित्रगु लः धाः थें च्वंगु शरीरं युक्तम्ह, तुइसे च्वंगु शरीरया छँयगू दुम्ह भुण्डयेजुयाच्चंगु ह्याउंसे च्वंगु विम्बफल थें च्वंगु म्हुतुसि दुम्ह, ज्वावलं समतलयागु थें च्वंगु तुयुगु वा दुम्ह,

६. यक्व हे गुण व बल दुम्ह, बांलाक च्वय् थाहाँवया च्वंगु सँ दुम्ह, गुणरूपी छालया थाय् जूम्ह, खुसिं बांलाक थिनाच्चंगु ख्वाः दुम्ह थ्व ब्राह्मण यात स्व ।

७. थ्वं तुरुन्त धर्मया बोधयाये फुम्ह भिक्षुया (स्थान) थाय् प्रार्थना याना च्वन । अनागतय् महावीरम्ह गौतम नांयाम्ह भगवान बुद्ध प्रकट जुइतिनि ।

८. वस्पोल बुद्धया धर्मय् धर्मदायादम्ह जुयाः, धर्म हे दयेकातःम्ह थें, औरसम्ह बुद्धपुत्र जुयाः नामं बाहिय नांयाम्ह श्रावक (भिक्षु) जुइतिनि ।

९. उबले जि अतिकं लय्तायाः अनं दनाः थःगु जीवन दत्तले भगवान बुद्धयात सत्कार (पूजा) यानाः अनं च्यूत जुयाः थःगु छयें वनेथें जि स्वर्गय् वना ।

१०. जि उगु (भिं) कर्मया बलं देवता जूसां, मनू जूसां सुखीम्ह जुया: थ्व संसारय् चा:हिला: व सम्पत्ति अनुभव याना च्वना ।
११. हानं कश्यप भगवान बुद्धया बुद्धशासन परिहानी जुया वंबले शैल (ल्वहंया) पर्वतय् गया: बुद्धशासनय् लगे जुया च्वना ।
१२. विशुद्धशील दुपिं, प्रज्ञा (ज्ञानं) युक्तपिं, भगवान बुद्धया शासन चिरस्थायी याइपिं जिपिं न्याम्ह अनं च्यूत जुया: देवलोकय् जन्म का: वना ।
१३. अनं लिपा भारुकच्छ नांगु उत्तमगु शहरे बाहिक नामं जि जन्म जुया । अन जि अप्रसिद्ध समुन्द्रे नौकां वना ।
१४. छुं दिं व नौकां वनाच्वना बले विचय् नौका स्यन । अले मारपिनिगु थाय् जूगु हिंसक न्या तय्गु पुचले च्वंगु समुन्द्रे कुतुंवन ।
१५. उबले जिं मेहनत याना: महासमुन्द्र तरेजुया: भचा ज्ञां दुम्ह जुया: सुप्पारक धैगु समुन्द्र किनाराय् थ्यंक: वना ।
१६. सालुस्से च्वंगु सिंया वसतं पुना: उगु गामे भिक्षा पवं वना । उबले जित: मनूतय्सं खना: लय्ताया: “अर्हत्म्ह छम्ह.... विज्यात ।”
१७. भीसं थुइत नसा, त्वँसा, वसतं, चनेत, वास:त आदिं सत्कार याना: भीपिं सुखीपिं जुइनु ।
१८. उबले जि प्रत्यय लाभीम्ह जुया: उगु गामे च्वपिंसं पूजा सत्कार नं याइम्ह जुया: अर्हत्म्ह धका: धायेका च्वना ।
१९. अले जिगु मनया खँ सिइका: न्हापा पासा जुया च्वंम्ह देवतां जित: चोर ना (आरोप) लगे यात । “छं आ:तक निर्वाणय् वनीगु लँ मस्यून, गथे याना: छ अर्हत्म्ह जुई ?”
२०. उम्ह देवतां आरोपितम्ह जिं संवेगीम्ह जुया: अले व देवतायाके प्रतिप्रश्न याना । वस्पोल अर्हत्पिं गजा:पिं जुई ? वस्पोल अर्हत्पिं गन च्वना विज्याई ?
२१. श्रावस्ती नगरे कोशल जुजुया महले, सम्पूर्ण जूगु प्रज्ञा दुम्ह, उत्तमगु महानगु ज्ञां दुम्ह, अनाशक्तम्ह, अर्हत्म्ह, शाक्यपुत्रम्ह भगवान बुद्धं अर्हत्त्व प्राप्तिया धर्म देशना याना विज्याई ।

अपदान पालि

२२. उबले व (देवताया) वचन (खँ) न्यना: प्राप्त या:गु धन दुम्ह गरीवम्ह मनु थें खुसिं अतिकं लय्ताया:, अचम्म नं चाया:, उत्साहितम्ह जुया:, अतिकं वाला:म्ह, अनन्तगु ज्ञां दुम्ह, उत्तमम्ह वस्पोल भगवान बुद्ध स्वयेगु लागि...

२३. उबले हे अनं प्याहाँ वना: 'वांला:म्ह भगवान बुद्ध गुबले स्वये खनी' धका: रम्यगु विजित धैगु वनय् थ्यंक: वना । लोकनन्दनम्ह भगवान बुद्ध गन दु धका: अन च्वपिं ब्राह्मणपिके न्यना ।

२४. अले इमिसं धाल, देव-मनुष्यपिसं वन्दना याइम्ह भिक्षा प्राप्त यायेगु मनसुवा: तया: शहरे (भिक्षा) विज्यात । यदि तुरुन्त भगवान बुद्धया दर्शन यायेगु इच्छा दुसा वस्पोलथाय् वना: वन्दना या: हुँ ।

२५. अले जि लय्ताया: उत्तमगु श्रावस्ती नगरे वना: चा:हिला च्वनावले अनाशक्तम्ह भगवान बुद्ध भिक्षा (पिण्डपात) विज्याना च्वंगु खना ।

२६. श्री लक्षणं युक्तगु छयें थें थिनाच्वंगु सूर्यया ज: थें च्वंगु दीप्ति दुगु ख्वा: दुम्ह निश्चलगु मिखा दुम्ह, अमृत इनाच्वम्ह थें पात्र ल्हा:तय् दुम्ह...

२७. वस्पोल भगवान बुद्धयाथाय् थ्यंक: वना: वस्पोलया तुतिइ भोपुना- "हे गौतम ! उपद्रवं युक्तगु लँपुइ तनाच्वम्ह जित: सरण बिया विज्याहुँ धका: थ्व वचन धया -

२८. अले न्हेम्हम्ह वस्पोल मुनिं थथे धया विज्यात- जि प्राणीपिं भव सागरं तरेयायेगु लागि भिक्षा वना च्वना । छन्त धर्मया खँ यायेगु थ्व ई मखु ।

२९. उबले धर्मय् लालचीम्ह जुया: हानं हानं बुद्धयाके याचिका याना । वस्पो ल भगवान बुद्धं गम्भिरगु शून्यता लक्षणं युक्तगु निर्वाण पदगु धर्म जित: दे शना याना विज्यात ।

३०. वस्पोलया (भगवान बुद्धया) धर्म (देशना) न्यना: जि आश्रव क्षय (निर्वाणय्) थ्यंक: वना । क्षीण जूगु आयु दुम्ह जुयाच्वम्ह जित: वस्पोल शास्ताया अनुकम्पा अचम्मगु जुल ।

३१. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: वास याना ।

३२. एकान्तं हे भगवान बुद्धयाथाय् जिगु भिंगु सम्प्राप्ति जूगु जुल । प्राप्तयाना

कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

३३. प्यंगू प्रतिसम्भदात, च्यागू विमोक्षत, खुगू अभिज्ञान साक्षात्कार याना ।
बुद्धशासन नं चिरस्थायी याना ।

थुगु प्रकारं आयुष्मान बाहिय स्थविरं थुपिं गाथात धया विज्याःगु जुल ।

३४. भूताषिष्टम्ह (भूत युक्तम्ह) सा छम्हसिनं ठक्कर नकाः फोहर द्वयं कुतुवंम्ह बाहिय दारुचिरिय नं थथे थःगु बारय् बिस्तर कना थकूगु जुल ।

३५. महानगु ज्ञां दुम्ह व वीरम्ह दारुचिरियं उत्तमगु श्रावस्ती नगरे थःगु न्हापायागु बिस्तर कनाःलि परिनिर्वाण जुया विज्यात ।

३६. शहरं प्याहाँ विज्याना च्वंम्ह वस्पोल गौतम भगवान बुद्धं सालुगु सिंया वसतं पुना तःम्ह अवसान जूगु आयु दुम्ह, फुइधुंकुगु क्लेश दुम्ह, बुद्धशासनयाम्ह व बाहिय (भिक्षु) खनाः

३७. अनंलि बुद्धशासनय् लगये जुया च्वंम्ह छम्ह श्रावकयात सःता विज्यात । सःताःलि थ्व ब्रह्मचर्या दुम्ह व्यक्तिया शरीर का । यंकाः दाहसंस्कार या ।

३८. अले स्तूप दयेकि । स्तूप दयेकाः पूजा नं या । व अतिकं ज्ञां दुम्ह खः । जिगु वचन अनुसारं वःम्ह व आज्ञाकारीम्ह श्रावक तुरुन्त धर्मबोध याइपिं मध्ये अग्रम्ह खः ।

३९. अनर्थ पदं युक्तगु द्वाःछिगू गाथात सिबे छगू हे अर्थयुक्त पदं युक्तगु गाथा हे उत्तम जुई, गुगु गाथा न्यनाः मन शान्त जुई ।

४०. गन जल धातु, पृथ्वी धातु, अग्नि धातु, वायु धातु स्थीर जुइमखु । अन शुद्धगु रश्मी नं थिना च्वनी मखु । सूर्य नं प्रकट जुयाच्वनी मखु ।

४१. न अन चन्द्रमा थिनाच्वनी । न अन अन्धकार दयाच्वनी । अथे हे गुबले (थुना तःगु) पापकर्म दुगुलिं ब्राह्मण धाःसां मोनेय्य गुण युक्त जुयाः मुनि धाःसां तःम्हेसिनं हे सिइका काई ।

४२. उबले व रूपावचर लोकयागु, अरूपावचर लोकयागु सुख-दुःखं नं मुक्त जुइ । अथे स्वंगूलोकयात शरण जुयाः नायः जुया विज्याःम्ह बुद्धं धया

विज्यात ।

थन थुगु प्रकारं आयुष्मान् बाहिय स्थविरं थुपिं गाथात धया विज्याःगु जुल ।

बाहियत्थेरापदान खुगूगु व्वचाल ।

५३७. कोठितत्थेरापदान

१. (ज्ञां) मिखा दुम्ह, सकल लोकया खं सिइका विज्याःम्ह, जिनम्ह, मुनिम्ह पदमुत्तर भगवान् बुद्ध थनिं छगू कल्प न्हापा उत्पन्न जुया विज्याःगु जुल ।

२. सकल प्राणीपिन्त अववाद विया विज्याइम्ह, धर्मया बोध याका विज्याइम्ह, भवसागरं तरेयाना विज्याइम्ह बाखं कनेगुली दक्षम्ह, वस्पोल भगवान् बुद्धं यक्व जनपिं (दुःखं) तरे याना विज्यात ।

३. सकसितं अनुकम्पा तथा विज्याइम्ह कारुणिकम्ह, सकल प्राणीपिन्त हितै पीम्ह, वस्पोल भगवान् बुद्धं (वस्पोल थाय्) थ्यंकः वःपिं सकल तीर्थकरपिन्त पंचशीलय् प्रतिष्ठित याना विज्यात ।

४. थथे (उगु समय) तीर्थकरपिं शून्य जूगु ई, शान्तगु तादि गुणं युक्त, वशीभूतपिं अर्हत्पिनि पाखें भःभः धयाच्वन ।

५. वस्पोल भगवान् बुद्धं न्येय्च्यागू रियन (फिट) तःधिकःम्ह खः । लुँया खः थें थिना च्वनी । स्वीनिता उत्तमगु लक्षणं नं युक्तम्ह खः ।

६. उगु समयस छगू लख वर्ष आयु दुगु जुयाच्वन । उगु इलय् तक्क च्वनाविज्याःम्ह वस्पोल महामुनिम्ह भगवान् बुद्धं यक्व जनपिं (भवसंसारं) तरेयाना विज्यात ।

७. उबले जि हंसवती शहरे वेदय् पारंगतम्ह ब्राह्मण जुयाः नं भगवान् बुद्धयाथाय् वनाः धर्मदेशना न्यना ।

८. उबले वस्पोल वीरम्ह भगवान् बुद्धं अर्थं नं, धर्मं नं, निरुक्तिं नं, प्रतिभाणय् नं आदि कथं दक्षम्ह प्रभेद सहितगु प्रतिसम्भिदा ज्ञां दुम्ह श्रावक छम्हेसित

९. एतदग्र स्थानय् पदस्थापना याना विज्यात । व न्यनाः प्रमुदितम्ह (लय् ताःम्ह) जि उबले श्रावकपिं नाप उत्तमम्ह भगवान् बुद्धयात न्हेन्हुतक भोजन याका (दान विया) ।

अपदान पालि

१०. बुद्धिसागरम्ह भगवान् बुद्धसहित शिष्यपिन्त वस्त्र चीवरं नं पुंका (दान बिया) । जि वस्पोलया तुतिइ पालिइ भोपुनाः उगु स्थान (पद) प्रार्थना याना ।

११. अले लोकय् अग्रम्ह भगवान् बुद्धं थथे धया बिज्यात- “जिगु तुति पालिइ भोपूम्ह सूक्ष्मगु गर्भयागु थें जः दुम्ह, उत्तमम्ह थ्व ब्राह्मणयात स्व ।”

१२. थ्वं व प्यंगू प्रतिसम्भिदा दुम्ह श्रेष्ठम्ह उम्ह भिक्षुया पद (थाय्) प्रार्थना याना च्वन । वया व श्रद्धा त्याग, धर्मश्रवण आदिं गुणं यानाः.....

१३. दक्व थासे (सकल जन्मे) सुखीम्ह जुयाः भव संसारे चाःहिले धुंकाः अनागते वयागु मनोकामना पूर्ण याना काइतिनि ।

१४. थनिं छगू लख कल्प लिपा ओक्काक कुले जन्म जूम्ह नामं गौतम नांयाम्ह शास्ता (भगवान् बुद्ध) थ्व लोकय् उत्पन्न जुइतिनि ।

१५. वस्पोल भगवान् बुद्धया धर्मय् दायादम्ह जुयाः, औरस पुत्रम्ह जुयाः, धर्म हे दयेकातःम्ह थें जुयाः नामं कोट्टित नांयाम्ह जुयाः भगवान् शास्ताया शिष्य (भिक्षु) जुइतिनि ।

१६. उबले जि वस्पोलया व खँ ...ना लय्ताःम्ह जुयाः मैत्रीचित्त दुम्ह जुयाः, स्मृति (होस) दुम्ह जुयाः, प्रज्ञां युक्तम्ह जुयाः जीवन दत्तले वस्पोल भगवान् बुद्ध (जिन) यात परिचारिक (सेवक) जुयाच्वना ।

१७. जि उगु (भिं) कर्म विपाकया कारणं व मन प्रसन्न यानागुया कारणं थ्व मनुष्य शरीर त्वःताः तावतिसं देवलोकय् (जन्म काः) वना ।

१८. जिं स्वसःक्वः दिव्यराज्य याना । जि न्यासःक्वःतक चक्रवर्ती जुजु जुया ।

१९. जिं विशालगु प्रदेशत राज्य यानागुला ल्याखं अल्याख जुइ । उगु कर्मया हे फलं दक्व थासय् सुखीम्ह जुया ।

२०. जि देवता जुयाः वा मनु जुयाः थ्व देवलोकय् व मनुष्य लोकय् धैगु निगू लोकय् जक जन्म कयाः भवय् चाःहिला च्वना । मेगु गति (लोकय्) जन्म काः मवना । थ्व मुंकागु व पुण्यया हे फल खः ।

२१. अथे हे क्षत्रीय कुलय् वा ब्रह्मण कुलय् धैगु निगू कुलय् जक जन्म जुया । मेगु नीचगु कुलय् जन्म मजुया । थ्व मुंकागु व पुण्यया हे फल खः ।

अपदान पालि

२२. अन्तिमगु भव (जन्म) थ्यंकः वःबले ब्रह्मबन्धुम्ह जुयाः ब्राह्मण कुलय् श्रावस्ती शहरे महाधन सम्पन्नम्ह ब्राह्मण परिवारय् जन्म जुया ।

२३. जिमि मां चन्द्रवति नांम्ह जुयाच्चन । जिमि बाः अश्वल नांम्ह जुयाच्चन । गुबले भगवान बुद्धं जिमि बाः अर्हत्व अर्थात् सर्वशुद्धिं विनित याना विज्यात...

२४. उबले प्रसन्न जुयाः सुगत शासने अनगारिक प्रव्रज्यां प्रव्रजित जुया । जिमि आचार्य मोगल्यायन भन्ते जुल । जिमि उपाध्याय सारिपुत्र भन्ते जुल ।

२५. जिगु सँ चाना च्वंबले जिगु दृष्टि नं पूर्णरूपं छेदन जुल । चीवर पुंका च्वंबले जि अर्हत्वय् थ्यंकः वना ।

२६. जिगु स्मृति अर्थय्, धर्मय्, निरुक्तिं, प्रतिभाणय् आदि कथं दक्षम्ह जुयाः भगवान बुद्धं उगु थासय् एतदग्र पदय् जितः पदस्थापन याना विज्यात ।

२७. प्रतिसम्भदा (ज्ञां) सम्बन्धी उपतिशय (सारिपुत्र भन्ते) नं प्रश्न न्यना विज्याःबले जिं शंकारहितम्ह जुयाः उगु प्रश्नया लिस : बांलाक तच्छयानाः बिया । उकिं सम्बुद्ध शासने जि प्रतिसम्भदा प्राप्तिपिं मध्ये नं अग्रम्ह जुयाच्चना ।

२८. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

२९. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कोठित स्थविरं थुपिं गाथात धया विज्याःगु जुल ।

कोठित्थेरापदान न्हेगूगु क्वचाल ।

५३८. उरुवेलकस्सपत्थेरापदान

१. ज्ञां मिखा दुम्ह, सकल लोकया वारे बांलाक स्यूम्ह, मुनिम्ह, जिनम्ह पदुमुत्तर नांयाम्ह भगवान बुद्ध थनिं छगू लख कल्प न्हापा उत्पन्न जुया विज्यात ।

अपदान पालि

२. अववाद विद्याविज्याइम्ह, धर्मबोध याका विज्याइम्ह, सकल जनपिं तरे याना विज्याइम्ह, कनेगुली दक्षता दुम्ह, भगवान बुद्धं यक्व जनपिं तरेयाना विज्यात ।

३. सकल प्राणीपिं प्रति अनुकम्पा तथा विज्याइम्ह, करुणा तथा विज्याइम्ह, हितैषीम्ह भगवान बुद्धं वस्पोलथाय् थ्यंकः वःपिं सकल तीर्थकरपिन्त पंचशीलय् प्रतिस्थापित याना विज्यात ।

४. थुकथं उबले (उगु ई) तीर्थकरपिं शून्य जूबले शान्तपिं, तादि गुणं युक्तपिं, वशीभूतपिं अर्हतपिनिं पाखें अलंकार जूगु जुल ।

५. वस्पोल महामुनि न्येय्च्यागू रियन तःधिकः जू । स्वीनिता महापुरुष लक्षणं युक्त जू । लुंया खानी थें वस्पोलया शरीर थिना च्वं ।

६. उबले अन छ्गू लख वर्षया आयु दुगु जुयाच्वन । आयु दत्तले म्वाना विज्याःम्ह वस्पोलं यक्व मनूत (दुःखं) तरेयाना विज्यात ।

७. उबले जि हंसवति शहरे भिं धकाः सम्मत जुयाच्वंगु ब्राह्मण जुयाच्वना । जि भगवान बुद्धयाथाय् वनाः वस्पोलया धर्मदेशना (वाखं) न्यना ।

८. उगु अवस्थाय् महापरिवार समूह दुम्ह भिक्षुयात महासभाय् उकिया एतदग्र स्थान विद्या विज्याःगु खनाः न्यनाः जि लय्ताया ।

९. द्वःछिम्ह ब्राह्मणपिं नापं जिं वस्पोल भगवान बुद्ध प्रमुख भन्तेपिं सःताः महान परिवारपिं नापं जिं दान प्रदान याना ।

१०. महादान विइधुंकाः वस्पोल नायकयात वन्दना यानाः लय्तायाः छ्खे लिक्क फ्यतुनाः थ्व वचन धया ।

११. “हे वीर ! जिं छलपोलया लागि श्रद्धां युक्त जुयाः यानागु पूजा सत्कारया अधिकार गुणया कारणं यानाः उगु उगु थासय् जन्म जुइबले जितः महापरिवार समूह दयेमा ।”

१२. उबले किसिया गर्जन थें च्वंगु गम्भिरगु सः दुम्ह, करवि करुत थें जाःगु मधुरगु सः दुम्ह, वस्पोल भगवान बुद्ध समूहयात आमन्त्रण यानाः थथे धया विज्यात “थ्व ब्राह्मणयात स्व-

१३. गुम्हेसिके स्वर्यवर्णगु बाहु दु, पलेस्वां थें जाःगु स्वाः दु, मिखा दु, च्वय् वनाच्चंगु सँ दु, प्रसन्न जुया च्वंम्ह जिगु गुणे श्रद्धा तयाच्चंम्ह खः ।”

१४. थ्वं सीहघोष भिक्षुयागु स्थान (पद) प्रार्थना यानाच्चन । भविष्य्य वयागु व अभिलाषा पूवनीतिनि ।

१५. थनिं छगू लाख कल्पय् ओक्काक कुलय् जन्म जुइम्ह गौतम नांयागु गो त्रय् शास्ता भगवान बुद्ध लोकय् जन्म जुइतिनि ।

१६. वस्पोलयागु धर्मय् धर्मदायादम्ह जुयाः, औरस पुत्रम्ह जुयाः, धर्म हे दये कातःम्ह जुयाः, नामं काश्यप नांयाम्ह जुयाः (थ्व ब्राह्मण) वस्पोल शास्ताया श्रावक शिष्य जुइतिनि ।

१७. थनिं ग्वीनिगूगु कल्पय् लोकय् अग्रम्ह, नायकम्ह, अनुत्तरम्ह, अनुपमम्ह, असदृशम्ह, फुस्स नांयाम्ह भगवान बुद्ध लोकय् उत्पन्न जूगु जुल ।

१८. वस्पोल भगवान बुद्धं नं दक्व मोह अन्धकार नाश यानाः लोकय् दुगु तृष्णा रूपी गथः फ्यनाः देवतापिं सहितगु लोकय् वासीपिं लय्तायेकाः अमृत वर्षा याना विज्याई ।

१९. उगु समयस जिपिं बनारस शहरया जुजुया काय्पिं जुया च्वना । जिपिं स्वम्ह दाजुकिजापिं जुयाः जुजुया विश्वास पात्रपिं नं जुयाच्चना ।

२०. उबले तं चायाच्चंम्ह छिमेकी जुजुं वीरपिं रूपसम्पन्नपिं, बलसम्पन्नपिं, युद्धे मजूपिं जिपिं सःताः थथे धाल-

२१. “हे मस्त थन वा ! वनाः शत्रु तय्गु बल्लाःगु थाय् जुयाच्चंगु व जंगल, व थाय् त्याकाः इपिं दमन यानाः, सफा यानाः जिगु राज्य स्थापित यानाः हानं ल्याहाँ वा ।”

२२. अले जिमिसं थथे धया -“यदि जिमित भगवान बुद्धयात उपस्थान याये गु जिम्मा बिइगु खःसा व कारणं छलपोलया शत्रुपिं मर्दन याये ।”

२३. व अधिकार (वचन) प्राप्त यानाःलि व जुजुं छ्वःपिं जिमिसं व तंचाःपिं शत्रुत दमन यानाः त्याकाः ल्याहाँ वया ।

२४. अले व जुजुयाके लोकनायकम्ह भगवान शास्ताया उपस्थानया लागि

अनुमति फवना । वस्पोल मुनियात उपस्थानया लागि प्राप्त याना: जीवनभर वस्पोलयात जिमिसं सेवा उपस्थान याना ।

२५. धार्मिक रूपं कमेयानागुलिं महार्घगु (भिंंगु) वस्त्रत (चीवर), प्रणीतगु रसयुक्त (सा:गु) भोजन, रम्यगु सेनासन व हितकरगु वास:त....

२६. भगवान बुद्धसहित भिक्षुसंघयात दान विया:लिं जिमिसं शीलवन्तपिं, करुणावानपिं, ध्यानये लगेजुया च्वपिं मनापपिं....

२७. न्ह्यावले मैत्री चित्तं युक्तमह भगवान बुद्धयात सेवा उपस्थान याना: लो कय् अग्रमह वस्पोल परिनिर्वाण जुया बिज्याये धुंका: नं फुथें पूजा सत्कार याना ।

२८. अनलि च्यूत जुया: (सिनावना:) तुषित देवलोकय् (जन्म का:) वना । अन नं महान सुख जिमिसं अनुभव याना । थ्व बुद्धपूजाया फल ख: ।

२९. गथे छमह मायाकारं रंगमञ्चे यक्व विकार क्यनीगु ख:, अथे हे भवय् जि चा:हिला च्वनामह जि (छक:) विदेहया अधिपति जुया ।

३०. गुण नांयामह अचेलकया वचनया कारणं मिथ्या दृष्टिकमह जुया: मखुगु लँपुइ वना । रुजा नांयामह थ: म्थ्याय्या उपदेश नापं मन्यना ।

३१. लिपा नारद धैमह ब्रह्माया विविधगु अनुशासना (उपदेश) न्यना: जिं पापिगु दृष्टि त्व:ता: ।

३२. जिं विशेषं भिगू कर्मपथ पूरा याना: शरीर त्व:ता: (मृत्यु जुया:) थ:गु छ्यैय् वना थें स्वर्गय् वना ।

३३. अन्तिमगु भवय् (जन्मय्) थ्यंबले (हानं) ब्राह्मण जुया: जन्म कया । समृद्धगु वनारस शहरे ब्राह्मण महासाल कुलय् उत्पति जुया ।

३४. मृत्यु, रोगव्याधि व जीर्णतां ग्या:मह जुया: महाधन सम्पत्ति त्व:ता: निर्वाण (मोक्ष) मामां वना: जटील ऋषिपिन्थाय् वना: प्रव्रजित जुया ।

३५. उबले जिमह दाजुकिजापिं निमह नं जीनापं प्रव्रजित जूगु जुल । जि चाहिं उरुवेल धैगु थासय् आश्रम दयेका: च्वना ।

३६. जि गोत्रं काश्यप नांमह जुयाच्वन । अले उरुवेल धैगु थाय्या वासिन्दा

अपदान पालि

नं जुयाच्चना । अननिसैं हे जितः 'उरुवेल काश्यप' धकाः प्रज्ञप्ति दुगु जुल ।

३७. जिमि सहोदर किजापिं गंगा खुसि सिथय् च्वंच्वंगुलिं नदीकाश्यप नांम्ह जुल । वथें हे मेम्ह गया काश्यप नांम्ह जुल ।

३८. कान्दाम्हा किजाया शिष्यपिं निसःम्ह, माइला किजाया स्वसःम्ह व जि शिष्यपिं न्यासःम्ह यानाः जि कुल शिष्यपिं द्वःछिम्ह दुगु जुल ।

३९. उबले लोकय् अग्रम्ह पुरिषदम्म सारथीम्ह भगवान् बुद्ध जिथाय् लिक्कसं विज्यानाः नानाकथं प्रातिहार्यं क्यनाः जितः वशय् कया विज्यात ।

४०. द्वःछिपिं जिपिं व 'एहि भिक्खु' भावं प्रव्रजित जुया । अले सकलें नापं तुं अर्हत् नं जुया ।

४१. इपिं शिष्यपिं व मेपिं यक्व शिष्यपिं नं जिथाय् च्वनीपिं जुल । इमित्ति जिं अनुशासना याये फयाच्चन ।

४२. न्हेम्हम्ह ऋषि जूम्ह भगवान् गौतम बुद्धं जितः समूह दुपिं मध्ये अग्रस्थान पदय् तथा विज्यात । अचम्म ! भगवान् बुद्धयाप्रति यानागु जिगु पुण्य कर्म सफल जुल ।

४३. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

४४. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् उरुवेलकाश्यप स्थविरं थुपिं गाथात धया विज्याःगु जुल ।

उरुवेलकस्सपत्येरापदान च्यागू कुवचाल ।

५३९. राघत्थेरापदान

१. मिखा (ज्ञां) दुम्ह, लोकय् सकतां थुइका विज्याःम्ह, शत्रुत त्याका विज्याःम्ह, जिनम्ह पदुमुत्तर (मुनि) भगवान् बुद्ध छगूलाख कल्पय् थुगु लोकय् प्रकट

(उत्पन्न) जुया विज्यात ।

२. सकसित अववाद विया विज्याइम्ह, धर्म ग्रहण याका विज्याइम्ह, सकल प्राणीपिं तरेयाना विज्याइम्ह, कनेगुली कुशलता दुम्ह, भगवान बुद्धं यक्व जनपिं तरेयाना विज्यात ।

३. सकसितं अनुकम्पा तथा विज्याइम्ह, कारुणिकम्ह, हितैषीम्ह वस्पोल भगवान बुद्धं वःपिं सकल तीर्थकरपिन्त पंचशीलय् प्रतिष्ठित याना विज्यात ।

४. थथे (उगु समय) तीर्थकरपिं खालि जूगु, निश्चल तादि गुणं युक्त व वशीभूत अर्हत्पिनि पाखें विचित्र जूगु जुल ।

५. वस्पोल भगवान बुद्ध न्यय्च्यागू रियन तःधिकःम्ह, लुँया थां थें थिनाच्चंम्ह, स्वीनिता लक्षणं युक्तम्ह जुयाच्चन ।

६. उगु इलय् छगू लेख आयु दुगु जुयाच्चन । अबलेतक म्वाना च्वना विज्याःम्ह वस्पोल सर्वज्ञम्ह बुद्धं यक्व जनसमूह दुःख सागरं तरेयाना विज्यात ।

७. उगु इलय् जि हंसवति शहरे वेद मन्त्रय् पारंगतम्ह ब्रह्मू जुयाच्चना । अले जि नं वस्पोल बुद्धयाथाय् वनाः धर्म (बाखं) न्यं वना ।

८. महान वीर्य दुम्ह, मनूतय्गु समूहया विशारदम्ह, विशिष्टगु नायकत्व दुम्ह, पटिभाणक भिक्षुपिं मध्ये अग्रम्ह भिक्षुयात एतदग्रस्थान पदवी भगवान बुद्धं विया विज्याना च्वंगु खना ।

९. अले जिं उबले भिक्षुसंघसहित वस्पोल भगवान बुद्धयात यायेमाःगु कर्तव्य पूरा यानाः छंयनं तुतिपालिइ भोपुनाः (वन्दना यानाः) उगु पदवी प्रार्थना याना ।

१०. अले सिंगि लुँया जः दुम्ह वस्पोल भगवान बुद्धं थःगु क्लेश स्वां यंकीगु मधुर स्वरं जितः थथे धया विज्यात ।

११. “सुखी जुइमा, दीर्घायु जुइमा, छंगु प्रार्थना पूवनेमा । भिक्षुसंघसहित जितः याःगु पूर्वकर्मया आनिसंस छन्त यक्व दु ।

१२. थनिं छगू लाख कल्पय् ओक्काक कुलय् जन्म जुइम्ह नामं गौतम

नांयाम्ह शास्ता लोकय् उत्पन्न जुइतिनि ।

१३. वस्पोलया धर्मय् दायादम्ह, औरस पुत्रम्ह, धर्म हे दयेकातःम्ह जुयाः छ
वस्पोलया श्रावकम्ह जुयाः नामं राघ जुयाः प्रसिद्ध जुइतिनि ।

१४. वस्पोल भगवान बुद्ध छंगु हेतु गुणय् सन्तुष्ट जुयाः नायकम्ह शाक्यपुत्रम्ह
वस्पोल नरश्रेष्ठं छन्त पटिभाणय् थ्यंक भिक्षुपिं मध्ये अग्र स्थानये पदस्थापन
याइतिनि ।”

१५. जिनम्ह वस्पोल भगवान बुद्धया व खं न्यनाः लयताःम्ह जुयाः जीवन
दत्तले मैत्रीचित्तं युक्तम्ह जुयाः स्मृतियुक्त जुयाः प्रज्ञां युक्तम्ह जुयाः वस्पो
लयात सेवा याना ।

१६. बांलाक यानागु उगु भिंगु ज्या (कर्म) या कारणं व मन भिंकाः बल्लाकागु
कारणं यानाः थ्व शरीर त्वःता वनाः तावतिंस देवलोकय् जन्म काः वना ।

१७. जि स्वसःक्वः देवलोकय् राज्य याना । न्यासःक्वः ला चक्रवर्ती जुजु जुयाः
जिं राज्य याना ।

१८. जिं राज्य यानागु विशालगु प्रदेश राज्यत ला ल्याखं अल्याख जुल । उगु
भिंगु कर्मया प्रवाहं (अन अन) दक्वथाय् सुखीम्ह जुया च्वना ।

१९. जि अन्तिमगु भवय् (जन्मय्) थ्यंकः वयावले उत्तमगु गिरिवज्ज शहरे
दुर्लभ वस्त्र व आहार दुगु समृद्ध मज्जूगु ब्राह्मण कुलय् जन्म जुया ।

२०. तादि गुणं युक्तम्ह सारिपुत्र भन्तेयात छगू चम्चा भिक्षादान वियागु जुल
। गुबले जि वृद्ध जुल, जीर्ण जुल, उबले आरामे (विहारे) वनाः च्वंवना ।

२१. उगु इलय् जीर्ण, दुर्बल जूम्ह जितः सुना नं प्रव्रज्या मयाः । उकिं दुर्वर्णगु
शरीरम्ह जुयाः प्रार्थना दुम्ह जुयाः शोकीम्ह जुया च्वना ।

२२. महाकारुणिकम्ह महामुनिम्ह भगवान बुद्धं जितः खनाः थथे धया
विज्यात- “हे पुत्र ! छ, छाय् शोकीम्ह जुया च्वनागु ? छंगु मनये च्वंगु दुःख
पीडा छु खः धा ?”

२३. हे वीर ! सुआख्यातगु छलपोलया (बुद्ध) शासनय् (धर्मय्) जिं प्रव्रज्या
प्राप्त मयाना । उगु कारणं दुःखीम्ह जुयाच्वना । हे नायक ! जितः सरण

विया विज्याहँ !

२४. अले न्हेम्हम्ह (विपश्ची भगवान बुद्धनिसें) भगवान बुद्ध जुया विज्याःम्ह गौतम बुद्धं भिक्षुपिं सःताः सुनां नं थ्व मन्ूयागु छुं नं उपकार लुमंसा व थन व्यक्त या !

२५. उबले सारिपुत्र भन्ते नं धया विज्यात- जिं थ्वयागु उपकार छगू लुमंका च्वना । वं जितः भिक्षा वनाबले छगू चम्चा भिक्षा दान व्यूगु दु ।

२६. साधु ! साधु !! हे सारिपुत्र ! छ कृतगुण खंकीम्ह खः । थ्व वृद्धम्ह ब्रह्मूयात प्रव्रज्या या । थ्व मन्ू श्रेष्ठम्ह जुई ।

२७. अले कर्मवाचासहितगु प्रव्रज्या व उपसम्पदा प्राप्त जुल । भिक्षु जुयागु यक्व मदुनिबले हे जि आश्रव क्षय यानाम्ह जुयाच्वना ।

२८. गथे जि भगवान बुद्धयागु वचनं मुदितम्ह जुयागु खः व कारणं भगवान बुद्धं जितः न्यनाः तुरुन्त धर्म थुइका काइपिं भिक्षुपिं मध्ये अग्रस्थानये पदस्थापन याना विज्यात ।

२९. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

३०. एकान्तं हे जिगु भगवान बुद्धयाथाय् भिंंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान राघ स्थविरं थुपिं गाथात धया विज्याःगु जुल ।

राघत्थेरापदान गुंगू क्वचाल ।

५४०. मोघराजत्थेरापदान

१. ज्ञां मिखा दुम्ह, सकल लोकया ज्ञाता जुया विज्याःम्ह, मुनिम्ह, जिनम्ह पदुमुत्तर भगवान बुद्ध थनिं छगू लख कल्पय् उत्पन्न जुया विज्यात ।

२. सकल प्राणीपिन्त अववाद विया विज्याइम्ह, धर्मया चेतना हया विज्याइम्ह, दुःखं तरेयाना विज्याइम्ह, धर्मदेशनाया कुशलता दुम्ह भगवान बुद्धं यक्व

जनपिं दुःखं तरेयाना नं विज्यात ।

३. सकल प्राणीपिनिगु लागि अनुकम्पा तथा विज्याइम्ह, कारुणिकम्ह, हितै पीम्ह वस्पोल भगवान बुद्धं थ्यंकः वःपिं सकल तीर्थकरपिन्त पंचशीलय् प्रतिस्थित याना विज्यात ।

४. थथे उगु ई तीर्थकरपिं खालि जूगु, निराकुलगु तादिगुणं युक्तपिं, वशीभूतपिं अर्हत्पि पाखें अलंकार जूगु जुल ।

५. वस्पोल भगवान बुद्ध न्येय्च्यागू रियन (कोष) तःधिकः जुयाच्वन । शरीर लुँया खानी थें थिनाच्वंगु जुयाच्वन । वस्पोल महामुनियाके स्वीनिता सुलक्षण दुगु जुयाच्वन ।

६. उगु समयस छगू लाख वर्षया आयु दुगु जुयाच्वन । उबले तक्क (छगू लाख वर्षतक्क) म्वाना विज्याःम्ह वस्पोलं यक्व जनपिं (दुःख) तरेयाना विज्यात ।

७. उबले जि हंसवति शहरे छगू कुलय् जन्म जुया । मेपिनिगु ज्या याइम्ह जिके थःगु छुं नं धन मद्दु ।

८. उबले जि छगू शालाय् (हलय्) माथं मवंगु बँय फ्यतुना च्वंसे अन मि च्याका । व वँ तसकं हाक्कुसे च्वन ।

९. उबले हे प्यंगू सत्य प्रकाश याना विज्याइम्ह भगवान बुद्धं संघ समूहया विचय् गाढागु (खस्रो) चीवर पुनाच्वंम्ह छम्ह श्रावक शिष्यया प्रशंसा याना विज्यात ।

१०. (जि) वयागु व गुणय् लय्ताःम्ह जुयाः वस्पोल तथागतयात वन्दना यानाः रुक्ष चीवरधारी भिक्षुपिं मध्ये अग्रगु उगु पदवी प्रार्थना याना ।

११. उबले पदमुत्तर भगवान बुद्धं श्रावकपिन्त थथे धया विज्यात- “स्व ! थ्व भ्वाथःगु वसः पुनातःम्ह गंसिम्ह...”

१२. अथेसां लय्ताःगु ख्वाः दुम्ह, श्रद्धा धनं युक्तम्ह, च्वय् थाहँवंगु सँ दुम्ह, खुसीम्ह, निश्चलम्ह, सालपिण्ड ल्हाःतय् दुम्ह...

१३. थ्व मनू नं रुक्ष चीवरधारीम्ह सत्यसेन नाम्ह भिक्षुया व चीवरया वर्ण

मनवंम्ह जुयाः उगु पद प्रार्थना याना च्वन” धकाः ।

१४. व खँ न्यनाः लयताःम्ह जि भगवान बुद्धयात क्वच्छुताः वन्दना यानाः बुद्धशासनये जीवन दत्तले भिंगु कर्म याना...

१५. उगु भिंगु कर्मया कारणं व मन प्रसन्न व बल्लाकागु कारणं यानाः थ्व मनुष्य शरीर त्वःताः (सिनावनाः) तावतिस देवलोक्य् जन्म काः वना ।

१६. आसन हल्य् च्वंगु बँ च्याकागु कर्मया कारणं दुःख वेदना पिडितम्ह जुयाः द्वःछिदँ नर्क्य् च्याना च्वना ।

१७. जि वाकिगु उगु कर्मया कारणं न्यासःगू जन्म्य् मनू जुयाः जन्म काःसां जन्मजातं हे शरीर्य् हाकुगु (चिं) दाग दुम्ह जुयाच्वना ।

१८. मेगु न्यासःगू जन्म्य् कुष्ठ रोगं पिडितम्ह जुयाः उगु कर्मया कारणं हे यक्व दुःख सियाम्ह जुया ।

१९. थुगु भद्रकल्प्य् उपरिद्व (प्रत्येक) भगवान बुद्धयात जिं प्रसन्नम्ह जुयाः पिण्डपातं सन्तुष्ट याना ।

२०. उगु विशेष कर्मया कारणं व मन प्रसन्न यानागुया कारणं (हानं) थ्व मनुष्य शरीर त्वःताः तावतिस देवलोक्य् जन्म काः वना ।

२१. अन्तिमगु भव (जन्म) थ्यंकः वःवले जि क्षत्रीय कुलय् जन्म जुया । अबुया मरण लिपा जि जुजु नं जुया ।

२२. जि कुष्ठ रोगनापं हे हुकँ जूम्ह जुयाः राज सुखे मन मवं । रोग नं मलं । गुगु कारणं राजसुख मदुगु खः व कारणं यानाः जिगु नां मोघराज जुल ।

२३. थ्व शरीरयागु दोष खनाःलि जि अनगारिक प्रव्रज्यां प्रव्रजित जुया । बावरी नांम्ह श्रेष्ठम्ह ब्राह्मणया शिष्य जुया ।

२४. तःधंगु परिवारजनपिं नापं भगवान बुद्धयाथाय् वनाः दक्व वाद मर्दन याइम्ह वस्पोल याके जिं सूक्ष्मगु प्रश्न न्यना ।

२५. थ्व मनुष्य लोक, परलोक, देवतापिं सहितगु ब्रह्मलोक नं छलपोल खने माः ! यशश्वीम्ह भगवान गौतम बुद्धया विचाः छु धकाः जिं मस्यू ।

अपदान पालि

२६. (देवतापिं सहित लोकया आसानुसय खंकेफुम्ह जूगुलिं) थथे दक्ष दृष्टि दुम्ह (छलपोल याके) प्रश्न न्यना: (धर्म) ज्ञान उत्पन्न जुइगु खै । गथे थ्व लो क खंकूम्हेसित मृत्युराजं खनीमखु ?

२७. हे मोघराज, न्ह्यावलें नं स्मृति दयेका: सत्काय दृष्टियात म्हसिका: थ्व लोक शून्य धका: थुइका: स्वयेगु या । अथे थुइकेबले उकिं मुक्त जुइफई धका: सकल संसारया रोगया वैद्य थें भगवान बुद्धं अर्थ धया बिज्यात ।

२८. थुपिं गाथात धया: सिधकूबलय् हे सँ-दाही मदुम्ह जुया:, चीवरं पुंम्ह जुया: अर्हतम्ह भिक्षु जुया ।

२९. (कुष्ठ) रोगं पिडितम्ह जि, वात रोग नं पिडितम्ह जुयाच्वनाम्ह जि, विहार फोहोर जुइ धका: संघया विहारे मच्चना ।

३०. फोहरय् च्वंगु, स्मशानये च्वंगु, लँय्च्वंगु भ्वाथ:गु काप: टुक्रा हया: उकिया रुक्ष चीवर दयेका: पुना ।

३१. जिगु उगु गुणं सन्तुष्ट जुया बिज्या:म्ह, संसारिक रोगया वैद्य जुया बिज्या:म्ह, लोकनायकम्ह भगवान बुद्धं जित: रुक्ष चीवर धारीपिं भिक्षुपिं मध्ये अग्रस्थानय् पदस्थापन याना बिज्यात ।

३२. कुशल-अकुशल कर्म मुंकेगु मदुम्ह, सकल रोगं अलग जुयाम्ह, सिं मदुगु मि थें आश्रवरहितम्ह जुया: परिनिर्वाण जुया ।

३३. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: बास याना ।

३४. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान मोघराज स्थविरं थुपिं गाथात धया बिज्या:गु जुल ।

मोघराजत्थेरापदान भिगूगु क्वचाल ।

कच्चायनवर्ग क्वचाल

५५. भद्दियवग्ग

५४१. लक्कुण्टकभद्दियत्थेरापदान

१. सकल धर्मत खंकेगु मिखा दुम्ह, जिनम्ह, नायकम्ह पदुमुत्तर भगवान बुद्ध थनिं छगू लाख कल्पय् लोकय् उत्पन्न जुया विज्यात ।
२. उवले जि हंसवति शहरे महाधन दुम्ह श्रेष्ठीपुत्र जुयाच्चना । जि चाः ह्युह्युं संघारामय् (विहारय्) वना ।
३. उगु इलय् वस्पोल लोक प्रकाशमान याना विज्याना च्वंम्ह पदुमुत्तर भगवान बुद्धं धर्मदेशना याना विज्यानाः मधुरगु सः दुपिं भिक्षुपिं मध्ये अग्रम्ह भिक्षुया प्रशंसा याना विज्याना च्वन ।
४. व न्यनाः जि लय्ताःम्ह जुयाः महर्षिम्ह भगवान बुद्धयात वन्दना यानाः सेवा सत्कार यानाः जिं नं व पदवी प्रार्थना याना ।
५. अनलिपा विनायकम्ह भगवान बुद्धं भिक्षुसंघया विचय् च्वना विज्यासे “अनागतय् वयागु मनोकामना पूर्ण जुइतिनि” धकाः कना विज्यात ।
६. थनिं छगू लख कल्प लिपा ओक्काक कुलय् जन्म जुइम्ह नामं गौतम नांयाम्ह शास्ता भगवान बुद्ध लोकय् उत्पन्न जुइतिनि ।
७. वस्पोलया धर्मय् दायादम्ह, औरसपुत्रम्ह, धर्म हे दयेकातःम्ह थें जाःम्ह भद्दिय नांयाम्ह शास्ताया श्रावक शिष्य (थ्व मनु) जुइतिनि ।
८. बांलाक यानागु व भिं कर्मया कारणं व मन प्रसन्न यानागुया कारणं थ्व मनुष्य शरीर त्वःताः (मृत्यु लिपा) तावतिसं देवलोकय् जन्म काः वना ।
- ९/१०. थनिं ग्वीनिगूगु कल्पय् (गुणय् सुयानं) लिक्क थ्यंके मफुम्ह, जवर जस्ति दमन याये मफुम्ह, दक्व लोकया अग्रम्ह (पंचमार) त्याकूम्ह (भिन्यागू) आचरणं युक्तम्ह, महानगु तप्यंगु प्रतापी गुण दुम्ह, फुस्स नांम्ह भगवान बुद्ध लोकय् उत्पन्न जुया विज्यात । सकल सत्वप्राणीया हित सुख याःम्ह जुयाः यक्व जनपिं (संसारं) तरेयाना विज्यात ।
११. वस्पोलयागु नन्दराम धैगु राजोद्यानये जि फुस्स (हे) नांम्ह कोकिल (भंगः) जुयाच्चना । जि वस्पोलया गन्धकुटी लिक्कसं च्वंगु अं सिमाय्

च्वंच्वना ।

१२. उबले भिक्षाया लागि विज्याना च्वंम्ह दक्षिणधिम्ह वस्पोल भगवान बुद्धयात खना: मन प्रसन्न याना: मधुरगु सलं नाद याना ।

१३. अले राजोद्यानये वना: बांलाक पाके जूगुलिं लुँथें च्वंगु अं छग: कया हया: भगवान बुद्धयात जिं पूजा (दान) याना ।

१४. उबले महाकारुणिकम्ह, जिनम्ह वस्पोल भगवान बुद्धं जिगु मनया खँ सिइका विज्याना: उपस्थापकया ल्हा:तं पात्र कया विज्यात ।

१५/१६. जि लयता:म्ह जुया: व अं (स्व:) भगवान बुद्धयात ल: ल्हा:ना व पात्रय् तथा: पपूर्चां विन्ति याना । मन आकर्षित जुइगु, मनोज्जगु, न्यने यइपुसे च्वंगु मधुरगु सलं नाद याना: शब्द पूजा याना:लि जि थ:गु छय्यैय् वना: च्वं वना ।

१७. उबले जि बुद्धालम्बन प्राप्तं युक्तम्ह प्रमुदितम्ह जुयाच्वनावले दुष्टम्ह ...मा छम्ह वया: जित: स्याना विल ।

१८. अनं च्यूत जुयावना: तुषित देवलोकय् जन्म जुया: महासुख भोग याना: हानं व हे भिं कर्मया कारणं मनुष्य भावय् जन्म का: वया ।

१९. अले थुगु भद्रकल्पय् ब्राह्मण बंशय् महायशकीर्ति दुम्ह, खँ ल्हाइपिनि विचय् श्रेष्ठम्ह, गोत्रं काश्यप नांम्ह भगवान बुद्ध लोकय् उत्पन्न जुया विज्यात ।

२०. वस्पोल भगवान बुद्ध बुद्धशासन ज्योतिमय याना विज्याना: मिथ्या तीर्थकरपिं दमन याना विज्याना: विनेय्य जनपिं नं वशे तथा: श्रावकपिं सहितम्ह वस्पोल नं परिनिर्वाण जुया विज्यात ।

२१. वस्पोल भगवान बुद्ध परिनिर्वाण जुया विज्यासेलि श्रद्धां युक्तपिं यक्वसिन् वस्पोलयात पूजा यायेगु लागि बांला:गु स्तूप दयेके विल ।

२२. 'सप्त रत्नं छायेपा यायेगु, न्हेगू योजन दुगु स्तूप दयेकेगु' धका: इमि खँ ल्हानाच्वन ।

२३. उगु इलय् जि किकि नांम्ह काशी जुजुया सेवक जुया: सेनाय् नाय:म्ह

अपदान पालि

जुयाच्चना । जिं नं चैत्यया अप्रमाणगु प्रमाणया विषयस कना ।

२४. उबले इमिसं जिगु खँ न्यना: वस्पोल भगवान बुद्धयागु सप्तरत्नं छाये पा:गु चैत्य न्हेगू योजन मयासे छगू योजन जक त:जा: याना: दयेकल ।

२५. बांलाक यानागु उगु भिं कर्मया कारणं व मन प्रसन्न यानागु कारणं थ्व मनुष्य शरीर त्व:ता: (सिनावना:) तावतिस देवलोकय् जि जन्म का: वना ।

२६. आ: जि थ्व अन्तिमगु भवय् (जन्मय्) थ्यंबले श्रावस्ती नगरय् समृद्धम्ह, जा:गु महाधन दुम्ह श्रेष्ठी कुलय् जन्म जुया:....

२७. नगरया ध्वाखाय् (ढोका) भगवान बुद्धयात (सुगत) खना: अचम्म चाया:लि लिपा प्रव्रजित जुया: याकनं हे अर्हत् भावय् थ्यंक: वना ।

२८. उगु चैत्यया प्रमाण गथे चित्ते यानागु ख: व कर्मया कारणं जि निन्दाया योग्यम्ह पुङ्केम्ह जुयाच्चना ।

२९. जिं मधुरगु सलं भगवान बुद्धयात (शब्द) पूजा यानागु कारणं मधुरगु स:दुपिं भिक्षुपिं मध्ये अग्रस्थानये थ्यंम्ह जुयाच्चना ।

३०. भगवान बुद्धयात अं दान यानागुया कारणं वस्पोलया गुण लुमंकागु कारणं मार्गफल प्राप्तम्ह जुया: आश्रवरहितम्ह जुया: बास याना ।

३१. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: बास याना ।

३२. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान लकण्टकभद्विय स्थविरं थुपिं गाथात धया बिज्या:गु जुल ।

लकण्टकभद्वियत्थेरापदान छगूगु क्वचाल ।

५४२. कडुखारेवतत्थेरापदान

१. थनिं छगू लख कल्पय् नायकम्ह, जिनम्ह, सकल धर्मया ज्ञाता जुया

२८६

विज्याःमह पदमुत्तर नांयाम्ह भगवान बुद्ध लोकय् उत्पन्न जुया विज्यात ।

२. वस्पोल सर्वज्ञ बुद्ध सिंहया सँ थें जाःगु सँ दुम्ह जुयाच्चन । ब्रह्म स्वर थें सः दुम्ह जुयाच्चन । हंस ध्वनि थें जाःगु सः दुम्ह जुयाच्चन । हस्तिराजया गमन थें जाःगु वनेगु पहः दुम्ह जुयाच्चन । चन्द्र सूर्यया जः सिबे अधिकगु जः दुम्ह जुयाच्चन ।

३. महानगु ज्ञान दुम्ह जुयाच्चन । महानगु वीर्य दुम्ह जुयाच्चन । महानगु बल दुम्ह जुयाच्चन । महानगु करुणा दुम्ह जुयाच्चन । वस्पोल अनाथपिन्त नाथ जुया विज्याना च्वन । महा मोहअन्धकार नाश याना विज्याइम्ह जुयाच्चन ।

४. सत्त्वपिनिगु आशय् अनुशय सिइका विज्याःमह, स्वंगू लोकया नं अग्रम्ह, मोनेय्य गुणं युक्तम्ह, वस्पोल सम्यक सम्बुद्ध छुं इलय् यक्व विनेय्य जनपिं वशय् तयाः धर्मदेशना याना विज्यात ।

५. वस्पोल भगवान बुद्धं ध्यानीम्ह, ध्यानये लगये जुया च्वनीम्ह, उपशान्तम्ह, निश्चलम्ह, वीरम्ह (थः शिष्य) श्रावकयात समूहया विचय् (ध्यान याइपिं मध्यय् अग्रम्ह धकाः) वर्णना यासैं जनसमूह लय्तायेका विज्यात ।

६. उबले जि हंसवति शहरे स्वंगू वेदं पारंगतम्ह ब्रह्मू जुयाच्चना । उगु धर्म न्यनाः लय्ताःमह जुयाः उगु पदवी प्रार्थना याना ।

७. उबले विनायकम्ह वस्पोल भगवान बुद्धं संघया विचय् च्वनाः थथे धया विज्यात “हे ब्राह्मण ! छ सन्तुष्ट जु ! छंगु व मनोकामना अनागते पूर्ण जुइतिनि ।”

८. थनिं छगू लख कल्पय् ओक्काक कुलय् जन्म जुइम्ह नामं गौतम नांयाम्ह शास्ता (भगवान बुद्ध) लोकय् दइतिनि ।

९. वस्पोलया धर्मय् दायादम्ह जुयाः, औरस पुत्रम्ह जुयाः, धर्म हे दयेकातम्ह थें जुयाः छ नामं रेवत नांयाम्ह जुयाः भगवान बुद्धया श्रावक शिष्यम्ह जुइ ।

१०. बांलाक यानागु उगु भिं कर्मया कारणं व मन प्रसन्न यानागुया कारणं मनुष्य शरीर त्वःताः (सिनावनाः) जि तावतिंस देवलोकय् (जन्म काः) वना ।

११. जि आः अन्तिमगु भवय् (जन्मय्) थ्यंबले कोलिय शहरे कुलसम्पन्नम्ह, समृद्धम्ह, पूर्णगु महाधन दुम्ह क्षत्रीय वंशय् जन्म जुया ।

अपदान पालि

१२. गुबले (गौतम) भगवान बुद्ध कपिलवस्तु शहरे धर्मदेशना याना विज्यात, उबले भगवान बुद्धप्रति प्रभावित जुया: अनगारिक प्रव्रज्यां प्रव्रजित जुया ।

१३. उगु उगु थासय् कप्य-अकप्य (ज्यूगु मज्यूगु) चिजय् जिके शंका यक्व दुगु जुल । भगवान बुद्धं उत्तमगु धर्मदेशना याना विज्यासे व सकतां द्रंगु विचा:त मदयेका विज्याना: जित: वशय् तल ।

१४. अर्नालि जिं तरे जुयागु संसार सागर दुम्ह जुया: न्ह्याबलें ध्यान सुखय् निरतम्ह जुया च्वना । उबले भगवान बुद्धं जित: खना: थथे धया विज्यात ।

१५. थ:गु ज्ञानय् वा मेपिनिगु ज्ञानय्, थ्व लोकय् वा परलोकय् छुं नं शंका दुसा व सकतां ध्यान याइम्ह, क्लेश तर्पण याइगु वीर्य दुम्ह, ब्रह्मचर्या पालन याइम्ह सुं दुसा इमिसं तापाना (निवारण) छ्वई ।

१६. छगू लख कल्पय् यानागु भिं ज्याया फल आ: जित: थन क्यनाच्वन । बाणं मुक्त जूगु बाण थें जिगु क्लेश नष्ट जुल ।

१७. अले लोकया अन्ततक विज्या:म्ह मोनेय्य गुणं युक्तम्ह भगवान बुद्धं ध्यानये विरतम्ह जित: खना: ध्यान याइपिं भिक्षुपिं मध्यय् जि अग्रम्ह धका: अग्रस्थानय् पदस्थापन याना विज्यात ।

१८. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: वास याना ।

१९. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान कंखा रेवत स्थविरं थुपिं गाथात धया विज्या:गु जुल ।

कडखारेवतत्थेरापदान निगूगु क्वचाल ।

५४३. सीवलित्थेरापदान

१. थनिं छगू लख कल्प न्हापा लोकनायकम्ह, सकल धर्मय् ज्ञां मिखा दुम्ह पदुमुत्तर नांयाम्ह भगवान बुद्ध (जिन) लोकय् उत्पन्न जुल ।

२. वस्पोलया शील असंख्यगु जुल । वस्पोलया समाधि (ध्यान) वज्र समान जुल । वस्पोलया उत्तमगु ज्ञान नं असंख्यगु जुल । असमानगु विमुक्ति नं वस्पोलयाके दुगु जुल ।

३. अथे लोकनायकम्ह भगवान बुद्धं देव ब्रह्मादि मुनाच्चंगु थासे श्रमण ब्राह्मण मनुष्यपिन्त धर्मदेशना याना विज्यात ।

४. उगु परिषदया विचय् च्वनाविज्याःम्ह विशारदम्ह भगवान बुद्धं पुण्यवानम्ह जुतिन्धरम्ह महालाभिम्ह मध्ये अग्रम्ह धकाः थः श्रावक (शिष्य) छम्हसित एतदग्र स्थानये तथा विज्यात ।

५. उवले जि हंसवति शहरय् च्वंम्ह जुजु जुयाच्चना । उम्ह श्रावक शिष्यया यक्व गुण कंम्ह वस्पोल भगवान बुद्धया उगु वचन न्यनाः

६. श्रावकपिं सहित भगवान बुद्धयात निमन्त्रणा यानाः न्हेन्हुतक भोजन याकाः महादान नं वियाः (जिं नं) उगु स्थान (पदवी) हे प्रार्थना याना ।

७. अले पुरुष श्रेष्ठम्ह, महावीरम्ह भगवान बुद्धं वन्दना यासे तुति पालिइ भो पुना च्वंम्ह जि खनाः मधुरगु सलं सभाय् विचय् थथे धया विज्यात ।

८. अनलि वस्पोलं भगवान बुद्धया वचन (धर्मदेशना) न्यने यपिं महाजनपिं (उपासक-उपासिकापिं) देवतापिं, सुरंगनापिं, गन्धर्वपिं, महाऋद्धि सम्पन्नपिं

९.श्रमण-ब्राह्मणापिं सकस्यां ल्हा विन्ति यासे “हे पुरुष श्रेष्ठम्ह (महामानव) छलपोलयात नमस्कार यानाच्चना, हे पुरुषोत्तमम्ह ! छलपो लयात नमस्कार (वन्दना) याना च्वना ।”

९. वन्दना यानाःलि; छलपोलयात न्हेन्हुतक (गुम्ह) जुजुं महादान वियादीगु खः, (उम्ह) जुजुयात प्राप्त जुइगु फल विपाक गथे खः धकाः जिपिं छलपोल पाखें (विवरण) न्यने मास्ते वयेका च्वना, कृपा तथाः कना विज्याहूँ ।

१०/११. अनलिपा भगवान बुद्धं (थथे) धया (कना) विज्यात – “जिगु वचन (खँ) न्यँ; दक्षिणार्हम्ह (दान विइत योग्यम्ह) अप्रमाणगु गुणं युक्तम्ह भगवान बुद्धप्रति व भिक्षुसंघप्रति श्रद्ध तथाः गुगु दान व्यूगु खः उकिया अप्रमेयगु (अप्रमाणगु) फल विपाक दुम्ह जुयाच्चन । अथेसां महानगु भाग्य दुम्ह थ्व

जुजु उत्तमगु पद प्रार्थना याना च्वन ।”

१२. “तःधंगु लाभ इपिंमध्ये अग्रम्ह सुदर्शन भिक्षुं गथे खः जिं नं अथे हे जुइम्ह जुइमा” धैगु वइगु प्रार्थना खः । लिपागु इलय् उगु पद वं (थ्व जुजुं) प्राप्त याना काइतिनि ।

१३. थनिं छगू लाख कल्प लिपा ओक्काक कुलय् जन्म जुइम्ह नामं गौतम धइम्ह शास्ता भगवान बुद्ध थ्व लोकय् प्रकट (जन्म) जुइतिनि ।

१४. वस्पोलया हे धर्मं दायादम्ह, धर्मं हे दयेकातःम्ह थें च्वंम्ह औरस (बुद्ध) पुत्रम्ह सीवलि नांयाम्ह बुद्ध श्रावक-शिष्य जुइतिनि धकाः कना बिज्यात ।

१५. बांलाक यानाः पूवंकगु उगु (कुशल) कर्मया कारणं यानाः थःगु मन (चित्त) भिंकूगु कारणं यानाः नं; जि थ्व मनुष्य शरीर (देह) त्वःताः (सिनावनाः) तावतिंस देवलोकय् (जन्म काः वना) थ्यंकः वना ।

१६. थनिं ग्वीछगूगु कल्पय् (न्हापा) स्वय् यइपुसे च्वंगु मिखा दुम्ह, सीकेमागु सकतां प्रकारया धर्मत बांलाक खंकेफुम्ह, लोकनायकम्ह विपश्ची भगवान बुद्ध थुगु लोकय् उत्पन्न जुया बिज्यात ।

१७. उबले जि बन्धुमति शहरे छगू कुलय् ज्ञातिबन्धुपिनिगु ग्वाहालिं मां-बौ या प्रार्थनां याना जन्म जूम्ह, ज्याय् लगेजुइम्ह काय् जुयाच्वन ।

१८. उबले हे उपासक-उपासिकापिनि छगू समूह नं विपश्ची भगवान बुद्धया लागिं तःधंगु अतिकं प्रसिद्धगु ब्वनेकृथि (परिवेण) दयेका बिल ।

१९. उगु ब्वनेकृथि (परिवेण) दयेके सिधयेधुंकाः नयेगु त्वनेगु चिजं युक्तगु दान विइत्यंबले अन छु मद्दु, मगाः धकाः स्वैबले न्हूगु धौ व कस्ति मखना ।

२०. अनंलि जि उगु न्हूगु धौ व कस्ति ज्वनाः ज्या याकीम्ह साहूया थाय् (छे) वना । उगु न्हूगु धौ व कस्ति मालाच्वंपिं उमिसं जितः खन ।

२१. उमिसं द्वःछि दां बियाः नं काये (न्याये) मफया च्वंगुलिं जिं थथे विचाः याना । “थ्व सामान्य खँ मखु ।”

२२. “गथे थुपिं सकल जनपिंस सत्कार (माने) याना च्वंगु खः, अथे हे जि नं वस्पोल श्रावकशिष्यपिं सहितम्ह लोकनायकम्ह भगवान बुद्ध यात सत्कार

(माने) याये” धका: ।

२३. उबले जिं अथे विचा याना धौ नं कस्ति नं नापं तया: (त्वाकच्छ्यानाः) संघपिं सहितम्ह लोकनायकम्ह भगवान् बुद्धयात दान विया ।

२४. बांलाक याना वैगु उगु (कुशल) कर्मया कारणं याना: वं मन प्रसन्न याना वैगु कारणं याना: नं जि थ्व मनुष्य देह (शरीर) त्व:ता: (सिनावनाः) तावतिंस देवलोकय् (जन्म काः) वना ।

२५. जि हानं बनारस शहरे महा यशकिर्ति व परिवार दुम्ह जुजु जुया च्वनाबले शत्रुम्ह जुजुनाप तं (क्रोध) चाया: (उम्ह शत्रु जुजु) शहरं प्याहाँ वने मफयेक शहरया खापा (द्वार) त बन्द याका विया ।

२६. थुकथं न्हेन्हुतक शहरं प्याहाँ वने मफयेक शत्रुत कुना तयागु व अकुशल कर्मया कारणं विपाक कथं जि हानं नर्के जन्म कया: यक्व दुःख कष्ट भो गे याना ।

२७. जि आ: थ्व अन्तिमगु जन्मे कोलिय शहरे जन्म जूम्ह जुयाच्वन । जिमि मां सुप्पवासा (नांयाम्ह रानी) ख: । जिमि वा: महाली (लिच्छवी जुजु) ख: ।

२८. कुशल (भिंंगु) कर्मया कारणं क्षेत्रीय कुलय् जन्म जुया । (न्हापा) शहरया खापा तिका वियागु उगु अकुशल (मभिंंगु) कर्मया प्रभावं न्हेदँतक दुःखसिया: मांया प्वाथय् च्वनाबलय् मां नं अतिकं दुःखीम्ह जुल ।

२९. जि न्हेन्हुतक बेहोसीम्ह जुया: दुःखीम्ह जुयाच्वना । जिमि मां नं उबले खापा तिइत अनुमति ब्यूम्ह जूगुलिं थुकथं दुःख कष्ट सहयाये मा:म्ह जुल ।

३०. भगवान् बुद्धं अनुकम्पा तया विज्यागुलिं जि याउँक (मांया गर्भ) प्याहाँ वया । न्हेन्हु लिपा (छँ नं) प्याहाँ वनागु दिं खुन्हु हे अनगारिकगु सासनय् प्रवजित जुया ।

३१. भगवान् बुद्धं अनुकम्पा तया विज्या:गुलिं जि मांया प्वाथं (लिपा) याउँक हे प्याहाँ वया । जन्म जुयागु दिं खुन्हुनिसें हे अनगारिक प्रव्रज्यां प्रव्रजित जुया ।

३२. महानगु ज्ञां दुम्ह सारिपुत्र भन्ते जिम्ह उपाध्याय् जुया विज्यात । महानगु ऋद्धि दुम्ह मौद्गल्यायन भन्ते जिगु सं चाका विज्यासे अववाद (अनुशासन)

याना विज्यात ।

३३. जि सं चाचां हे अरहन्तम्ह जुल । देवतापिसं, मनुष्यपिसं, नागपिसं नं दः
चतुप्रत्यय् सेवा (उपलब्ध) याई ।

३४. पदमुत्तर भगवान बुद्धयात व विपश्वी भगवान बुद्धयात गुकथं खुसि
जुयाः विशेष पूजा सत्कार यानागु खः,

३५. उगु कारणं (फल विपाक कथं) व कुशल कर्मया कारणं (विपाकं) वनय्,
गामय्, जलय् (लखय्), थलय् (स्थलय्) न्त्याथाय् च्वंसां नं जितः उत्तमगु
चतुप्रत्यय विशेषं प्राप्त जुई ।

३६. गुगु इलय् थ्व लोकया अग्रम्ह भगवान बुद्ध स्वीद्वः भिक्षुपिं नापं रेवत
स्थविर भन्तेयात नाप लायेत विज्याना च्वंगु खः,

३७/३८. उगु इलय् जिगु लागि देवतापिसं उपलब्ध याना ब्यूगु चतुप्रत्यय
नं महान प्रज्ञा दुपिं, महान वीर्य दुपिं, महासंघसहितम्ह स्वंगूलोकया नायःम्ह
वस्पोल भगवान बुद्धयात जिं (उगु चतुप्रत्यय) सेवा उपस्थान याना ।

३९. वस्पोल अनलिपा रेवत स्थविर भन्तेयात नापलाना विज्यात । अनलि जे
तवन विहारय् विज्यानाः “हे भिक्षुपिं ! जिमि शिष्यपिं मध्यय् सीवलि आवुसो
लाभीपिं मध्ये अग्रम्ह खः” धकाः जितः लाभीपिं मध्ये एतदग्र स्थानय् तथा
विज्यात ।

४०. सर्वलोकहितम्ह, शास्ताम्ह, वस्पोल भगवान बुद्ध जिगु वर्णना याना
विज्यात, प्रशंसा याना विज्यात ।

४१. जिगु क्लेशत दहन जुल । दक्व भवत नाश जुल । किसिं थें बन्धनत
चफुनाः आश्रवरहितम्ह जुयाः बास याना ।

४२. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान सीवलि स्थविरं थुपिं गाथात धया विज्याःगु जुल ।

सीवलित्थेरापदान स्वंगूगु व्वचाल ।

५४४. वङ्गीसत्थेरापदान

१. थनिं सच्छिद्रः कल्प न्हापा (एकलाख कल्प न्हापा) सर्वधर्मय् मिखा (ज्ञां) दुम्ह, जिनम्ह, नायकम्ह पदुमुत्तर नांयाम्ह भगवान बुद्ध उत्पन्न जुया विज्यात ।
२. गथे समुन्द्रय् छाल खः, आकासे तिमिलात (तारका) खः, अथे हे वस्पोलया शासनये अरहन्तपिं दयाः अलंकृत जुया च्वन ।
३. वस्पोल जनोत्तमम्ह (पदुमुत्तर) भगवान बुद्ध दिव्य, असुर, नागपिंसं चाःहुइकाः ब्राह्मणपिं यक्व मुनाच्चंगु जनसमूहया विचय् च्वना विज्याना ।
४. लोक अन्त याना विज्याःम्ह (भवोत्पत्ति अन्त याना विज्याःम्ह) वस्पोल जिनम्ह भगवान बुद्धं थःगु प्रभां (तेजं) थ्व संसार हे न्ह्याइपुक्क थःगु वचन (उपदेशं) प्रबुद्ध जनरूपी पलेस्वां प्रबोधित याना विज्याई ।
५. प्यंगू विशारद युक्तगु, तापाकूगु (प्रहीणयागु) भय व आशक्ति दुम्ह, क्षेमगु निर्वाणय् थ्यंकूम्ह विशारदम्ह पुरुषोत्तमम्ह...
६. लोकनायकम्ह भगवान बुद्धं श्रेष्ठगु उत्तमगु (उगु पद) बुद्धभूमि (बुद्धत्व) थःके नं दु धकाः धाइपिं दुसा न्ह्यःने वा धकाः धया विज्याइ । तर वस्पोलया न्ह्यःने छलपोल याके अजाःगु बुद्धत्व मद्दु धकाः आरोप लगे याइपिं नं मद्दु ।
७. अथे इमित (मग्यासे) सिँहनाद याना विज्याइम्ह, तादि गुणं युक्तम्ह वस्पो लया विरुद्ध वनीपिं (धाइपिं) देवतापिं, मनूत वा ब्रह्मापिं नं मद्दु ।
८. उत्तमगु धर्मदेशना याना विज्यासे देवतापिं सहितगु थ्व लोकय् च्वपिं (भव सागरं) पार तरे यायां थुगु परिषदया विचय् च्वनाः विशारद जुयाः धर्मचक्र प्रवर्तन याना विज्याई (धर्मचक्र प्रवर्तन सूत्रोपदेश देशना याना विज्याई)
९. प्रतिभाणं (थुइका कायेगुलिइ) युक्तपिं भिक्षुपिं मध्ये अग्रन्हेसित खनाः उम्ह सम्मतम्ह श्रावकया यक्व गुण प्रशंसा यानाः उम्ह श्रावक भिक्षुयात अग्रस्थानये (एतदग्र स्थानये) तया विज्यात ।
१०. उगु इलय् (उगु बखतय्) जि हंसवति शहरे जन्म जुयाः बांलाः धकाः सम्मत जूगु दक्व वेद स्यूम्ह, वादीपिनि अग्रम्ह (अधिपतिम्ह), प्रतिवादीत दमन यायेफुम्ह ब्राह्मण जुया च्वनाम्ह जि...

अपदान पालि

११. उबले महावीरम्ह वस्पोल भगवान बुद्धयाथाय् वनाः उगु उत्तमगु धर्मदे शना न्यनाः वस्पोलया श्रावकपिनि गुणय् आकर्षित जूम्ह जुयाः उत्तमगु प्रीति (खुसि) प्राप्त याना ।

१२. अले (उबले) जिं भिक्षुसंघ व लोकजनपिं खुसि याना विज्याइम्ह वस्पोल (पदुमुत्तर भगवान बुद्ध) यात निमन्त्रणा यानाः एक हप्ता (छवाः) तक्क भो जन याकाः वस्त्रादी (चीवरत?) पुंका बिया (दान बिया) ।

१३. अनंलिपा, छँयनं वस्पोलया तुतिइ भोसुलाः (वन्दना यानाः) समय दु कथं विन्ति यासे नमस्कार यानाः खुसि जुयाः छखेलिक्क च्वंचनाम्ह जिं उत्तमम्ह भगवान बुद्धया प्रशंसा याना । गथे कि-

१४. वादि (मृगपिनिगु लागि) धुँ थें जाःम्ह, उत्तमम्ह छलपोलयात नमस्कार याना च्वना । पुरुषोत्तमम्ह छलपोलयात नमस्कार याना च्वना । दक्व लो कया (संसारया) अग्रम्ह छलपोलयात नमस्कार याना च्वना । अभयदान बिया विज्याइम्ह छलपोलयात नमस्कार याना च्वना ।

१५. मारया शक्ति दमन याना विज्याइम्ह छलपोलयात नमस्कार याना च्वना । (६२)गू मिथ्यादृष्टि मर्दन याना विज्याइम्ह छलपोलयात नमस्कार याना च्वना । शान्ति व सुख बिया विज्याइम्ह छलपोलयात नमस्कार याना च्वना । सत्व लोकया उद्धार याना विज्याइम्ह छलपोलयात नमस्कार याना च्वना ।

१६. हे भगवान बुद्ध ! छलपोल अनाथपिन्त नाथ खः; भयभितपिन्त (ग्याःपिन्त) अभय विइम्ह खः; (थाकेजूपिन्त) सत्वपिनिगु लागि विश्राम भूमि खः; सरण माः पिन्त सरण विइम्ह खः ।

१७. थुकथं महानगु गुण दुम्ह भगवान बुद्धया गुण वर्णना यानाः वादिसुरम्ह (प्रतिभायुक्तम्ह) भिक्षुपिं थें भिक्षु जुइत (अनुरोध) याना धया ।

१८. उबले अनन्तगु ज्ञां दुम्ह भगवान बुद्धं थथे धया विज्यात । सुनां थः खुसि जुयाः बुद्धसहित भिक्षुसंघयात भोजन याकल

१९. (वस्पोल सम्बुद्धम्ह) जिगु गुण वर्णना यात; वं वादिशुरगु (प्रतिभाशालीगु) भिक्षुया स्थान प्रार्थना याना च्वन ।

२०. “थ्वं देवमनुष्य सुख पूर्णरुपं अनुभव (भोगये) यानाः भविष्यय् वयागु

मनय् च्वंगु मति (इच्छा) लाभ जुई । पूवनी ।

२१. थनिं सच्छिदं कल्प लिपा ओक्काक कुलय् जन्म जुयाः नामं गौतम नांयाम्ह शास्ता (बुद्ध) लोकय् दइ (उत्पन्न जुइ) ।

२२. वस्पोल बुद्धया धर्मय् धर्मदायादम्ह जुयाः, धर्म हे दयेकूम्ह थें औरसम्ह बुद्धपुत्र जुयाः नामं वंगिस नांयाम्ह शास्ता श्रावकम्ह भिक्षु जुइ” धकाः कना विज्यात ।

२३. भगवान बुद्धया उगु खँ न्यनाः लयताःम्ह जुयाः मैत्री भावं युक्तम्ह जुयाः जीवन दत्तले तथागत बुद्धयात चतुप्रत्यय उपस्थान याना ।

२४. बांलाक यानागु उगु भिंगु सुकर्मया कारणं व भिंगु चेतनाया कारणं थ्व शरीर त्वःताः (सिना वनाः) ‘तुषित’ देवलोकय् जन्म जूवना ।

२५. आः थुगु अन्तिमगु भवय् (जन्मय्) नं जि परिव्राजक कुलय् जन्म जुयाः न्हेदँ दुम्ह जुयाचवना ।

२६. सकतां वेद स्यूम्ह जुयाः, वेदशास्त्रय् विशारदम्ह जुयाः, वादिपिनि श्रे ष्ठम्ह जुयाः मनया खँ धायेफुम्ह जुयाः, परवाद दमन यायेफुम्ह जुयाचवना ।

२७. ‘वङ्ग’ देशय् जन्म जूम्ह जुयाः वचनया अधिपतिम्ह जूम्ह जुयाः लो कसम्मतं हे जिगु नां ‘वङ्गिस’ जुल ।

२८. गुबले जि विद्वान जुया, प्रथम यौवनये पला तया चवना; उबले (उगु इलय्) रम्यगु राजगृहय् (शहरे) सारिपुत्र स्थविर (भन्तेयात) खना ।

२९. भिक्षाया लागि चाःहिलाचवना विज्याःम्ह (पिण्डपातय् विज्याःम्ह) पात्र ल्हाःतय् स्वना तया विज्याःम्ह, संयमितम्ह, लोभ मदुगु मिखां युक्तम्ह, प्रमाण सीकाः खँ ल्हाना विज्याइम्ह, तापाक स्वया मविज्याइम्ह...

३०. वस्पोल सारिपुत्र भन्तेयात खनाः जि अचम्म चायाः मनयात ल्वःगु उबले हे थुइकागु, अन हे रचना (छुनागु) यानागु विचित्रगु गाथा छपु धया

३१. उबले वस्पोल वीरम्ह, पण्डितम्ह, सारिपुत्र भन्ते नं लोकनायकम्ह शास्ता सम्बुद्धया बारे कना विज्यात । छ नं लिसः बिया विज्यात ।

३२. तादि गुणं युक्तम्ह वस्पोल सारिपुत्र भन्ते पाखें सन्तुष्टम्ह जि (तृष्णा

अपदान पालि

मदुगुलिं विरागीम्ह जुया, खंकेत थाकुगु (थुइके थाकुगु) उत्तमगु उगु धर्म (गाथा) बांलाक थुइकाम्ह जुया, वस्पोल (सारिपुत्रया) पालिइ भोपुना: (छ्ँयनं वन्दना याना:) “जित: प्रव्रजित याना विज्याहँ” धका: प्रार्थना याना ।

३३. अनलिपा वस्पोल महाप्रज्ञाम्ह सारिपुत्र भन्तेन जित: श्रेष्ठम्ह भगवान बुद्धया थाय् थ्यंका बिल (व्वना यंकल) । छ्ँयनं पालि भोपुया: (छ्ँयनं वन्दना याना:) छ्के लिकक च्वंच्वना ।

३४. खँ ल्हाइपिं मध्ये श्रेष्ठम्ह वस्पोल भगवान बुद्धं – हे वंगिस ! छ्ँ शिल्प स्यूला (स:ला) ? धका: न्यना विज्यात । जिं स: भन्ते धका: लिस: बिया ।

३५. भिंनिदँ दयेधुकूगु जंगलय् वां छ्ँवयात:गु मनूया छ्ँय (खप्पर) क्यना: छ्ँगु शिल्प ज्ञानं थुपिं गन जन्म जूवन धका: धाये फुला धका: न्यना: फुसा धा धका: धाल ।

३६. हजुर, जिं फु धका: लिस: बिया । अले स्वंगू खप्पर द: क्यन । नर्कय्, मनूलोकय् व स्वर्गय् जन्म जूवन धका: धया ।

३७. अनलिपा (अले) लोकनायकम्ह भगवान बुद्धं जित: ‘प्रत्येक बुद्ध’ या खप्पर क्यन । अले (वस्पोल प्रत्येक बुद्ध हानं जन्म जुइगु थाय् धाये मफइगुलिं जि निहतमानीम्ह जुया: (वस्पोलयाके) प्रव्रज्या फ्वना च्वना ।

३८. अले प्रव्रजित जुया: गन गन वना, अन अन हे भगवान बुद्धयात प्रशंसा याना, गुण वर्णना या:पिं मेपिं भिक्षुपिसं ‘कविता’ हे सुख सम्भेजुया च्वना धका: आरोप लगे यात ।

३९. अले विशिष्ट नायकम्ह भगवान बुद्धं न्यंकेगु क्रमय् जित: थथे धया विज्यात- “थुपिं गाथात (कविता) (न्हापा हे) विचा: याना: दयेका तयागु लाकि व थासय् उचित जुइगु कथं उबले हे मनये लुइगु कथं धायेगु ख: ?”

४०. हे वीर ! जिं गाथा (कविता) विचा: याना तयाम्ह मखु । उगु गाथा (कविता) उगु उगु अवस्थाय् जित: (तुरुन्त) लुमना वइ – “धका: लिस: बिया । हे वंगिस ! अथे जूसा आ: यात योग्य कथं जित: प्रशंसा या” धका: वस्पोलं धया विज्यात ।

४१. उबले तुरुन्त हे वस्पोल वीरम्ह भगवान बुद्धया प्रशंसा याना: गाथात

अपदान पालि

(कविता) व्वनाः न्यका विया । उबले खुसि जुया विज्याःम्ह भगवान बुद्धं जितः
प्रतिभाशालीपिं मध्ये अग्रस्थानय् तथा विज्यात ।

४२. जि उबले हे थुइका कायेफुगु (बोध याना कायेगु) मन दुम्ह जुयाः मे
पिं प्रियशाली भिक्षुपिं अतिक्रमण याना च्वना । उकिं वैरागीम्ह जुया अर
हन्तम्ह जुया ।

४३. थुम्ह वंगिस स्थविर थें तुरुन्त थुइका काइपिं सुं नं मदु । उकिं वंगिस
भन्ते तुरुन्त थुइका काइपिं मध्ये अग्रम्ह खः धकाः सिइकि, मनये धारण या ।

४४. थनिं छगू लाख कल्प न्हापा यानागु कर्मया विपाक थन जितः क्यन
(विल) । बाणं बांलाक त्वःता छ्वःगु तीर थें जिगु क्लेश नं दहन जुल ।

४५. जिगु क्लेशत दहन जुल । दक्व भवत नाश जुल । किसिं थें वन्धनत
चफुनाः आश्रवरहितम्ह जुयाः वास याना ।

४६. एकान्तं हे जिगु भगवान बुद्धयाथाय भिंगु सम्प्राप्ति जूगु जुल । प्राप्तयाना
कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान वंगीस स्थविरं थुपिं गाथात धया विज्याःगु जुल ।

वङ्गीसत्थेरापदान प्यंगू कुचाल ।

Dhamma Digital

५४५. नन्दकत्थेरापदान

१. थनिं सच्छिद्धः कल्प न्हापा सकतां धर्मय् बांलाक खंके फुगु (ज्ञां) मिखा
दुम्ह, नायकम्ह पुदुमुत्तर नांयाम्ह जिनम्ह भगवान बुद्ध लोकय् उत्पन्न जुल ।

२. खँ ल्हाइपिन्त उत्तमम्ह, पुरुष श्रेष्ठम्ह, वस्पोल भगवान बुद्ध सत्वप्राणीपिनि
हित सुखया लागि, उपलब्धिया लागि देव मनुष्य लोकय् चाःहिला विज्याइ ।

३. यश कीर्तिइ अग्रस्थानये थ्यंकः विज्याःम्ह, श्री (सम्पत्ति) दुम्ह, कीर्ति-वर्णना
विद्यमानम्ह, जिनम्ह, सकल लोकवासीपिसं वन्दनामान, (पूजा) प्राप्त याना
विज्याइम्ह दक्व दिशाय् हे खने दयेका विज्याइम्ह वस्पोल भगवान बुद्ध...

४. सकतां शंका (उपशंका) उत्तीर्णम्ह (त्याकूम्ह), धर्मया खँय् थथे अथे धैगु

अपदान पालि

खँत अतिक्रमण यायेधुंकूम्ह, परिपूर्णगु चित्त संकल्पना युक्तम्ह, सम्यक् सम्बोधि प्राप्त याना: (थ्यंका) विज्या:म्ह जुल ।

५. न्हापा मदुगु (उत्पन्न मज्जूगु) लँपुत दयेका विज्याइम्ह, मनुतय् उत्तमम्ह वस्पोल भगवान बुद्ध (न्हापा) सुनानं मधा:गु (मक्यंगु) (प्यंगू आर्य सत्य) नं धया विज्यात (कना विज्यात) । आ:तक उत्पन्न मज्जूगु (फल विपाक) नं उत्पन्न याना विज्यात ।

६. (निर्वाण) लँपु बोध याना:, (निर्वाणया) लँपु सिइका:, (श्रोतापन्न आदि) उगु लपुँइ वनेत दक्षम्ह; देव मनुष्यपिन्त अनुशासना याना विज्याइम्ह, प्राणीपिनि सारथी जुया विज्या:म्ह, नर श्रेष्ठम्ह

७. उबले वस्पोल महाकारुणिकम्ह भगवान बुद्ध धर्मदेशना याना विज्याइ । मोहरूपी चाय् दुबिना च्वपिं प्राणीपिन्त उकिइ (थकया:) उद्धार याना विज्याई ।

८. महामुनिम्ह वस्पोल भगवान बुद्धं भिक्षुणीपिन्त अनुशासना याना विज्याइम्ह श्रावक (भिक्षु) धका: सम्मतम्ह उम्ह श्रावक (भिक्षु) या गुण वर्णना याना विज्यासे अग्रस्थानये तथा विज्याइ ।

९. व खँ न्यना: लय्ता:म्ह जिं वस्पोल भगवान बुद्धसहित भिक्षुसंघयात निमन्त्रणा याना: भोजन दान याना: उगु उत्तमगु पद प्रार्थना याना ।

१०. उबले नाथम्ह, महाऋषिम्ह वस्पोल भगवान बुद्ध खुसि जुया: जित: थथे धया विज्यात- “सुखी जुइमा, दीर्घायु जुइमा, छंगु मनोकामना पूर्ण जुइमा” ।

११. थनिं सच्छिद्र: कल्प लिपा (छगू लख कल्प लिपा) ओक्काक कुलय् जन्म जुइम्ह नामं ‘गौतम’ नांयाम्ह शास्ता (बुद्ध) लोकय् उत्पन्न जुइतिनि ।

१२. वस्पोलया धर्मय् दायदम्ह जुया:, धर्म हे दयेकात:म्ह औरसपुत्र जुया: नामं ‘नन्दक’ नांयाम्ह वस्पोलया शास्ताया (बुद्धया) श्रावक भिक्षु जुइतिनि ।

१३. उगु बांलाक यानागु सुकर्मया कारणं व मन प्रसन्न यानागु सुचेतनाया कारणं उगु मनुष्य शरीर त्व:ता: (सिना वना:) जि तावतिसं देवलोकय् जन्म का: वना ।

१४. थुगु अन्तिमगु जन्मय् जि थन श्रेष्ठी कुलय् समृद्धम्ह (सम्पत्तिं पूर्णम्ह)

जुयाः थुगु उत्तमगु श्रावस्ति शहरय् जन्म जुया ।

१५. शहरय् दुहाँ वया च्वनाबलय् भगवान् बुद्धयात् खनाः अचम्मगु मन युक्तम्ह जुयाः जेतवन विहारे विज्याःबले लसकुस यासे अनागार्यगु बुद्धशासनये प्रव्रजित जुया ।

१६. यक्व ई विते मज्जबले हे (याकनं हे) जि अरहन्तम्ह जुया । अले सर्वदर्शीम्ह (दक्व खंका विज्याइम्ह) भगवान् बुद्धं अनुशासना (उपदेश) याना विज्यासे भवसागरं पार तरे जुयाच्चनाम्ह जुया ।

१७. अले जिं भिक्षुणीपिन्त धर्मया खँ कनेगु, न्दयसः लिसः यायेगु ज्या नं याना च्वना । जिं बियागु उपदेश न्यपिं न्यासः भिक्षुणीपिं नं अरहन्तपिं जुल । उबले भगवान् बुद्ध लय्तायाः जितः भिक्षुणीपिन्त उपदेश विइपिं मध्ये अग्रस्थानय् तथा विज्यात् ।

१८. थनिं छगू लख कल्प न्हापा यानागु उगु सुकर्मया फल विपाक थन जितः प्राप्त जुल । वाणं बांलाक त्वःता छवःगु तीर थें जिगु क्लेश नष्ट जुल ।

१९. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

२०. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् नन्दक स्थविरं थुपिं गाथात् धया विज्याःगु जुल ।

नन्दकत्थेरापदान न्यागूगु क्वचाल ।

५४६. कालुदायित्थेरापदान

१. सर्व (सकतां) धर्मय् (ज्ञां) मिखा दुम्ह, लोक नायकम्ह, नामं पदुमुत्तर नांयाम्ह, जिनम्ह भगवान् बुद्ध थनिं सच्छिद्धः (छगू लख) कल्प न्हापा उत्पन्न (जन्म) जूगु जुल ।

२. नायकपिं मध्ये उत्तमम्ह, गुण अवगुण (भिं मभिं) बांलाक स्यूम्ह, (देव मनुष्यपिन्त) शास्ताम्ह, कृतज्ञ व कृतवेदि गुण दुम्ह, वस्पोल भगवान् बुद्धं

प्राणीपिं तीर्थय् (भिं लँपुइ) छ्वया विज्याइ ।

३. अनन्तगु गुण समूहनं युक्तम्ह वस्पोल सर्वज्ञ बुद्ध दया करुणाया छ्वये
जुयाः थःगु सर्वज्ञ ज्ञानं लनाः (तुलना यानाः) इपिं मध्ये उत्तमगु धर्मदेशना
याना विज्याइ ।

४. वस्पोल महावीरम्ह भगवान बुद्ध गुबलें गुबलें महाजनसमुदायया विचय्
चवना विज्यानाः प्यंगू आर्य सत्यसहितगु मधुरगु धर्मत देशना याना विज्याइ ।

५. शुरु-विचय्-अन्त (आदि मध्य अवसान) तक कल्याणकारीगु उगु उत्तमगु
धर्म न्यनाः (श्रवण यानाः) सच्छिद्धः (छगू लाख) सत्वपिन्त धर्म अवबोध जुल
(थुइका काल) ।

६. उबले पृथ्वी गुञ्जायमान जुल । मेघ गर्जन जुल । देव ब्रह्मा, मनुष्य
असुरपिसं साधुकार बिल ।

७. कारुणिकम्ह शास्ता (भगवान बुद्ध) अचम्मम्ह जुल । वस्पोलया धर्मदेशना
नं अचम्मगु जुल । वस्पोल सर्वज्ञ भवसागरय् कुतुंवनाच्चपिं प्राणीपिं उकिं
थकया ब्यूगु नं अचम्मगु खः ।

८. थथे संवेग उत्पन्न याना विज्यात । देव ब्रह्मा दुबले हे वस्पोल भगवान
बुद्धं कुलपिं (मनूत) लयूतायेकाः (श्रद्धावान) याना विइपिं मध्ये श्रावक (भिक्षु)
अग्रम्ह धकाः वर्णना याना विज्यात ।

९. उबले जिं हंसवति शहरय् अमात्य (मन्त्री) कुलय् जन्म जुया चवना ।
खनीपिं लयूताइगु स्वये यइपुसेच्चंम्ह, समृद्धम्ह धनधान्य (सम्पत्तिं) युक्तम्ह
जुयाचवना ।

१०. अले जि हंसरामय् (विहारय्) वनाः वस्पोल भगवान बुद्धयात वन्दना
याना । मधुरगु धर्मदेशना (बाखं उपदेश) न्यनाः तादिगुणं युक्तम्ह वस्पोल
भगवान बुद्धयात सेवा सत्कार याना ।

११. वस्पोलया तुतिइ भोपुलाः (वन्दना यानाः) थथे धया- हे मुनिन्द्र ! छलपो
लं कुल (मनूत) श्रद्धायुक्त याना विज्याइपिं मध्ये अग्रम्ह धकाः गुम्ह भिक्षुयात
प्रशंसा याना विज्यात ।

१२. हे वीर ! जि नं श्रेष्ठगु बुद्धशासनये अज्याःम्ह (कुलगपसादक भिक्षुपिं

मध्ये अग्रम्ह) श्रावक (भिक्षु) जुइ दयेमा (फयेमा) धका: ।

१३. उबलेस महाकारुणिकम्ह भगवान बुद्धं जित: अमृत छरेयाना व्यूथें; हे पुत्र ! दे, उगु इच्छा (प्रार्थना) पूर्ण जुइतिनि । बुद्धयात सेवा सत्कार याना: नं गथे प्रार्थना निष्फल जुइ फइ ? धका: धया विज्यात ।

१४. थनिं सच्छिद्ध: कल्प लिपा ओक्काक कुलय् जन्म जुया: नामं 'गौतम' नांयाम्ह शास्ता (भगवान बुद्ध) लोकय् उत्पन्न जुइतिनि ।

१५. वस्पोलया धर्मय् दायादम्ह; धर्म हे दयेकात:म्ह थें जा:म्ह औरसपुत्र (बुद्धपुत्र) जुया: नामं 'उदायि' नांयाम्ह श्रावक (भिक्षु) छ जुइतिनि ।

१६. व खँ न्यना: लय्ता:म्ह जुया: थ:गु जीवन दत्तले वस्पोल जिनम्ह भगवान बुद्धयात मैत्रीपूर्वक चतुप्रत्ययं उपस्थान याना च्वना ।

१७. उगु कर्म विपाकं व मन शुद्धताया कारणं थुगु मनुष्य देह (शरीर) त्व:ता: (सिना वना:) जि तावतिंस देवलोकय् जन्म का: वना ।

१८. थुगु अन्तिमगु जन्मय् (भवय्) आ: जि रम्यगु कपिलवस्तुइ शुद्धोदन जुजुया महामात्य (महामन्त्री) कुलय् जन्म जुयाच्वना ।

१९. गुगु इलय् नरश्रेष्ठम्ह सिद्धार्थ बोधिसत्व दक्कलोकया हित सुखया लागि लुम्बिनी साल उद्यानय् (वगैचाय) जन्म जुल...

२०. उगु इलय् हे जि नं जन्म जुयाम्ह जुल । अले उम्ह बोधिसत्व नापं हुके जूम्ह जुल । जि वस्पोलयात प्रियम्ह जुयाच्वना । दयावानम्ह, विद्वानम्ह, नीतिन्यायय् दक्षम्ह जुया: वस्पोलयात ग्वाहालिम्ह जुयाच्वना ।

२१. नीगुदं (२९) दुबले वस्पोल सिद्धार्थ बोधिसत्व छयें नं प्याहाँ वना: (महाभिनिष्क्रमण) प्रव्रजित जुल । (दुष्कर चर्या याना:) खुदँ लिपा श्रेष्ठनायकम्ह बुद्ध जुया विज्यात ।

२२. वस्पोलं मारसेनायात त्याका: आश्रवत (क्लेशत) क्षय याना: भवसागरं पार तरे जुया: देव मनुष्य लोकया बुद्ध जुया विज्यात ।

२३. (अनलिपा) ऋषिपतनये वना:लि पंचभद्रवर्गीय ऋषिपिन्त दीक्षित याना:लि वस्पोल भगवान बुद्ध थाय् थासय् विज्याना: (मनूतय्त) दीक्षित याना जुल ।

अपदान पालि

२४. दीक्षित यायेमाःपिं जनपिं दीक्षित यायां वस्पोल भगवान् बुद्ध देवतापिं सहित मनूतयूत् संग्रहित यासे मगधय्, राजगृहय् (शहरय्) थ्यंकाः अन च्वना विज्यात ।

२५. उबले शुद्धोदन जुजुं छ्वःमह जि भगवान् बुद्धयाथाय् वनाः प्रव्रजित जुयाः नं अरहन्तमह जुयाच्चना ।

२६. अले भगवान् बुद्धयात् प्रार्थना यानाः वस्पोलयात् कपिलवस्तुइ व्वना यंके न्ह्यवः जि वनाः शुद्धोदन जुजुयात् खं थुइकाः प्रसन्न याना ।

२७. उगु ज्याय् (गुणय्) लयूताया विज्याःमह वस्पोल श्रेष्ठ नायकमह भगवान् बुद्धं महाजन समुदाय विचय् जितः कुल प्रसन्न याइपिं भिक्षुपिं मध्ये अग्रस्थानये तया विज्यात ।

२८. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बासु याना ।

२९. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान् कालुदायि स्थविरं थुपिं गाथात् धया विज्याःगु जुल ।

कालुदायित्थेरापदान खुगू क्वचाल ।

Dhamma.Digital

५४७. अभयत्थेरापदान

१. थनिं सच्छिद्धः (छगू लख) कल्प न्हापा सर्व धर्मया ज्ञां दुम्ह, नायकमह, जिनमह नामं 'पदुमुत्तर' नांयाम्ह भगवान् बुद्ध उत्पन्न (जन्म) जूगु जुल ।

२. वस्पोल तथागतं गुम्हसितं त्रिसरणय् तया विज्याई । गुम्हसितं शीलय् प्रतिष्ठित याना विज्याइ । उत्तमगु (दशकुशल) भिगू भिं कर्मय् लगये याना विज्याइ ।

३. वस्पोल भगवान् बुद्धं गुम्हेसितं उत्तमगु श्रोतापत्ति आदि प्यंगू श्रामन्य फलय् अथवा श्रमण भावय् तयाः उच्च प्रतिफल विद्या विज्याइ । अथे हे

त्रिविद्या नं, अष्ट समापत्ति नं विया विज्याइ ।

४. वस्पोल भगवान बुद्धं गुम्ह गुम्हेसित खुगू अभिज्ञा ज्ञानये तथा (थ्यंका) विज्याइ । अनाथपिनि नाथम्ह वस्पोल नरोत्तमम्ह सत्वप्राणीपिं मध्ये सुइत सुइत प्रतिसम्भिदा ज्ञान तक नं थ्यंका (तया) विज्याइ ।

५. वस्पोल नर सारथीम्ह भगवान बुद्ध असंख्य योजन तापाक च्वंपिन्त नं धर्म अवबोध याइपिं योग्य सत्व समूह खनाः तुरुन्त अन विज्यानाः इमित (धर्म) बोध याका विज्याइ ।

६. उगु इलय् जि हंसवति शहरय् दक्व वेदय् (शास्त्रय्) पारंगतम्ह जुयाः व्याकरणसहित शब्द शास्त्रय् विशारदम्ह धकाः सम्मतम्ह जुया,

७. निरक्ति शास्त्रय् दक्षम्ह जुयाः, निघन्टु शास्त्रय् विशारदम्ह जुयाः पदशास्त्र नं स्यूम्ह जुयाः, केटुय शास्त्रत नं स्यूम्ह जुयाः, (छन्दस-अलंकार) 'छन्दविचि' शास्त्रय् नं कोविदम्ह (पण्डितम्ह) जुया च्वनाम्ह ब्राह्मण पुत्र जुयाच्वना ।

८. 'जंघा विहार' अर्थात म्ह याउँसे च्वंकेत न्यासिवनेगु कथं न्यासि वनाः हंसारामय् (विहारय्) थ्यंकाः खँ ल्हाइपिं मध्ये (उपदेश विइपिं मध्ये) श्रेष्ठम्ह, महाजनपिसं (उपासक उपासिकापिं) चाःहुइकाः निर्मलगु धर्मदेशना याना विज्यानाच्वंम्ह भगवान बुद्धयात खना । जि उकिया प्रतिविरुद्ध ज्ञानं युक्तम्ह जूगुलिं वस्पोलया उगु निर्मलगु उपदेश वस्पोलया लिक्क वनाः न्यना ।

९. मिले मजूगु कथं छयलातःगु वा हानं हानं धयातःगु वा प्रतिविरुद्धगु वा निरर्थकगु छुं नं खँ वस्पोल भगवान बुद्धया उपदेशय् जिं मखना । उकिं जि नं प्रव्रजित (भिक्षु) जुया ।

१०. जि याकनं हे दक्व शास्त्रय् विशारदम्ह जुयाः, बुद्धवचनय् (बुद्धधर्मय्) दक्षम्ह जुयाः गुण (समूह) परिचालन यायेगुलिइ योग्यम्ह धकाः सम्मत जुयाः उकिइ स्थीर जुयाच्वना ।

११. उबले जिं भगवान बुद्धयात प्रसंसा यासैं रसव्यञ्जन (आखः ग्वः) प्यंगू मिलेयानाः न्हिया न्हिथं धायेगु (कनेगु) याना च्वना । गथे धाःसा

१२. हे महावीर ! छलपोल भव सागरय् च्वनाविज्यानाः नं उकिं अलग (मुक्त) जुया विज्याना च्वन । करुणाया कारणं परिनिर्वाण मजुसे च्वना विज्यानाच्वन

। उकिं भगवान बुद्ध कारुणिकम्ह जुल ।

१३. गुम्ह पृथग्गजनम्ह जुया: नं क्लेशया वशय् मला:म्ह जुयाच्चन, गुम्ह प्रज्ञां व स्मृतिं युक्तम्ह जुयाच्चन, उकिं अथे जुइफुगु हे अचम्म (विस्मित) ख: ।

१४. गुम्हसिया मनयेच्चंगु दुर्बलगु क्लेशत ज्ञानरूपी मिं च्याका: बाकि मदये धुंकल, व अद्भूत ख: ।

१५. गुम्ह भगवान बुद्ध दक्व लोकयात भिं चित्ते याना बिज्याई, वस्पोल भगवान बुद्धयात नं सकल लोकवासीपिसं गौरव तइ । वस्पोलया अनुसरण याई ।

१६. थुगु प्रकारं वस्पोल सम्बुद्धया कीर्ति प्रशंसा यायां थुगु जीवन दत्तले धर्मदे शना याना:लि अनं च्यूत जुया: (सिनावना:) स्वर्गय् (जन्म) का:वम्ह जुया ।

१७. थनिं छगू लाख कल्प न्हापा गुम्ह भगवान बुद्धया प्रशंसा याना वयागु ख: व कारणं जिं दुर्गति धैगु मस्यूगु जुल । थ्व भगवान बुद्धया प्रशंसाया फल विपाक ख: ।

१८. जि देवलोकय् महाराज्यत, प्रदेश राज्यत दुसा उकिया नं अले चक्रवर्ती महाराज्यत नं यक्व अनुभव याना ।

१९. कि देवलोकय् देवता जुया:, कि मनुष्यलोकय् मनू जुया: हे जक जन्म जुया । मेगु गति (जन्म) जिं मस्यू । थ्व भगवान बुद्धया गुण वर्णनाया फल ख: ।

२०. मनुष्यलोकय् नं कि त क्षेत्रीय कि त ब्राह्मण कुलय् हे जक जन्म जुया । मेगु कुलय् जन्म मकया । थ्व नं वस्पोल भगवान बुद्धया कीर्ति प्रशंसाया फल ख: ।

२१. थुगु अन्तिमगु भवय् (जन्मय्) जि उत्तमगु गिरिवजु शहरय् नामं 'अभय' नांयाम्ह विम्बिसार जुजुया काय् (पुत्र) जुया: जन्म कयाच्चना ।

२२. पापमित्रपिनिगु वशय् लाना: 'निगण्ठ' छम्हसिनं छ्लेयाना: निगण्ठनाथ पुत्रं लगेयाना: जि श्रेष्ठम्ह बुद्धयाथाय् वना ।

२३. निगण्ठपिसं स्यनात:गु कथं (वस्पोल याके) प्रश्न याना:लि भगवान बुद्धं

व्यूगु लिसलं खुसी जुयाः प्रव्रजित नं जुयाः याकनं हे अरहन्त जुयाच्चना ।

२४. उत्तमम्ह वस्पोल भगवान बुद्धया प्रशंसा यानाम्ह जिं न्ह्याबले गुण वर्णना हे यानाच्चना । उकिं नस्वाःगु म्ह (शरीर) दुम्ह व म्हुतु दुम्ह जुयाः सुख प्राप्त याना च्वनाम्ह जुया च्वना ।

२५. उगु कर्मया फल विपाकया बलं तीक्ष्णगु प्रज्ञा, पूर्णगु प्रज्ञा, चिधंगु-तःधंगु प्रज्ञा आदि व विचित्रगु बोध दुम्ह नं जुयाच्चना ।

२६. प्रसन्नगु मन दुम्ह जि असयगु दक्व थःम्हसिनं हे बोध याःम्ह, पदमुत्तर भगवान बुद्धयात प्रशंसा यानाः उगु कुशल कर्मया विपाकं एक लाख कल्पतकं अपायय् (जन्म काः) मवना ।

२७. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः वास याना ।

२८. एकान्तं हे जिगु भगवान बुद्धयाथाय भिंगु सम्प्राप्ति जूगु जुल । प्राप्तयाना कयागु स्वंगु विद्या दुम्ह जुल । जिं बुद्धशासन बांलाक चिरस्थायी याना ।

थन थुकथं आयुष्मान अभय स्थविरं थुपिं गाथात ध्या विज्याःगु जुल ।

अभयत्येरापदान न्हेगूगु क्वचाल ।

५४८. लोमसकङ्कियत्थेरापदान

१. थुगु भद्रकल्पय् ब्राह्मणया थःथिति जुयाः (ब्राह्मण क्लय्) महायश दुम्ह, खँल्हाइपिं मध्ये (उपदेश विइपिं मध्ये) श्रेष्ठम्ह नामं 'काश्यप' नांयाम्ह भगवान बुद्ध थुगु लोकय् उत्पन्न (जन्म) जुल ।

२. उबले जि नं, (जिमि पासा) चन्दन नं बुद्धशासनये प्रव्रजित जुयाः (भिक्षु जुयाः) थ्व जीवन दत्तले आपालं प्रतिपत्ति धर्म (विनय) पूरा याना ।

३. जिपिं निम्हं अनं च्यूत जुयाः (सिना वनाः) सन्तुसित देवलोकय् उत्पन्न जुयाःलि, अन दिव्यमयगु नृत्य गीत वादन (प्याखं, म्ये, बाजं) आदि याना... । अले,

अपदान पालि

४. रूपादि भिगू प्रकारया अंगतयस् मेपिस सिबे अप्वः तृप्त जुइकाः (रस) भोगये यानाः महानगु सम्पत्ति नं अनुभव यानाः जीवन दत्तले अन म्वाना ...।

५. अन नं च्यूत जुयाः चन्दन चाहिं देवता जुयाः जन्म जुल । जि चाहिं कपिलवस्तु शहरय् शाक्यपुत्रम्ह जुयाः जन्म जुया ।

६. गुगु इलय् उदायि स्थविरं निमन्त्रणा यानाः ब्वना हःम्ह वस्पोल भगवान् (गौतम) बुद्ध शाक्यपिन्त अनुकम्पा तथा विज्यासे कपिलवस्तु नगरय् विज्यात ।

७. उबले अतिकं घमण्डिपिं (अहंकारं युक्तपिं), भगवान् बुद्धया गुण मस्यूपिं, जातिमानं मूढपिं, अनादरपिं शाक्यपिंसं वस्पोल भगवान् (गौतम) बुद्धयात वन्दना मान मयाः ।

८. इपिं शाक्यपिनिगु मनोभाव सिइका विज्यासे वस्पोल जिन (भगवान् बुद्ध) आकासे (थाहाँ विज्यानाः) चंक्रमण (उखे थुखे) याना विज्यात । सुपाँय् थें जुयाः वा वयेका विज्यात । मि थें नं थिना विज्यात ।

९. थःगु असमानगु रूप क्यनाः हानं अन्तरधान जुया विज्यात । न्हापां छम्हम्ह क्यनाः लिपा यक्व दयेकाः क्यना विल । हानं लिपा छम्ह हे जुयाः क्यना विल ।

१०. गुबलें अन्धकार यानाः गुबलें प्रकाशित यानाः अनेक प्रकारं क्यनाः प्रातिहार्य क्यनाः भगवान् (गौतम) बुद्धं थःथितिपिं वशय् तथा विज्यात ।

११. प्यंगू द्वीपय् (दिशाय्) फैले जुइक मेघ गर्जन सहित वा वल । उबले भगवान् बुद्धं (इमित) वेस्सन्तर जातक कना विज्यात ।

१२. उगु इलय् दक्व क्षेत्रीपिं जाति अभिमान त्वःताः भगवान् बुद्धया शरणय् वन । उबले शुद्धोदन जुजुं थथे धया विज्यात ।

१३. भुरिप्राज्ञम्ह (महानगु ज्ञां दुम्ह), समन्त चक्षुम्ह (सर्वज्ञता ज्ञां दुम्ह) हे भगवान् बुद्ध ! छलपोलया श्रीपाद (पालिइ) भोपियाः (वन्दना) यानाच्वना । थ्व जिगु स्वकःगु वन्दना खः । गुबले उत्तमगु जन्म काःबले पृथ्वी कम्पा जुल (उबले न्हापांगु वन्दना जुल) । अथे हे गुबले सिमाया किचः छपित नं सरे मजुइक ध्यानये समाधिस्थ जुया विज्यात (उबले जिगु नीक्वःगु वन्दना

जुल) ।

१४. उबले उगु बुद्धानुभाव खना: अचम्म जूगु मन दुम्ह जि मांयात पूजा याना (मानये याका:) प्रव्रजित (भिक्षु) जुया: अन हे च्वंचवना ।

१५. उगु अवस्थाय् चन्दन देवपुत्र जि दुथाय् वया: भद्देकरत्त (सूत्र) विषयले संक्षिप्त व विस्तृत रूपं (प्रश्न) न्यना विज्यात ।

१६. उबले जि उम्ह देवपुत्रया कारणं नरनायकम्ह भगवान बुद्धया थाय् वना: “भद्देकरत्त सूत्र” न्यना: संवेगीम्ह जुया: वनय् (जंगलय्) च्वनेगु इच्छा याना ।

१७. अले याकचा हे वनय् (जंगलय्) च्वने धका: मां याके न्यना । जिमि मां नं जि सकोमलम्ह धका: वंके मानेमजू (छ्वये माने मजू) । अले मांयात जिं थथे धया ।

१८. ‘दब्भ’ घाँय्, ‘पोटकिल’ घाँय्, ‘मुञ्ज’ घाँय्, ‘बब्बज’ घाँय् तया: च्वने बले शरीरय् थाइगु जुया: जि च्वनेगु यायेमखु । इपिं शरीरं अलग याये हे मा: धका: ।

१९. अले जि वनय् (जंगलय्) दुहाँवना: उगु “भद्देकरत्त” सूत्रया उपदेश लुमंका: अरहन्तम्ह जुया । गथे कि

२०. अतित पंचस्कन्ध वारे (तृष्णा) दृष्टि कथं हे विचा:याना: व अनुसारं मवनेगु याना । अनागतयागु (पंचस्कन्ध) दृष्टि कथं हे विचा:याना: व प्रार्थना (कामना) मयायेगु याना । छायाधा:सा गुगु अतित ख: व बिते जुइ धुंकल, गुगु अनागत ख: व मव:नि ।

२१. गुम्हं अजा:गु (वर्तमान पंचस्कन्ध) धर्मतात ख: व व अन अन हे (अनित्य कथं) विपस्सना ज्ञानं खंकी, अजा:म्ह ज्ञां दुम्हसिनं रागं संके मफइकथं, हीके मफइगु कथं थ:गु विवर्शना ज्ञान (ध्यान) वृद्धि याई ।

२२. थौं या थौं हे वीर्य (परिभोग) यायेमा: । मृत्यु कन्हे वइला धका: सुनां स्यू ? मारसेना नापं भ्नीगु मृत्युया वारे छुं नं कथं सम्भौता जुइमखु ।

२३. थुकथं च्वनीम्ह वीर्ययुक्तम्ह चां न्हिं अल्लि, मचाइम्ह एकान्तं हे ‘भद्देकरत्त’ थें शान्तम्ह (अरहन्तम्ह) जुइ धका: भगवान बुद्ध धया विज्यात ।

अपदान पालि

२४. जिगु क्लेशत दहन जुल । दक्व भवत नाश जुल । किसिं थें बन्धनत चफुना: आश्रवरहितम्ह जुया: वास याना ।

२५. एकान्तं हे जिगु भगवान बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान लोमसकंगिय स्थविरं थुपिं गाथात धया विज्या:गु जुल ।

लोमसकीङ्गियत्थेरापदान च्यागूगु क्वचाल ।

५४९. वनवच्छत्थेरापदान

१. थुगु भद्र कल्पय् ब्राह्मण कुलय् महायश दुम्ह, खँ ल्हाइपिं मध्ये उत्तमम्ह, नामं 'काश्यप' नांयाम्ह भगवान बुद्ध लोकय् उत्पन्न (जन्म) जूगु जुल ।

२. उबले जि वस्पोल भगवान बुद्धयाथाय् (बुद्धशासने) प्रव्रजित (भिक्षु) जुया: जीवन का:छि (आयु दत्तले) ब्रह्मचर्या पालन याना:लि सिनावना (अनं च्यूत जुया) ।

३. उगु बांलाक पूर्वकागु कुशल कर्मया कारणं व मन प्रसन्न यानागुया कारणं उगु मनुष्य शरीर त्व:ता: तावतिस देवलोकय् (जन्म का:) वना ।

४. अनं नं च्यूत जुया: जि छगू जंगले क्व: जुया: जन्म कया । न्ह्याबले ध्यानये मग्न जुया च्वनीम्ह (अभिज्ञा) गुणं युक्तम्ह...

५. मैत्रीचित्तं युक्तम्ह, कारुणिकम्ह, न्ह्याबले प्रफुल्लगु ख्वा: दुम्ह, उपेक्षादि गुणं युक्तम्ह, महान वीर्य दुम्ह, अल्प मात्रा स्यूम्ह, भिक्षु छम्ह उगु जंगले च्वंचन ।

६. क्लेशं मथ्यूगु मन दुम्ह, सकल प्राणीपिंप्रति हितचित्त दुम्ह, उम्ह बुद्धश्रावकप्रति जिगु याकनं हे विश्वास दत ।

७. उबले वस्पोल तुति लिक्कसं वना च्वनीम्ह जित: गुबले नये त्वनेगु विइ । गुबले बाखं कना विज्याइ ।

८. उबले उम्ह बुद्धपुत्रप्रति अतिकं स्नेह व श्रद्धा उत्पन्न याना च्वनाम्ह जि अनं च्यूत जुया: प्याहाँ वना: छय्येय् दुहाँव:म्ह थें हानं स्वर्गय् हे जन्म का:

वना ।

९. हानं उगु स्वर्गं च्यूत जूम्ह जि उगु पुण्य कर्मया कारणं मनू जुयाः जन्म कयाम्ह जि गृहस्थी नं त्वःताः प्रव्रजित (भिक्षु) जुयाच्चना ।

१०. अथे हे जि अनेकौं शताब्दितक गुबलें श्रमणम्ह जुयाः, गुबलें ब्राह्मणम्ह जुया सा गुबलें परिव्राजकम्ह जुयाः जंगलय् हे बास याना ।

११. आः थुगु अन्तिमगु जन्मय् (भवय्) रम्यगु कपिलवस्तु शहरय् 'मच्छगोत्र' नांयाम्ह परिव्राजक जुया च्वना । जि जिमि मांया प्वाथे च्वंच्वनाबले

१२. प्वाथे दुम्ह मांया जि बुइगु ई जूबले (प्रसुतिया इलय्) जंगले वनाः च्वने गु इच्छा जुल ।

१३. अनं लिपा जिमि मांनं रमणीय जंगले हे जितः बुइकल । प्वाथं प्याहाँ वःम्ह जितः वसतं भुंकल ।

१४. उबले हे शाक्यवंशया धज (भण्डा) समानम्ह सिद्धार्थ कुमार नं जन्म जूगु जुल । जि वस्पोलया विश्वासीम्ह, मानयेयाइम्ह, प्रियम्ह पासा जुयाच्चना ।

१५. महानगु श्रीसम्पत्ति त्वःताः बोधिसत्वं छ्येँ त्वःताः प्याहाँ वंबले जि नं छ्येँ त्वःताः प्रव्रजित जुयाः हिमाल प्रदेशे थ्यकः वना ।

१६. वनवासीम्ह, मानेयाये बहःम्ह, धुतांगधारीम्ह महाकाश्यप स्थविर (भन्ते) खनाः बुद्ध उत्पन्न जुइ धुंकूगु खँ न्यनाः नर सारथीम्ह वस्पोल बुद्धयाथाय् वना ।

१७. वस्पोल सर्वज्ञ बुद्ध सकतां प्रकारया अर्थत प्रकट यासे जितः बाखं (उपदेश) कना विज्यात । अनंलि जि नं प्रव्रजित (भिक्षु) जुयाः हानं जंगले हे वना ।

१८. अन जितः याकनं हे खुगू अभिज्ञा (ज्ञान) प्राप्त जुल । कल्याणमित्रम्ह महाकाश्यप भन्तेया अनुकम्पां थौं थजाःगु तःधंगु लाभ प्राप्त यायेफुम्ह जुया । अचम्म खः ।

१९. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितम्ह जुयाः बास याना ।

अपदान पालि

२०. एकान्तं हे जिगु भगवान् बुद्धयाथाय् भिंगु सम्प्राप्ति जूगु जुल । प्राप्तयाना कयागु स्वंगू विद्या दुम्ह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान वनवच्छ स्थविरं थुपिं गाथात धया विज्याःगु जुल ।

वनवच्छत्थेरापदान गुंगूगु व्वचाल ।

५५०. चूलसुगन्धत्थेरापदान

१. थुगु भद्रकल्पय् ब्राह्मण कुलय् महायश दुम्ह, खँ ल्हाइपिं मध्ये उत्तमम्ह, नामं काश्यप नांयाम्ह भगवान् बुद्ध थ्व लोकय् जन्म (उत्पन्न) जूगु जुल ।

२. वस्पोल चयगू प्रकारया अंग लक्षणं युक्तम्ह, पिने छ्वाःखेरं (छ्वा ल्हाःतक) फ़ैले जूगु सः (प्रभा) नं युक्तम्ह, रश्मि समूह नं युक्तम्ह....

३. तिमिला (चन्द्रमा) थें लोक प्राणीपिं शान्त याइम्ह, सूर्य थें जः फ़ैले याइम्ह (प्रभाकरम्ह), सुपाँय् नं थें (प्राणीपिनिगु थकान) मदयेकीम्ह, सागर थें गुणं युक्तम्ह...

४. शीलं (नियमं) पृथ्वी थें जाःम्ह, समाधिं (ध्यानं) हिमाल पर्वत थें जाःम्ह, प्रज्ञा (ज्ञानं) आकास थें जाःम्ह, फय् थें आशक्तिइ प्यमपुनीम्ह.. भगवान् काश्यप बुद्ध लोकय् उत्पन्न जूगु जुल ।

५. उबले जि बनारस शहरे समृद्धगु धनधान्य सम्पत्तियुक्त विविधगु रत्नत दुगु महानगु कुलय् जन्म जुया ।

६. महानगु परिवारजनपिं (उपासक उपासिकापिं) नापं च्वना विज्याना च्वंम्ह लोकनायकम्ह वस्पोल भगवान् बुद्धयाथाय् वनाः अमृत समानगु मनोज्ञगु धर्म (देशना) न्यना ।

७. वस्पोल तारकासहितगु चन्द्रमा थें स्वीनिता पुरुष लक्षणं युक्तम्ह जुयाः चयगू प्रकारया अनुव्यञ्जन लक्षणं युक्तम्ह जुयाः ह्वयाच्वंगु साल सिमा थें...

८. रश्मि समूह नं चाःहुइकाः तःगु थीगु जः नं युक्तगु स्वर्ण पर्वत (लुँयागु पहाड) थें, छ्वा ल्हाः तापाक तक फ़ैले जुया च्वनीगु रश्मि (जः) नं चाःहुइकाः तःगु रश्मिसहितगु सूर्य थें...

९. सुवर्ण वर्णगु ख्वाः दुम्ह, माणिकसहितगु पर्वत थें च्वंम्ह, जिनम्ह भगवान्

बुद्धया करुणां जाःगु मन दुम्ह जुयाः, गुण समूहं जाःगु समुन्द्र थें जाःम्ह

१०. संसारे प्रकटगु कीर्ति दुम्ह, सिनेरु पर्वत जुजु थें यशकीर्ति प्रसिद्धम्ह (व्याप्तम्ह), आकास समानगु मुनि गुणं युक्तम्ह...

११. फय् थें गनं नं प्यमपुनीगु मन दुम्ह, नायकम्ह, पृथ्वी थें सत्वप्राणीपिन्त सहारा विइम्ह, न्हापायापिं खुम्ह बुद्धपिनि लिपा उत्पन्न जुया विज्याःगुलिं मुनिसत्तम जूम्ह

१२. लखं मथ्यूगु पलेस्वां थें संसारय् प्यमपुंम्ह मिथ्यादृष्टि रूपी चिधंगु सिमात च्याकेगु मिद्धं थें वस्पोल बुद्ध थिनाच्वन ।

१३. (अथे हे वस्पोल भगवान बुद्ध) क्लेशरूपी विष नाश याना विज्याइम्ह, वासः थें गुणरूपी नस्वाः नं छ्येपिया तःगु गन्धमादन पर्वत थें खः ।

१४. वस्पोल वीरम्ह भगवान बुद्ध, रत्न रूपी सागर थें गुण रूपी आकारं जुयाच्वन । वनया जुजुं थें सिन्धु नदी थें (जि नं) क्लेशरूपी फोहर तापाका छ्वया ।

१५. शत्रुत त्याकीम्ह महायोद्धाम्ह थें, मारसेना त्याकीम्ह वस्पोल भगवान बुद्ध सप्तरत्न श्री सम्पत्ति युक्तम्ह चक्रवर्ती जुजु थें बोध्यंग रूपी (सप्त) रत्नया अधिपति जुया विज्याना च्वन ।

१६. (क्लेश) दोष रूपी रोगया निवारण याना विज्याइम्ह बैद्य खः, मिथ्या दृष्टि रूपी फल तछ्याइम्ह बैद्य (शल्य चिकित्सक) खः ।

१७. उगु इलय् देव मनुष्यतय्सं गौरव तइम्ह, माने याइम्ह, थ्व लोक (संसार) चम्के (थीकीम्ह) याइम्ह, मनूतय्त सूर्य समानम्ह, वस्पोल भगवान बुद्ध परिषदया विचय् च्वनाः वाखं उपदेश विया विज्याइ । गथे कि

१८. “दान विलकि महाभोग सम्पत्ति दुम्ह जुइ । शील पालन यात कि सुगतिं जन्म काः वनीम्ह जुइ । ध्यान भावना यातकि निर्वाणय् थ्यंकः वनीम्ह जुइ” धकाः ।

१९. महास्वादजनकगु, (धर्म) रसं युक्तगु आदि-मध्य-परियोसान (शुरु विचय अन्तय्) कल्याणकारीगु उगु धर्मदेशना सकल परिषदं रसंयुक्तगु अमृत थें न्यनी ।

२०. उगु सुमधुरगु धर्मदेशना न्यनाः बुद्धधर्मप्रति श्रद्धा आस्था उत्पन्न जुयाः उम्ह भगवान बुद्धया सरणय् वनाः जीवन दत्तले सरणार्थीम्ह हे जुयाः नमस्कार याना ।

२१. अले जिं भगवान बुद्धया गन्धकुटीइ वनाः लच्छिया च्याक्वः प्यंगू प्रकार या सुगन्धं बँ सफा याना च्वना ।

२२. उबले उगु गन्धकुटी सुगन्धयुक्त याःगु कारणं नमस्वागु शरीर दुम्ह जितः लिपा सुगन्ध युक्तगु शरीर प्राप्त जुइ धकाः भगवान बुद्धं धया विज्यात ।

२३. “सुनां थ्व गन्धकुटीया बँ सुगन्धित लखं सफायाःगु खः, उगु कर्म विपाकया कारणं गन गन जन्म जुइ अन अन..

२४. व दक्खथासय् थ्व मनू नं सुगन्धयुक्तम्ह जुयाः आश्रवरहितम्ह जुयाः परि निर्वाण नं जुइतिनि ।”

२५. बांलाक यानागु उगु सुकर्मया कारणं व मन प्रसन्न यानागु कारणं जि थ्व मनुष्य शरीर त्वःताः तावतिंस देवलोकय् जन्म काः वना ।

२६. आः थुगु अन्तिमगु जन्मय् जि ब्राह्मण कुलय् जन्म जुया । मांया कोखय् च्वं च्वनावले हे जिमि मांया शरीर नं सुगन्धयुक्तगु जुया च्वन ।

२७. गुबले जि मांया प्वाथं प्याहाँ वयागु खः, उबले उगु श्रावस्ती शहर छगुलिं सुगन्ध छरेयाः थें सुगन्धयुक्त जुल ।

२८. अले दिव्यमयगु, मनोरमगु, मिहिरगु सुगन्धयुक्त स्वांत नं वर्षे जुल । अतिकं सुगन्धित धूपत उबले हे फैले जुया वन ।

२९. जि गुगु छय्येय् जन्म जुयागु खः, देवतापिसं उगु छय्ये छगुलिं सकतां प्रकारया सुगन्धयुक्तगु धूप व स्वां छायेपाः सुगन्धित याना विइ ।

३०. गुबले जि ल्याय्म्ह जुयाः न्हापांगु भद्र यौवनये थ्यना च्वंगु खः, उबले वस्पोल भगवान बुद्ध परिषद नापं सेल ब्राह्मण वशय् कया ।

३१. इपिं सकलें नापं श्रावस्ती शहरे थ्यंकःवने धुंकाः जि व बुद्धानुभाव खनाः प्रव्रजित (भिक्षु) जुया ।

अपदान पालि

३२. अनुत्तरगु शील, समाधि, प्रज्ञा, विमुक्ति धर्म (गुण) अभिवृद्धि यानाः आश्रव क्षय नांयागु निर्वाणय् थ्यंका ।

३३. गुबले जि प्रव्रजित (भिक्षु) जुयागु खः, गुबले जि अरहन्त जुयागु खः, गुबले आश्रव क्षयगु निर्वाणय् थ्यंकागु खः, उगु सकतां इलय् नस्वाःगु वा वल ।

३४. अतिकं नस्वाःगु चन्दन, चम्पक, उत्पल स्वांया सुगन्ध नापं ल्वाक ज्याःगु सुगन्धं जिगु शरीर फैले जुयाच्चनी । अथे हे मेमेगु सुगन्धत नं वंथाय् फैले जुयाच्चनी ।

३५. जिगु क्लेशत दहन जुल । दक्व भवत नाश जुल । किसिं थें बन्धनत चफुनाः आश्रवरहितमह जुयाः बास याना ।

३६. एकान्तं हे श्रेष्ठ बुद्धपिंथाय् जिगु सम्प्राप्ति जूगु जुल । प्राप्तयाना कयागु स्वंगू विद्या दुमह जुल । जिं बुद्धशासन बांलाक चिरस्थायी याना ।

थन थुगु प्रकारं आयुष्मान चूलसुगन्ध स्थविरं थुपिं गाथात धया विज्याःगु जुल ।

चूलसुगन्धत्थेरापदान भिगूगु क्वचाल ।

भद्वियवर्ग क्वचाल

Dhamma.Digital

५६. यस वग्ग

५५१. यसत्थेरापदान

१/२. महासमुन्द्रया न्ह्योने जिगु भवन (छ्येँ) बांलाक दयेका तःगु जुल । पलेस्वां, उत्पला स्वांत दुगु बांलाक दयेका तःगु पुखु नं दुगु जुल । लिक्कसं मनोरमगु छ्चाखेरं मन्द मन्द कथहं सः वयेक याउँक न्ह्याना च्वनिगु खुसि नं अन बांलाक दयाच्चंगु जुल ।

३. अन न्यांत, कछुवात व नाना थरिया जल चरत नं वास याना च्वनी । मयूर क्वःत अले कोइलित नं अन मधूरगु सः थ्वया च्वनी ।

४. अन बखुँत, रविहंसत, चक्रवाकपिं, लखे च्वनिपिं, जिव जिवकपिं, दिन्दिभपिं आदि पंछिपिं मुना च्वनी ।

५/६ अन सः थ्वयेका च्वनिपिं हंसत, कोइलित, पिंगलत नं यक्व हे दयाच्चनिगु जुल । अले अन न्हेगु रत्तं युक्तगु माणिक आदि भिंगु व नानाप्रकारं वास्ना वयाच्चनिगु सुवर्णमयगु सिमात नं दुगुलिं व भवन (जिगु छ्यै) न्त्यावले चाःन्हि हे थिया (वांलाना) च्वनी ।

७. सुथय् वहनी ख्वीद्वगू (साट्टीहजार) बाजंत बजे (वादन) जुयाच्चनी । अथे हे भिंखुद्व मिसापिसं जितः न्त्यावले चाःहुइकाः (सेवा याना) च्वनी ।

८. (छन्हु) जि लयतागु मन दुम्ह जुया छ्यै नं प्याहाँ वनावले (नापलाम्ह) लोकया नायम्ह, महानगु यस (कीर्ति) दुम्ह वस्पोल सुमेध भगवान बुद्धयात शुद्धगु मनं (सुमनं) वन्दना याना ।

९. वस्पोल सम्बुद्धयात अभिवादन (वन्दनामान) याये धुंका लोकया नायम्ह वस्पोल सुमेध भगवान बुद्धसहित भिक्षु संघयात (संघ भोजनया लागीं) निमन्त्रणा याना । धीरम्ह वस्पोलं (जिगु निमन्त्रणा) स्वीकार याना विज्यात ।

१०. उबले महामुनिम्ह (सुमेध) भगवान बुद्धं जितः धर्मया खँ (उपदेश) कनाः (कुशलय्) धर्मे तया विज्यात । जिं वस्पोल सम्बुद्धयात अभिवादन (वन्दना) यानाः जिगु हे छ्यै ल्याहाँ वना ।

११. (छ्यै वना) सकल परिवार जनपिं सताः सकलें छथाय् मु वलः । अले (जिं) 'भोजनया इलय् थुगु छ्यै भगवान बुद्ध विज्याइतिनि' धकाः धया ।

१२. जिपिं छपिं नापं च्वनेवले जिमित नं लाभ जुइ । थ्व जिमिगु बांलाःगु प्राप्ति खः । जिमिसं नं शास्ताम्ह श्रेष्ठम्ह बुद्धयात पूजा याये ।

१३. नकेगु त्वंकेगु (आहारपान-भोजन) तयार यानाः ई जुल धकाः सुचित (सूचं) याना । लोकनायकम्ह भगवान बुद्ध छगू लख (अर्हत) भिक्षु संघ नापं विज्यात ।

१४. अले जि पंचांग (बाजं) नापं वस्पोलपिन्त लसकुस याःवना । पुरुषोत्तमम्ह वस्पोल सकतां लुँ हे दयेका तःगु मेचे फेतुना विज्यात ।

१५. उबले सकतां लुँयागु हे कुसा (लाँ) मेचया च्वय् दयाच्चन । अनन्तरपिं

भिक्षु संघयात पंखा नं गायेका च्वनी ।

१६. अले जिं नयेगु त्वनिगु आदिं बांलक (गाक्क) वस्पोल भिक्षु संघयात भो जनं संग्रह याना । भोजन लिपा म्हतिं म्हतिं चीवरया कापः निपु/निपु नं दान विया ।

१७. “सुमेध” धका सुनां सुनां धाइगु खः पूजा (संग्रह) काइम्ह (स्वीकार याइम्ह) वस्पोल बुद्धं भिक्षु संघया विचे च्वना विज्याना थुपिं गाथात धया विज्यात ।

१८. “सुनां जित व भिक्षु संघयात बांलाक नयेगु त्वनेगुलिं (आहारपानं) भो जन दानं तृप्त यात” जिं वयागु कीर्ति वर्णना याये; जिगु व खँ (सकस्यां) न्यँ ।

१९. भिंच्यासःगू कल्पतकः देवलोके (स्वर्गे) न्ह्याइपुका च्वनी । (मनुष्य लोके) द्वच्छिक्व ला चक्रवर्ती जुजु जुइतिनि ।

२०. व न्ह्यागु योनिं जन्म जूसां, मनु जुयाः वा देवता जुयाः जन्म कासां अन वइत लुँयागु कुसाः दयाच्वनी (कुइका च्वनी ?)

२१. थनिं स्वीद्वगू कल्प लिपा ओक्काक कुलय् जन्म जुइम्ह नामं गौतम नांयाम्ह शास्ता लोकय् दइतिनि ।

२२. वस्पोल बुद्धया धर्मे दायादम्ह जूया औरस पुत्रम्ह जुयाः, धर्म हे दयेका तम्ह जुयाः दक्व आश्रवत थुइका, आश्रव रहितम्ह जुयाः निर्वाण लाभीम्ह जुइ ।

२३. भिक्षु संघया विचे च्वनाः सिंहनाद याइतिनि – “जि परिनिर्वाण जुइवले जिगु चितकया च्चे छत्र (कुसा) दयाच्वनी । जि व कुसाया क्वे हे दाहसंस्कार जुइ ।”

२४. जितः श्रमण फल (अर्हत फल) क्रमशः प्राप्त जुल । जिं दक्व क्लेशत नष्ट याना । मण्डपय् जूसां सिमा क्वय् जूसां जितः सन्नास (ग्याचिकु) मजू ।

२५. स्वीद्वगू कल्प न्हापा, उवले गुगु दान जिं वियागु खः, व दानया (विपाक) फल कथं जिं दुर्गति धैगु मस्यु । थ्व व दानया फल हे खः ।

अपदान पालि

२६. जिगु क्लेश नष्ट जुल । दक्व भवत (जन्मत) हानापं लिना छवये धुन ।
किसिं वन्धन चफुथें क्लेश (वन्धन) चफुनाः अनाश्रवम्ह जुयाः वास याना ।

२७. एकान्तं हे श्रेष्ठम्ह बुद्धया शरणे जिगु आगमन जुल । त्रिविद्यां युक्तम्ह
जुया । बुद्ध शासने ज्या यानाम्ह जुया ।

२८. प्यंगू प्रतिसम्भदा ज्ञान, च्यागूगु विमोक्ष ज्ञान, खुगूगु अभिज्ञा ज्ञान
साक्षात (प्राप्त) याना कयाः बुद्ध शासने नं ज्या यानाम्ह जुया ।

२९. थन थुकथं आयुष्मान यश स्थविरं थुपिं गाथात धया विज्याःगु जुल ।

यसत्थेरापदान छगूगु क्वचाल ।

५५२. नदिकाश्यपत्थेरापदान

१. तादि गुणं युक्तम्ह (अष्टलोक धर्मता कम्पा मजुइम्ह) लोकय् ज्येष्ठम्ह
पिण्डपातय् (भिक्षाटनय्) चारिका याना विज्याइम्ह यशकीर्ति उत्तमम्ह पदुमुत्तर
भगवान् बुद्धयात् अग्रगु फल कयाहयाः थःगु पात्रय् वस्पोल शास्तायात् जि
(दान) विया ।

२. उगु भिंगु कर्मया कारणं लोकज्येष्ठम्ह, नरोत्तमम्ह देवेन्द्र जुया । जय व
पराजय (त्या-वु) त्वताः अचलगु थासय् थ्यंकः वनाम्ह जुया ।

३. थनिं छगू लख कल्प न्हापा, उबले जिं गुगु फल दान वियागु खः, व
कारणं दुर्गति धैगु मस्यु । अग्रगु दानया थ्व फल खः ।

४. जिगु क्लेशत नष्ट जुल । जिगु सकतां भवत (जन्मत) हानापं ल्येंथना ।
किसिं थें वन्धन (खिपः) चफुनाः अनाश्रवम्ह जुयाः वास याना ।

५. एकान्तं हे श्रेष्ठम्ह बुद्धया न्त्योने थ्व जिगु भिंगु आगमन जुल । बुद्धया
शासनय् ज्या यानाः त्रिविद्याय् संप्राप्तम्ह जुया ।

६. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान नं
साक्षात याना कया बुद्ध शासन नं चिरस्थायी याना ।

थुकथं आयुष्मान नदिकाश्यप स्थविरं बांलाक थुपिं गाथात धया विज्याःगु

जुल ।

नविकाश्यपत्थेरापदान निगुगु क्वचाल ।

५५३. गयाकाश्यापत्थेरापदान

१. उवले चित्तुवाया छ्यंगूया वस्त्र व खरानी धारण याइम्ह जि नसा त्वसा कोबिया थःगु आश्रमे वया ।

२. न्थ्यावले थ्व लोक थिका च्वनीम्ह जीनम्ह वस्पोल भगवान बुद्ध उगु इलय् याकचा हे (मेम्ह मदुगुलिं) जिगु आश्रमे थ्यंक विज्यात ।

३. थःगु मन प्रसन्न याना: बांलाक अभिवादन (वन्दना) याना:लिं बांलागु व्रत दुम्ह वस्पोल बुद्धयात निपा ल्हातं हे 'कोल' फल ज्वना: दान बिया ।

४. थनिं स्वीछगुगु कल्प न्हापा गुगु फल उवले दान बियागु खः; दुर्गति धै गु मस्यु: 'कोल' फल दानया व फल खः ।

५. जिगु दक्व क्लेशत नष्ट जुल । दक्व भवत (जन्मत) हानापं ल्येंथन । किसिं थें वन्धन चफुना: अनाश्रवम्ह जुया: वास याना ।

६. एकान्तं हे जिगु श्रेष्ठम्ह भगवान बुद्धया थाय् बांलागु सम्प्राप्ति जुल । त्रिविद्या प्राप्त यानाम्ह जुल । बुद्धशासन नं चिरस्थायी यानाम्ह जुल ।

७. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात (प्राप्त) याना कयाम्ह जुया । बुद्धशासन नं चिरस्थायी याना ।

थुकथं आयुष्मान गयाकाश्यप स्थविरं थुपिं गाथात बांलाक धागु जुल ।

गयाकाश्यपत्थेरापदान स्वंगूगु क्वचाल ।

५५४. किम्बलत्थेरापदान

१. ब्रह्मचर्या पालनायाम्ह परिनिर्वाण जुया विज्या:म्ह कक्रुसन्ध भगवान बुद्धया लागिं जिं सालसिमा कयाहया: मण्डप दयेका बिया: माला नं छा्य्

पा याना ।

२. उगु पुण्यकर्मया फल कथहं (सिनावनां) तावतिस देवलोके (जन्म) का वना । अन नं उत्तमगु शरीर प्राप्त याना । मेपिं देवतापिं सिवें धिना च्वना । थ्व जिं याना: वयागु पुण्यया फल ख: ।

३. न्हिने जूसां बहनी (चान्हय्) जूसां जि चंक्रमण यायेबले वा दान च्वनेबले जित सल्ला स्वां नं त्वपुया च्वनी । थ्व उगु पुण्यकर्मया फल ख: ।

४. थुगु हे कल्पे गुम्ह बुद्धयात जिं पूजा यानागु ख: व कारणं दुर्गति धैगु मस्यु । बुद्धपूजा या थ्व फल ख: ।

५. जिगु क्लेशत नष्ट जुल । दक्व भवत हानापं ल्येंथन । किसिं थें वन्धनत चफुना:, अनाश्रवीम्ह जुया वास याना ।

६. एकान्त हे थ्व जिगु श्रेष्ठम्ह बुद्धयाथाय् (लिक्कसं) भिंगु आगमन जुल । त्रिविद्या प्राप्तयानाम्ह जुया बुद्धशासन चिरस्थायी याना ।

७. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात याना: बुद्धशासन नं चिरस्थायी याना ।

थुकथं आयुष्मान किम्बल स्थविरं थुपिं गाथात धया विज्या:गु जुल ।

किम्बलत्थेरापदान प्यंगू क्वचाल ।

Dhamma.Digital

५५५. वज्जिपुत्तत्थेरापदान

१. स्वयम्भूमह (थ:म्हहे ज्ञान प्राप्त याना: काम्ह) अपराजितम्ह (गुबलें हे ज्ञानं म:बूमह) सहस्र (द्विंछिगू) रश्मिं (ज:) युक्तम्ह भगवान (सिद्धार्थ) बुद्ध विवेकगु ध्यान आसनं दना: विज्याना भिक्षाटनया लागिं प्याहाँ विज्यात ।

२. थ:गु ल्हाते फल (फलफुल) दुम्ह जिं नरश्रेष्ठम्ह (वस्पोल भगवान बुद्ध) खना:लि वस्पोलयात लिक्कसं वना:लि प्रसन्नगु मन दुम्ह जुया: भिंगु मनं युक्तम्ह जिं वस्पोलयात दंनापंगु फल दान बिया ।

३. थनिं ग्वीप्यगूगु कल्प न्हापा उबले गुगु फल दान बियागु ख: व कारणं

अपदान पालि

दुर्गति धैगु मस्यु । थ्व फल दानया विपाक खः ।

४. जिगु क्लेशत नष्ट जुल । दक्ख भवत हानापं ल्येथन । किसिं थें बन्धन चफुनाः अनाश्रवीम्ह जुया वास याना ।

५. एकान्त हे थ्व जिगु श्रेष्ठम्ह बुद्धयाथाय् भिंगु आगमन जुल । त्रिविद्या लाभीम्ह जुया बुद्धशासन चिरस्थायी याना ।

६. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात याना बुद्धशासन नं चिरस्थायी याना ।

थुकथं आयुष्मान वज्जिपुत्त स्थविरं थुपिं गाथात धया विज्यात ।

वज्जिपुत्तथेरापदान न्यागू कुवचाल ।

५५६. उत्तरथेरापदान

१. स्वीनिगू उतमगु लक्षणं युक्तम्ह सुमेध नांयाम्ह सम्बुद्ध विवेक सुख यःम्ह जुयाः वस्पोल भगवान हिमाल प्रदेशे विज्यात ।

२. अग्रम्ह कारुणिकम्ह, मुनिम्ह पुरुषोत्तमम्ह वस्पोल भगवान बुद्ध हिमाल प्रदे शया च्वसं विज्याना अन छथाय् पर्यकं (मुलपतिं थ्याना) फेतुना विज्यात ।

३. उबले जि आकाशे चाहिलिम्ह विद्याधरम्ह जुयाच्वना । अले ल्हातय् त्रिशुल ज्वनाः उबले आकाशं वना च्वना ।

४. पर्वतया च्वकाय् गथे मिं ज्वाला खः, गथे पुन्हिया चन्द्रमा खः, गथे बांलाक ह्वयाःच्वंगु साता (सिमा) जुजु खः, अथे हे व वनय् भगवान बुद्ध थिना च्वन ।

५. बुद्धरश्मि (बुद्धया जः) वनं पिने नं उखे-थुखे प्याहाँ वना छरेजुया च्वनी । र्वः-रुवः लाःगु (चाःकलागु) प्यखेरं छरे जुया च्वंगु उगु वर्ण (जः) खनाः जिगु मन लय्तका ।

६. पूजा (दान) यायेत उखे-थुखे स्वयाच्वनागु देवगन्धं युक्तगु (देव स्वांथें नस्वागु) कणिका स्वां जिं खना । अनं स्वःफवः स्वांत थ्वया हयाः श्रेष्ठम्ह

बुद्धयात पूजा याना ।

७. उबले हे जिं पूजा यानागु उगु स्वांत स्वःफवः भगवान् बुद्धया आनुभावं च्वये दँ व क्वय्पाखे हः जुया लाँ थें शास्तायात किचः जुयाच्वन ।

८. बांलाक यानागु, मन स्वां ह्वयेका यानागु उगु भिंगु कर्मया कारणं थ्व मनुष्य देह (थ्व शरीर) त्वताः जि तावतिंस देवलोके (जन्म का) वना ।

९. जित अन (देवलोके) बांलाक दयेका तःगु विमान दयाच्वन । व विमान “कणिका” नामं सियाच्वन । व विमान ख्वीगु (६०) योजन तःजा अले स्वीगु (३०) योजन तःव्या जू ।

१०. (उगु विमाने) द्वच्छिगु भाग दु । सच्छिगु चाःकलागु छ्यैग्वतः दु । यक्व ध्वजात दु । सकतां लुँ सिया तःगु दु । जिगु उगु विमाने छगू लख भ्याः, लुखात उत्पन्न जुयाच्वन ।

११. अन मःदुथाय् मःदुकथं लुँ, रत्न, पदमणी माणिकत दुगु खाता त मेच त नं दयाच्वनी ।

१२. नाइसे च्वंगु कपाय् दुगु, च्वयेसँ दुगु नाइसे च्वंगु तन्ना दुगु, अले अथे हे नाइसे च्वंगु फवंगात नं दुगु महार्घगु घनिगु थाय् दयाच्वन ।

१३. अजागु थःगु भवनं प्याहाँ वनेबले, चाःहिले बले, गुबले थःत इच्छा जुइगु खः उबले हे देवगणपिसं जित चाःहुइकाः च्वनी ।

१४. जि न्ह्याबले स्वांया क्वे च्वनिम्ह जुयाच्वन । जिगु छ्योया च्वये स्वांया लाँ दयाच्वनी । व लाँ सच्छिगु योजनया कणिका स्वांनं त्वपुना तःगु जुइ ।

१५. ख्वीद्वंगु बाजं खलः तेसं सुथय् संध्याइले उपस्थान याइ । चाःन्हि मधासे अल्लि मचासे न्ह्यावलें जित चाःहुइकाः च्वनी ।

१६. अन जि नृत्य (प्याखँ) म्यें, तालँ बाजँ आदि पाखें न्ह्याइपुका च्वना । जि काम सम्पत्ति यम्ह जुयाः रति सुखे यइपुका च्वना ।

१७. अन जि नयाः, त्वनाः नं सुखी जुयाच्वना । अप्सरापिं नापं उत्तमगु उगु विमाने न्ह्याइपुका च्वना ।

१८. जि न्यासः तक ला देवतापिनि नं जुजु (इन्द्र) जुया । स्वसः तक ला

चक्रवर्ति जुजु जुया । जि प्रदेशया जुजु जुयागु ला यक्व हे जुल । ल्याखँ अल्याख्य जुल ।

१९. भवं भवे (जन्म जन्मान्तर) चाःहिला च्वनावले महानगु भोग सम्पत्ति जिं प्राप्त याना च्वना । भोग सम्पत्तिइ गुबलें हे कमि (मगा) मजु । थ्व (उबले या) बुद्धपूजाया फल खः ।

२०. उबले निसें जि निगू हे जक भवे चाःहिला च्वनाम्ह जुया; देवलोके वा मनुष्य लोके, मेगु गति (लोक) जिं मसिल । थ्व बुद्धपूजाया फल खः ।

२१. किसि-रथ, सल-रथ, सिविका, सन्दमाणिक आदि सकतां जिं प्राप्त याना च्वनी । थ्व नं उगु बुद्धपूजाया हे फल खः ।

२२. दासि-पुचः दास-पुचः (ज्याःयाइपिं) बांलाक समाः याःपिं मिसापिं आदि सकतां जिं प्राप्त याना च्वनी । थ्व नं उगु बुद्धपूजाया फल खः ।

२३. कपाय्-वसः, भुवा-वसः, कमाल-वसः व कोसं-वसतः सकतां (प्रकारया कापः/वसः) जिं प्राप्त याना च्वनी । थ्व नं उगु बुद्धपूजाया फल खः ।

२४. न्ह्याबले न्हुगु वसतः न्हुगु (ताजागु) फलफुलत, अग्रगु ताजागु साःगु (रसं जागु) नःसा (भोजन) आदि सकतां जिं प्राप्त याना च्वनी । थ्व नं बुद्धपूजाया फल खः ।

२५. थ्व नयेगु, थ्व भोजन यायेगु, त्वनेगु थुगु खाताय् चनेगु आदि कथं सकतां जिं प्राप्त याना च्वनी । थ्व नं बुद्धपूजाया फल खः ।

२६. दक्व थासय् जितः माने (पूजा) याई । जिगु यशकीर्ति तःजा जुया (फै ले) जुयाच्वन । न्ह्याबले महापरिषद (समूह) दयाच्वन । न्ह्याबले विभाजित मजुइपिं ज्ञाति समूह दयाच्वन । जि थःथितिपिन्त भिंम्ह, उत्तमम्ह जुयाच्वन । थ्व नं बुद्धपूजाया फल खः ।

२७. (यक्व) चिकुइगु (ख्वाउँसे च्वनिगु), (यक्व) ताँःन्वइगु धैगु जिं मस्यु । दाह जुइगु धैगु मस्यु । अथे हे चैतसिक (चित्ते) दुःख धैगु मने गुबलें उत्पन्न मजु ।

२८. न्ह्याबलें सुवर्णवर्णम्ह जुयाः थ्व संसारे चाःहिला च्वना । गुबलें अवर्ण (मभिंगु वर्ण दुम्ह) म्ह ज्वीगु जिं मस्यु । थ्व नं बुद्धपूजाया फल खः ।

अपदान पालि

२९. कुशल मुलं चोदितम्ह जुया: (कुशल पुण्य सिधम्ह जुया) देवलोकं च्युत जुया: (मनुष्य लोके) श्रावस्ति नगरे महानगु महासाल कुलय् जन्म जुया ।

३०. पंचकाम सम्पत्ति त्वता: अनगारिक जुया: प्रव्रजित जुया । जन्म न्हेगूगु वर्षे अर्हत जुया ।

३१. (ज्ञां) मिखा दुम्ह बुद्धं (जिगु) गुण म्हसिका जित: उपसम्पदा (भिक्षु) याना विज्यात । ल्याय्म्हबले हे पूजा याये योग्यम्ह जुया । थ्व नं बुद्धपूजाया फल ख: ।

३२. विशुद्धगु दिव्यचक्षु प्राप्त जुल । जि समाधि (ध्यानय्) दक्षम्ह जुल । अभिज्ञा ज्ञाने साक्षात्कारम्ह जुल । थ्व नं बुद्धपूजाया फल ख: ।

३३. प्रतिसम्भिदा ज्ञान नं प्राप्तम्ह जुया । ऋद्धिपादे नं दक्षम्ह जुया । धर्मे नं पारमी पुरायाम्ह जुया । थ्व नं बुद्धपूजाया फल ख: ।

३४. स्वीद्वगू कल्प न्हापा गुगु बुद्धपूजा यानागु ख: गुबलें दुर्गति धैगु मस्यु । थ्व बुद्धपूजाया हे फल ख: ।

३५. क्लेशत नष्ट जुल । दक्व भवत हानापं ल्यैथन । किसिं थें बन्धन चफुना: अनाश्रवम्ह जुया वास याना ।

३६. एकान्तं हे श्रेष्ठम्ह बुद्धयाथाय् जिगु सम्प्राप्ति जुगु जुल । त्रिविद्या प्राप्तम्ह जुल । बुद्धशासन चिरस्थायी जुल ।

३७. प्रतिसम्भिदा ज्ञान प्यंगू, विमोक्ष ज्ञान च्यागू, अभिज्ञा ज्ञान प्यंगू साक्षात याना । बुद्धशासन चिरस्थायी याना ।

थुकथं आयुष्मान उत्तर स्थविरं थुपिं गाथात धया विज्या:गु जुल ।

उत्तरत्थेरत्थेरापदान खुगूगु क्वचाल ।

५५७. अपरउत्तरत्थेरापदान

१. लोकया नाथम्ह सिद्धार्थ भगवान बुद्ध लोकया नाथम्ह, परिनिर्वाण जुबले जिं जिमिं थ:थितिपिं अन मुंका धातुपूजा याना ।

अपदान पालि

२. थनिं ग्वीप्यंगू कल्प न्हापा गुगु धातुपूजा यानागु खः व कारणं दुर्गतिं धै गु मस्यु । थ्व धातुपूजाया फल खः ।

३. जिगु क्लेशत नष्ट जुल । दक्व भवत हानापं ल्यैथन । किसिं थें बन्धन चफुनाः आनाश्रवीम्ह जुया वास याना ।

४. एकान्तं हे जिगु बुद्धयाथाय् भिं आगमन (संप्राप्ति) जुगु जुल । त्रिविद्या प्राप्तम्ह जुल । बुद्धशासन चिरस्थायी याम्ह जुल ।

५. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात यानाम्ह जुल । बुद्धशासन नं चिरस्थायी यानाम्ह जुल ।

थुकथं आयुष्मान अपरउत्तर स्थविरं थुपिं गाथात धया विज्याःगु जुल ।

अपरउत्तरत्थेरापदान न्हेगू क्वचाल ।

५५८. भद्दजित्थेरापदान

१. नानाथरिपिं किसितेसं छयला च्वंगु पुखुलिइ नय् पित्यागुलिं अन क्वाहाँ वनाः पलेस्वां आलु लिक्कनाः च्वनाम्ह जिं.....

२/३. उगु इलय् पदुमुत्तर नांयाम्ह भगवान बुद्ध ह्यांउगु आकाश धारण यानाच्चम्ह थें चीवर संकु संकु आकाशं विज्याना च्वंगु जुल । उबले जिं (अथे विज्याना च्वंगु) सः ताया । अले जिं च्वय् आकाशे स्वयावलय् लोकनायकम्ह भगवान बुद्धयात खना ।

४. अन हे च्वना (व पुखुलिइ हे) लोकनायकम्ह वस्पोल भगवान बुद्धयात (थथे) प्रार्थना याना – “(ज्ञां) मिखा दुम्ह भगवान् बुद्धं जितः अनुकम्पा तयाः पलेस्वां-आलु, कस्ति, घ्यः, पलेस्वां-दँ आदि कया विज्याहुँ ।”

५. उबले हे महायशकीर्ति दुम्ह कारुणिकम्ह शास्ता (आकाशं) क्वाहाँ विज्यानाः जिगु भिक्षा ग्रहन यानाः कया विज्यात । ((ज्ञां) मिखा दुम्ह सम्बुद्धं जितः अनुकम्पा तया विज्यात । भिक्षादान कया विज्यासेलिं थुकथं अनुमो दन याना विज्यात ।

६. महापुण्य दुम्ह जुइमा ! सुखीम्ह जुइमा ! छंगु गति (यात्रा) समृद्ध जुइमा ! थुगु पलेस्वां-आलु दानं तःधंगु सुख प्राप्त जुइमा !

अपदान पालि

७. अनलि जिं नं पलेस्वां-आलु ज्वना थःगु आश्रमे हे ल्याहा वया । व आलु सिमाय् यःखाना जिगु (उगु) दानया बारे लुमंका च्वना ।

८. अनलिपा तःधंगु हुरी वया व वन-जंगल छगुलिं संकल । आकाशे नं नः न्यात । उबले चट्याङ्ग नं परे जुल ।

९. व चट्याङ्ग कुतुं वया जिगु छयने ला वल । अन हे फेतुना च्वनाम्ह जि याउँक हे सिना वना ।

१०. पुण्य कर्म युक्तम्ह जि तुसित देवलोके जन्म का वना जिगु उगु (मनुष्य) शरीर कुतुंवन (मन्त) आ जि देवलोके न्ह्याइपुका च्वना ।

११. चयखुद्वपिं बांलाक छायापा तःपिं मिस्तेसं (देवीपिसं) जितः सुथय् सनिलय् उपस्थान (सेवा) याना च्वनी । थ्व आलु दानया फल खः ।

१२. हानं मनुष्य लोकय् (जन्म का) वया उबले नं जि सुखीम्ह जुयाच्वना । भोगसम्पत्तिइ छु नं कमि मद्दु । थ्व आलु दानया फल खः ।

१३. देवतापिनि नं देव जुया बिज्याःम्ह तादि (कम्पा मजुइगु) गुण युक्तम्ह वस्पोल भगवान् बुद्धया अनुकम्पां याना (जिगु) दक्व आश्रवत (क्लेशत) क्षय (नष्ट) जुल । आ हानं मेगु भव (जन्म) मन्त ।

१४. थनिं छगू लख कल्प न्हापा उबले जिं गुगु आलु (फल) दान बियागु खः व कारणं दुर्गति धैगु मसिल । थ्व व आलु (फल) दानया फल खः ।

१५. जिगु क्लेशत नष्ट जुल । दक्व भवत हानापं ल्यैथन । किसिं थें बन्धन चफुनाः अनाश्रवीम्ह जुया वास याना ।

१६. एकान्तं हे श्रेष्ठम्ह बुद्धयाथाय् जिगु भिं सम्प्राप्ति जुल । त्रिविद्या प्राप्तम्ह जुल । बुद्धशासन चिरस्थायी जुल ।

१७. प्यंगू प्रतिसम्भिदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात याना कया । बुद्धशासन नं चिरस्थायी याना ।

थुकथं आयुष्मान भद्दिजि स्थविरं थुपिं गाथात धया बिज्यात ।

भद्दिजित्थेरापदान च्यागू क्वचाल ।

५५९. सीवकत्थेरापदान

१. भिक्षाया लागि चाःहिला विज्याना च्वम्ह महर्षिम्ह विपश्वी भगवान बुद्धया खालिगु पात्र खनाः जिं कुम्मास फलं जायेका बिया ।

२. थनिं चयग्वीक्वगू कल्प न्हापा गुगु फल भिक्षा दान बियागु खः व कारणं दुर्गति धैगु मस्यु । थ्व कुम्मास फल दानया विपाक खः ।

३. जिगु क्लेशत नष्ट जुल । दक्व भवत हानापं ल्यँथन । किसिं थं बन्धन चफुनाः अनाश्रवीम्ह जुया वास याना ।

४. एकान्तं हे जिगु श्रेष्ठम्ह बुद्धयाथाय् भिंगु आगमन जुल । त्रिविद्या प्राप्तम्ह जुयाच्चना । बुद्धशासन नं चिरस्थायी याना ।

५. प्यंगू प्रतिसम्भदा ज्ञान, च्यागू विमोक्ष ज्ञान, खुगू अभिज्ञा ज्ञान साक्षात याना । बुद्धशासन नं चिरस्थायी याना ।

थुकथं आयुष्मान सीवक स्थविरं थुपिं गाथात धया विज्यात ।

सीवकत्थेरापदान गुंगू क्वचाल ।

थुकथं बुद्ध अपदान, प्रत्येक बुद्ध अपदान व थेर अपदानत समाप्त जुल ।

Dhamma.Digital